


ჩინებოზ აითეატოვი

და დღე იყო
უფრო
გრძელი
ნუთისოვალზე



ჩინებოზ აითმატოვი

და დღე იყო უფრო
გრძელი
წუთისოფელზე





სარჩევი

თავი 1.	5
თავი 2.....	31
თავი 3.	57
თავი 4.	75
თავი 5.	109
თავი 6.	151
თავი 7.	183
თავი 8.	205
თავი 9.	248
თავი 10.....	368
თავი 11.....	379



წიგნი ესე - არს მაგიერი ჩემი სხეულის,
სიტყვა ესე - არს მაგიერი ჩემი სულისა...

გრიგორი ნარეკაცი,
„წიგნი ჭმუნვისა“, X საუკუნე

თავი 1.

დიდი მოთმინება სჭიროდა ამ გადამხმარ ღრანტეებსა თუ დახრუკულ-გაქუცულ ხევხუევებში საკბილო ძებნას. მელაც ხან სუნსულ-სუნსულით მისდევდა პანია, მიწაჩიჩქნია ნადირის რეტის დასხმამდე დახვანჯულ ფაცაფუცა ნაკვალევს, ხან გამწარებით თხრიდა და თხრიდა ზაზუნას სოროს, ხან კიდევ ძველი ნაღვა-რევის ზროს ქვეშ მიმალული, ელოდა, როდის გამოხტებოდა ღია ადგილზე ერთი ციცქნა მიწის კურდღელი, თათი რომ დაეკრა და მიწაზე გაებრტყელებინა. ასე ნელინელ და შუეუზოვრად მიიწევდა მშიერი მელა იმ ლარივით გაჭიმულ, შავად მზირალ მიწაყრილი ზოლისკენ, რომელიც თან აფროთხოვდა და თან იზიდავდა. ზათქით, ზრიალით დაგრიალეზდნენ იქ მატარებლები, აზანზარებდნენ ირგვლივ მიდამოს და მათგან დარჩენილ კვამლსა და ხრაკს "შერეულ ფრიად გამალიზიანებელ ნაირ-ნაირ სურნელს ქარი მორეკავდა, ქარი მოაქანებდა მერე მიწა მიწა.

შებინდებისას სატელეგრაფო ხაზის შორიახლო ხევში განვა მელა, იქ ხშირი და მაღალი, ძირშემხმარი ლოლო აყრილიყო. შავ-წითელა თესლით დახუნძლულ ღეროებთან მოწითალო-მოყვითალო გორგლად მოიკეცა და დაღამების მოლო-

დინში ქვენა ქარის ზუზუნს აყურადლებდა მქისედ მოშრიალე მკვდარ ბალახებში. მოსაბეზრებლად ზუოდნენ ტელეგრაფის ბოძებიც, თუმცა მელას ბოძებისა არ ეშინოდა, დღენიდაგ ერთ ადგილს დარჭობილიყვნენ, უკან არავის მისდევდნენ.

მაგრამ დროდადრო ჩავლილ მატარებელთა გამაყრუებელ გრიალზე კი უნებურად მთელი ტანით კრთოდა და იძაბებოდა. მაღალი სხეულის ნეკნებითაც კი გრძნობდა, რა შემზარავი ძალისა იყო მატარებლის დამთრგუნველი სიმძიმე და გამშაგებული ძრაობა. თუმცა მაინც სძლევდა შიშსა და ზიზღს ამ უცხო-უცხო ამბრებისადმი, ფეხს არ იცვლიდა, იმ ჟამს ელოდა, თავისეულს, როცა ღამით ლიანდაგებზე სიმშვიდე გამეფდებოდა.

აქაურობას ძალზე იშვიათად აკითხავდა ხოლმე, აკითხავდა მხოლოდ მაშინ, როცა შიმშილი მეტისმეტად შეაწუხებდა.

ჩაივლიდნენ მატარებლები და ტრამალზე უეცარი სიჩუმე ისაგურებდა. როგორც ზვავის ჩამონოლის შემდეგ. ამ სიჩუმეში კი რაღაც გაურკვეველი, მოდარაჯე ჩქამი ესმოდა, ბინდში გახვეულ ტრამალზე რომ სადღაც მაღლით ფრენდა ჰაერში და არა საგანსა და არა სულდგმულს არ ეკუთვნოდა. ეს ჰაერის ნაკადთა თამაში იყო, ეს ამინდის მაღიად შეცვლას მოასწავებდა. მხეცი გუმანით გრძნობდა ამას, სიმწრით ქვაფდებოდა, ერთი სული ჰქონდა მთელი ხმით ეყმუვლა, რაღაც საყოველთაო უბედურების გაურკვეველი წინათგრძნობა იტანდა, მაგრამ შიმშილი ბუნების ამ გამაფრთხილებელ ძახილსაც აშთობდა.

ასე იწვა მელა, დაბეჟილ თითისგულებს ლოკვით იამებდა და მხოლოდ ჩუმ-ჩუმად წკმუტუნებდა.

ამ დღეებში მიმწუხრისას უკვე ციოდა, შემოდგომა ახლოვდებოდა. ღამღამობით სწრაფად ჰკარგავდა მიწა სითბოს და ალიონზე ტრამალს მლაშობის დარად მოთეთრო, უდღეური

ჭირხლი გადაეკროდა. მალე დადგება დუხჭირი, გაუხარელი ხანი ტრამალის ნადირისათვის. ზაფხულობით ისედაც ცოტა იყო ამ მხარეში ნადირი, ახლა კი სულ აღარ ჭაჭანებდა - ვინ თბილ ქვეყნებს მიაშურა, ვინ სოროში შეძვრა, ვინ ქვიშნარებში დაიღობინა. ახლა ყველა მელას თავისით უნდა ეძია სარჩო, კიკოსავით ეძუნძულა ტრამალში, თითქოსდა პირნმინდად ამომწყდარიყო ქვეყნად მელების მთელი მოდგმა. იმ წლის ლეკვობა უკვე დაიზარდა და სხვადასხვა მხარეს გაიფანტა, ხოლო მძუნაობის ჟამი, როცა მელიები ყოველი მხრიდან მოეშურებიან ხოლმე ახალ-ახალი შეხვედრებისათვის, როცა ხვადები ისეთი ძალით დაერევიან ერთმანეთს, რა ძალაც ქვეყნიერების დასაბამიდან მიმადლებია სიცოცხლეს, ჯერ კიდევ არ დამდგარიყო...

დადგა ღამე და მელაც ამოიძურნა ხელიდან. ერთხანს იდგა დაყურადებული და მერე რკინიგზის მიწაყრილისკენ გაცუხცუხდა. უხმაუროდ გადარბოდა ლიანდაგიდან ლიანდაგზე, აქ ეძებდა მგზავრების მიერ ფანჯრებიდან გადმოყრილ საჭმლის ნარჩენებს. დიდხანს იძუნძულა ასე ფერდო -ფერდო, დიდხანს ყნოსა გამაღიზიანებელი თუ გულისამრევი ამბრის მქონე რამე-რუმეები, იქნებ ოდნავ მაინც სახეიროს წავაწყდეთ. მატარებლების მთელი სავალი გზა ქალაქის ნაფხრენებს, დაჭმუჭნილ გაზეთებს, დამტვრეულ ბოთლებს, პაპიროსის ნამწვებს, დაწყლეთილ კონსერვის ქილებსა თუ სხვა ურვის ნაგავს მოეფინა. მეტადრე საზიზღრად ჰყარდა დამტვრევას გადარჩენის ბოთლების ყელი, ბანგის სუნი მოდიოდა მათგან. ერთი-ორჯერ რომ დაეხვია თავბრუ, მერე აღარც გაჰკარებია, აღარ უსუნთქავს ეს სპირტიანი ჰაერი, მყისვე ფრუტუნით გახტებოდა ხოლმე განზე.

ის, რაც სჭიროდა, რისთვისაც ამდენი ივავივავლახა, რის გამოც დათრგუნა და ჩაიკლა შიში, თითქოს მის ჯიბრზე აღარსად ჩანდა. მაგრამ საკბილოს შოვნის იმედი შეუჩერებლივ მი-

არბენინებდა რკინიგზაზე და წარამარა მიწაყრილის გაღმა-გამოღმა აშლივინებდა.

ანაზღად მელა გაილურსა, წინა თათი ზევით ასწია, თითქოს რალაც უგრძნო ტანმაო, აჩრდილივით უძრავად იდგა რელსებს შუა. გვეგონებოდა, ნისლიდან მზირალ მთვარის ალისფერ შუქს შერევიანო. შორეული გუგუნის ხმა, ყურები რომ დააცქვეტინა, არა და არ ქრებოდა, ჯერ კიდევ კარგა შორს იყო. კუდი გვერდზე მოიქნია. ყოყმანით იცვალა ფეხი მელამ, გზიდან გაცლა დააპირა, მაგრამ ნაცვლად ამისა ანაზღად აწრიალდა. ფერდობზე შლივინს მოჰყვა, კიდევ არ წარკვეთოდა იმედი, რამეს ვინც წავანყდებო. გუმანი კარნახობდა - სადაცაა საკბილოს ნახავო. თუმცალა შორიდან უკვე განურინებლად მოექანებოდა რკინის ღრჭილისა და ასეულ ბორბალთა რახრახის თანდათან მოძალებული მრისხანე ხმა. მელა რალაც წამით შეყოვნდა. მაგრამ ეს წამი საკმარისი გამოდგა, რეტდასხმულ ფარვანასავით აწრიალებულიყო, როცა მოსახვევიდან გზა გასერა შეწყვილებულ ლოკომოტივთა ახლო თუ შორეულმა სინათლემ, როცა მძლავრმა პროჟექტორებმა გააჩახჩახეს, ხეს წინმდებარე მიდამო, წამიერად გადაათეთრეს ტრამალი და ულმობლად აშიშვლეს მისი მკვდარი ნიადაგი. მატარებელი კი შემმუსვრელი ძალით მირახრახებდა რელსებზე. ჰაერში ხრაკის მძაფრი სუნი და მტვერი დატრიალდა, ქარმა დაქშუვლა.

მელა მოწყდა ადგილს და კისრისტეხით მოჰკურცხლა, წარამარა უკან იხედებოდა, შიშით მიწას აკვდებოდა. ურჩხული კი დიდხანს მიქროდა შუქის ბღღვიალით, დიდხანს, დიდხანს მიგრიალებდა ბორბლების რახრახით. მელაც წამოხტებოდა და ხელახლა გარბოდა, გარბოდა, რაც ძალი და ღონე ჰქონდა...

მერე, როგორც იყო, მოითქვა სული. მოითქვა და ისევ უკან, რკინიგზისკენ გაუწია გულმა შიმშილის დასაოკებლად. მაგ-

რამ წინ ისევ აბღღვიალდა შუქი. ისევ გამოჩნდა შეწყვილებული ორთქლმავლები, დატვირთულ ვაგონთა მწკრივი.

მაშინ გადაწყვიტა შორით მოეწვლო ტრამალი, იმ ადგილას გამოსულიყო, სადაც მატარებლები არ დადიოდნენ...

მატარებლები ამ მხარეში აღმოსავლეთიდან დასავლეთით, ხოლო დასავლეთიდან აღმოსავლეთით მიგრიალებდნენ...

რკინიგზის გაღმა-გამოღმა უზარმაზარი უკაცრიელი სივრცე - სარი-ობექი გადაჭიმულიყო, ყვითელ ტრამალთა შუაგულ მინები.

ამ მხარეში ყველა მანძილი გრინვიჩის მერიდიანის დარად, რკინიგზასთან მიმარჯვებით იზომებოდა...

მატარებლები კი აღმოსავლეთიდან დასავლეთით, ხოლო დასავლეთიდან აღმოსავლეთით მიგრიალებდნენ.

შუალამისას ვილაც დიდხანს, ჭიუტად მოისწრაფოდა მების ჩიხურისაკენ. ჭერ ლიანდაგ-ლიანდაგ. მერე, როცა შემხვედრი მატარებელი გამოჩნდა, დაბლა, მიწაყრილის ფერდობზე ჩაინაცვლა. მოაბიჯებდა ხელეზაფარებული, თითქოს ქარბუქი ყოფილიყო, თუმცაღა ქარი და მტვერი ჩქარ საბარგო მატარებელს აეყენებინა (ამ ლიტერის მატარებელს მწვანე გზა ჰქონდა ხსნილი – იგი საგანგებო დანიშნულებისა იყო და შემდეგ სარი-ობექი-ის დახურული ზონის ცალკე შტობზე გადავიდოდა - იმათ იქ თავისი სალიანდაგო სამსახური ჰქონდათ - ხოლო იქიდან კოსმოდრომისკენ გასწვდა. ერთი სიტყვით, იმიტომაც იყო ერთიანად ბრეზენტით შეფუთული, ბაქნებზე კი სამხედრო ყარაული იდგა). ედილეიმ უმაღ იაზრა, რომ ცოლი მოისწრაფოდა მისკენ, მოისწრაფოდა რაღაც საჭირბოროტო საქმეზე, თო-

რემ ისე არ წამოვიდოდა. ასეც გამოდგა. მაგრამ ბოლო ვაგონის ჩავლამდე ედილეი ფეხს ვერასგზით ვერ მოიცვლიდა. ჰოდა, როცა მან და კონდუქტორმა ფარნებით ამცნეს ერთმანეთს, გზად ყველაფერი რიგზეაო, მაშინლა მობრუნდა და, ტვინისწამლები ხმაურისაგან ლამის დაყრუებულმა, მოახლოებულ ცოლს უთხრა:

- რა მოხდა?

ქალმა შიშით შეხედა და რაღაც თქვა. ედილეიმ ვერ გაიგონა, მაგრამ მიხვდა კია - ასეც ეგონა.

- წამო, აქ ქრის, - ედილეიმ ცოლი ჭიხურში შეიყვანა.

ვინემ ცოლი იმას ეტყოდა, რაც თავად გულმა უაზრა ედილის, იმ წუთს სულ სხვა რამ გრძნობამ შეჰზარა: ქალს სწრაფად ევლო და სულს ძლივს ითქვამდა, ხიხინით და ხრინნით სუნთქავდა, გამხდარი მხრები უჩვეულოდ მალლა აუდიოდა. თუმცა ადრევე ჰქონდა ნაგრძობი, რომ სიბერემ უკვე უწია, ახლა რატომღაც გული დაეწვა ცოლის გამო. თეთრად შეფეთილ პატარა, ჭიხურში სინათლე ძალუმ ჩახჩახებდა და მკაფიოდ აჩენდა უქუბალას ჩალურჯებულ ლოყებზე ან სამუდამოდ ღამჩნეული ნაოჭების ღარს (არადა, რა გადატკეცილი ხორბლისფერი პირისკანი ჰქონდა, რა ბრჭყვიალა შავი თვალები). ხოლო ჩავარდნილ, ტუჩ-პირმა ერთხელ კიდევ ცხადყო, რომ სიბერეშიაც კი ქალი, უკბილოდ არ უნდა დარჩეს (აქამდეც უნდა წაეყვანა სადგურზე კბილების ჩასასმელად. ახლა დიდი თუ პატარა რომ იკეთებს). გადაცურებულ თავშლიდან გამოჩნწილმა სულმთლად გთეთრებულმა თმამ კი მწარედ ატკინა გული. „ვაი, რა დამიბერდი“, - შეიცოდა გუნებაში ცოლი და დანაშაულის გრძნობამაც გაჰკენწლა, ამიტომაც უფრო მეტი მადლიერებით აეგსო გული იმის გამო, რაც ამ ხნის მანძილზე ერთად განეცადათ, მეტადრე კი იმისთვის, რომ ამ ღამეში არ დაიზარა და რკინიგზის ასაქცე-

ვის ყველაზე შორეულ წერტილში გამოიქცა, რადგან იცოდა, რა დიდ რამეს ნიშნავდა ეს ამბავი ედილესთვის. გამოიქცა, რათა ქმრისთვის ემცნო საცოდავი ყაზანგაპის სიკვდილი, უპატრონოდ რომ ამოძვრა სული თავის ცარიელ, თიხით შეგლესილ ქოხში; ვინაიდან იცოდა - ამქვეყნად მარტო ედილეი მიიტანდა გულთან ყველასგან მიტოვებული მოხუცს სიკვდილს, თუმცა მიცვალებული მისი ქმრის არც ძმა იყო და არც ნათესავი.

- დაჯე. სული მოითქვი, - უთხრა ედილემ ჯიხურში შესვლისას.

- შენც დაჯექი.

ორივენი დასხდნენ.

- რა იყო?

- ყაზანგაპი მოკვდა.

- როდის?

- აი, ახლახან შევაკითხე. ვიფიქრე, როგორაა, ხომ არაფერი სჭირდება-მეთქი. შევედი, სინათლე ანთია, თავის ადგილზე წევს, ოღონდაც წვერი აუშვერია მალლა. მივედი ახლოს, ყაზაქე, ცხელ ჩაის ხომ არ ინებებ-მეთქი, ის კი უკვე აღარაა ამქვეყნად.

- უქუბალას ხმა ჩაუწყდა, განითლებულ, გალულ ქუთუთოებზე ცრემლი მოადგა, წაისლუკუნა და ჩუმად ატირდა. - აი, როგორ დაასრულა წუთისოფელი. არადა, რა კაცი იყო! ვინ იფიქრებდა, რომ თვალის დამხუჭველი არავინ ეყოლებოდა, - იმდურებოდა ქალი, - ისე ამოხდებოდა სული... - როგორც უპატრონო ძაღლსო, უნდოდა ეთქვა, მაგრამ აღარ თქვა უქობალამ, არ ღირდა იმის თქმა, უთქმელადაც აშკარა იყო.

მოლუშული იჯდა ბურანელი ედილეი (ასე შეარქვეს ამ მიდამოში ომიდან დაბრუნების შემდეგ. როცა ბორანლი-ბურანის ასაქცევზე დაიწყო მუშაობა), დაკორძილი მძიმე ხელები მუხ-

ლებზე დაეწყო, საკმაოდ გაზეთილი და გაცვეთილი რკინიგზელის ქუდი თვალებზე ჩამოეფხატა. ნეტა რაზე ფიქრობდა?

- ახლა რა ვქნათ? როგორ მოვიქცეთ? - წაილაპარაკა უქუბალამ.

ედილიმ თავი ასწია, მწარე ღიმილით შეხედა.

- როგორ მოვიქცეთ? როგორც ასეთ დროს იქცევებიან! უნდა დავმარხოთ, - ედილეი წამოდგა. ეტყობა, გულში უკვე გადაეწყვიტა ყველაფერი. - შენ ახლავე გაბრუნდი უკან. მანამდე კი მისმინე, რასაც გეტყვი.

- ჰო, გისმენ.

- ოსპანი გააღვიძე. იმას ნუ მიხედავ, ასაქცევის უფროსი რომაა, სიკვდილის წინაშე ყველა ერთნი ვართ. უთხარი, ყაზანგაპი გარდაიცვალა-თქო. ორმოცდაოთხი წელი იმუშავა კაცმა ერთ ადგილას. ოსპანი ვინძლო დაბადებული არ იყო, ყაზანგაპმა რომ აქ მუშაობა დაიწყო. მაშინ აქ ძალღსაც ვერ მოიტყუებდი. იმდენ მატარებელს ჩაუვლია აქ მის წუთისოფელში, თმის ღერს ვერ დაუთვლიდი... ჰოდა, მოიფიქროს რამე, ასე გადაეცი. ჰო, აი, კიდევ რა..

- ჰო, გისმენ.

- სხვებიც გააღვიძე, ყველას სარკმელზე დაუკაკუნე, რა ბევრი ჩვენა ვართ - რვა კომლი ვიქნებით, თითებზე ჩამოსათვლელი... ყველანი ფეხზე წამოყარე. ასეთი კაცი რომ მოკვდება, ძილი რას მიქვია.

- რომ გამლანძლონ?

- ჩვენ შევატყობინოთ და მერე რამდენიც უნდა გვლანძლონ. ჩემზე თქვი, იმან დამავალა-თქო. ნამუსიც კაი საქონელია. დაიცა.

- რა იყო?

- ჯერ მორიგეს შეურბინე, დღეს შაიმერდენია დისპეტჩერად, უთხარი, ასეა და ასე-თქო საქმე, დაე მოიფიქროს, როგორ მოვიქცეო. ეგებ შემცველი მომინახოს ამ ჯერზე. თუ რამე გაახერხა, მაცნობოს. მიხვდი? ჰოდა, ასე უთხარი!

- ვეტყვი. ვეტყვი, – იძახდა უქუბალა და უცებ ენაზე იკბინა, თითქოს ისეთი რალაც დაავინწყდა, რისი დავინწყებაც არ ეპატიებოდა, – უიმე, მისი შვილები! აბა უყურე! პირველად იმათ უნდა ვაცნობოთ. მამა მოუკვდათ, სხვა რომ არა...

ედილეიმ ამ სიტყვებზე უამურად შეჰკრა წარბები, უფრო მეტოდ მოიშუშა, სიტყვა არ დაძრა.

- რაც უნდა იყოს, შვილი მაინც შვილია, - თითქოს თავი იმართლა უქუბალამ, თუმცა იცოდა, ედილეის მისი სიტყვები არც მაინცდამაინც ეჭაშნიკებოდა.

- ვიცი, ვიცი, - ხელი ჩაიქნია კაცმა, – გგონია, არ მესმის? საქმეც ეგაა, რომ მათ გარეშე არ შეიძლება, თორე, ჩემი ნება იყოს, ახლოსაც არ მოვუშვებდი!

- ეგ ჩვენ არ გვეკითხება, ედილეი, დაე, ჩამოვიდნენ და თვითონ დაასაფლაონ. ხომ იცი, მერე ხალხის ყბიდან ველარ ამოვალთ...

- მე რა, ხელს ვუშლი? ადგნენ და ჩამობრძანდნენ.

- ვაჟმა თუ ვერ ჩამოუსწრო ქალაქიდან?

- თუ მოინდომა, ჩამოუსწრებს. გუშინწინ სადგურზე რომ ვიყავი. ჩემი ხელით ტელეგრამა გაფუგზავნე, ასეა და ასე მამაშენი კვდება-მეთქი. მეტი რა უნდა! ჭკუის კოლოფად რომ მოაქვს თავი, ხომ უნდა მიხვდეს, ეს რას ნიშნავს...

- თუ ეგრეა, არა უშავს, - გაურკვეველად დაეთანხმა ქალი ედილეის მოსაზრებას, თუმცა რალაც ფიქრი, ეტყობა, მაინც აწვალეზდა. - კარგი იქნება, ცოლი ჩამოიყვანოს, რაც უნდა იყოს, მამამთილი მოუკვდა...

- ეს უკვე თვითონ გადანწყვიტონ. ამასაც ხომ ვერ ვუკარნანებ, ბალები კი არ მყვანან.

- ჰო, რასაკვირველია, - დაუკრა კვერი უქუბალამ, თუმცა ჭოჭმანით კი.

ცოლ-ქმარი გაჩუმდა.

- აბა, ნულა აყოვნებ, წადი, - მოაგონა ედიღეიმ.

მაგრამ ცოლს კიდევ დარჩენოდა სათქმელი.

- იმ უბედურმა აიზაბამ, მაგისმა ქალმა, სადგურზე რომ ცხოვრობს შვილებითა და იმ თავის გამოუსწორებელი ლოთი ქმრით, იმანაც ხომ უნდა ჩამოასწროს.

ედიღეის უნებლიეთ გაეღიმა, ცოლს მხარზე დაჰკრა ხელი.

-აბა იქოთქოთე ახლა შენებურად ყველას მაგივრად... აიზაბა აგერ ყურის ძირშია. დილას ვინმე გაუვლის სადგურზე, შეატყობინებს, რალა თქმა უნდა, ჩამოვა. ისე კი აიზაბასი და მით უმეტეს საბითუნის, თუმცა ვაჟი კია, დიდი იმედი ნუ გექნება. აი, ნახავ, ჩამოსვლით ჩამოვლენ. ნუ გეშინია, არ დაიკარგებიან, მაგრამ უცხო სტუმრებივით იქნებიან. ისევ ჩვენი დასამარხი გახდება. ასეა და რას იზამ... ახლა კი წადი და, რაც დაგიბარე. გააკეთე.

უქუბალამ ნაბიჯი გადადგა, წამით გაუბედავად შედგა და ისევ განაგრძო გზა. მაგრამ ედიღეიმ თვითონ მოაბრუნა.

- არ დაგავინწყდეს, ჯერ მორიგეს, შაიმერდენს შეუარე, ჩემ მაგივრად ვინმე გამოგზავნოს, ხომ იცი, არ შევირჩენ-თქო. სად ნახულა, მიცვალებული მარტო ესვენოს ცარიელ სახლში და გვერდით არავინ ჰყავდეს... ასე გადაეცი.

ცოლმა თავი დაუქნია და წავიდა. ამასობაში სადისტანციო ფარზე აზუზუნდა და წითლად აციმციმდა სიგნალიზატორი, ბორანლი-ბურანის ასაქცევს ახალი მატარებელი უახლოვდებოდა. მორიგის განკარგულებით იგი სათადარიგო ხაზზე უნდა გადაეყ-

ვანა, რათა შემხვედრი მატარებელი გაეშვა, რომელიც ასაქცევის შემოსასვლელის მეორე ბოლოში იდგა. ვინემ მატარებლები თავთავიანთ გზას მიუყვებოდნენ, ედილეი დროდადრო ლიანდაგის კიდეზე მიმავალ უქუბალას გაჰყურებდა, თითქოს რაღაცის თქმა დაავინყდაო. სათქმელი, იცოცხლე, ბევრი ჰქონდა. დასაფლავების წინ საქმეს რა გამოლევს, ყველაფერს ერთბაშად სად გაიხსენებ, მაგრამ ცოლს ამიტომ არ გაჰყურებდა. არა, სწორედ ახლა შეამჩნია გულმტკივნეულად, რარიგ მოკუბულიყო უქუბალა ამ ბოლო ხანს. რკინიგზის ნათურების მქრქალ, მოყვითალო სინათლეზე ეს უფრო აშკარად ჩანდა.

„მაშ, უკვე სიბერემაც გვინია, - გაიფიქრა მან. - ამასაც მოვესწარი - ორი ბებერი დავრჩით!“ თუმცა ჯერჯერობით ჯანს ვერ დაემდურება ედილეი, ჯერ ისევ ერჩის ღონე. მაგრამ ხანის საანგარიშობე ცოტა წლები როდი ჩამოიყარა - სამოცი და კიდევ ერთი, მაშასადამე, სამოცდაერთი. „გავა ორიოდე წელი და ეგებ კიდევაც მითხრან, პენსიაზე წადიო“, - დაცინვით ჩაილაპარაკა ედილეიმ. თუმცა იცოდა კია, რომ არც ისე მალე გავა პენსიაზე და არც ისე იოლად მონახავენ ამ მხარეში მის მაგიერს - ლიანდაგის დარაჯსა და გზის შემკეთებელ მუშას (მეისრედ მხოლოდ დროდადრო იყო, როცა ავად გახდებოდა რომელიმე მუშა ან შვებულებაში წავიდოდა). განა ვინ დახარბდება დამატებით გასამრჯელოს ამ გადაკარგულ, უწყლო მხარეში? მიდი და მოძებნე ასეთი ვინმე ახლანდელ ყმაწვილკაცებში.

სარობეჩის ასაქცევებზე კაცს თუ გულოვნება არ მოგდევს, ვერ გაძლებ, ვერა, დაილუბები. ტრამალი ვეებერთელაა, ადამიანი კი - პატარა. ტრამალი გულგრილია, უგრძობელი, მისთვის სულ ერთია, გიჭირს თუ გილხინს; უნდა შეურიგდე, შეეგუო ისეთს, - როგორიც არის. ადამიანისთვის კი სულ ერთი არაა, უჭირს თუ ულხინს ამ ქვეყანაზე, სულ იტანჯება. სულ ჰგონია,

სხვაგან, სხვა ხალხში მის ბედს ძალი არ დაჰყეფდა. აქ კი განგებამ შეცდომით გადმოაგდო... იმიტომაც ჰკარგავს თავის მეობას ამ ვეებერთელა, დაუნდობელი ტრამალის პირისპირ, განიმუხტება სიმამაცისგან შაიმერდენის სამბორბლიანი მოტოციკლეტის აკუმულატორივით. შაიმერდენი ხომ ისე დაჰკანკალებს თავის მანქანას, არც თვითონ ჯდება და არც სხვას სვამს. მანქანაც დგას და დგას უქმად. მერე კი აღარ იქოქება, როცა საჭიროა, თურმე დასაქოქი ძალა გამოლევია. ასე მოსდის ადამიანსაც საროზექის ასაქცევზე; საქმეს თუ არ მოეკიდა, ფესვი თუ არ გაიდგა, ტრამალს თუ არ შეეგუა - გაძლება გაუჭირდება. ზოგი ვაგონიდან გადმოხედავს აქაურობას, თავზე იტაცებს ხელს - ღმერთო, აქ როგორ ცხოვრობს ხალხი, ამ ტრამალებში, სადაც აქლემების მეტი არა ჭაჭანებს რაო! მაგრამ ცხოვრებენ კია, სანამდე ჰყოფნით გამძლეობა. ვინ სამი, დიდი-დიდი ოთხი წელი უძლებს - და მერე თამამ,¹ ანგარიშს გაასწორებს, დაჰკრავს ფეხს და სადმე შორს გასწევს...

ბორანლი-ბურანზე მხოლოდ ორმა მოიკიდა ფეხი სამუდამოდ- ყაზანგაპმა და ბურანელმა ედილეიმ. არადა, რამდენი ვინმე ჩამოვიდა და წავიდა ამასობაში! საკუთარი თავი ვის განუსჯია, ჰო, ცხოვრობდა, ფარ-ხმალს არ ჰყრიდა. აგერ ყაზანგაპმა ორმოცდაოთხი წელი იჯახირა აქ, განა იმიტომ, სხვებზე ნაკლები შნო მისცა ღმერთმა, ზოგიერთ ათ კაცში ერთ ყაზანგაპს არ გაცვლიდა ედილეი... ახლა კი აღარც ყაზანგაპია...

მატარებლებმა ჩაიარეს, ერთმა აღმოსავლეთს მიაშურა, მეორემ - (დასავლეთს. რამდენიმე ხნით დაცარიელდა ბორანლი-ბურანის ასაქცევი და თითქოს მაშინვე გაშიშვლდა ყოველივე - შავ ცაზე უფრო მეტად აკაშკაშა ვარსკვლავები, ქარმა უფრო

¹ მორჩა

მარდად გაინავარდა მინაყრილის ფერდობებსა და განძელებზე, სუსტად მოწვრიალე რელსებს შუა დაყრილ ხვინჭაზე.

ედილეი აღარ შებრუნებულა ჯიხურში. ბოძს მიეყრდნო და ფიქრებს მიეცა. შორს, მის პირდაპირ, რკინიგზის გადაღმა, მინდვრად მობალახე აქლემების უძრავი და გაშეშებული ლანდები ჩანდა მთვარის შუქზე, გადაღამებას ელოდნენ. იმათ შორის თავისი ორკუზიანი, დიდთავა ლიონი დაინახა - ყველაზე ღონიერი და ფეხმარდი აქლემი მთელ სარობეჭში. პატრონივით მასაც ბურანელ ყარანარს ეძახდნენ. ედილეი ამაცობდა ამ მართლაც გასაოცრად ღონიერი პირუტყვით, თუმცაღა ადვილი არ იყო მისი დამორჩილება და ჭკუაზე მოყვანა, რადგან ათანი იყო ყარანარი - ახალგაზრდობაში არ დაკოდა ედილეიმ და აღარც მერე უხლია ხელი.

სხვა სახვალთო საქმეთა შორის ისიც გაიხსენა ედილეიმ. რომ დილაადრიანვე უნდა მოაგდოს ყარანარი შინ, უნაგირი დაადგას. დასაფლავებაზე წასასვლელად დასჭირდება. სხვა საზრუნავიც ბევრი წამოაგონდა ედილეის...

ასაქცევზე კი ჯერაც მშვიდად ეძინა ხალხს. გზის ერთ მხარეს ბევრი წამოაგონდა ედილეის... მიყუჟულიყო სადგურის პატარა შენობები, შიფერის ერთნაირი ორფერდა სახურავებიანი მზა ფიცრებისაგან აწყობილი სახლები, რკინიგზის უწყებამ რომ დადგა, შემდეგ ედილეის სახლი, მისივე ხელით აშენებული, განსვენებული ყაზანგაპის მიწური და სხვა. დასხვა ნაგებობანი, ღუმელი, ფარდულები, ლელის საჩხეხეები კი რუტყვისა თუ სხვა რამ საჭიროებისათვის, შუაში კიდევ ქარისა თუ იგივე უნივერსალური ელექტრო და შიგადაშიგ ხელის წყლის საქაჩავი, ამ უკანასკნელ წლებში რომ გაჩნდა - ეს იყო და ეს ბორანლი-ბურანის მთელი დაბა.

ეს იყო და ეს ამ დიდ რკინიგზაზე, ამ დიადი სარობეის ტრამალზე პატარა შემაერთებელი რგოლი სისხლძარღვებით დატოტილი სხვა ასაქცევების, ჩვეულებრივი თუ საკვანძო სადგურებ-ქალაქებისა... ეს იყო და ეს, ქვეყნად ყველა ქარის სანავარდო ხელისგულივით გაშლილი ადგილი, მეტადრე ზამთრობით, როცა ბობოქრობს სარობეიქური ქარბუქები, სახლებს, ფანჯრებამდე მინამქრავს თოვლით, ხოლო რკინიგზას ყინულის გორებით ხერგავს... კიდევ იმიტომ ჰქვია ამ ასაქცევს ბორანლიბურანი და წარწერაც ორმაგი ჰკიდია. ბორანლი - ყაზახურად, ბურანი - რუსულად...

ისიც გაიხსენა ედიღეიმ, ვინემ გადასარბენზე ყველანაირი თოვლის საწმენდი მანქანები გაჩნდებოდა - ჰაერის ნაკადებით თოვლის დამცხრილავნი და სიგრძივი დანებით გვერდებზე გადამხვეტნი, თუ სხვა და სხვა - ისა და ყაზანგალი თოვლის ნამქერებს ლეანდაგებზე, შეიძლება ითქვას, ხელჩართული ეომებოდნენ. არადა, თითქოს სულ ახლახან იყო ორმოცდათერთმეტი და ორმოცდათორმეტი წლები - რა მძვინვარე ზამთარი იდგამაშინ. აი, ფრონტზე თუ იყო მხოლოდ ასე, როცა სიცოცხლე ერთჯერად საქმეს ეწირებოდა, ერთ იერიშს, ერთი ხელყუმბარის შეგდებას ტანკქვეშ... აქაც ასე იყო. მერე რა, რომ არავინ გკლავდა. სამაგიეროდ თვითონ იკლავდი თავს. რამდენი ნამქერი გადაუყრიათ ხელით, გაუთრევიათ სათრეველათი და ტომრებითაც კი აუტანიათ ზევით, მეშვიდე კილომეტრზე, სადაც გზა შუაში გაჭრილ გორაკის ძირს მისდევს, და ყოველთვის ეგონა, რომ ეს უკანასკნელი შებმა იყო ამ ბუქსა და ორომტრიალთან, რომ შეიძლება დაუფიქრებლად გასწირო თავი, ოლონდაც კი არ გაიგონო ტრამალზე ორთქლმავლების ბლავილი - გზა, გზა ჩქარაო!

მაგრამ ის თოვლი გადნა, იმ მატარებლებმა ჩაიარა, იმ წლებმა ჩაიქროლა... ახლა აღარავის აწუხებს ეს ამბები. იყო და არა იყო რა. ახლაც დროდადრო ჩამოივლიან ხოლმე გზათა უწყების ხმაურნიანი, ქოთქოთა ვაჟბატონები - საკონტროლო-სარემონტო ბრიგადები. იმაო ხომ არაფრისა სჯერათ და არაფერი სწამთ, ვერა და ვერ გაუგიათ, როგორ შეიძლება საროზეის ნამქერები რამდენიმე კაცს ნიჩბებით გაენმინდა გადასარბენზე! სასწაულია პირდაპირ! ზოგი აშკარად დასცინოდა: ნეტა რად გაინამეთ, რად მოიკალით თავი, რისი გულისთვის! ჩვენთვის რომ ეთქვათ - არამც და არამც არ ვაკისრებდით! დავკრავდით ფეხს და სხვაგან წავიდოდით, იმ დალოცვილ მშენებლობებსა თუ სადმე სხვაგან მივაშურებდით, სადაც წესიერი სამუშაო იქნებოდა. ამდენს ვიმუშავებ - ამდენი გადამიხადე. თუ საგანგაშოა რამე - ხალხი შეჰყარე, საზეგანაკვეთო ჩამოყაზე... „სულელები იყავით და მიტომაც კისერზე გასხდნენ, ეგრე სულელებად დაიხოცებით!..“

ამისთანა „გადამფასებლებს“ ყაზანგაპი ყურადღებას არ აქცევდა, გეგონებოდა, სულაც არ ეხებოდა ეს ამბავი, მხოლოდ ჩაიცინებდა. თითქოსდა რაღაც ისეთი იცოდა, რასაც ესენი თავის დღეში ვერ ჩახვდებოდნენ. ედილეი კი თავს ვერ იკავებდა, გაცეცხლდებოდა, პირში ეცემოდა ხოლმე და სისხლსაც ტყუილად იშრობდა.

არადა, მასა და ყაზანგაპს ხშირად ულაპარაკნიათ იმაზე, რასაც ახლა საკონტროლო-სარემონტო სპეცვაგონებით ჩამობრძანებული ეს ვაჟბატონები სასაცილოდ იგდებდნენ, ულაპარაკნიათ ბევრ სხვა რამეზე იმ წლებში, როცა ეს ჭკუის კოლოფები ალბათ ჯერ კიდევ უშარვლოდ დატანტალებდნენ. უფიქრიათ და განუსჯიათ ამ წუთისოფლის ავი და კარგი, სადამდეც ჭკუა გასწვდომიაო. (ცოტა დრო კი არ გამონლა ორმოცდახუთი წლის

აქეთ, მეტადრე მას მერე, რაც ყაზან-აპი პენსიაზე გავიდა. თუმცა ვერ წაუვიდა საქმე კარგად: ვაჟთან გადავიდა ქალაქში საცხოვრებლად და სამი თვის თავზე კი უკან დაბრუნდა. ბევრ რამეზე ილაპარაკეს მაშინ, როგორაა ეს ქვეყანა მოწყობილი. ბრძენი კაცი იყო ყაზანგაპი. ბევრი რამ მოაგონდება ედილეის... და უცებ ცხადად და საოცარი სიმწარით იგრძნო ედილეიმ, რომ ამიერიდან მოგონებადღა დარჩა ყაზანგაპი...

უცებ ყური მოჰკრა სალაპარაკო მიკროფონის ტკაცანს და ჭიხურს მიაშურა. თითქოს ქარი ქშუისო, ისე ამრიალდა და ამიშინ— და ეს სულელური ხელსაწყო.

- ედილეი, ალო, ედილეი, - წაიხრინინა შაიმერდენმა, ასაქცევის მორიგემ. - გესმის ჩემი? მიპასუხე!

- მესმის! მესმის!

- გესმის, ხომ?

- ჰო, ჰო, მესმის!

- როგორ გესმის?

- როგორც საიქიოდან!

- საიქიოდან ვითომ რატომ?

- რა ვიცი, ასე კია!

- ჰო... მაშასადამე, ბებერმა ყაზანგაპმა, ასე ვთქვათ...

- რა ასე ვთქვათ?

- რა და შენი ჭირი წაილო... - შაიდერდენი შეეცადა უფრო საკადრისი სიტყვა მოენახა - აბა, როგორ ვთქვა? მაშასადამე, დაასრულა თავისი წუთისოფელი.

- ჰო, - მოკლედ მოუჭრა ედილეიმ.

„ჰაი, შე უტვინო ჰაივანო , - გაიფიქრა თან, - სიკვდილზე ადამიანურად ლაპარაკიც არ გეხერხება“.

შაიმერდენი წამით დადუმდა. მიკროფონი უფრო მეტად აახრიალა და აატკაცუნა მისმა სუნთქვამ. მერე ისევ ჩაიხრინინა:

- ედიქე, ძვირფასო, ოღონდაც ტვინს ნუ ამირევ, ასე ვთქვათ, თუ მოკვდა, რაღას უშველი... მე ხალხი არა მყავს. აბა რად გინდა წახვიდე და გვერდით მიუჯდე? მიცვალებულს, ასე ვთქვათ, ვერ: გააცოცხლებ, მგონია...

- მე კი მგონია, რომ არაფერიც არ გაგეგება! - აღშფოთდა ედილი. - რა თქმაა, ტვინს ნუ მირევო! შენ აქ მეორე წელია ხარ, მე და მაგან კი ოცდაათი წელი ერთად ვიმუშავეთ. ვის გაუგია ან სად ნახულა, მიცვალებული მარტო დააგდო ცარიელ სახლში.

- აბა ის საიდან გაიგებს, ასე ვთქვათ, მარტოა თუ არა?

- ჩვენ ხომ ვიცით!

- ჰო, კაი, კაი, რა გაყვირებს, ასე ვთქვათ, ბებერო!

- მე გიხსნი.

- კი მაგრამ, რა გინდა ჩემგან? მე ხალხი არ მყავს. იქ რა უნდა აკეთო მაინც ამ ღამეში?

-ვილოცებ, მიცვალებულს გავაპატიოსნებ, ლოცვებს წავიკითხავ.

-ილოცებ? შენ, ბურანელი ედილი ილოცებ?

- ჰო, მე. ლოცვები ვიცი.

-ამას უყურე, ასე ვთქვათ, საბჭოთა ხელისუფლების სამოცი წლის თავზე.

- საბჭოთა ხელისუფლებას შენ თავი გაანებე! ათადან ბაბადან, მიცვალებულზე ლოცვას კითხულობენ. კაცი მოკვდა, პირუტყვი კი არა!

- კაი, კაი, ილოცე, ასე ვთქვათ, რა გაყვირებს. ედილბაისთან თან გავგზავნი ვინმეს, თუ დათანხმდა, ხომ მოვა, ასე ვთქვათ, შეგცვლის... ახლა კი საქმეს მიხედე, ასმეჩვიდმეტე ახლოვდება, მეორე სათადარიგო მოამზადე...

შაიმერდენმა ლაპარაკი შეწყვიტა, გამომრთველი გააჩხაკუნა. ედილი ისრისკენ გაეშურა. თან სულ იმაზე ფიქრობდა, მო-

ვა თუ არა ედილობაო. იმედი მოეცა, როცა სახლებში აქა-იქ აინ-
თო სინათლე. ხალხს მაინც ჰქონია სინდის-ნამუსი. ძაღლებმა
ყეფა ატეახეს. მაშასადამე, უქუბალამ გააღვიძა, ფეხზე დააყენა
ბორანლელეები.

ამასობაში ასმეჩვიდმეტე სათადარიგო ხაზზე დადგა. მე-
ორე მხრიდან ნავთობსასხმელი მატარებელი მოდგა - მარტო
ცისტერნებიდან შედგებოდა. მერმე ერთმა აღმოსავლეთისკენ
გასწია, მეორემ - დასავლეთისკენ...

უკვე ღამის ორი საათი დაიწყო. ვარსკვლავებმა კაშკაშს
უმატეს, ცალ-ცალკე გამოარჩევდი ყველას. მთვარეც მეტი ძა-
ლით აჩახჩახდა და საროზეჭზე. უფრო და უფრო აივსო სადღა-
ციდან მოსული ნათელეთ. ვარსკვლავიანი ცის ქვეშ კი თვალმი-
უწვდომლად გადაჭიმულიყო საროზეჭი, მარტო აქლემების
ლანდები - მათ შორის ორკუბა ბუმბერაზი ბურანელი ყარანარის
ლანდი და მანლობლად კიდევ ლილეები ჩანდა ბნულდ, სხვა და-
ნარჩენი რკინიგზის გაღმა-გამოღმა უკიდევანო სიბნელეს ჩაენ-
თქა. ქარსაც არ ეძინა, დასტვენდა და ირგვლივ ნაგავს აშრია-
ლებდა.

ედილეი წარამარა გამოდიოდა ჯიხურიდან, ედილობაი ხომ
არ მოდის ლიანდაგზეო. ანაზღად შორიახლო პატარა ცხო-
ველს მოჰკრა თვალი. მეღია ყოფილიყო. თვალეები მწვანედ
უციმციმებდა. ტელეგრაფის ბოძთან იდგა დაღონებით, არც მო-
ახლოებას აპირებდა და არც გაქცევას.

- შენ აქ რა გინდა! - ჩაიბუტბუტა ედილეიმ და ხუმრობით
თითი დაუქნია. მეღა არ შეშინებულა. - ჭკუით იყავი! იცი, რას
გიზამ! - და ფეხი დააბაკუნა.

მეღა განზე გახტა და ისევ დაცუცქდა, პირი მისკენ მოაქცია.
მწუხარედ მისჩერებოდა ედილეისა თუ მის ახლოს რაღაც სა-
განს. ნეტა რამ მოიტყუა, რამ მოიყვანა აქ? იქნებ ელექტრონის

შუქმა მოიზიდა ან შიმშილმა მოაგდო? უცნაურად კი იქცევა. რა-
ღაი ნადირი თავისი ფეხით მოსდგომია, რატომაც არ უნდა ეს-
როლოს ქვა და მოკლას. ედილეიმ ხელი მოაფათურა, მოზრდი-
ლი ქვა დაითრია დაუმიზნა, მაგრამ უმაღლესი ხელი დაუშვა, ქვა გა-
აგდო, ოფლმაც კი დაახსა. რა სისულელეს არ იფიქრებს კაცი!
ქვა რომ მოიქნია, უცებ გაახსენდა, ვილაცამ ამ უამბო, მგონი, იმ
რომელიღაც ჩამოსულმა ვაჟბატონმა თუ ფოტოგრაფმა, ვისაც
ღმერთზე ებაასებოდა, ან სხვა ვილაცამ, არა, არა, საბითუანმა,
კი, კი, საბითუანმა უამბო, ეშმაკსაც წაუღია მისი თავი, სულ რა-
ღაც სასწაულებს ყვება. ოღონდაც კი ხალხმა უსმინოს, ოღონ-
დაც კი ხალხი გააკვირვოს. ჰო, საბითუანმა, ყაზანგაპის ძემ უამ-
ბო სიკვდილის მერე სულთა გადასახლების თაობაზე.

რა თავისდა ეშმაკად ასწავლეს მაინც ამ უქნარასა და
ყბედს. შეხედავ - ბიჭად ბიჭია, ყველაფერი იცის, ყველაფერი
გაუგონია, მაგრამ რა მერე! ასწავლეს, ასწავლეს იმ ინტერნა-
ტებში, ინსტიტუტებში და მაინც დიდი ვერაფერი შვილი ბრძან-
დება. ტრაბახი, სმა და სადღეგრძელოები, იცოცხლე, იცის, საქ-
მე კი არაფერი გამოსდის. ერთი სიტყვით, გუდაფშუტა ვინმეა.
კოჭებამდეც ვერ მისწვდება ყაზანგაპს, თუმცაღა დიპლომით მო-
აქვს თავი. არა, არ გაუმართლა მამას იმედი. მამის კვალზე არ
ხტის კვიცი, თუმცა ღმერთმა კარგად ამყოფოს, რას იზამ, რაც
არი, ეგ არი...

ჰოდა, ერთხელაც მოჰყვა საბითუანი, ინდოეთში ასეთი
მოძღვრება სწამს ხალხს, კაცი რომ მოკვდება, მისი სული რო-
მელიმე პირუტყვის გვამში ჩასახლდებაო. სულ ერთია, რომე-
ლიც არ იქნება, გინდაც ჭიანჭველაო. ჰოდა, მათი რწმენით ყო-
ველი კაცი დაბადებამდე ან ჩიტი იყო, ან ნადირი, ან მწერიო.
ამიტომაც ცოდვად ითვლება ყოველი ცხოველის მოკვლა. გინ-

და კობრა შეხვდეს გზაზე ინდოელს, ხელს არ ახლებს, მხოლოდ თავს დაუკრავს და გზას დაუთმობსო.

რა სასწაულები არ ხდება ამ დუნიაზე. რამდენად მართალია ეს ყველაფერი, კაცმა არ იცის ქვეყანა დიდია, ადამიანს კი ყოვლის ცოდნა არ მიმადლებია. ჰოდა, როცა მელიის მოკვლა განიზრახა, თავში გაჰკრა ედილეის, ვაითუ ყაზანგაპის სულია ახლა მელიაში ჩასახლებული? ვაითუ იქ ჩასახლების შემდეგ თავის საუკეთესო დოსტს მიაშურა ყაზანგაპმა. რადგან სიკვდილის შემდეგ მისი მიწური ცარიელია და ჭმუნვისმომგვრელი?.. „არა, მართლა გამოვჩერჩეტდი უკვე! - საყვედურობდა და არცხვენდა თავის თავს ედილეი. - ეს რამ მაფიქრებინა? ფუჰ! ფუჰ! გამოვტვინებულვარ საბოლოოდ!“

მაგრამ მელასკენ მაინც ფრთხილი ნაბიჯით წავიდა, თან ისე ელაპარაკებოდა, თითქოს მელას მისი სიტყვების გაგება შეეძლო:

- წადი წადი აქედან, აქ შენი ადგილი არაა, გასწი ისევ შენს ტრამალში. გაიგე? აბა, გასწი. არა, მანდეთ არა, მანდ ძაღლებია. ღმერთმა ხელი მოვიმართოს, ტრამალს მიაშურე ისევ.

მელია გატრიალდა და უკან გაცუხცუხდა, თუმცა ერთი-ორჯერ მაინც მოხედა. მერე სიბნელეს შეერია.

ამასობაში ასაქცევზე კვლავ მორიგი მატარებელი შემოვიდა. ნელ-ნელა უკლო სიჩქარეს და გაჩერდა. ვაგონების თავზე ნისლივით ციმციმებდა მტვერი. ძრავები კი ისევ და ისევ მძიმედ ტრიალებდნენ ზუზუნ-ზუზუნით.

- ჰეი, ედიქე ბურანლეო, გადმოჰყო თავი მემნქანემ, - ასალამ-ალეიქუმ!

- ალეიქუმ-ასალამ!

ედილეიმ თავი ასწია, კარგად რომ დაენახა, რომელი იყო. ტრამალზე ყველა იცნობდა ერთმანეთს ნაცნობი ბიჭი გამოდგა.

მას დააბარა ედილეიმ, ქუმბელის საკვანძო სადგურზე აიზადას მამის სიკვდილი აცნობეო. მემანქანე ხალისით დაპირდა, ყაზანგაპის ხსოვნის ხათრით, ამ სათხოვრის შესრულებას, მეტადრე, რომ ქუმბელში მატარებლის ბრიგადები იცვლებოდა, და იმასაც შეჰპირდა, თუ მოასწრო აიზადას, მასა და მის ოჯახს თავადვე ჩამოვიყვან, უკან რომ დავბრუნდებიო.

ეს საიმედო კაცი იყო და ედილეისაც გულზე მოეშვა. მაშასადამე, ერთი საქმე მოიშორა.

რამდენიმე წუთის შემდეგ მატარებელი დაიძრა. მემანქანეს რომ ეშვილობებოდა, ედილეიმ დაინახა, თანდათან აჩქარებული მატარებლის გასწვრივ, ლიანდაგის კიდეზე ვიღაც აყლაყუდა კაცი მოაბიჯებდა მისკენ. ეს ედილბაი იყო.

ვინემ ედილეი საქმეს გადააბარებდა, ვინემ მომხდარ ამბავზე ილაპარაკებდნენ, ყაზანგაპს ოხვრით მოიგონებდნენ, ბორანლი-ბურანზე ორი შემხვედრი მატარებელი მოვიდა და წავიდა. აქაური საქმეები რომ მოითავა და შინისკენ გასწია, მაშინ გაახსენდა, წელან ცოლს რომ არ მოაგონა, უფრო სწორად, არ გაეთათბირა, თავისი ქალებისა და სიძეებისთვის როგორ შეეტყობინებინა ბებერი ყაზანგაპის სიკვდილი. ედილეის ორი გათხოვილი ქალი სულ სხვა მხარეს - ყიზილ-ორდისთან ცხოვრობდნენ. უფროსი ბრინჯის საბჭოთა მეურნეობაში იყო. მისი ქმარი ტრაქტორისტად მუშაობდა. უმცროსი ჯერ ყაზალინის ახლოს ცხოვრობდა, მერე კი ოჯახიანად ამავე მეურნეობაში გადასახლდა, დასთან რომ ახლოს ყოფილიყო. სიძე მძლოლად მუშაობდა. ყაზანგაპი მათი ნათესავი არ იყო, დასაფლავებას რომ უთუოდ დასწრებოდნენ, მაგრამ ყველა ნათესავს კი სჯობდა. მის ხელში დაიბადნენ და გაიზარდნენ ისინი ბორანლი-ბურანზე. ქუმბელის

ინტერნატში, სადაც სწავლობდნენ, ხან ედილეისა და ხან ყაზან-გაპს დაჰყავდა ისინი რიგრიგობით. არდადეგების დაწყებამდე თუ არდადეგების შემდეგ. უმცროს გოგოს წინ დაისვამდა ედილეი აქლემზე, უფროსს - უკან, თვითონ შუაში დაჯდებოდა და ასე მიდიოდნენ ხოლმე სამივენი. ბორანლი-ბურანიდან სამ საათს, ზამთრობით კი უფრო მეტხანს თოხარიკით მირობოდა ყარანარი ქუმბელამდე. ხოლო თუ ედილეის არ ეცალა, ყაზანგაპს მიჰყავდა ისინი. მისი გოგოებისთვის მეორე მამა იყო ყაზანგაპი. არა, ხვალ დილითვე გაუგზავნის ედილეი ტელეგრამას შვილებს და როგორც მოეხერხებათ, ისე მოიქცნენ... მაგრამ იცოდნენ კია, რომ ბებერი ყაზანგაპი აღარაა, ამ წუთისოფელს გამოესალმა...

მიაბიჯებდა ედილეი და თან ფიქრობდა, რომ დილას პირველ ყოვლისა ყარანარი უნდა წამოიყვანოს საძოვრიდან, დასჭირდება და იმიტომ. არც სიკვდილია იოლი საქმე და არც ადამიანის წესიურად და პატიოსნად დამარხვა... ხან რა დაგჭირდება და ხან რა, ყველაფერი ჰაიჰარად უნდა იშოვო, სუდარა იქნება ეს თუ ქელეხისათვის საჭირო შემა.

სწორედ იმ წუთს ჰაერი ანაზდად შეინძრა, ისე, როგორც ფრონტზე, სადღაც შორს რომ აფეთქდებოდა ხოლმე რაღაც და ჰაერის ძლიერი ტალღა მოვარდებოდა. მიწა ფეხქვეშ შეზანზარდა. შორს, ტრამალზე, იმ მხარეს, სადაც საროზეჯის კოსმოდრომი იყო, აღმოდებული ცეცხლის სვეტი ქარბორბალასავით აიჭრა ცაში. ედილეი ადგილზე გაშეშდა - კოსმოსში რაკეტა მიფრინავდა. ასეთი რამ თავის დღეში არ ენახა. როგორც ყველა საროზეჯელმა, მანაც იცოდა, სარი-ოზეჯი-კოსმოდრომის არსებობა, იგი აქედან ორმოციოდე თუ ცოტა ნაკლებ კილომეტრზე იყო, იცოდა, რომ იქ თოგრეჯე-თამის სადგურიდან რკინიგზის ცალკე შტო მიდიოდა. იმასაც კი ჰყვებოდნენ, იმ მხარეში ტრამალზე დიდი ქალაქი აშენდა, დიდზე დიდი მალაზიებითო.

რადიო თუ გაზეთები გაუთავებლივ იუწყებოდნენ კოსმოსში გაფრენაზე, კოსმონავტებზე, გაუთავებლივ ამაზე ლაპარაკობდა ხალხი. ეს ყველაფერი სადღაც ახლოს ხდებოდა. ყოველ შემთხვევაში, იმ ქალაქში, სადაც საბითქანი ცხოვრობდა - ეს ქალაქი კი უფრო შორს, მატარებლით დღენახევარ სავალზე იყო - თვითშემოქმედების კონცერტებზე ყმაწვილები მღეროდნენ, ჩვენზე ბედნიერი ბავშვები ამქვეყნად არ არიან, ვინაიდან ძია კოსმონავტები კოსმოსში ჩვენი მიწიდან მიფრინავენო; მაგრამ რადღაი კოსმოდრომი დახურულ ზონად ითვლებოდა, ედილეი იმით კმაყოფილდებოდა, რაც სხვებისაგან იცოდა, თუმცაღა იმ ადგილებიდან არც ისე შორს ცხოვრობდა. საკუთარი თვალისთვლით კი ახლა პირველად ნახა, რა სისწრაფით მიჰქროდა აგიზგიზებულ ცეცხლის ალში გახვეული კოსმიური რაკეტა, შავვარსკვლავიან ცაში და მიდამოს აჩახჩახებდა. ედილეის ხელში შიშმა გაჰკრა - ნუთუ იმ ცეცხლში ადამიანი ზის? ერთია თუ ორი? ან აქამდე რატომ არ უნახავს აფრენის წამი, თუმცაღა სულ აქ ცხოვრობს. კოსმოსში ხომ იმდენჯერ გაფრინდნენ, კაცს ანგარიში აერევა, იქნებ იმ ჯერზე ხომალდები დღისით მიფრინავდნენ, ეს კი ამ დამით რად აიჭრა? მაშასადამე, საშური საქმეა თუ წესია ასეთი? ან იქნებ მიწიდან ლამით ადის, იქ კი მაშინვე დღე ხვდება? საბითქანი ერთხელ მოჰყვა, კოსმოსში ყოველ ნახევარ საათში დღეს ღამე ცვლისო, გეგონება, თვითონ იყოს ნამყოფი. ერთი კარგად უნდა გამოჰკითხოს საბითქანს. საბითქანმა ხომ ყველაფერი იცის. ძალიან უნდა თავი ყოვლისმცოდნედ გაასალოს, დიდკაცად ჩათვალოს. აბა როგორ! კაცი საოლქო ქალაქში მუშაობს. ნეტა რას იკლავს თავს, რა საჭიროა? რაცა ხარ, ის იყავი. იმასთან ვიყავი, დიდი კაცი რომაა, ამასა და ამას ესა და ეს ვუთხარი“. აყლაყუდა ედილბაიმ ერთხელ თურმე სამსახურში მიაკითხა და ასე მოჰყვა: ეს ჩვენი საბითქანი მისაღებ ოთახში სულ

წინ და უკან დარბის, ტელეფონიდან კაბინეტის კარამდე და კაბინეტის კარიდან ტელეფონამდე, სულ ამას გაიძახის: „მესმის, ალჯათარ ყაჰარმანოვიჩ! დიახ, ალჯათარ ყაჰარმანოვიჩ! ახლავე. ალჯათარ ყაჰარმანოვიჩ!“ ის კი თურმე იმ თავის კაბინეტში ზის და მარტო ღილაკებს აჭერს ხელს. სერიანად არც დაგვცალდა ლაპარაკი... აი, თურმე ვინ ყოფილა ეს ჩვენი საბითუანი, თუმცა ღმერთმა კარგად ამყოფოს, როგორიც არი, არი... ყაზანგაპი იყო ცოდვა, ძალიან განიცდიდა შვილის ამბავს. უკანასკნელ დღემდე მის აუგს ვერ დააცდენდი. ქალაქშიაც კი გადაბარგდა ვაჟსა და რძალთან, თვითონვე სთხოვეს, თვითონვე წაიყვანეს, მაგრამ რა გამოვიდა... ეჰ, ეს ცალკე ამბავია.

ასე ფიქრობდა ედილეი იმ შუალამისას და კოსმიურ რაკეტას გაჰყურებდა. დიდხანს უცქირა ამ სასწაულს. ხოლო როცა ცეცხლოვანი რაკეტა თანდათან დაპატარავდა, თეთრ ნისლოვან წერტილად იქცა და შავ წყვდიადში ჩაინთქა, ედილეიმ თავი გადააქნია და თავის გზას გაუდგა. უცნაური და საწინააღმდეგო გრძნობები დაეუფლა. მართალია, აღტაცება კი მოჰგვარა იმ სურათმა, რაც ნახა, მაგრამ ამავე დროს ისიც იცოდა, ეს მისთვის გარეშე ამბავი იყო, რამაც მხოლოდ გააკვირვა და შეაშინა. ანაზღად მელა გაახსენდა, რკინიგზაზე რომ მოიძურნა წელან. ნეტა რა გუნებაზე დადგა, როცა უკაცრიელ ტრამალში ცად აჭრილი ეს ცეცხლოვანი სვეტი დაინახა. ალბათ არ იცოდა, სად წასულიყო და სად ჩამძვრალიყო...

მაგრამ არც რაკეტის აფრენის მოწმე ბურანელმა ედილეიმ იცოდა და არც ეგებოდა ცოდნა, რომ ეს კოსმიური ხომალდი, და კოსმონავტის სასწრაფო და საავარიო გაფრენა იყო კოსმიურ სადგურ „პარიტეტზე“ მომხდარ საგანგებო ამბავთან დაკავშირებით. ყოველგვარ ზარზეიმისა, ჟურნალისტებისა და პატაკების გარეშე. იმ სადგურზე, რომელიც წელიწად-ნახევარია საბჭოე-

თის ერთობლივი პროგრამით პირობითად წოდებულ ორბიტა „ტრამპლინზე“ იმყოფებოდა. ან კი საიდან უნდა სცოდნოდა. არც ის იცოდა ედილეიმ, რომ ეს ამბავი მასაც და მის ცხოვრებასაც შეეხებოდა, განა იმიტომ, რომ ადამიანი და ადამიანთა მოდგმა განუყოფელ კავშირშია არა მარტო ზოგადი, არამედ ყოველად კონკრეტული და პირდაპირი გაგებით: მით უმეტეს არ იცოდა და ვერც წარმოიდგენდა, რომ საროქეზიდან აფრენილი ხომალდის კვალდაკვალ რამდენიმე ხნის შემდეგ პლანეტის მეორე ბოლოში ნევადის კოსმოდრომიდანაც აიჭრებოდა ცაში ამერიკული ხომალდი იმავე მიზნით, იმავე სადგურ „პარიტეტზე“ და იმავე ორბიტა „ტრამპლინის“ მიმართულებით.

ხომალდები სასწრაფოდ გაიგზავნა კოსმოსში სამეცნიერო-საკვლევე ავიოსნიდან გადმოცემული ბრძანების მიხედვით ავიოსანი „კონვენცია“ მცურავი ბაზა გახლდათ პროგრამა „დემიურგის“ საბჭოთა ქვეყნისა და ამერიკის საერთო მართვის ცენტრისა.

ავიოსანი „კონვენცია“ თავისი მუმივი ადგილსამყოფელის რაიონში - წყნარ ოკეანეში იმყოფებოდა, ალექსის კუნძულების მარცხნივ მდებარე კვადრატში, დაახლოებით ერთ მანძილზე როგორც ვლადივოსტოკიდან, ისე სან-ფრანცისკოდან მართვის საერთო ცენტრი აქ დროს დაძაბული ადევნებდა თვალს ორივე ხომალდის ორბიტა „ტრამპლინზე“ გასვლას. ჯერჯერობით ყველაფერი ჩინებულად მიდიოდა. ახლა მთავარი ამოცანა კომპლექს პარიტეტთან“ მათი შეპირისპირება იყო, ამოცანა რთულზე ურთულესი, რამეთუ შეპირისპირება თანმიმდევრობით კი არ უნდა მომხდარიყო, ერთმანეთის კვალდაკვალ დროის გარკვეული მონაკვეთის შემდეგ, არამედ ერთდროულად, სრულიად სინქრონულად, სადგურის ორი სხვადასხვა მხრიდან.

თორმეტ საათზე მეტი იყო, რაც „პარიტეტი“ პასუხს არ იძლეოდა „კონვენციაზე“ მყოფ მართვის საერთო ცენტრის სიგნალებზე, პასუხს არ იძლეოდა მასთან შესაპირაპირებლად წასული ხომალდების სიგნალებზე... გამოსარკვევი იყო, რა მოუვიდა „პარიტეტის“ ეკიპაჟს.

თავი 2.

მატარებლები ამ მხარეში აღმოსავლეთიდან დასავლეთით, ხოლო დასავლეთიდან აღმოსავლეთით მიგრიალებდნენ...

რკინიგზის გაღმა-გამოღმა უზარმაზარი ცარიელი სივრცე - სარი-ოზეჯი გადაჭიმულიყო, ყვითელ ტრამალთა შუაგულ მიწები.

აქ მხარეში ყველა მანძილი, გრინვიჩის მერიდიანის დარად, რკინიგზასთან მიმარჯვებით ისაზღვრებოდა...

მატარებლები კი აღმოსავლეთიდან დასავლეთით. ხოლო დასავლეთიდან აღმოსავლეთით მიგრიალებდნენ...

ბორანლი-ბურანის ასაქცევიდან არანაკლებ ოცდაათი კილომეტრი იქნება ნაიმანთა საგვარეულო სამარხ ანა-ბეითამდე, ისიც მაშინ, თუ საროზეჯს, ანდებე მინდობით, სულ პირდაპირ და პირდაპირ გადაჭრი, ხოლო თუ გზის აბნევა არ გინდა ტრამალში, სჯობს ჩვეულებრივ ნაკვალევს გაჰყვე, რომელიც ერთთავად რინიგზას მიჰყვება, თუმცა გზას კი გაიდიდებ, ვინაიდან კარგა მანძილის შემოვლა დაგჭირდება ქისიქსაის ხევიდან ანა-ბეითისკენ მიმავალ შესახვევამდე. სხვა გზა არ არის. ისე რომ, თუ ბედმა გაგიღიმა, ოცდაათი ვერსის გავლა მოგიხდება იქით გზობასა და კიდევ ამდენი აქეთობისას. ახლანდელ ბორანლელეებიდან ედიღეის გარდა ხეირიანად არაფერ იცოდა იქამდე მისასვლელი გზა. თუმცა სმენით კი ბევრი სმენიათ იმ

ძველ ბეითზე, რომელზედაც ათასნაირ ამბებს ჰყვებოდნენ, კაცმა არ იცის, მართალსა თუ ტყუილს. ყოფნით კი არასოდეს ყოფილან. არ დასჭირვებიათ და იმიტომ. ამდენი წლის ანძილზე პირველი შემთხვევა იყო, ბორანლი-ბურანში, რვა კომლისგან შემდგარ გზისპირა დაბაში, კაცი რომ მოკვდა და უნდა დაემარხათ აქამდე, რამდენიმე წლის უკან გულის ხუთვისგან ერთ საათში გათავდა პატარა გოგო და ის დედ-მამამ თავიანთ სამშობლო მხარეში, ურალში წაასვენა დასაფლავებლად. ყაზანგაპის მოხუცი ცოლი ბუქეი ქუმბელში განისვენებდა სადგურის სასაფლაოზე - ქუმბელის საავადმყოფოში გარდაიცვალა რამდენიმე წლის წინათ გადანყვიტეს - იქვე დაემარხათ. ბორანლი-ბურანში მის ჩამოსვენებას აზრი არ ჰქონდა. ქუმბელი სარი-ოზეის ყველაზე დიდი სადგური იყო, თანაც იქ მისი ქალი აიზადა ცხოვრობდა თავისი უქნარა და ლოთი ქმრით. მაგრამ ლოთი იყო თუ უქნარა, მაინც სიძე იყო და საფლავის მოვლას არ დაამადლიდა. მაშინ ყაზანგაპი ცოცხალი გახლდათ და თავის საქმეს, როგორც უნდოდა ისე წყვეტდა. ახლა კი თავსამტვრევი გახდა, რა ექნათ და როგორ მოქცეულიყვნენ.

ედილეიმ მაინც თავისი გაიტანა.

- ასეთი ლაპარაკი ჯიგიტებს არ ეკადრებათ, - შეუტია ახალგაზრდებს. - ყაზანგაპისთანა კაცი ანა-ბეითზე უნდა დაიმარხოს, სადაც ჩვენი წინაპრები მარხია და სადაც თვითონ განსვენებულმა დაიბარა. სჯობს სიტყვიდან საქმეზე გადავიდეთ, სამზადისს შევუდგეთ. გზა დიდი გველის. ხვალ დილაუთენია უნდა დავიძრათ...

ედილეის ეგებოდა ამ საქმის გადანყვიტა, ყველამ იცოდა და კიდევაც დაეთანხმნენ. თუმცა საბითუანმა მაინც სცადა შესიტყვება. იმ დღეს საბარგო მატარებლით ჩამოასწრო, სამგზავრო აქ არ ჩერდებოდა. ჰოდა, მამის დასაფლავებაზე რომ ჩამოვი-

და, თუმცა არ იცოდა, ცოცხალი დაუხვდებოდა მამა თუ არა. სიხარულით ცას ეწია ედილეი. იმიტომაც გადაეხვია საბითუანს, იმიტომაც ერთად ღვარეს ცრემლები, ერთი დარდითა და მწუხარებით ატანილებმა. ედილეის მერე კიდევაც უკვირდა თავისი თავისა. გრძობას ვერ მოერიო, საბითუანი გულში ჩაიკრა და სულ ამას იმეორებდა სლუკუნით: „რა კარგი ჰქენი, რომ ჩამოხვედი, რა კარგი ჰქენი!“ - თითქოს მისი ჩამოსვლა ყაზანგაპს გააცოცხლებდა. ან რამ აატირა ასე ედილეი, თავადაც არ იცოდა, ასეთი რამ თავის დღეში არ მოსვლია. დიდხანს იტირეს ებოში, ყაზანგაპის დაობლებულ მიწურის კართან. რაღაც დაემართა ედილეის. მოაგონდა, საბითუანი რომ მის თვალწინ გაიზარდა. პატარა ბიჭი იყო მაშინ, მამას მზე და მთვარე მასზე ამოსდიოდა. ქუმბელის სკოლა-ინტერნატში დაჰყავდათ; რკინიგზელების შვილებისათვის იყო გახსნილი ეს სკოლა. როგორც კი დროს მოიხელთებდნენ, სანახავად ჩადიოდნენ - ან მატარებელს გაჰყვებოდნენ, ან აქლემებით გასწევდნენ. რასა იქმს, როგორ არის, საერთო საცხოვრებელში ხომ არავინ აწყენინა, ან უნესო რამ ხომ არ ჩაიდინა, როგორ სწავლობს, რას ამბობენ მასზე მასწავლებლები... არდადეგების შემდეგ კი, ვინ მოთვლის, რამდენჯერ წაუყვანიათ აქლემით სკოლისაკენ, ქურქში გახვეული, სარობეჯის დათოვლილ ველებზე, ყინვასა და ბუქში, ოღონდაც მეცადინეობაზე არ დაგვიანებოდა.

ეჰ, გაფრინდა, აღარ დაბრუნდება ის დღეები! სიზმარივით გაქრა ყველაფერი. იმ პატარა, თვალდაჭყეტილ საბითუანს ველარც მიამსგავსებ ამ სათვალიან, დასრულებულ კაცს, რომელსაც ჩაჭყლეთილი ქუდი ჰხურავს და დაძინძილი ჰალსტუხი ჰკიდია, რომელიც საოლქო ქალაქში მუშაობს და ძალიანაც უნდა დიდკაცად გაჩვენოს თავი, დიდი თანამდებობის მუშაკად. მაგრამ წუთისოფელი ვერაგია, არც ისე იოლია გადიდვაცება, რო-

გორც არაერთხელ დაუჩივლია თვით საბითუმანსაც, თუ მაგარი ზურგი არა გაქვს, თუ ნაცნობობა ან ნათესაობა არ მოგდევს. ის კი ვინაა, ვილაც ყაზანგაპის შვილი, რომელიღაც ბორანლი-ბურანის ასაქცევის მუშაკისა. სანყალი, მამ! თუმცა ახლა აღარც ასეთი მამა ჰყავს. კიდევ ცოცხალი, თუნდ უვარგისი მამა გერჩივნოს სახელოვან მკვდარ მამას, არადა, ასეთიც რომ აღარაა ახლა...

მალე დაძრა ცრემლები და საქმეზე დაიწყეს ლაპარაკი. მაშინ აღმოჩნდა, რომ ყოვლისმცოდნე ვაჟიშვილი მამის დასასაფლავებლად კი არ ჩამოსულიყო, თავიდან მოშორებას, ჰაიჰარად მინაში ჩაგდებას უპირებდა თურმე მშობელს და საჩქაროდ უკან გამგზავრებას. კიდევაც გამოთქვა თავისი აზრი - აბა რა საჭიროა იმ სიშორეზე, ანა-ბეითზე წავჩანჩალდეთ, როცა ირგვლივ ამოდენა სივრცეა - სარი-ოზექის უკაცრიელი ტრამალი, რომელიც აგერ ჩვენი ზღურბლიდან იწყება და ქვეყნის კიდემდეა გადაჭიმულიო. გავთხაროთ სადმე ახლოს საფლავი, რომელიმე მალლობზე. რკინიგზის გვერდით, დაე, იწვეს იქ ბებერი დარაჯი და ესმოდეს, როგორ მიგრიალეებენ მატარებლები იმ გადასარბენზე, სადაც მთელი სიცოცხლე იმუშავაო. ძველი ანდაზაც მოიშველია: მკვდრის პატივი თუ გინდა, მინა მალე მიაბარეო. რა საჭიროა გაჯანჯლება, ტვინის ჭყლეტა, სულ ერთი არაა, სად ჩაფლავენ მინაში, ამ საქმეში სიჩქარე ყველაფერს სჯობსო.

თან ამას ამბობდა და თან თავს იმართლებდა, სასწრაფო და დიდი საქმეები მიმელის სამსახურში, ყოველი წუთი დათვლილი მაქვსო, მოგეხსენებათ, უფროსებს სულაც არ ენაღველებათ, შორსაა თუ ახლოს აქაური სასაფლაო, სამსახურში მითხრეს, ამა და ამ დღეს ამა და ამ საათს გამოცხადდით, და მორჩა. უფროსები უფროსებია და ქალაქი ქალაქიო...

ედიღეიმ გულში შეიკურთხა. კაცი ამ ხნამდე მოიყარა და ჭკუა მაინც ვერ ისწავლა. შერცხვა და ინანა, ამ ვაჟბატონის დანახვაზე გული რად ამომიჭდა, რა ვუყოთ, რომ ყაზანგაპის ვაჟიაო. ხუთი კაცი იჭდა ძველ განძელებზე, მერხებად რომ მიედგათ კედელთან. ძლივს შეიკავა თავი, ისიც ყაზანგაპის ხათრით, სანყენი და შეურაცხმყოფელი არაფერი ეთქვა ხალხში ასეთ დღეს. ესლა წაილაპარაკა ფეხზე წამომდგარმა:

- იცოცხლე, ირგვლივ ადგილი იყოს. მაგრამ რატომღაც ხალხი თავის მკვდარს ყველგან არა ფლავს მინაში. ტყუილად არ იქნება ასე, თორემ მინა ვის ენანება? - ბორანლელები ჩუმად უსმენდნენ და ედიღეიმაც ცოტა ხნის მერე დაამატა: - იფიქრეთ, გადანყვიტეთ, მე კი წავალ და დავხედავ, იქ როგორაა საქმე.

სახემოქურუხებული, გაავებული გავიდა გარეთ ედიღეი, ცოდვას გაერიდა. კოპები ასხდა შუბლზე. გულფიცხი იყო ედიღეი, ბურანელი ხომ კიდევ იმიტომაც შეარქვეს, რომ ხასიათით იმ თავის ყარანარს ჰგავდა. მარტო რომ ყოფილიყო, გიყვარდეს, იმ ყველაფერს, რისი ღირსიც ბრძანდებოდა. ისეთებს ეტყოდა, თავისი დღენი არ დავინწყებოდა. მაგრამ დედაკაცებს ხომ არ აჰყვებოდა მართლა. აგერ ქალები აღშფოთებით ჩურჩულებენ- სტუმარივით ხელცარიელი ჩამობრძანდა ვაჟი მამის დაკრძალვაზე, ერთი შეკვრა ჩაიც არ ჩამოიტანა, იმ ქალაქელ რძალსაც ვითომ არ ეკადრებოდა ჩამოსვლა. პატივი დაედო და დაეტირა მამამთილი, როგორც ადათი მოითხოვსო, მაგრამ ვინ მისცა სინდის-ნამუსი. როცა ყაზანგაპი ცოცხალი იყო და შეძლება მოსდევდა - ორი მენველი აქლემი ჰყავდა, თხუთმეტიოდე ცხვარ-ბატკანი - მაშინ ხომ კარგი იყო, მაშინ ხომ ჩამოდიოდა რძალი, ვინემ იმდენი არ ქნა, ყველაფერი არ გააყიდვინა, თავისთან არ გადაიყვანა მამამთილი, შეაძენინა ავეჯი, მანქანა, მერე კი ვეღარ იგუა მოხუცი. ახლა აქეთ არც იყურება. დააპირეს

ქალებმა ალიაქოთის ატეხა, მაგრამ ედიღეიმ აუკრძალა: არ გაბედოთ და ამისთანა დღეს სიტყვა არ დასძრათ, ჩვენ არავინ გვეკითხავს, თავისი საქმისა თვითონ იციანო.

საჩხეში, საითაც ახლა მიაბიჯებდა, საძოვრიდან მოყვანილი ბურანელი ყარანარი ება და დროდადრო გულმოსული ბლაოლა. ერთი-ორჯერ ჭაზე წყლის დასალევად მოჰყვა ჯოგს, თორემ თითქმის მთელი კვირა დღედაღამ თავის ნებაზე დაფარვაშებდა. სულ აიშვა თავი ამ ავაზაკმა. ახლაც უკმაყოფილო ჩანდა - მძვინვარელო აფჩენდა დიდკბილა პირს და დროდადრო ბლაოლა: ახალი ამბავი არაა - თავისუფლების დაკარგვას მიჩვევა უნდა.

გატავრებული მიუახლოვდა ყარანარს საბითუანთან ლაპარაკის შემდეგ ედიღეი, თუმცა წინდანინვე იცოდა, ასე რომ იქნებოდა. თითქოსდა თავს ამადლის ყველას, მამის დაკრძალვაზე რომ ჩამობრძანდა, რაც შეიძლება ჩქარა უნდა მოიშოროს ეს ტვირთი. არ იკადრა ედიღეიმ ზედმეტის თქმა, არ ღირდა საამისოდ, ისედაც ყველაფერი მისი გასაკეთებელი იყო. კიდევ კარგი, მეზობლები ამოუდგნენ მხარში. ვინც სამუშაოდ არ იყო წასავლელი, ხვალინდელი დასაფლავებისა და ქელების სამზადისს შეუდგა. ქალებმა ყველა ოჯახიდან ჩამოითხოვეს ჯამ-ჭურჭელი, დააპრიალეს სამოვრები, მოზილეს ცომი და პურის ცხობაც დაიწყეს. კაცები წყალს ეზიდებოდნენ, უკვე გამოუსადეგარ ძველ განძელებს ხერხავდნენ - შეშა და წყალი ამ მოტიტვლებულ ტრამალზე ყველაზე მეტად ჭირდა. მარტო საბითუანი ედებოდა ყველს ფეხებში, საქმეს არავის აცლიდა, ლაქლაქებდა და ყბედობდა ქვეყნის ამბებზე, - ვის რა თანამდებობა ეჭირა ოლქში, ვინ მოხსნეს, ვინ დააწინაურეს. ხოლო მისი ცოლი რომ არ ჩამობრძანდა მამამთილის დასაფლავებაზე, ამისი სულაც არ რცხვენოდა. საოცარია, ღმერთმანი! თურმე მის ცოლს რაღაც

კონფერენცია ჰქონია, ვიღაც უცხოელი სტუმრებიც უნდა დასწრებოდნენ. შვილიშვილებზე ხომ ლაპარაკი ზედმეტია. კარგი ნიშნებისათვის იკლავენ თურმე გოგოები თავს, გაკვეთილებს არ აცდენენ, რათა საუკეთესო ატესტატი მიიღონ და ინსტიტუტში მოეწყონ. „ეს რა ხალხი წამოვიდა! - თავის გულში იკურთხებოდა ელილეი, - ადამიანის სიკვდილი არაფრად მიაჩნიათ!“ ეს აზრი არ აწვედა მოსვენებას: „თუ სიკვდილი მაგათთვის არაფერს ნიშნავს, გამოდის, არც სიცოცხლეს ჰქონია ფასი. რისთვისღაცხოვრობენ მაშინ ამ ქვეყანაზე? “

ელილეიმ ბრაზით დაუცაცხანა ყარანარს:

- რა გაბღავლებს, ნიანგო? რომ აგიღერია თავი და ცას შეჰბღავი, გგონია, ღმერთს შენ გარდა საქმე არა აქვს? — როცა წონასწორობას ჰკარგავდა, მაშინ ეძახდა ელილეი თავის აქლემს ნიანგს. რკინიგზის ჩამოსულმა მუშაკებმა მონათლეს ასე ბურანელი ყარანარი დიდი კბილებისა და სიანჩხლის გამო. - იმდენს იზამ, მაგ ბღავილისთვის მთელ კბილებს ჩაგამტვრევ!

ვინემ ყარანარს კეხს დაადგამდა, ნელ-ნელა მოლბა, ბრაზი გაუნელდა ელილეის. თვალი ველარ მოწყვიტა თავის აქლემს. ლამაზი და ღონიერი იყო ბურანელი ყარანარი. თავამდე ხელს ვერ მიუწვდენდი, თუმცა არც ელოღეის აკლდა სიმაღლე. ძლივს მოადრეკინა ქედი ყარანარს. იმდენი უკაკუნა მუხლებზე მათრახი და იმდენი ეჩიჩინა მკაცრი ხმით, როგორც იქნა, ჩააჩოქა აბღავლებული და გაურჩებული აქლემი. ხოლო როცა ბოლო-ბოლო ფეხები მოიკეცა, მკერდით მიწაზე განვა და დამშვიდდა ყარანარი, ელილეიც შეუდგა საქმეს.

რალა სახლი ავიშენებია და რალა აქლემი შეგიკაზმავს რიგზე და წესზე. ყოველ ჯერზე კეხი ხელალა უნდა გამართო, ამას კი მარიფათიც უნდა და ღონეც. მეტადრე თუ ყარანარისთანა ბუმბერაზ აქლემს კაზმავ.

ტყუილად კი არ ერქვა ყარანარი ანუ შავი ნარაქლემი. შავი, გაბურძგვნილი თავი ჰქონდა, ჭიდაომდე გამოზრდილი შავი წვერი, კისრის ქვემოდან მუხლებამდე ფაფარივით ჩამოყრილი შავი გრუზა ბანჯგვლები, ნარაქლემის ყველაზე დიდი მშვენება - ბურგზე კოშკებივით ამართული ორი მკვრივი კუზი, მოკლე შავი კუდი. სხვა დანარჩენი - ზედა კისერი, მკერდი, ფერდები, ფეხები, მუცელი, პირიქით, ღია წაბლისფერი. იმიტომაც იყო ასე ლამაზი და დიდებული ბურანელი ყარანარი აღნაგობითაც და ფერითაც. უკვე მოწიფულიყო, როგორც ათანი - მესამე ათეულ წელში გადაებიჯა.

აქლემები დიდხანს ცხოვრობენ. ალბათ იმიტომაც მხოლოდ ხუთი წლის ასაკში შობს აქლემი კოზაკს, თანაც ყოველ წელს არა, ორ წელიწადში ერთხელ. ნაყოფსაც სხვა ცხოველებზე დიდხანს, თორმეტ თვეს ატარებს მუცლით. კოზაკს წლამდე, წლისნახევრამდე უნდა გაუფრთხილდე, დაიფარო ტრამალის გამკრავ ქარიდან. მერე კი დღითიდღე იზრდება, დღითიდღე ძალას იმატებს - ვერც სიციფე, ვერც სიცხე, ვერც უწყლობა ვერაფერს აკლებს.

ედილეი გამოცდილი იყო ამ საქმეში - ბურანელი ყარანარი, თვალისჩინივით ჰყავდა მოვლილი. ჯანისა და ღონის პირველი ნიშანი - შავი კუზები კაჟივით მაგარი ჰქონდა ყარანარს. ჯერ მაშინ აჩუქა ყაზანგაპმა იხვის ჭუკივით გაბუმბლული, პატარა, ძუძუმწოვარა კოზაკი, როცა ედილეი ომიდან ახალი დაბრუნებული იყო ბორანლი-ბურანის ასაქცევზე დასახლდა. იმხანად ედილეი ჯეელი იყო - რას იფიქრებდა მაშინ, თუ სიბერემდე აქ მოუნევდა ცხოვრება! ზოგჯერ სურათებს დახედავს და თვალს არ უჯერის. რა ძალიან შეიცვალა - სისვი ცხენივით იქცა, წარბებიც კი გაუთეთრდა, ცხადია, სახეც ის აღარა აქვს. თუმცა ტანი არ დამძიმებიმები, როგორც ამ ასაკში იცის. როგორღაც თა-

ვისთავად მოხდა - უღვაში მოიზარდა, მერე წვერი, ახლა კი უწვერულვაშობა ველარც წარმოუდგენია. მას აქეთ, შეიძლება ითქვას, მთელმა ისტორიამ განვლო.

აი, ახლაც, როცა დანოლილ ყარანარს კაზმავს, ხან შეუყვირებს, ხან ხელს მოუქნევს ჭკუაზე მოსაყვანად, ყარანარი კი გრძელ კისერზე დასკუპულ შავ ბურძგლა თავს მოაბრუნებს აღრენილი და ლომივით ბღღვინავს, ედილეი იხსენებს იმ წლებს და სულს იმშვიდებს...

დიდი წვალებისა და ჯახირის შემდეგ ჩამოაცვა და მოარგო ყარანარს აკაზმულობა. ვინემ კეხს დაადგამდა, ჯერ ყველაზე ძვირფასი, საგარეო ყაჯარი გადააფარა, ძველებური ნახელავი, ფერად-ფერადი გრძელი ფუნჯებით განწყობილი და ნაქარგი. აღარც ახსოვს, უკანასკნელად როდის მორთო ყარანარი ამ იშვიათი ყაჯრით, უქუბალა ასე რომ დაჰკანკალებს და უფროთხილდება. ახლა კი მიეცა საამისო შემთხვევა...

ფეხზე წამოაყენა შეკაზმული ყარანარი ედილეიმ და დიახაც ნაამები დარჩა თავისი ნამუშევრით. სიამაყეც კი იგრძნო, მედიდურად, დიდებულად გამოიყურებოდა ყარანარი ამ ფუნჯებიან ყაჯრითა და კუზებშუა ოსტატურად ჩადგმული კეხით. დაე, დატკბნენ ახალგაზრდები, მეტადრე საბითჟანი, დაე იცოდნენ: იმ კაცის დამარხვა, ვინც ღირსეულად გალია თავისი წუთისოფელი, არც მძიმე ტვირთია და არც ხელისშემშლელი დაბრკოლება, ეს დიდი საქმეა, თუმცა სამწუხარო, და საკადრისი პატივიც უნდა მიავოს ყველამ. სად მუსიკით, დროშებით მიაცილებენ სამარის კარამდე მიცვალებულს, სად თოფების გრიალით, სად ყვავილეებით და გვირგვინებით...

ბურანელი ედილეი კი, ფუნჯიან ყაჯრით მორთულ ყარანარზე ამხედრებული, ხვალ დილას ანა-ბეიითისკენ გაუძღვება სამგლოვიარო პროცესიას და ყაზანგაპს მის უკანასკნელ საუკუ-

ნო განსასვენებლამდე მიაცილებს... მთელი გზა, ამ ვეებერთელა, უკაცრიელი სარი-ობექის გადაჭრისას, იგი ყაზანგაპზე იფიქრებს და ამ ფიქრებით მიაბარებს მამაპაპისეულ სამარხის მიწას, როგორც ადრევე ჰქონდათ დათქმული მასა და ყაზანგაპს. დიახ, დათქმული ჰქონდათ. შორსაა თუ ახლოს, ვერაფერს გადაათქმევინებს ამას, მიცვალებულის ვაჟიც კი. ყაზანგაპის ნება-სურვილი უნდა აღსრულდეს...

დაე, ყველამ იცოდეს, რომ ეს ასე იქნება, რომ ყარანარი საამისოდ მზად არის, - შეკვამულია და კეხი ადგას.

დაე, ყველამ შეხედოს და ნახოს. ედიღეიმ აღვირით გამოიყვანა ყარანარი საჩხედან, ყველა სახლი შემოატარა და მერე ყაზანგაპის მიწურის წინ დააბა. დიახ, ყველამ შეხედოს და ნახოს ბურანელი ედიღეი თავის სიტყვას არ გატეხს და არ უღალატებს. თუმცა არ ყოფილა ამის დასტურყოფა საჭირო. ვინემ ედიღეი ყარანარს შეკვამავდა, აყლაყუდა ედიღეიმ დრო იხელთა და საბითუანი განზე გაიხმო:

- წამო, ჩრდილში ვილაპარაკოთ.

ედიღეის ბევრი ლაილაი არ გაუბამს, პირდაპირ მიახალა:

- იცი, რას გეტყვი, საბითუან, ღმერთს უმადლე. რომ ბურანელი ედიღეისთანა კაცი მოგივლინა ამ ქვეყანას, მამაშენის ძმა-კაცი. ამიტომ ხელს ნუ გვიშლი, მამაშენი ადათისამებრ მივაბაროთ მიწას. თუ გეჩქარება, ჩვენ არ გაკავებთ, მიბრძანდი, შენ მაგივრად მე მივაყრი ერთ მუჭა მიწას!

- ეს მამაჩემია და მე ვიცი... - დაიწყო საბითუანმა, მაგრამ ედიღეიმ აღარ დაამთავრებინა:

- მამა კი შენია, ოღონდ თავი არაა შენი.

- იტყვი რალა, - უკან დაიხია საბითუანმა. - კარგი, კარგი.

მოდის, ასეთ დღეს ნულა ვიდავებთ. კი, ბატონო, ანა-ბეითი იყოს, რა მნიშვნელობა აქვს, უბრალოდ შორია-მეთქი, ვიფიქრე...

ეს იყო და ეს, მეტი აღარაფერი თქმულა. ხოლო ედილეი რო მობრუნდა, ყარანარი ყველას დასანახად კართან დააბა და ბორანლელებს უთხრა: „მორჩით, ჭიგიტებს ასეთი ლაყაფი არ ეკადრებათ, ამისთანა კაცი ანა-ბეითზე უნდა დავასაფლავოთ...“ კრინტი არავის დაუძრავს, უხმოდ დაეთანხმა ყველა...

სალამო და ის ღამე ყველამ მიცვალებულის სახლის წინ, ეზოში გაატარა. კაი დარი იდგა. დღისით ცხელოდა, სალამოს კი სარძნობლად აგრილდა, საროზეჟის შემოდგომა ახლოვდებოდა. დიდებულმა მდუმარებამ მოიცვა ბინდბუნდში გახვეული მიდამო. ქარი არ ქროდა. სახვალთო ქელეხისთვის დაკლული ცხვარი რომ გაატყავს, კიდევ დაბნელდა. მერე ათუხთუხებულ სამოვრებთან დალიეს ჩაი და მთისა და ბარისა თქვეს... დასაფლავებისთვის თითქმის ყველაფერი მზად იყო, ახლა გათენებას-ღა ელოდნენ, რომ ანა-ბეითის გზას დასდგომოდნენ. წყნარად, მშვიდად ვიდოდა ღამეული ჟამი, როგორც ხდება ხოლმე მსცოვანი კაცის მიცვალებისას, ზარისა და ვიშის გარეშე...

ბორანლი-ბურანის ასაქცევზე კი, როგორც ყოველთვის, მიგრიალეზდნენ მატარებლები - აღმოსავლეთიდან დასავლეთით და დასავლეთიდან აღმოსავლეთით...

ასე გახლდათ საქმე იმ სალამოს, ანა-ბეითისაკენ გამგზავრების წინ. ყველაფერი კარგად ჩაივლიდა, ერთი უსიამო ამბავი არ მომხდარიყო.

საბარგო მატარებელს აიზადა ჩამოჰყვა თავისი ქმრით მამის დასაფლავებაზე. ჩამოჰყვა და ისეთი წივილ-კივილით მოვიდა, ქალებმაც უმაღლ ტირილი ატეხეს. მეტადრე უქუბალა იღვრებოდა ცრემლად აიზადას სიბრალოლით. ორივენი მწარედ მოთ-

ქვამდნენ და ქვითინებდნენ. ედილეიმ სცადა აიზადას გაჩუმება: რას იზამ, თავს ვერ მოიკლავ, ბედს უნდა დამორჩილდეო. მაგრამ აიზადა ვერ გააჩუმა და ვერა.

როგორც ხშირად ხდება ხოლმე - მამის სიკვდილი საბაბი გამოდგა აიზადასთვის, ტირილით ეთქვა ის, რაც დიდი ხანია გულში დაგუბებოდა. თმაგანენილი და თვალებდასიებული გულმდულარედ ჩიოდა თავის უბედობაზე - რომ გამგები და ნუგეშისმცემელი არავინ გააჩნია, რომ ცხოვრებამ თავიდანვე დაჩაგრა, ქმარი ლოთი გამოადგა, შვილები დილიდან საღამომდე სადგურზე უპატრონოდ დანანნალებენ, გახულიგდნენ, ხვალ შეიძლება ყაჩაღობაც დაიწყონ, მატარებლები გაძარცვონ. უფროსმა ბიჭმა სმა დაიწყო, მილიციამ უკვე მოაკითხა, გააფრთხილა - საქმე მალე პროკურატურამდე მივაო. მარტო ქალმა რა გაანცო, რა მოუხერსოს ექვს შვილს, მათი მამა კი ყურსაც არ იბერტყავს...

აიზადას ქმარი მართლაც ყურს არ იბერტყავდა, იჭდა თავისთვის, მოშვებული, გაბრუებული, დაღონებული. რაც უნდა იყოს, სიმამრის დაკრძალვაზე ჩამოვიდა. იჭდა და იმ თავის აყროლებულ, იაფფასიან სიგარეტებს უხმოდ აბოლებდა. მისთვის ეს ახალი ამბავი არ იყო. იცოდა -- იკივლებს, იწივლებს ქალი და დაიღლებს... მაგრამ, საუბედუროდ, ძმა ჩაერია და აირია ყველაფერი. საბითუნამა შეარცხვინა აიზადა: სად გავიწილა ასეთი რამ, მამის დასასაფლავებლად ჩამოვიდა თუ თავის მოსაჭრელად? განა ყაზახმა ქალმა ასე უნდა დაიტიროს დარბაისელი მამა? განა ყაზახი ქალების დიდებული მოთქმა და ზარი ლეგენდებად და სიმღერებად არ ექცა მათ შთამომავლებს საუკუნეების მანძილზე? მათი მოთქმა და ზარი მკვდრებს ვერ აცოცხლებდა, თორემ ცოცხლებს ცრემლების ღვარს აფრქვევინებდა ირგვლივ. აქებდნენ და ცაში აჰყავდათ მიცვალებული -

ასეთი ზარი იცოდნენ ძველად ქალებმა... ის კი რას სჩადის? სან-
ყალობელ წუნუნსა და ჩივილს მოჰყვა, რა უკუღმართი ბედი შენ
და ამ ქვეყანაზე!

აიზადა თითქოს ამას ელოდა. უარესად აკივლდა და ანივ-
ლდა: ვიშ, რა ჭკვიანი და ნასწავლი ბრძანდები! თუ ასეა, შენს
ცოლს ასწვლე ჭკუა. ეგ ლამაზ-ლამაზი სიტყვები მისთვის შეინა-
ხე! რატომ თვითონ არ ჩამობრძანდა და არ გვაჩვენა დიდებული
ზარი და მოთქვა. სწორედაც მართებდა მამაჩვენის ქება-დიდება.
მაგ გველაძუამ და შენ, მისმა უნამუსო ყურმოჭრილმა მონამ. გა-
ქურდეთ და გაძარცვეთ მოხუცი! თითზე გადასახვეფი არ შეარჩი-
ნეთ. ჩემი ქმარი ხომ ლოთია. მაგრამ აგერ აქა ზის, შენი ჭკუით
დაყურსული ცოლი კი სადა ბრძანდება?

საბითუანმა მაშინ აიზადას ქმარს დაუღრიალა, შენს ცოლს
ხმა ჩააწყვეტინეო, იმასაც უცბად რაღაცამ წამოუარა და საბით-
უანს ეცა დასახრჩობად.

ძლივს გააშველეს ბორანლელებმა განიწმატებული ჭირი-
სუფლები. შერცხვათ, გული აემღვრათ ამ სურათზე, გუნება გა-
უფუჭდათ. ედიღეიმაც იცოდა, განა არ იცოდა რაც ბრძანდებოდ-
ნენ, მაგრამ ამას მაინც არ მოელოდა. განყრა და სასტიკად გა-
აფროთხილა და-ძმა: თუ ერთმანეთს არად აგდებთ, მამის ხსოფ-
ნას მაინც დადეთ პატივი, თორემ ორივეს გაგისტუმრებთ უკან,
არაფერს არ მივხედავ. თქვენს თავსვე დააბრალებთო...

ღიახ, ასეთი ცუდი რაღაც მოხდა დასაფლავების წინა ლა-
მეს. მოიჟამა ედიღეი. კვლავ კოპები დაასხდა შუბლზე, კვლავ
აეკვიატა, არ ასვენებდა ფიქრები - რად გამოუვიდათ ასეთი შვი-
ლები, რა დაემართათ? განა ამას ნატრობდნენ ისა და ყაზანგა-
პი, განა ამაზე ოცნებობდნენ, როცა ქუმბელის ინტერნატში დაჰ-
ყავდათ ისინი სიციფესა თუ სიცხეში, ოღონდაც ესწავლათ,
ოღონდაც ხალხში გამოსულიყვნენ, არ ჩარჩენილიყვნენ სარო-

ზექის რომელიმე ასაქცევზე და უღიმღამოდ არ გაეჩანჩალებინათ ცხოვრება, არ ეწყველათ ბედი, მშობლებმა თავი არ შეინუხეს ჩვენზე. უკუღმა კი დატრიალდა ყველაფერი... რა მოხდა, რამ შეუშალათ ხელი კარგი ადამიანები გამოსულიყვნენ, ზიზლი არ გეგრძნო მათ დანახვაზე?..

ღმერთი უშველის აყლაყუდა ედილბაის, კიდევ იმას გამოაჩნდა ალლო და გულისხმიერება, დარდი გააქარვებინა იმ საღამოს ედილეს. მიხვდა ედილბაი, რა დღეში იყო ედილეი. შვილები არიან მამის ყველაზე დიდი ჭირისუფლები, ასე იყო ათადან-ბაბადან. რა გინდ ნამუსგარეცხილნი და წყალწაღებულნი არ იყვნენ, რას იზამ ვერ გაყრი, ვერ მოიშორებ. და-ძმას შორის მომხდარმა აყალ მაყალმა ყველას ჩაუშხამა გუნება. ჰოდა, ედილბაიმაც თავისთან გადაიპატიჟა მამაკაცები, ცაში რად ვთვალოთ ვარსკვლავები, ჩემთან წავიდეთ, ჩაი დავლიოთ, ვიბა-ასოოთო...

თითქოს სხვა ქვეყანაში მოხვდა აყლაყუდა ედილბაისთან ედილეი. აღრეც ბევრჯერ შეუვლია მეზობელთან და მუდამ ნასიამონები წამოსულა იქიდან, გახარებული. დღეს კი უფრო დიდხანს მოუნდა იქ დარჩენა, სურვილი გაუჩნდა ასეთი - თითქოს სული ჰქონდა დაცლილი და იქ უნდა აეცხო.

აყლაყუდა ედილბაიც რკინიგზის მუშა იყო, სხვებივით მასაც ფიცრის სახლის ნახევარი ეჭირა, ორი ოთახი და სამზარეულო, არც სხვებზე მეტი ჯამაგირი ჰქონდა, მაგრამ აქ სულ სხვა სული - სისუფთავე, მყუდროება, სინათლე დასადგურებელიყო. ჩაი რა არის, ჩაიც კი ედილბაის ფიალებში ფიჭის თაფლივით ტკბილი ეჩვენა ედილეს. ედილბაის ცოლი შესახედავადაც ვარგოდა და ოჯახის დიასახლისადაც. ბავშვები ბავშვებს ჰგავდნენ... სანამ გაეძლებათ, ალბათ მანამდე დარჩებიან საროზექში, ფიქრობდა

ედილე გულში, მერე კი უკეთეს ადგილას გადასახლდებიან. ძალიან დაწყდება კია გული, ესენი რომ აქედან წავლენ...

კირზაჩები კართან დატოვა ედილეიმ და წინდების ამარა შევიდა ოჯახში, ფეხმორთხმული დაჯდა. მთელი დღის მანძილზე ახლა პირველად იგრძნო, რარიგ დაღლილიყო და მოშიებოდა. ფიცრის კედელს ზურგით მიეყრდნო, დადუმდა. დანარჩენები მრგვალ მაგიდას შემოსხდომოდნენ და ხმადაბლა ბაასობდნენ ხან რაზე და ხან რაზე...

ნამდვილი საუბარი მერე გაიბა, უცნაური საუბარი. ნუხელ აფრენილი კოსმიური ხომალდის ამბავი ედილეს აღარც ახსოვდა. ახლა კი მცოდნე ხალხმა ისეთი რაღაცები თქვა, ედილეიც ჩააფიქრა. განა იმიტომ, რაღაც ახალი აღმოეჩინოს თავისთვის, უბრალოდ გააკვირვა იმათმა მსჯელობამ და თავისმა უცოდინარობამ ამ ამბების ირგვლივ. კოსმოსში გაფრენები, სხვებისთვის ესოდენ საგულისხმო, მისთვის ერთობ შორეული, თითქმის გრძნეული, მაგრამ უცხო ამბავი იყო. ამიტომაც გადარაჯებულ-მონინებული გრძნობა ჰქონდა ყოველივე ამისადმი, როგორც რაღაც ყოვლისშემძლე უსახური ნების მოვლინებისას ექნებოდა, დიდი-დიდი. ყურად უნდა იღო, სხვა შენ არ გეკითხება, გინდაც რომ კოსმოსში აჭრილი ხომალდის ხილვამ შეგძრა და თვალი მოგტაცა. სწორედ ამაზე გააბა ბაასი აყლაყუდა ედილბაის სახლში.

ჯერ შუბათი დალიეს - აქლემის რძის კუმისი. ჩინებული შუბათი იყო, გრილი, ქაფმოღებული, ცოტაოდენ მათრობელა, საკონტროლო-სარემონტო ბრიგადის წევრები ყოველთვის ხარბად ეტანებოდნენ ხოლმე ამ სასმელს, სარობეჯის ლუდს ეძახდნენ. ცხელ საუზმეს არაყიც მოაყოლა ედილბაიმ. ბურანელ ედილეს თავპატიჟი არასოდეს გაუდვია, სხვებს არ ჩამორჩენია, მაგრამ ახლა არ გაეკარა და სხვებსაც აგრძნობინა, არაყს მაინ-

ცდამაინც ნუ მიეტანებითო, - ხვალ მძიმე დღე ელოდათ, დიდი გზა ელით წინ. შეშფოთებული უყურებდა, სხვები. მეტადრე საბითუნანი, არაყსა და შუბათს რომ ერთად ეძალებოდნენ. შუბათი და არაყი ერთმანეთს კარგად ეთავსება, ერთ ეტლში შებმულ ბედაურებივით არიან - ადამიანს ბუნებას უხალისებენ. მაგრამ დღეს ხომ გახალისება არავის სჭიროდა. არადა, როგორ უნდა დაუშალო მოწიფულ კაცებს, არ დალიოთო? თავად უნდა იცოდნენ ზომა. ერთადერთი ნუგეში ის იყო, რომ აიზადას ქმარი არაყს არ მიჰკარებია. ლოთს და ბევრი უნდა, ხელად დათვრება. გამოშტერდება, ის კი მარტო შუბათს სვამდა. ეტყობა, ესმოდა მაინც, რომ სიმამრის დასაფლავებაზე გატრეტილი მთვრალი არ შეიძლება იყოს, მეტისმეტი იქნება. თუმცა სანამდე შეიკავებს თავს, ღმერთმა უწყის.

ასე ისხდნენ და მუსაიფობდნენ ათას რამეზე. ედილბაი შუბათს უსხამდა სტუმრებს, თავის გრძელზე გრძელ ხელებს ექსკავატორის ციცხვივით შლიდა და კეცავდა. ჰოდა, როცა სუფრის მეორე თავიდან ედილვის სავსე ფიალა გაუწოდა, უცებ გაახსენდა:

- ედიქე, გუშინლამ, თქვენ რომ წახვედით, იმავ წუთს ისე შეზანზარდა ჰაერი, კინალამ წავიქეცი. გავიხედე, რაკვეთა აჭრილიყო კოსმოდრომიდან. ვეებერთელა, ხელნასავით უშველებელი! არ დაგინახავთ?

- დავინახე ჰქვია! სახტად დავრჩი! ძალაც ასეთი უნდა ცეცხლს აფრქვევდა ; ზევით-ზევით მიიწვავდა, ბოლო აღარ უჩანდა! შემეშინდა კიდევ. ამდენი ხანია აქ მიცხოვრია, მსგავსი არაფერი მნახავს.

- მეც პირველად ვნახე ჩემი თვალით, - გამოტყდა ედილბაი.

- შენ თუ პირველად ნახე, ჩვენ რაღა გვეთქმის, აბა როგორ ვნახავდით, - ვითომ გაიხუმრა საბითუანმა, ედილობაის გაჰკრა კბილი, ასე მალალი რომ იყო.

აყლაყუდა ედილობაის ცალყბად ჩაელიმა.

- მე რა მოსატანი ვარ, - ხელი ჩაიქნია მან, - ვუყურებ და თვალებს არ ვუჭერი - ცეცხლი გუგუნებს ცაში, მაშასადამე, ვიფიქრე, ვილაც გაფრინდა კოსმოსში. გზა მშვიდობისა ჰქონიამეთქი! ხელად გადავატრიალე ტრანზისტორი, მუდამ თან დამაქვს! ვიფიქრე, ალბათ უკვე რადიოთი გადმოსცემენ მეთქი. ჩვეულებრივ ხომ კოსმოდრომიდან მაშინვეა სიხარულისგან დიქტორი ისე ლაპარაკობს, გეგონება, მიტინგზეაო. ჟრუანტელი დაგივლის ტანში! ძალიან მინდოდა, ედიქე, გამეგო, ვინ იყო, პირადად მე ვინ ვნახე გაფრენისას. მაგრამ ვერაფერი გავიგე.

- ნეტა რატომ? - ყველას დაასწრო საბითუანმა და განცვიფრებით, მრავლისმეტყველად და მედიდურად აჭიმა წარბები. უკვე მოჰკიდებოდა ბრუჟი, გაოფლიანებული და განითლებული იყო.

- რა ვიცი, არაფერი გადმოუციათ. მუდამ „მაიაკის“ ტალღაზე მიყენია რადიო. ერთი სიტყვაც არ უთქვამთ...

- შეუძლებელია! აქ რაღაც სხვა ამბავი იქნება! - დაეჭვდა საბითუანი და არაყის ყლუპს უმალ შუბათი დააყოლა. - კოსმოსში ყოველი გაფრენა საქვეყნო ამბავია... გესმის? ჩვენი მეცნიერებისა და პოლიტიკის პრესტიჟის ამბავი!

- მე რა ვიცი, რატომ. საგანგებოდ უკანასკნელ ცნობებსაც ვუსმინე, გაზეთების მიმოხილვასაც.

- ჰმ! - თავი გააქნია საბითუანმა. - სამსახურში რომ ვყოფილიყავი, ცხადია, გავიგებდი! აფსუს, ეშმაკმა დალაზვროს. ან იქნებ აქ სხვა რამ ამბავია?

- ვინ იცის, რა ამბავია, ოლონდაც მე კი, ღმერთმანი, გული დამწყდა, - გულწრფელად გამოტყდა აყლაყუდა ედილობაი. ასე მეგონა, ჩემი კოსმონავტი იყო, რალაი ჩემ თვალწინ გაფრინდა. ვიფიქრე, იქნებ ჩვენი ბიჭებიდან გაფრინდა ვინმე. ვაი, რა სიხარული იქნებოდა. ვნახოთ და სადმე შევხვდეთ, გაგეხარდება კაცს..

საბითუანმა საჩქაროდ გაანყვეტინა, თითქოს რაღაცას მიხვდაო.

- ჰოო, მესმის. უპილოტო ხომალდს გაუშვებდნენ, მაშასადამე, საცდელად.

- ეს როგორ? - აღმაცერად შეხედა ედილობაიმ.

-საცდელი ვარიანტი იქნებოდა, უპილოტო ხომალდის შესაპირისპირებლად ან ორბიტაზე გასასვლელად. ჯერ არავინ იცის, როგორ იქნება საქმე. თუ კარგად დამთავრდა, რადიოშიც იქნება ცნობა და გაზეთშიც. თუ არა, შეიძლება არც არაფერი დასწერონ, უბრალოდ მეცნიერული ცდაა.

- მე კი მეგონა, ცოცხალი ადამიანი გაფრინდა-მეთქი, - ედილობაიმ წყენით მოიფხანა შუბლი.

საბითუანის ახსნა-განმარტებამ ცოტა არ იყოს გული გაუტეხა მსმენელებს და დადუმდნენ, იქნებ საუბარი აღარც გაგრძელებულიყო, რომ თვითონ ედილეის უნებურად ხელახლა არ დაეწყო:

-მაშასადამე, კოსმოსში ადამიანის გარეშე გაფრინდა რაკეტა, ჭიგიტებო? სწორად გავიგე? კი მაგრამ, ვინ მართავს?

- ვინ? - განცვიფრებით აიქნია ხელები საბითუანმა და ნიშნისმოგებით გადახედა უვიც ედილეის. - იქ, ედილეი, ყველაფერი რადიოს საშუალებით კეთდება. დედამიწის ბრძანებით მართვის ცენტრიდან. ყველაფერს რადიოთი მართავენ, გესმის? გინდაც შიგ კოსმონავტი იჯდეს, რაკეტას მაინც რადიოთი მართავენ.

კოსმონავტს თუ რამის გაკეთება უნდა თვითონ, ამაზე ნებაართვა უნდა ითხოვოს... ეს. ქოქეტი² ძვირფასო, ყარანართ მგზავრობა არ გეგონოს სარობეჟში, იქ ყველაფერი ძალზე რთული გახლავს...

- აბა უყურე შენ, - გაურკვევლად წაილაპარაკა ედიღეიმ.

როგორ შეიძლება რადიოთი მართვა. ბურანელ ედიღეის ვერა და ვერ გაეგო. რადიო მისთვის - ხმები, ბგერები იყო, ეთერში რომ შორი მანძილიდან მოდიოდა. მაგრამ უსულო საგანი როგორ შეიძლება ამდაგვარად მართო? თუ უსულო საგნის შიგნით აღამიანი იქნება, კიდევ ჰო: ის შეასრულებს ბრძანებას - ასე მოიქეცი ისე მოიქეცი. კი უნდოდა კარგად გამოეკითხა ყველაფერი, მაგრამ გადანყვიტა, არ ღირსო. გულმა არ უქნა რატომღაც და გაჩუმება არჩია. მეტისმეტი მოწყალე კილო ჰქონდა საბითუანს, აი მე რამდენი ვიცი, თქვენ კი არარაობად მთვლით, ეს ჩემი ლოთი სიძე დასახრჩობადაც მეცა, თუმცა თქვენზე მეტი გამეგებაო. „ღმერთმა კარგად გამყოფოს, - გაიფიქრა ედიღეიმ, - იმიტომაც გასწავლიდით მთელი ცხოვრება. ჩვენისთანა უსწავლელებზე მეტი ვილაცამ ხომ უნდა იცოდეს“. ისიც კი მოაფიქრდა ბურანელ ედიღეს: „ამისთანა კაცი რომ მთავრობაში მოხვდეს - მტრისას, ყველას შეჭამს, თუ მისმა ქვეშევრდომებმა ყოვლისმცოდნედ არ გაასაღეს თავი. ჯერჯერობით მაგას დაარბენინებ აქეთ-იქით. ჰოდა, სარობეჟში უნდა იზლოს ყველაფერი, აქ მაინც პირში უყუროს ყველამ...

საბითუანს ალბათ მართლა უნდოდა საბოლოოდ გაეგნებინა, რეტი დაესხა ბორანელებისათვის, რათა დასა და სიძესთან სამარცხვინო აყალმაყალის შემდეგ ფასი აწეოდა მათ თვალში, ამ ლაპარაკით ყურადღება სხვა საგანზე გადაეტანა.

² მოფერებითი, კნინობითი და ამავე დროს მოწყალე მიმართვა.

ჰოდა, მოხსნა გუდა დაუჯერებელ სასწაულებზე, მეცნიერების მიღწევებზე, თან არაყსაც არ ივინყებდა, ყლუპ-ყლუპით სვამდა, ზედ შუბათს აყოლებდა. ამან უფრო და უფრო შეახურა და ისეთი გაუგონარი რალაცები დაფქვა, საწყალმა ბორანელებმა აღარ იცოდნენ, რა დაეჯერებინათ და რა არა.

- აბა, თვითონ განსაჯეთ, - ამბობდა იგი და აპრიალეული სათვალდიდან აგზნებით, მომნუსხველად უცქერდა ყველას, - გავგება რომ გვექონდეს, ჩვენზე ბედნიერი ხალხი კაცობრიობის ისტორიას არ ახსოვს. აი, შენ, ედიღეი, ყველაზე უფროსი ხარ ჩვენში. შენ იცი, ადრე როგორ იყო და ახლა როგორ არის. ამას რატომ ვამბობ? ადრე ხალხს ღმერთებისა სწამდა. ძველ საბერძნეთში ღმერთები თურმე ოლიმპოს მთაზე ცხოვრობდნენ. მაგრამ რა ღმერთები იყვნენ ისინი?! წმიდანყლის ობროდები. რა შეეძლოთ? ერთმანეთს ეჩხუბებოდნენ, აი, რით გაითქვეს სახელი, ადამიანის ცხოვრება კი ვერ შეცვალეს, თავი არც აუტკივებით ამაზე. ეს ღმერთები არც ყოფილან, მხოლოდ მითია, ზღაპარი. ჩვენი ღმერთები კი აგერ იქ, ჩვენ გვერდზე, კოსმოდრომზე ცხოვრობენ, ჩვენი საროზექის მიწაზე, მთელი მსოფლიოს წინაშე ამით მოგვაქვს თავი. ჩვენ მათ არ ვხედავთ, არ ვიცნობთ და არც უნდა ვიცნობდეთ, არცაა წესი და არც მართებს ყოველ შემხვედრ მირქინბაი-შიიქიმბაის ხელი მიაჩქოს: გამარჯობა, რასა იქმო? მაგრამ ისინი ნამდვილი ღმერთები არიან! აი, შენ, ედიქე, გიკვირს, როგორ მართავენ კოსმიურ ხომალდებს რადიოთი. ეს რაა, ეს სისულელეა, უკვე განვლილი საფეხურია! ეს აპარატურა, მანქანები მოქმედებენ პროგრამის მიხედვით. მაგრამ დადგება დრო, როცა რადიოს მეშვეობით ადამიანებსაც დაუნწყებენ ავტომატების დარად მართვას. გესმით - ადამიანებს, სუყველას, დიდსაც და პატარასაც. უკვე არის საამისო მეცნიერუ-

ლი მონაცემები. მეცნიერებამ ამასაც მიაღწია, ზენა მიზნებიდან გამომდინარე.

- დაიცა, დაიცა, რა ხელდახელ ზენა მიზნებს მიახტები ხოლმე! - გააწყვეტინა აყლაყულა ედილბაიმ. - შენ ის მითხარი, რალაც ჩემამდე ვერ დადის, მაშასადამე, ყველამ სულ პატარა რადიომიმღები უნდა ვატაროთ, ტრანზისტორის მსგავსად, ბრძანება რომ გავიგოთ? მაგრამ ასე ხომ უკვე ყველგანაა!

- აბა შენა ხარ! ამაზე ვინ ლაპარაკობს? ეს სისულელეა, ეს ბალღური ოინებია! არაფერიც არ უნდა ატარო, გინდაც დედიშობილა იარე. ოლონდაც უხილავი რადიოტალღები - ეგრეთწოდებული ბიოდენები - ნიადაგ იმოქმედებენ შენზე, შენს შევნებაზე. მაშინ რალას იზამ?

- ეგრეა?

- მაშ რა გეგონა! ადამიანი ყველაფერს ცენტრის კარნახით გააკეთებს. იმას ჰგონია, თავისით ცხოვრობს და მოქმედებს, თავისი ნებით, სინამდვილეში კი ზემოდან უთითებენ, მკაცრი განრიგის მიხედვით. უნდა იმღერო - სიგნალი იქნება და იმღერებ. უნდა იცეკვო - სიგნალი იქნება და იცეკვებ. უნდა იმუშაო - სიგნალი იქნება და იმუშავებ, მერედა როგორ იმუშავებ! ქურდბაცაცობა, ხულიგნობა, ბოროტმოქმედება - დაფიწყებას მიეცემა, მარტო ძველ წიგნებში წაიკითხავენ ამაზე, ვინაიდან და რადგან ყველაფერი იქნება გათვალისწინებული - ადამიანის ყველა საქციელი, ყველა ფიქრი, ყველა სურვილი. მაგალითისათვის ვთქვათ, მსოფლიოში ახლა დემოგრაფიული აფეთქებაა, ესე იგი ადამიანები მეტისმეტად გამრავლდნენ, საჭმელი არ ჰყოფნით. რა არის ამის წამალი? ის, რომ დაბადება შემცირდეს. ცოლთან მაშინ გექნება საქმე, როცა სიგნალს მიიღებ, საზოგადოების ინტერესებიდან გამომდინარე.

- ზენა მიზნებიდან, ხომ? – ცოტა არ იყოს იქედნურად დააზუსტა აყლაყულა ედილობაიმ.

- სწორედაც ეგრე, სახელმწიფო მიზნები ყველაფერზე მაღლა.

- თუკი მაგ მიზნების გარეშე მომინდა ცოლთან ან კიდევ სხვა რამ?

- ედილობაი, ძვირფასო, არაფერიც არ გამოგივა, ასეთი აზრი თავშიც არ გაგივლის. მზეთუნახავიც რომ გაჩვენონ, ზედაც არ შეხედავ. იმიტომ რომ უარყოფით ბიოდენებს ჩავირთავენ. ამ საქმესაც, მერწმუნე, ღამი მოიყვანენ. ან ავიღოთ სამხედრო საქმე, ყველაფერი სიგნალით იქნება. ცეცხლში შევარდნა იქნება საჭირო, ცეცხლში შევარდები, პარაშუტით უნდა გადმოხტე – თვალსაც არ დაახამხამებ, ატომური ნალში ტანკვეშ უნდა ააფეთქო -- კი, ბატონო, ამ წუთას. რატომ, მკითხავ? სიმამაცის ბიოდენი ჩაირთვება -- და მორჩა, შიმმა ჭირი მოგჭამა... ასეა, მაშ!

- ვაჰ, რა ცრუპენტელა ყოფილხარ! რას აბრაახუნებ! ნეტა ამდენი წელი რას გასწავლიდნენ? - გულწრფელად უკვირდა ედილობაის.

სხვები სიცილს ვერ იკავებდნენ, თავს აქნევდნენ, ცქმუტავდნენ, აბა, უყურე. რა ზღაპრებს ჰყვება ბიჭი, მაგრამ მაინც უსმენდნენ - მერე რა, რომ ეშმაკ-ქაჯურ რაღაცებს როტავს, საინტერესო კია, არგავგონილი. თუმცა მთვრალს რა მოეკითხება, არაყთან ერთად შუბათს ყლურწავს, იყბედოს, რამდენიც უნდა. სადღაც რაღაც გაუგონია, რაღაცისათვის მოუკრავს ყური, მაგრამ რაა მართალი და რა ტყუილი. ღირს კია თავის მტვრევა. და მაინც ედილეი ერთ პირობა შიშის ზარმა აიტანა - ვთქვათ და ტყუილად არ ჩხავის ეს ჩვენი ყბედი, ალბათ საღაც ამოიკითხა ან ყური მოჰკრა, ეგ ყველაფერს ჰაერში იჭერს სად რა ხდება

ცუდი და ავი. ვთქვით და დასტურ არიან სადმე ისეთი ადამიანები, თანაც დიდი მეცნიერები, რომლებსაც მართლა სწყურიათ ღმერთებივით თავიანთ ნება-სურვილზე ატრიალონ სალნი?..

საბითუანი კი ერეკებოდა და ერეკებოდა თავისას, მეტადრე რომ მსმენელები ჰყავდა. სათვალე დაეოფლა, გუგები გაუგანივრდა, როგორც კატას სიბნელეში, ხან არაყს ყლურწავდა და ხან შუბათს. ახლა ხელების ქნევით რომელიღაც ბერმუდის სამკუთხედზე ჩმახავდა რაღაცას. ეს კუნძული ოკეანეშიაო, იქ გემები იღუპებიან, თვითმფრინავები უგზოუკვლოდ იკარგებიანო.

- აგერ ჩვენს ოლქში ერთი კაცი იყო, თავს იკლავდა, ისე უნდოდა საზღვარგარეთ წასვლა. ნეტა რა დარჩენოდა იქ! ჰოდა, გაემგზავრა კიდევაც თავისდა ჭირად. იმეტიჩრა, სხვებს თავზე გადაახტა. გაფრინდა, არ ვიცი, ურუგვანიში თუ პარაგვანიში და კიდევ მოგჭამა ჭირი. ზედ ბერმუდის სამკუთხედზე თვითმფრინავი ფაფუ! აორთქლდა, გაქრა. დაიღუპა კაცი! ამიტომაც, მეგობრებო, რა საჭიროა ვისმე ეხვეწო, ნებართვაზე ემუდარო, სხვებს გადაახტე, ბერმუდის სამკუთხედების გარეშე როგორმე გავძლებთ, იხარე, იცხოვრე შენს მინაზე, ჯანმრთელობა არ მოგაკლოს ღმერთმა მოდით, ჩვენი ჯანმრთელობისა შევსვით!

„ოჰო, გაუტია მისებურად! - გულში შეიკურთხა ედიღეიმ. ახლა თავის საყვარელ არაკს მოაყოლებს. ეს რა ჭირია! დალევა თუ არა, მაშინვე მუხრუჭები მოეშლება!“ ასეც მოხდა.

- მაშ შევსვით ჩვენი ჯანმრთელობისა! - გაიმეორა საბითუანმა და ამღვრეული, აცაბაცა მზერა მოავლო ყველას, თუმც მაინც ცდილობდა მედიდური იერი არ დაეკარგა. - ჩვენი ჯანმრთელობა ყველაზე დიდი სიმდიდრეა ამ ჩვენი ქვეყნისა, მაშასადამე, ჩვენი ჯანმრთელობა - სახელმწიფო ქონებაა. დიახ. ბატონო! არც ისეთი უბრალო ხალხი გახლავართ, სახელმწიფო ხალხი გვქვია კიდევ მინდა გითხრათ...

სწრაფად წამოდგა ბურანელი ედილეი, საბითჟანს სადღეგრძელოს დამთავრება არ აცალა, გარეთ გავიდა. პარმალზე, ბნელში, რალაცას გაჰკრა ფეხი - ცარიელი ვედრო თუ რალაც ჯანდაბა აახრიგინა - ფეხები ჩაჰყო გაყინულ კირბაჩებში და შინისკენ გასწია. „ვაი, საწყალო ყაზანგაპ! - უხმოდ დაიკვნესა მწარედ და ულვაში ჩაიკვნითა, - ეს რა გამოდის - არც სიკვდილს დაგიდევს და არც გლოვას. გათხლაშულა სკამზე, იტყვიპება არაყით, თითქოს ქეიფში იყოს, არაფერი ანალვლებს! მოიგონა რალაც ჭირად ის წყეული არაკი -- სახელმწიფო ჯანმრთელობაო, და სულ ამას გაიძახის. ღმერთმა ქნას, ხვალ ადათისამებრ მოვაგვაროთ ყველაფერი. რომ დავასაფლავებთ და პირველ ქელეხს გადავიხდით, მაგის ფეხი აღარ იქნება ჩვენთან, თავიდან მოგვშორდება, ვის რა ოხრად უნდა აქ ან თვითონ ვინ რაში ჭირდება?!“

ისე კი თურმე კაი დიდხანს მსხდარან აყლაყუდა ედიბაისთან.

შუალამე გადასულიყო. ღრმად ისუნთქავდა ედილეი სარობექის ცივ ჰაერს. ხვალ ალბათ მზიანი, მშრალი დღე იქნება, საკმაოდ ცხელი. მუდამ ასეა. დღისით ცხელა, ღამლამობით კი ცივა. კანკალი აგიტანს კაცს. იმიტომაც გახრიოკებულა აქაურობა - მცენარეები ვერ ხარობენ, დღისით მზისკენ მიისწრაფიან, აყელყელდებიან, ცვარს ნატრობენ, ღამე კი სიცივე აზრობთ, იმიტომაც მხოლოდ ნარეკალა და აბზინდა ძლებს აქ, ისინი ხარობენ მარტო. ხევის ნარიყზე თუ იპოვი ალაგ-ალაგ ბუჩქა-ბუჩქა ბალახს, იმას თუ გაცელავ თივად. ბურანელი ედილეის ძველი დოსტი - ელიზაროვი, გეოლოგი რომ იყო, ჰყვებოდა კი არადა, პირდაპირ სურათს გიხატავდა, რა დიდებული, ბალღაზიანი მინდვრები ყოფილა აქ. ჰავაც სხვანაირი, წვიმა სამჯერ უფრო მეტი მოდიოდა თურმე. ცხოვრებაც, ცხადია, სხვა იყო, სარობექში ნა-

ხირი, რემა, ფარა დადიოდაო. ალბათ დიდი, დიდი ხნის წინათ იყო ეს ყველაფერი, ალბათ იმაზე ადრე, ვიდრე აქ ჟუანჟუანების მძვინვარე ტომი ჩამოეთესლებოდა, რომელთა კვალი საუკუნეებმა წაშალა. გადმოცემა დარჩა მარტო, თორემ ამდენი ხალხი საროზექში როგორ დაეტეოდა. ტყუილად კი არ იძახდა ელიზაროვი: საროზექი ტრამალების ისტორიის დავინწყებული წიგნიაო... მისთვის რომ გეკითხა, ანა-ბეიითის სამარხიც შემთხვევითი ამბავი არ იყო. ზოგი მწიგნობარი ისტორიად მარტო იმას თვლის. რაც ქალღმერთზე წერია. მაგრამ თუ იმ ხანებში წიგნები არ იწერებოდა, მაშინ რას იტყვი?..

გრიალით მიქრი-მოქროდნენ ასაქცევებზე მატარებლები. ყურს უგდებდა ედილეი ამ გრიალს და რატომღაც არალის ზღვის ქარიშხლები ახსენდებოდა. არალის ნაპირზე დაიბადა, გაიზარდა და ომამდე დაჰყო ედილეიმ. ყაზანგაპიც არალელი ყაზახი იყო. იმიტომაც დაახლოვდნენ, როცა რკინიგზაზე ამოჰყვეს თავი. ბევრჯერ მონატრებიათ საროზექში თავიანთი ზღვა. ყაზანგაპის სიკვდილამდე არც ისე ადრე ორივე გაემგზავრა ზღვაზე. თურმე ზღვას გამოემშვიდობა ბებერი. ჯობდა კი არ წასულიყვნენ. გუნება ჩაიშხამეს და მეტი არაფერი. სადღა იყო ზღვა, თურმე შრება, ქრება არალი. ათიოდე კილომეტრი იარეს დამშრალ, მოტიტვლებულ თიხნარზე, ვინემ წყლის პირს მიაღწევდნენ. მაშინ თქვა ყაზანგაპმა: „ანა-ბეიითზე უნდა დამმარხო, ედილეი! ზღვას მეტად ველარ ვიხილაგ!..“

სახელოთი მოიწმინდა მომდგარი კურცხალი ბურანელმა ედილეიმ, ჩაახველა, ყელი ჩაიწმინდა. ხმაზე არ შეტყობოდა გულაჩვილება. და ყაზანგაპის მიწურში შევიდა. იქ ჭირისუფლად აიზადა, უქუბალა და სხვა ქალები ისხდნენ. ბორანლელი ქალებიდან ხან ვინ შემოვიდოდა და ხან ვინ, ცოტა ხანს რომ მჭდარიყო და საქმეში წაშველებოდა სხვებს.

საჩეხეს რომ ჩაუარა, ედილეი წამით შეჩერდა მიწაში ჩარ-
ჭობილ როკიან პალოსთან, სადაც შეკაზმული და ფუნჯიანი ყაჯ-
რით დამშვენებული ბურანელი ყარანარი იდგა, მთვარის შუქზე
სპილოსებრ ვეება, დინჯი და ძლიერი. ედილეიმ ვერ მოითმინა,
აქლემს ფერდზე გაჰკრა ხელი:

- რა კაი ვილაც ხარ!

რატომღაც ზღურბლზე გაახსენდა ედილეის, თვითონაც
არ იცოდა, რატომ, ნუხელ რომ მელამ მოირბინა რკინიგზასთან,
მან კი ვერ გაბედა, გადაიფიქრა ქვა ესროლა მელასათვის; ისიც
მოაგონდა, როცა შინ მიდიოდა, როგორ აიჭრა კოსმოდრომი-
დან ცეცხლოვანი ხომალდი ცის შავ უფსკრულში...

თავი 3.

ამ დროს წყნარი ოკეანის ჩრდილოეთ განედებში უკვე გათენებული იყო, დილის რვა საათი იქნებოდა. თვალისმომჭრელად ჩახჩახებდა მზე, უსაზღვრო შუქად ეღვრებოდა მობრკიალე უკიდევანო სივრცეს. აქ, ქვეყნის ამ კიდეზე მხოლოდ ცისა და წყლის საუფლო იყო. მაგრამ სწორედ აქ, ავიოსან „კონვენციის“ ქიმზე, თამაშდებოდა მსოფლიო დრამა, რის თაობაზე გემის მიღმა ჯერ კაციშვილმა არ უწყოდა და რაიც კოსმოსის ათვისების მთელი ისტორიის მანძილზე ამერიკულ-საბჭოთა ორბიტალურ საღვურ „პარიტეტზე“ მომხდარ გაუგონარ შემთხვევას გამოეწვია.

ავიოსან „კონვენციას“ - ერთობლივი პლანეტოლოგიური პროგრამა „დემიურგის“ სტრატეგიულ შტაბს - რომელმაც მყის შეწყვიტა ყოველგვარი კავშირი გარე სამყაროსთან, არ შეუცვლია თავის მუდმივი ადგილ-სამყოფელი ალუეტის კუნძულების სამხრეთით წყნარ ოკეანეში, პირიქით, მეტი სიზუსტით მოახდინა ამ რაიონში კოორდინირება, რომ საჰაერო გზით ზუსტად ერთნაირი მანძილით ყოფილიყო დაშორებული როგორც სანფრანცისკოდან, ისე ვლადივოსტოკიდან.

თვით სამეცნიერო გემზეც მოხდა ზოგი რამ ცვლილება. პროგრამის ამერიკულ და საბჭოთა გენერალური თანახელმძღვანელობის მითითებით. კოსმიური კავშირის ბლოკის ორივე მორიგე ოპერატორი, რომლებმაც „პარიტეტზე“ მომხდარ საგანგებო ამბის თაობაზე ინფორმაცია მიიღეს. დროებით, მაგრამ

მკაცრად იყვნენ იზოლირებულნი, რათა მომხდარ ამბავს საიდანმე არ გაეჟონა...

„კონვენციის“ ეკიპაჟს შორისაც გაძლიერებული მზადყოფნის მდგომარეობა შეიქმნა, თუმცალა გემს სამხედრო დანიშნულება არ ჰქონდა, მით უმეტეს, არც შეიარაღებული იყო და, გაერთიანებული ერების ორგანიზაციის საგანგებო გადაწყვეტილებით, საერთაშორისო ხელუხლებლობის სტატუსით სარგებლობდა. მსოფლიოში ეს ერთადერთი არასამხედრო ავიოსანი გახლდათ.

დღის თერთმეტი საათისათვის, ხუთი წუთის შუალედით, „კონვენციაზე“ ორივე ქვეყნის საპასუხისმგებლო კომისიის ჩამოსვლას მოელოდნენ, რომელნიც განსაკუთრებული უფლებებით იყვნენ მოსილნი სასწრაფო გადაწყვეტილებისა და პრაქტიკული ღონისძიებების მისაღებად, რასაც უცილობლად მიიჩნევდნენ თავიანთი ქვეყნების უშიშროებისა და მშვიდობის დაცვისათვის.

ასე და ამგვარად, ავიოსანი „კონვენცია“ ამ დროს ალექსანდრის სამხრეთით, გაშლილ ოკეანეში ილდგა, ვლადივოსტოკსა და სანფრანციკოდან ერთნაირ მანძილზე. ეს მდებარეობა შემთხვევით როდი იყო შერჩეული. როგორც არასდროს, ისეთი სიცხადით გამოვლინდა ამჯერად პროგრამა „დემიურგის“ შემომქმედთა გამჭრიახობა და წინდახედულება. რამეთუ გემის, მდებარეობაც კი, რომელზედაც პლანეტოლოგიურ გამოკვლევათა ერთობლივად შემუშავებული გეგმა ხორციელდებოდა, ამტკიცებდა სრული თანასწორობის პრინციპებს, სრულიად პარიტეტულ საწყისებს ამ უნიკალურ სამეცნიერო-ტექნიკურ საერთაშორისო თანამშრომლობისას.

ავიოსანი „კონვენცია“, მისი მონყობილობა, აღჭურვილობა, ენერჯის მარაგი თანასწორად ეკუთვნოდა ორივე მხარეს

და ამგვარად ორივე სახელმწიფო კოოპერატიულ გემს წარმოადგენდა. იგი პირდაპირი და ერთდროულად მოქმედი რადიოსატელეფონო-სატელევიზიო ხაზით იყო დაკავშირებული როგორც ნევადის, ისე საროზექის კოსმოდრომებთან. ავიოსანზე იმყოფებოდა რვა, თითოეული მხრიდან ოთხ-ოთხი, რეაქტიული თვითმფრინავი, რომელთა მეშვეობით მუდმივად ხორციელდებოდა ყველა სატრანსპორტო მოძრაობა თუ ტვირთის გადატანა, ერთი მართვის საერთო ცენტრს სჭირდებოდა ხმელეთთან ყოველდღიური კავშირისთვის. „კონვენციაზე“ იმყოფებოდა ორი პარიტეტ-კაპიტანი - ერთი საბჭოთა და ერთი ამერიკელი: პარიტეტ-კაპიტანი 1-2 და პარიტეტ-კაპიტანი 2-1; ყოველი მათგანი უფროსი გახლდათ თავისი მორიგეობის ხანს. მთელი გემის ეკიპაჟი - პარიტეტ-კაპიტანთა, თანაშემწენი, შტურმანები, მექანიკოსები, ელექტრიკოსები, მეზღვაურები, სტიუარდები ორივე მხარეს თანატოლი რაოდენობით შეერჩია.

იმავე სისტემაზე იყო აგებული სამეცნიერო ტექნიკური შემადგენლობაც. დანყებული პროგრამის გენერალური თანახელმძღვა ნელობით თითოეული მხრიდან - 1-2 და 2-1 მთავარი პარიტეტ-პლანეტოლოგებით, მომდევნო მეცნიერ-მუშაკებიც ყველა დარგისა ასევე თანატოლი რაოდენობით იყო შერჩეული ორივე მხრიდან. კოსმოსური სადგურიც, რომელიც დედამიწიდან დღესდღეობით ყველაზე შორეულ ორბიტა „ტრამპლინზე“ მდებარეობდა, „პარიტეტად“ იწოდებოდა და იმ ურთიერთდამოკიდებულების არსს გამოხატავდა, დედამიწაზე რომ არსებობდა.

რალა თქმა უნდა, ყოველივე ამას დიდძალი სხვადასხვაგვარი მოსამზადებელი სამუშაოები უძღოდა წინ ორივე ქვეყნის სამეცნიერო, დიპლომატიური თუ ადმინისტრაციული დაწესებულებებისა. ცოტა წლები როდი დასჭირდა, ვინემ ორივე მხარე

უთვალავ შეხვედრებსა და თათბირებზე პროგრამა „დემიურგის“ ზოგად თუ კერძო საკითხებზე შეთანხმდებოდა.

პროგრამა „დემიურგს“ ამ საუკუნის კოსმოლოგიურ პრობლემათა შორის ყველაზე დიდი ამოცანა დაესახა - შეესწავლა პლანეტა „იქსი“. მისი მინერალური რესურსების გამოყენების მიზნით, იგი ხომ მიწისშვილთა წარმოდგენით გაუგონარ და წარმოუდგენელ შიდა ენერჯის მარაგს შეიცავდა. ვარსკვლავის ზედაპირზე თითქმის თავისუფლად მდებარე ასეული ტონობით იქსისეული მადანი იმდენი რაოდენობის შიდა ენერჯიას გამოათავისუფლებდა შესაფერი დამუშავების შედეგად, რამდენიც გადამუშავებული სახით მთელ ვეროპას ელექტროობისა და სითბოს სახით მთელი წელი დასჭირდებოდა. ასეთი გამოდგა მატერიის ენერგეტიკული ბუნება იქსზე, რომელიც გალაქტიკის საგანგებო პირობებში ხანგრძლივი პლანეტარული ევოლუციის შედეგად წარმოშობილიყო მილიარდობით წლობის მანძილზე. ამას მოწმობდა ნიადაგის სინჯები, არაერთგზის რომ ჩამოეტანათ კოსმიურ აპარატებს იქსის ზედაპირიდან, ამაზე ლაღადებდა ჩვენი მზიური სისტემის ამ წითელ პლანეტაზე ხანმოკლედ გადამსხდარ ექსპედიციათა შედეგებიც.

გადამწყვეტ მამოძრავებელ ძალად, იქსის ათვისების პროექტის სასარგებლოდ, აღმოჩნდა გარეგნულად უდაბნოდ მზირალი იქსის პლანეტის წიაღში მდებარე თავისუფალი წყალი, რაც მთვარის და ვენერას ჩათვლით მეცნიერებისათვის არც ერთ ცნობილ პლანეტაზე არ აღმოჩენილა. იქსზე რომ წყალი უდავოდ იყო, ეს სინჯებმაც დაადასტურა. მეცნიერთა გამოანგარიშებით იქსის ზედაპირის ქვეშ წყალი შესაძლოა რამდენიმე კილომეტრის სისქეზე ყოფილიყო, რასაც უცვლელ მდგომარეობაში აჩერებდა ქვემოთ მდებარე ცივი, ქვიანი ქანების ფენები.

იქსის ვარსკვლავზე სწორედ წყლის ესოდენ უზარმაზარი რაოდენობის არსებობა უზრუნველყოფდა პროგრამა „დემიურგის“ რეალობას. წყალი ამ შემთხვევაში არათუ ტენიანობის წყაროს წარმოადგენდა, არამედ სხვა ელემენტთა სინთეზირების აღმოსავალ მასალასაც, იმ ელემენტთა, რომელნიც აუცილებელი იყო უცხო პლანეტათა პირობებში სიცოცხლის შესანარჩუნებლად ადამიანის ორგანიზმის ნორმალური არსებობისათვის, პირველ ყოვლისა კი სუნთქვისათვის საჭირო ჰაერისა. საწარმოო თვალსაზრისით წყალი მთავარი გახლდათ იქსისეული ქანების პირველადი ფლოტაციის ტექნოლოგიაში, მათი გადმოტვირთვის დროს ტრანსკოსმიურ კონტეინერებში.

ჯერჯერობით კვლავ ბჭობა და მსჯელობა მიმდინარეობდა იმ საკითხის ირგვლივ, სად უფრო მართებული იქნებოდა იქსისეული ენერჯის მიღება: კოსმოსის ორბიტალურ სადგურებზე, რომ მერე გეოსინქრონული ორბიტებით მიწაზე გადაეცათ, თუ უშუალოდ თვით მიწაზე. მაგრამ დრო ჯერ კიდევ ითმენდა.

უკვე მზადდებოდა მეტურღეთა და ჰიდროლოგთა ჯგუფის დიდი და ხანგრძლივი ექსპედიცია იქსის პლანეტაზე, რომლებსაც უნდა უზრუნველყოთ იქსის წიალიდან წყლის მუდმივი და ავტომატური ნაკადი წყალსადენთა სისტემაში. ორბიტალური სადგური „პარიტეტი“, მთამსვლელთა გამოთქმას თუ ვიმართ, მთავარი საბაზო ბანაკი იყო იქსის გზაზე. „პარიტეტზე“ უკვე მონყობილი იყო საჭირო კონსტრუქციები სატრანსპორტო „მაქოების“ მისადგომად და გადასატვირთ-გადმოსატვირთად, იქსსა და „პარიტეტს“ შორის რომ ივლიდნენ. დროთა ვითარებაში, ბლოკების დადგმისთანავე, „პარიტეტზე“ - ასზე მეტი ადამიანი მოთავსდებოდა ფრიად კეთილმონყობილ პირობებში, მიწიდან მიღებულ გამუდმებული სატელევიზიო გადაცემების ჩათვლით.

ამ დიდ კოსმიურ წამოწყებაში იქსის წყლის მოპოვება და მისი ანალიზი იმ საწარმოო საქმიანობის პირველი აქტი იქნებოდა, ადამიანს რომ ოდესმე განეხორციელებინა თავისი პლანეტის საზღვრებს მიღმა...

ეს დღევ საცაა დადგებოდა. ყველაფერი საამისოდ ეწყობოდა...

სარობექისა და ნევადის კოსმოდრომებზე უკვე მთავრდებოდა უკანასკნელი მოსამზადებელი სამუშაოები იქსზე ჰიდროტექნიკური ოპერაციისთვის. ორბიტა „ტრამპლინზე“ გასული „პარიტეტი“ მზად იყო კოსმიური ყამირელების პირველ სამუშაო ჯგუფის გასაყვანად იქსის პლანეტაზე.

თანამედროვე კაცობრიობა უკვე მიწისმილმური ცივილიზაციის სათავეებთან იდგა...

სწორედ ამ დროს, იქსის პლანეტაზე ჰიდროლოგების პირველი ჯგუფის გაგზავნის წინაღუეს, ორბიტალურ სადგურ „პარიტეტზე“ ხანგრძლივ კოსმიურ მორიგეებად მყოფი ორი პარიტეტელი კოსმონავტი უკვალოდ გაქრა.

კოსმონავტები არ პასუხობდნენ, არ ეხმაურებოდნენ არა სიგნალს, არც კავშირისთვის დადგენილ საათებში და არც სხვა დროს. ამან ფრიად დამთრგუნველი შთაბეჭდილება მოახდინა - სადგურის ადგილსამყოფელის მუდმივად აღმნიშვნელ გადამწოდებისა და მისი მოძრაობის მაჩვენებელი კორექციის არხის გარდა რადიო-სატელევიზიო კავშირის სხვა დანარჩენი სისტემები არ მოქმედებდა.

დრო მიდიოდა. „პარიტეტი“ არანაირ მიმართვას არ ეხმაურებოდა. „კონვენციაზე“ შეშფოთებამ თანდათან იმატა. რა ვარაუდი და მოსაზრება არ წარმოიშვა. რა დაემართათ პარიტეტ-კოსმონავტებს? რატომ სდუმან? ავად ხომ არ არიან, ხომ არ მოწამლა უვარგისმა საჭმელმა? ან არიან კი ცოცხლები?

დაბოლოს უკანასკნელ ხერხს მიმართეს - სადგურზე საერთო სახანძრო საგანგაშო სისტემის ჩასართველად სიგნალი გაგზავნეს. მაგრამ არც ამ საშიშმა ნიშანმა გასჭრა.

პროგრამა „დემიურგს“ დიდზე დიდი ხიფათი ემუქრებოდა. მაშინ მდგომარეობის გასარკვევად მართვის საერთო ცენტრმა უკანასკნელი ღონე იხმარა. „პარიტეტზე“ ნევადისა და საროზიქის კოსმოდრომებიდან სასწრაფოდ გაფრინდა ორი ხომალდი ორი კოსმონავტით.

ერთობლივი და ერთდროული შეპირაპირების განხორციელებისთანავე, რაც თავისთავად უაღრესად ძნელი საქმე გახლდათ „პარიტეტზე“ შეღწეულ კოსმონავტ-კონტროლიორების გადმოცემულმა პირველმა ცნობამ ყველა გააოგნა და სახტად დატოვა. შემოიარეს რა ყველა ლაბორატორია, ყველა საართული, ყველა კუთხე თუ კუნჭული, მათ განაცხადეს, რომ პარიტეტ-კოსმონავტები ვერც ცოცხლები და ვერც მკვდრები ვერსად ნახეს...

ამას ვერაფერს იფიქრებდა, ვერა კაცი ვერ წარმოიდგენდა. რა მოხდა, სად გაქრა ის ორი ადამიანი, რომლებიც სამთვეზე მეტხანს ორბიტალურ სადგურზე იმყოფებოდნენ და აქამდე პირნათლად ასრულებდნენ ყველა მოვალეობას? მართლა და მართლა ხომ არ აორთქლებოდნენ. ღია კოსმოსში ხომ არ გავიდოდნენ!

„პარიტეტის“ შემონმება პირდაპირი რადიო-სატელეფიზიო ხაზით ხდებოდა ორივე გენერალურ თანახელმძღვანელს, მთავარ პარიტეტ-პლანეტოლოგთა მონაწილეობით. მართვის საერთო ცენტრის მრავალ ეკრანზე კარგად ჩანდა, უწონადო სივრცეში როგორ მიცურავდნენ კოსმონავტ-კონტროლიორები. უვლიდნენ ყველა ბლოკსა და სათავსოს, ერთმანეთს ელაპარაკებოდნენ. მათ ნაბიჯ-ნაბიჯ შემოიარეს მთელი სადგური და თა-

ვიანთი დაკვირვების შედეგს ყოველ წამს გადმოსცემდნენ, მათ გადმონაცემს მაგნიტოფონი იწერდა.

„პ ა რ ი ტ ე ტ ი“. როგორც ხედავთ, სადგურზე არავინ არის. ჩვენ ვერავინ აღმოვაჩინეთ.

„კ ო ნ ვ ე ნ ც ი ა“. რამე თუ არის გატეხილი, დამტვრეული ან დარღვეული სადგურზე?

„პ ა რ ი ტ ე ტ ი“. არა. ყველაფერი ისეა, როგორც უნდა იყოს, ყველაფერი თავის ადგილზეა.

„კ ო ნ ვ ე ნ ც ი ა“. სისხლის კვალი ხომ არ შევიმჩნევიათ?

„პ ა რ ი ტ ე ტ ი“. მსგავსი არაფერი არაა.

„კ ო ნ ვ ე ნ ც ი ა“. სად არის და რა მდგომარეობაშია პარიტეტ-კოსმონავტების პირადი ნივთები?

„პ ა რ ი ტ ე ტ ი“. თითქოს ყველაფერი რიგზეა.

„კ ო ნ ვ ე ნ ც ი ა“. და მაინც?

„პ ა რ ი ტ ე ტ ი“. ისე გეგონება, რომ სულ ახლახან აქ იყვნენ. წიგნები, საათი თუ სხვა რამ - თავის ადგილზეა.

„კ ო ნ ვ ე ნ ც ი ა“. კეთილი. რამე ჩანაწერი ხომ არაა კედელზე ან ქაღალდზე?

„პ ა რ ი ტ ე ტ ი“. არა, არ დაგვინახავს. თუმცა მოიცათ! რაღაც მინაწერია. ჟურნალი დამაგრებელია, რომ არ აცურებულყო, და გაშლილი გვერდებით შემოსელისკენ პირმოქცეული...

„კ ო ნ ვ ე ნ ც ი ა“. წაიკითხეთ, რა სწერია!

„პ ა რ ი ტ ე ტ ი“. ახლავე ვცდით. აქ ორი ტექსტია, გვერდიგვერდ სვეტებად მიწერილი, ინგლისურად და რუსულად...

„კ ო ნ ვ ე ნ ც ი ა“. წაიკითხეთ, რაღას უცდით!

„პ ა რ ი ტ ე ტ ი“. სათაურად აქვს - „წერილი დედამიწე-ლებს“, ფრჩხილებში კი სწერია - ახსნა-განმარტებითი ბარათი.

„კონვენცია“. სდექ; არ წაიკითხოთ. კავშირს ვწყვეტთ. გველოდეთ. რამდენიმე ხნის შემდეგ ნელახლა გამოგიძახებთ, მზად იყავით.

„პარიტეტი“. ო კვი!

ორბიტალურ სადგურსა და მართვის საერთო ცენტრის დი-
ალოგი ამ ადგილზე შეწყდა. პროგრამა „დემიურგის“ გენერა-
ლურმა თანახელმძღვანელებმა ერთმანეთთან ბჭობა-თათბი-
რის შემდგომ ორი მორიგე პარიტეტ-ოპერატორის გარდა, ყვე-
ლას სთხოვეს კოსმიური კავშირის ბლოკი დაეტოვებინათ. მხო-
ლოდ ამის შემდეგ განახლდა ორმხრივი კავშირის სეანსი. აი, იმ
წერილის შინაარსი, რომელიც „პარიტეტის“ ორბიტალურ სად-
გურზე პარიტეტ-კოსმონავტებს დაეტოვებინათ:

„პატივცემულო კოლეგებო, ვტოვებთ რა ორბიტალურ
სადგურ „პარიტეტს“ ფრიალ უჩვეულო ვითარებაში, გაურკვე-
ველ, იქნებ სულაც უსაზღვრო დროის მანძილზე, ყველაფერი
დამოკიდებული იქნება ამ უპრეცედენტო წამოწყებასთან დაკავ-
შირებელ მთელ რიგ ფაქტორებზე, ჩვენს უცილობელ მოვა-
ლეობად მიგვაჩნია აფხსნათ, თუ რამ გვიბიძგა ამ საქციელისკენ.

ჩვენ მშვენივრად გვესმის, რომ ეს საქციელი მოულოდნე-
ლი კი არადა, დაუშვებელიც არის ელემენტარული დისციპლი-
ნის თვალსაზრისით. მაგრამ ის საგანგებო შემთხვევა, რომელ-
საც კოსმოსში ორბიტალურ სადგურზე ყოფნისას შევეჭახეთ და
რომლის მსგავსი ძნელი წარმოსადგენია კაცობრიობის კულტუ-
რის მთელი ისტორიის მანძილზე, უფლებას გვაძლევს იმის იმე-
დი მაინც ვიქონიოთ, რომ გაგვიგებენ...

რამდენიმე ხნის წინათ იმ უთვალავი რაოდენობის რა-
დიოიმპულსთა შორის, კოსმიური გარემოცვისა და საკმაოდ
დიდწილად თვით მიწის იონოსფეროდან რომ მოდიოდა და გა-
უთავებელიც ხმაურითა და შეფერხებით იყო საფსე, ერთი მომარ-

თული რადიოსიგნალი დავიჭირეთ ვიწრო სიხშირის ზოლზე. რაკი ყველაზე ვიწრო და ამიტომ ადვილად გამოსაყოფი იყო, იგი მუდამ ერთსა და იმავე დროს, მუდამ ერთი და იგივე შუალედებით თანამიმდევრულად გვაუწყებდა თავის თავზე. თავდაპირველად ყურადღება არ მივაქციეთ. მაგრამ იგი გამუდმებით სამყაროს ზუსტად გარკვეულ ერთ წერტილიდან მოდიოდა და, ყველაფრის მიხედვით, ზუსტად ჩვენ ორბიტალურ სადგურზე იყო მომართული. ახლა ჩვენ დანამდვილებით ვიცით: ეს ხელოვნურად მომართული რადიოტალღები ეთერში ადრეც ჩნდებოდა, ჩვენს მორიგეობამდე გაცილებით ადრე (ეს მორიგეობა ანგარიშით მესამე იყო - „პარიტეტი“ ხომ შორეულ კოსმოსში ორბიტა „ტრამპლინზე“ წელიწად-ნახევარია იმყოფება). ძნელია თქმა, პირველად რად აღგვიძრა ცნობისწადილი სამყაროდან გამოგზავნილმა ამ სიგნალმა, ალბათ სრულიად შემთხვევით მოხდა. ასე იყო თუ ისე, ჩვენ დავინწყეთ აღნუსხვა-შესწავლა ამ მოვლენისა და თანდათან მივედით იმ დასკვნამდე, რომ იგი ხელოვნური წარმოშობისა იყო.

მაგრამ ამ აზრს ვერც ისე მალე მივეჩვიეთ. მთელი ეს ხანა ეჭვები არ გვასვენებდა. აბა როგორ შეგვეძლო, ჩვენი აზრით, ამ ერთადერთ ხელოვნური რადიოსიგნალის ფაქტზე დაყრდნობით იმის მტკიცება, დედამიწის გარეთ კიდევ არსებობს ცივილიზაციაო, იმ რადიოსიგნალის ფაქტზე დაყრდნობით, სამყაროს უცნობი სიღრმეებიდან რომ მოდიოდა? ჩვენ გვაკავებდა ის გარემოება, რომ მეცნიერების მიერ არაერთგზის ჩატარებული ყველა წინარე ცდა ყოვლად მინიმალური ამოცანის გადასაწყვეტად - არის თუ არა სიცოცხლის სულ მცირედი, ყოვლად მარტივი ნიშანწყალი თუნდაც მოსაზღვრე პლანეტებზე, როგორც ცნობილია, ფრიად უნაყოფო გამოდგა. მიწის მიღმიერ გონების აღმოსაჩენად ჩატარებული ყოველგვარი ძიება მცირედ სარწმუნო,

შემდეგ და შემდეგ კი უბრალოდ არარეალურ, უტოპიურ საქმედ მიიჩნეოდა, რადგან კოსმიურ სივრცეთა გამოსაკვლევად გადადგმული ყოველი ახალი ნაბიჯის შემდეგ ეს შესაძლებლობა თეორიულადაც კი სულ უფრო ნაკლებ დასაჭერებელი ხდებოდა, თუ აღარ ვიტყვით იმას, რომ პრაქტიკულად ნულამდეც თავიდა. ჩვენ ვერ გავბედეთ ეს მოსაზრებანი განგვეცხადებინა. ჩვენ არ ვაპირებდით სადავოდ გვექცია საყოველთაოდ გაბატონებული აზრი, დედამიწაზე არსებული სიცოცხლე უნიკალური, უპრეცედენტო, ერთადერთი ბიოლოგიური ფაქტორი არისო. არ ჩავთვალეთ ჩვენს მოვალეობად საეჭვოდ მიგვეჩნია ეს ამბავი, რამეთუ ჩვენი სამუშაო ვალდებულებების პროგრამა ორბიტალურ სადგურზე ასეთ დაკვირვებებს არ შეიცავდა. მართალი გითხრათ, მიუხედავად ყველაფრისა, სულაც არ გვსურდა იმ კოსმონავტის მგომარეობაში აღმოვჩენილიყავით, რომელსაც ერთხელ ფრენისას, ძროხის ზმუილი მოესმა, მოელანდა წყლისპირა მდელიოზე მობალახე ნახირი და მას აქეთ „ძროხების კოსმონავტი“ შეერქვა.

ხოლო როცა კიდევ ერთმა შემთხვევამ. საბოლოოდ დაგვიდასტურა, რომ სამყაროში დედამიწის გარდა კიდევ არსებობს გონიერი სიცოცხლე. უკვე გვიანლა იყო, ჩვენმა შეგნებამ ნახტომი გააკეთა, ჩვენმა შეხედულებებმა სამყაროს წყობაზე სახე იცვალა, გარდაიქმნა. უცბად აღმოჩნდა, რომ სულ სხვა კატეგორიებით ვაზროვნებთ თურმე, ვინემ აქამდე. სამყაროს სტრუქტურის თვისობრივად ახალმა გააზრებამ, ახალი დასახლებული სივრცის აღმოჩენამ, აზროვნების კიდევ ერთი კერის არსებობამ იმ დასკვნამდე, მიგვიყვანა, რომ გარკვეულ დრომდე უთუოდ თავი უნდა შევიკავოთ და დედამიწის მცხოვრებთ არ ვაუწყოთ ჩვენი აღმოჩენა ვინაიდან ჩვენ უკვე ახლებურად გვესმოდა დე-

დამინაზე ზრუნვის არსი. ჩვენ ამ დასკვნამდე თვით თანამედროვე საზოგადოების ინტერესმა მიგვიყვანა.

ახლა საქმის არსზე გადავიდეთ, იმაზე, რაც მოხდა.

ცნობისწადილით ატანილებმა ერთ დღეს საპასუხო რადისიგნალის გავზავნა გადავწყვიტეთ დაახლოებით იმ სიხშირის სპექტრით და სამყაროს იმ წერტილის მიმართულებით, საიდანაც ნიადაგ მოგვდიოდა ის იდუმალი, მუდმივი რადიოიმპულსები. მოხდა სასწაული! ჩვენი სიგნალი მიიღეს! იგი დაჭერილ დაგაგებულ იქნა!

პასუხად ჩვენს მისაღებ ზოლზე, ძველის გვერდზე, კიდევ ერთი დუბლბი ამუშავდა, შემდეგ კიდევ ერთი - ეს იყო მისასალმებელი ტრიო. სამ ერთდროულ რადიოსიგნალს რამდენიმე საათის მანძილზე საზეიმო მარშივით მოჰქონდა სამყაროდან აღმაფრთოვანებული ცნობა ჩვენი გალაქტიკის მიღმა არსებულ გონიერ არსებებზე, რომელთაც უდიდესი საშუალება ჰქონდათ ზეშორეულ მანძილებზე თავის მსგავს არსებებთან კონტაქტის დამყარებისა. ამ ამბავმა რევოლუცია მოახდინა ჩვენს წარმოდგენებში „კოსმიურ ბიოლოგიაზე, ჩვენს ცოდნაზე დროის, სივრცის, მანძილის აგებულების შესახებ... ნუთუ მარტოსულნი, ნუთუ ერთადერთნი არა ვართ ამ ქვეყანაზე, ამ წარმოუდგენლად ცარიელ უსაზღვრო სამყაროში, ნუთუ ადამიანის გამოცდილება ამ მინაზე ერთადერთი სულიერი შენაძენი არის სამყაროში?

იმის შესამოწმებლად, მართლა არსებობდა თუ არა მიწის-მიღმიერი ცივილიზაცია, დედამიწის მასის ფორმულა გავგზავნეთ რადიოთი, გავგზავნეთ ის, რაზეც დასაბამითვე წარმოიშვა და დღემდე ეფუძნება ჩვენი სიცოცხლე. პასუხი გაშიფრული მოვიდა თავის მხრივ დაახლოებით იგივე ფორმულა გამოგზავნეს თავის პლანეტის მასისა. აქედან დავასკვნით, რომ ის დასახ-

ლებული პლანეტა საკმაოდ დიდი ზომისა და საკმაო მიზიდულობის ძალის მქონე ყოფილა.

ასე და ამგვარად გავუზიარეთ ერთმანეთს ფიზიკური კანონების პირველადი ცონდა, ასე და ამგვარად პირველად დავეკავშირდით მიწისმილმიერ გონების მატარებელთ.

უცხოპლანეტელები აქტიური მონაწილენი გამოდგნენ ჩვენი კავშირის გაღრმავებასა და დაახლოებაში. მათი მცდელობით ჩვენი კავშირი უფრო და უფრო მდიდრდებოდა ახალ-ახალი შინაარსით. მალე ჩვენთვის ცნობილი გახდა, რომ მათ მიერ შექმნილი მფრინავი აპარატების მოძრაობის სიჩქარე სინათლის სიჩქარის ტოლია. ეს ყველაფერი და კიდევ სხვა ბევრი რამ იმის მეოხებით შევიტყვეთ, რომ შევძელით თავდაპირველად მათემატიკური და ქიმიური ფორმულების გზით აზრთა გაცვლა-გამოცვლა, მერე კი ისიც გვამცნეს, რომ ლაპარაკიც შეუძლიათ. თურმე მრავალი წლის მანძილზე, რაც დედამიწელებმა მიწიური მიზიდულობა დაეძლიეთ, კოსმოსში გავედით და იქ მუდმივად მოვიკიდეთ ფეხი, მძლავრი აუდოასტრონომიული ხელსაწყოს საშუალებით, რომელიც გალაქტიკაში კარგა სიღრმეზე იჭერს ხმებს, ისინი ჩვენს ენებსაც სწავლობენ. კოსმოსსა და დედამიწას შორის სისტემატური რადიოკავშირის დაჭერისას, დაპირისპირებათა და ანალიზის გზით მოახერხეს ჩვენი სიტყვებისა და წინადადებების მნიშვნელობის გაშიფრვა. ეს მაშინ ვიგრძენით, როცა ინგლისურსა და რუსულ ენაზე შეეცადნენ ჩვენთან ლაპარაკს. ჩვენთვის ეს კიდევ ერთი წარმოუდგენელი აღმოჩენა იყო...

ახლა კი მთავარზე გადავიდეთ. ჩვენ გადავწყვიტეთ მიწისმილმიერ ცივილიზაციის მქონე ამ პლანეტის ნახვა. ტყისგულეთი - დაახლოებით ასე გავშიფრეთ ჩვენ მათი პლანეტის სახელი. ტყისგულელებმა თვითონ მიგვიპატიჟეს. ეს მათი იდეაა.

ჰოდა, ბევრი ფიქრის შემდეგ ჩვენც დავთანხმდით. მათ აგვიხსნეს, რომ სინათლის სიჩქარის მქონე მათი მფრინავი აპარატი ჩვენს ორბიტალურ სადგურს ოცდაექვს-ოცდაშვიდ საათში მოაღწევს. ამავე ხანშივე გვპირდებიან ტყის გულელები უკანვე მოყვანას, როდესაც კი მოვისურვებთ. შეპირაპირების თაობაზე როცა ვკითხეთ, აგვიხსნეს, რომ მათთვის ეს პრობლემა არაა, რამეთუ ტყისგულელთა მფრინავ აპარატს შეუძლია ჰერმეტიკულად მიეერთოს ყველანაირი მოხაზულობისა თუ მოყვანილობის საგანს. ალბათ ეს ელექტრომაგნიტური მართვის რაღაც თვისებაა. ჩვენ გადავწყვიტეთ, რომ ყველაზე უკეთესი იქნება, თუ მათი მფრინავი აპარატი ღია კოსმოსში გამსვლელ კარს შეუპირაპირდება, საიდანაც ჩვენ შეგვეძლება ორბიტალური სადგურიდან მათთან გადასვლა. ამავე გზით ვაპირებთ უკანვე დაბრუნებას, თუ, რასაკვირველია, „ტყისგულეთში“ ჩვენი მგზავრობა მშვიდობით დამთავრდება...

მაშასადამე, ჩვენ ვტოვებთ „პარიტეტის“ ქიმზე წერილს, თუ გნებავთ, ახსნა-განმარტებით ბარათს, მიმართვას... თუმცა თავიდათავი ეს არ გახლავთ... ჩვენ საკმაოდ ნათლად გვესმის, რაზეც მივდივართ და რაოდენ დიდ პასუხისმგებლობას ვკისრულობთ, ჩვენ შეგნებული გვაქვს, რომ ბედმა გვარგუნა ყველაზე უნიკალური შესაძლებლობა - კაცობრიობისთვის გაგვეწია ის სამსახური, რომელზე ღირსეული ვერც კი წარმოგვიდგენია...

და მაინც ჩვენთვის ყველაზე ძნელი აღმოჩნდა მოვალეობა ურთიერთკავშირის, ვალდებულების, დაბოლოს, გრძნობის დაძლევა, იმის დაძლევა, რაც ყოველ ჩვენგანს გამოუმუშავა ტრადიციებმა, კანონებმა, ზნეობის საზოგადოებრივმა ნორმებმა. ჩვენ ვტოვებთ „პარიტეტს“ ისე, რომ წინასწარ არაფერი გაცნეთ, არც მართვის საერთო ცენტრის ხელმძღვანელებს და არც სხვა დედამიწელთ, არ შეგითანხმეთ ჩვენი მიზნები და

ამოცანები. არა იმიტომ, რომ უგულვებელყოფთ დედამიწაზე საზოგადოებრივი ცხოვრების წესებს. ჩვენთვის ეს ყველაზე მძიმე ფიქრების საგანი გახლდათ. ჩვენ იძულებული ვართ ასე მოვიქცეთ, ვინაიდან ძნელი წარმოსადგენი არაა, რა გრძნობები, წინააღმდეგობანი, ვნებათა ლელვანი გაღვივდება, როგორც კი ამოძრავდებიან ის ძალები, რომელთაც ჰოკეის თამაშის დროსაც კი ზედმეტად გატანილი გოლი თვისი სახელმწიფო სისტემის პოლიტიკურ გამარჯვებად, უპირატესობის დამტკიცებად მიაჩნია. ვინ იქნება იმის თავმდები, რომ მიწისმილმიერ ცივილიზაციასთან კავშირის შესაძლებლობი, კიდევ ერთი საბაბი არ გახდება დედამიწელთა მსოფლიო - შინა ომისა?

დედამიწაზე ძნელია ან თითქმის შეუძლებელი განზე განუდგე, თავი აარიდო პოლიტიკურ ბრძოლას, მაგრამ შორეულ კოსმოსში ხანგრძლივი დროის - მრავალი დღისა და კვირის მანძილზე ყოფნისას, საიდანაც დედამიწა ავტომობილის ბორბლის ოდენა ჩანს, გულისტკივილსა და უძლიურ ბრავს გვგვრიდა ის ფიქრი, რომ დღევანდელი ენერგეტიკული კრიზისი, რასაც საზოგადოება გააფთრებამდე, სასონარკვეთამდე მიჰყავს, ზოგ ქვეყნებს კი სურვილს აღუძრავს ატომურ ყუმბარას სტაცოს ხელი, - მხოლოდ და მხოლოდ დიდი ტექნიკური პრობლემაა. ამ ქვეყნებს რომ შეძლებოდათ ერთმანეთთან მოლაპარაკება და შეთანხმება...

იმის შიშით, რომ არ ავამღვრიოთ, არ გავართულოთ დედამიწელთა ისედაც ფრიად სახიფათო მდგომარეობა, ჩვენ გავბედეთ და ვიკისრეთ უჩვეულო პასუხისმგებლობა - მიწისმილმიერ გონიერ არსებათა წინაშე წარდგომა მთელი კაცობრიობის სახელით, ჩვენი რწმენისა და სინდისის შესაფერისად. იმედი გვაქვს და შინაგანი რწმენაც გვკარნახობს, რომ ამ ჩვენს ნება-

ყოფლობით მისიას საკადრისად და ღირსეულად შევასრულებთ.

დაბოლოს უკანასკნელი. ამ ჩვენი ფიქრების, ეჭვებისა და ყოყმანისას არანაკლებ გვანუხებდა ის ამბავი, ვნება და ზიანი არ მიგვეყენებინა კაცობრიობის გეოკოსმიურ ისტორიაში ისეთი უდიდესი წამოწყებისათვის, როგორიც პროგრამა „დემიურგი“ გახლავთ, რომელსაც დიდი წვალეებითა და ტანჯვით მიაღწიეს ჩვენმა ქვეყნებმა მრავალი წლის მანძილზე ურთიერთუნდობლობის, თანამშრომლობაზე მრავალგზის შეთანხმებისა და უარის თქმის შედეგად. და მაინც გონებამ იმძლავრა - ჩვენ კეთილსინდისიერად ვემსახურებოდით ჩვენს საერთო საქმეს ჩვენი ძალისა და ნიჭის მიხედვით. მაგრამ შევუწონეთ რა ერთი მეორეს, არ ვინდომეთ რა პროგრამა „დემიურგის“ ზემოხსენებულ საფრთხეში ჩაგდება, ჩვენ ავირჩიეთ ჩვენი გზა - დროებით ვტოვებთ „პარიტეტს“, რათა დაბრუნების შემდეგ ისევ განვაგრძოთ მორიგეობა. თუ სამუდამოდ გავქრებით ან თუ ჩვენი ხელმძღვანელობა მიიჩნევს, რომ ღირსნი არა ვართ „პარიტეტზე“ კვლავ განვაგრძოთ მორიგეობა, ჩვენი შეცვლა ძნელი არ იქნება. მუდამ მოიძებნებიან ისეთი ახალგაზრდები, რომლებიც ჩვენზე არანაკლები მონდომებით იმუშავენ.

ჩვენ უცნობელ სამყაროში მივემგზავრებით. ჩვენ იქ მივყავართ ცოდნის წყურვილს, ადამიანის საუკუნო ოცნებას - თავისი მსგავსი გონიერი არსებანი აღმოაჩინოს სხვა სამყაროში და გონება გონებას შეუწყვილოს. მაგრამ არავინ იცის, მიწისმიერი ცივილიზაციის გამოცდილება რას მოუტანს კაცობრიობას, სიკეთე იქნება იგი მისთვის თუ ბოროტება? ჩვენ შევეცდებით პირუთვნელად შევაფასოთ ყოველივე. თუ ვიგრძენით, რომ ჩვენი აღმოჩენა დედამიწას რაიმე საფრთხეს, რაიმე მუქარას შე-

უქმნის, ვფიცავთ, ისე გაუსწორდეთ საკუთარ სიცოცხლეს, დედამინას ჩვენი მიზეზით არა უბედურება არ შეემთხვეს.

და კიდევ უკანასკნელი სიტყვა. ჩვენ გემშვიდობებით. ილუმინატორებიდან ვხედავთ დედამინას. სხივმფინარი ბრილიანტით ელავს იგი სივრცეთა შავ ზღვაში, ცისფრად ციალებს არნახულად, და აქედან ისეთი მშვენიერი ჩანს, ვით ახალშობილის თავი. აქედან გვგონია, რომ ყველა, ვინც ამქვეყნად ცხოვრობს, ჩვენი დები და ძმებია, უმათოდ ვერც წარმოგვიდგენია არსებობა, თუმცაღა ვიცით, რომ დედამინაზე სულ მთლად ასე არაა საქმე...

ჩვენ ვეთხოვებით დედამინას. რამდენიმე საათის შემდეგ დავტოვებთ ორბიტა „ტრამპლინს“ და დედამინაც თვალთაგან მიეფარება, მას ველარ დავინახავთ. უცხოპლანეტელები - ტყისგულელები უკვე გზაში არიან. რამდენიმე საათის შემდეგ მოგვაკითხავენ, დარჩა სულ ცოტა დრო, ველით.

და კიდევ. ჩვენ ვუტოვებთ წერილებს ჩვენს ოჯახებს. ძალიან გთხოვთ ყველას, ვისაც კი ამ საქმესთან რაიმე კავშირი ექნება, დანიშნულების მიხედვით გადასცეს ისინი...

P. S. ცნობა იმათთვის, ვინც „პარიტეტზე“ შეგვცვლის. სავახტო ჟურნალში ჩვენ მიუუთითეთ მიმღებ-გადამცემი არხი და რადიოტალღათა სიხშირე, რამელთან მეშვეობით უცხოპლანეტელებს ვუკავშირდებოდით. აუცილებლობის შემთხვევაში ჩვენ ამ არხით დაგიკავშირდებით და ცნობებს მოგანვლით. რამდენადაც გავარკვიეთ ტყისგულელებთან რადიოკავშირის მეოხებით, დაკავშირების ყველაზე მოხერხებული და ერთ-ერთი საშუალება - ეს ორბიტალური სადგურის საბორტო სისტემებია, ვინაიდან სამყაროდან უშუალოდ დედამინაზე გაგზავნილი რადიოსიგნალები მის ზედაპირს ვერ აღწევს გადაუ-

ლახავი დაბრკოლების - დედამიწის ატმოსფერული გარემოცვის ძლიერი იონიზირებული სფეროს გამო.

ჩვენ დავამთავრეთ. მშვიდობით. უკვე დროა, წერილის ზუსტად ერთნაირი ტექსტი შედგენილია ორ ენაზე - ინგლისურსა და რუსულზე.

პარიტეტ-კოსმონავტი 1-2

პარიტეტ-კოსმონავტი 2-1

ორბიტალურ სადგურ „პარიტეტის“ ქიმი.

მესამე ვახტა. 94 დღე-ღამე“.

ზუსტად დანიშნულ დროს, შორეულ აღმოსავლეთის დროით თერთმეტ საათზე, ავიოსან „კონვენციის“ გემბანზე ერთიმეორის კვალდაკვალ ორი რეაქტიული თვითმფრინავი დაჯდა, რომლებმაც ამერიკისა და საბჭოთა ქვეყნის მხრიდან განსაკუთრებული რწმუნების მქონე კომისიები ჩამოიყვანეს.

კომისიის წევრებს ზუსტად ოქმის მიხედვით შეხვდნენ. მათ მაშინვე განუცხადეს, რომ სადილის შემდეგ, რაზედაც ნახევარი საათი ეძლევათ, კომისიის წევრები მაშინვე უნდა შეიკრიბონ კაიუტკამპანიაში დახურულ თათბირზე, ორბიტალურ სადგურ „პარიტეტზე“ შექმნილ საგანგებო ვითარებასთან დაკავშირებით.

მაგრამ თათბირი დაწყებისთანავე შეწყდა. „პარიტეტზე“ მყოფმა კოსმონავტ-კონტროლიორებმა მართვის საერთო ცენტრს „კონვენციაზე“ პირველი ცნობა აუწყეს, მეზობელ გალაქტიკის ტყისგულეთის პლანეტებიდან 1-2 და 2-1 პარიტეტ-კოსმონავტებისგან რომ მიიღეს.

თავი 4.

მატარებლები ამ მხარეში აღმოსავლეთიდან დასავლეთით, ხოლო დასავლეთიდან აღმოსავლეთით მიგრიალებდნენ...

რკინიგზის გაღმა-გამოღმა უზარმაზარი უდაბური სივრცე - სარი-ოზეჩი გადაჭიმულიყო, ყვითელ ტრამალთა შუაგულ მიწები.

ამ მხარეში ყველა მანძილი, გრინვიჩის მერიდიანის დარად, რკინიგზასთან მიმარჯვებით ისაზღვრებოდა...

მატარებლები კი აღმოსავლეთიდან დასავლეთით და დასავლეთიდან აღმოსავლეთით მიგრიალებდნენ...

რაც მართალი მართალია, ნაიმანების საგვარეულო სამარხი ანა-ბეითი ყურის ძირას არაა - ოცდაათი ვერსია იქამდე, ისიც მაშინ, თუ თვალი გიჭრის და გზის გაპირდაპირება შევიძლება.

ამ დღეს ადრიანად აღვა ბურანელი ედილეი. თუმცა, კაცმა რომ თქვას, არც ეძინა, ალიონზე ჩათვლიმა მხოლოდ. მანამდე კი საქმე ჰქონდა - ყაზანგაპის ცხედარს აპატიოსნებდა, რაც ჩვეულებრივად დამარხვის დღეს კეთდება ხოლმე, გამოსვენებამდე ცოტა ხნით ადრე, გარდაცვლილის სახლში საერთო ლოცვის - ჯანაზის შემდეგ. აქ კი წინაღამეს გაკეთდა ყველაფერი, რათა დილას აღარ დაბრკოლებულიყვნენ და მაშინვე გადგომოდნენ გზას. თავისი ხელით გააპატიოსნა ედილეიმ ყაზანგაპი, თუ იმას არ ჩავთვლით, რომ აყლაყუდა ედილბაის მოჰქონდა შემთბარი

წყალი ცხედრის განსაბანად. მკვდრისა, ცოტა არ იყოს, ეშინოდა ედილობის, გან-განზე უვლიდა. ედილეიმაც ვითომ სხვათა შორის წაულაპარაკა:

- კარგად მიყურე, ედილობაი, ცხოვრებაში გამოგადგება. ვინც იბადება, იმას დამარხვაც სჭირდება.

- ვიცი, განა არ ვიცი, - ყოყმანით უთხრა ედილობაიმ.

- მეც მაგას გეუბნები. ხვალ რომ მე გავჭიმო ფეხები, არ უნდა გამაპატიოსნოთ, ისე ჩამაგდოთ ორმოში?

- მაგას რად ამბობ! - შერცხვა ედილობის, ლამზა ახლოს მიიტანა და შეეცადა ისე შორს აღარ დამდგარიყო, - უთქვენოდ აქ მოგვწყინდება. ამიტომ უნდა იცოცხლოთ, ორმო მოითმენს.

საათ-ნახევარი მოუნდა ყაზანგაპის გაპატიოსნებას. სამა-გიეროდ თავის თავის კმაყოფილი დარჩა ედილეი. ცხედარი ადათის მიხედვით განბანა, ხელ-ფეხი გაუსწორა და წესისამებრ დაანვინა, თეთრი სუდარა გამოჭრა და ყაზანგაპი ისე გახვია, ტი-ლო არ დაუნანია. ედილობისაც აჩვენა, როგორ უნდა სუდარას გამოჭრა. მერე თავის თავს მიხედა, წვერი სუფთად გაიპარსა, წარბებივით ხშირი, სისვა ცხენივით გაჭაღარავებული გაფანჩუ-ლი ულვაშები შეისწორა. მეღლები და ორდენებიც არ დაფინყე-ბია, დამკვრელის ნიშნებთან ერთად ისინიც გააპრიალა, პიტაკზე დააბნია, სახვალიოდ მოამზადა.

ამასობაში შემოათენდა კიდევაც. თვითონვე უკვირდა ბუ-რანელ ედილეის, ასე მშვიდად და ღიზად რომ აკეთებდა ყველაფერს, ვისმე რომ მანამდე ეთქვა მისთვის, ამ სამწუხარო მოვალეობის შესრულებასაც შეიძლებო, არ დაიტყრებდა. მაშა-საღამე, თავიდანვე ეწერა ბედის წიგნში, ყაზანგაპი რომ მას დაემარხა. ასე ენება თურმე ბედს.

დიახ, დიახ, ენება. თუმცა ვინ იფიქრებდა ამას, როცა ქუმბელის სადგურზე პირველად შეხვდენენ ერთმანეთს. ორმოცდაათხი წლის ბოლოს გაათავისუფლეს ჯარიდან ედილეი. გარეგნულად რა უჭირდა - ხელი თავის ადგილზე ჰქონდა და ფეხი, თავიც ედგა მხრებზე. ოლონდაც თითქოს მისი არ იყო ეს თავი. ყურები ისე უხშუოდა, ასე ეგონა, ქარი უზუზუნებდა შიგ. რამდენიმე ნაბიჯს გაივლიდა და ნაბარბაცდებოდა, თავბრუ ეხვეოდა, გულს აზიდებდა, ხან ცივი ოფლი ასხამდა, ხან - ცხელი, ენაც დროდადრო არ ემორჩილებოდა - სიტყვის თქმა დიდ ჯაფად უღირდა. კარგა მაგრად შეანჯღრია გამსკდარი გერმანული ნალმის ტალღამ. არ მოკლა, მაგრამ არც ცოცხალი დატოვა. ძალზე დალონდა მაშინ ედილეი, შეხედავ, ახალგაზრდა, ჯანიანი კაცია, მაგრამ შინ, არალის ზღვაზე რომ დაბრუნდება - რა აკეთოს, რაში გამოდგება? ბედად კარგი ექიმი შეხვდა. არც უმკურნალა, გასინჯა მხოლოდ გულდაგულ. რამდენადაც ახსოვს, ზორბა წითურა კაცი იყო, თეთრი ხალათი ეცვა და თეთრი ჩაჩი ეხურა, გრძელი ცხვირი ჰქონდა, ნათელი თვალები. მხიარულად დაჰკრა ედილეის მხარზე ხელი, გაიცინა.

- იცი, რას გეტყვი, ძმობილო, - უთხრა, - ომი მალე არ მთავრდებოდეს, ცოტა ხნის მერე უკანვე გაგგზავნიდი ჯარში, კიდევ იომებდი. მაგრამ რაც არი, არი, როგორმე უშენოდ გავიმარჯვებთ. ჯავრი არ გქონდეს - ერთი წლის შემდეგ ან იქნებ უფრო ადრე ყველაფერი გაგივლის, ბუღასავით იქნები. მე ასე მითქვამს, მერე გამიხსენებ. ახლა კი მოემზადე და შენს მხარეში გაემგზავრე. ნუ იდარდებ, შენისთანები ას წელს ცოცხლობენ.

თურმე მართალი უთქვამს იმ წითურა ექიმს. ასეც მოხდა თუმცა ადვილი სათქმელია - ერთი წელიო. ჰოსპიტლიდან რო გამოვიდა იმ თავის დაჭმუჭნული ბაზარით, შულდაკით ზურგზე ყოველი შემთხვევისთვის ილლიაში ამოჩრილი ყავარჯნით და

ქალაქის ქუჩებს გაუყვა, ასე ეგონა, უსიერ ტყეში მოვხვდიო. თავი უშხუოდა. ფეხები უკანკალებდა, თვალთ უბნელდებოდა. ვინ გაქცევს ყურადღებას სადგურებზე, მატარებლებში, ვის რაში ენადვლება შენი ამბავი, - ზღვა ხალხი ირევა, ვისაც ღონე აქვს, ის მიძვრება, შენ განზე გისვრის. მაინც მიაღწია, მიათრია ფეხები სახლამდე. ლამის ერთი თვის ხეტიალის შემდეგ ღამე ჩამოდგა მატერებელი არალსკის სადგურზე. „მხიარული ხუთასმეშვიდე“ ერქვა იმ „მშვენიერ“ მატარებელს. ღმერთმა ნურავინ ნურასოდეს ამგზავროს ასეთი მატარებლით.

მაშინ კი ესეც ბედნიერება იყო. სიბნელეში ჩამოძვრა ვაგონიდან, დაბნეული შეჩერდა. თვალთან თითს ვერ მიიტანდი, აქა-იქ ბჟუტავდა მხოლოდ სადგურის სინათლე. ქარი ქროდა. სწორედ ეს ქარი შემოეგება, საკუთარი, მშობლიური არალის ქარი! ზღვის სუნი ეცა ცხვირში. იმხანად აქვე, რკინიგზის ქვემოთ ტყლაშუნობდა ზღვა, ახლა კი დურბინდითაც ვერ დაინახავ...

სუნთქვა შეუკრა ტრამალიდან მოდენილმა ჰაერმა, აბზინდის სუნი რომ დაჰკრავდა ოდნავ. არალს მიღმა გაზაფხული იღვიძებდა. თავის მშობლიურ მხარეში იყო კვლავაც.

კარგად იცნობდა სადგურს ედიღეი, კარგად იცოდა ზღვისპირა სადგურის მოღრეცილი ქუჩებიც. მიდიოდა და ჩექმებზე ტალახი ეწებებოდა. ნაცნობებთან აპირებდა ღამის გათევას, დილას კი - ანგელდისკენ გასწევდა. ეს იყო მისი აული, აქედან კარგა მანძილზე მდებარე მეთევზეთა აული. ვერც შეამჩნია, ქუჩამ რომ დაბის ბოლოს, ზღვის პირას გამოიყვანა. ახლა კი ველარ მოითმინა. ზღვას მიაღგა, წყლის ზოლთან დადგა. ზღვა ბნელში გახვეულიყო, ანავთებულ და მერე გაუჩინარებულ ტალღათა ქეროზე აქა-იქ გაბრკივლებულ ათინათით თუ მიხვდებოდი, იქ რომ იყო. მთვარეს დატყობოდა ალიონის პირი - ზემოთ, ღრუბლის მიღმა ეულად ქათქათებდა.

მაშასადამე, კვლავაც შეხვდნენ ერთმანეთს.

- გამარჯობა შენი, არალო, - წაიჩურჩულა ედილიმ და ქვაზე ჩამოჯდა, გააბოლა, თუმცაღა ექიმებმა ურჩიეს, კონტუზიის მერე ნუ მოწევო. შემდეგ კიდევაც მიატოვა ეს მავნე ჩვევა. მაშინ კი აღელვებამ სძლია - თუთუნის კვამლს რას დაგიდევდათ, როცა არ იცოდა, რა ექნა, როგორ ეცხოვრა შემდეგ. ზღვაში მეთევზეობას ღონიერი მხარ-მკლავი და წელი უნდა, თავმა არ უნდა გიღალატოს, თავბრუ არ დაგეხვას ნავში. ფრონტზე წასვლამდე თევზსარენში მუშაობდა, ახლა კი სად იმუშაოს? ხეიბარი არ ეთქმის, მაგრამ ეს რას შევლის, როცა არაფერში არ გამოდგება. პირველ ყოვლისა თავი უმტყუნებს, თუკი ისევ მეთევზეობა იკისრა.

ის იყო წამოდგომა დააპირა, რომ საიდანღაც თეთრი ძალლი გამოტყვრა სანაპიროზე. წყლისპირს ძუნძულით მოუყვებოდა, შემდილიმ დაუძახა. ძალლი მივიდა, კუდი ააქიცინა. ბანჯგვლიან კისერზე ხელი მოუთათუნა ედილიმ.

- საიდან ხარ, ჰა? საიდან მორბიხარ? რა გქვია? არსტანი? ჟოლბარსი, ბორიბასარი?³ ჰოო, მესმის, თევზს ეძებ ნაპირზე. ბარაქალა შენ! ოღონდაც ზღვა ყოველთვის არ გამოირიყავს მკვდარ თევზს. რას იზამ! იმიტომაც ხარ ძვალი და ტყავი, ამდენს რომ ძუნძულე. მე კი, მეგობარო, სახლში ვბრუნდები, კენიგსბერგთან ვიყავი. ცოტა მაკლდა იქამდე მისვლას, მაგრამ ჭურვი გასკდა და კინალამ ფეხები ვფშიკე. ახლა კი, ვფიქრობ, ტვინს ვიჭყლეტ, რა გზას დავადგე. ასე რად მიყურებ? საშენო არაფერი მაქვს. ორდენებისა და მედლების მეტი არაფერი გამაჩნია... ომია, ჩემო კარგო, შიმშილია ყველგან. თორემ არ კი დავინა-

³ ლომი, ვეფხვი, ქოფაკი

ნებდი... დაიცა, აქ შაქარყინული უნდა მქონდეს, ჩემი ბიჭისთვის მიმაქვს. ალბათ დარბის კიდევაც...

არ დაიზარა ედილეიმ, ზურგჩანთა გახსნა, სადაც გაზეთის ნაგლეჯში გახვეული ერთი მუჭა შაქარყინული ედო, კიდევ თავშალი, ხელზე რომ იყიდა ცოლისათვის რომელიღაც სადგურზე, ორიოდე ცალი საპონი, ისიც გადამყიდველთან შექენილი, ორი ხელი საცვალი, ქამარი, პილოტურა, გიმნასტურა, შარვალი - ეს იყო და ეს მისი ავლაადიდება.

ძალღმა შაქარყინული აუსვლიპა ედილეს ხელისგულიდან, კუდი გააქიცინა და იმედით განათებული თვალები ერთგულად მიჰყრო.

- აბა ახლა კი მშვიდობით.

ზღვისპირს გაუყვა ედილეი. არჩია ნაცნობი ოჯახი აღარ შეეწხებინა, სადაცაა ინათებდა, დროის დაკარგვა არ ღირდა, აულისაკენ უნდა გასდგომოდა გზას.

მხოლოდ შუადღისას ჩააღწია ჟანგელდში, სულ ზღვისპირს მიუყვებოდა. კონტუზიამდე კი ორ საათში არბოდა ხოლმე. ჩავიდა და თავზარდამცემი ამბავი დახვდა - თურმე მისი ბიჭი დიდი ხანია ცოცხლებში აღარ ეწერა. ედილეი, რომ ჯარში წაიყვანეს, ექვსი თვის იყო ბიჭი, თერთმეტისა კი დაღუპულა. ასე ეწება განგებას. წითელბატონები შეყროდა და სიცხისთვის ვეღარ გაეძლო, დაინვა, განყდა სიცოცხლის ძაფი. ფრონტზე აღარ მიწერეს ეს ამბავი. სად მიეწერათ, ან რისთვის მიეწერათ? ომში ისედაც სიმწარეს რა გამოლევს. თუ ცოცხალი ჩამოვა, გაიგებს, იდარდებს, როგორმე მოინელებს დარდს, ასე განსაჯეს ნათესავებმა და უქუბალასაც გადაათქმევიანეს, არ შეუთვალოო. ახალგაზრდები ხართ, აგერ ომი დამთავრდება, ღვთის წყალობით კიდევ გეყოლებათ შვილებიო. „რტო გინდაც მოტყდეს, თავიდათავია, ალვის ტანი დარჩესო“. ისიც იფიქრეს გულში,

თუმცა ხმამაღლა არ უთქვამთ, ისედაც ყველა მიხვდა: ომი ომია, თუ რამე მოხდა, თუ ტყვიამ მოკლა, იმედით მაინც გამოეთხოვოს ამ წუთისოფელს - შინ ვაჟი დამრჩა, უძეოდ არ გადავეგებიო...

უქუბალა კი ყველაფერს თავის თავს აბრალებდა. გულამოსკვნილი ქვითინით ეხვეოდა ქმარს. რა იმედით, რა დაუნელებელი ტკივილით ელოდა ამ დღეს, რარიგ ტანჯავდა თავისი დანაშაული. ცხარე ცრემლებით ჰყვებოდა, რომ დედაბრებმა მაშინვე გააფრთხილეს: ბიჭს წითელბატონები სჭირს, ეს ვერაგი სენია, ბალღი თბილად უნდა გაახვიო აქლემის ბეწვის საბნებში, სიბნელეში გაჩერო, სულ ცივ-ცივი წყალი ასვა ღმერთმა ქნას, სიცხეს თუ გაუძლო, გადარჩებაო. მან კი, უიღბლო და ბეიბაქმა⁴ არ დაუჭერა აულის დედაბრებს, მეზობლებს ფორანი სთხოვა და სნეული ბიჭი სადგურზე ექიმ ქალს წაუყვანა. იმ ჯანჯლარა ფორნით არალსკს რომ ჩააღწია, უკვე გვიან იყო. სიცხეს ვერ გაუძლო ბიჭმა და გზაში დაიღუპა. ექიმმა ქალმა სულ ლანძღა და თათხა უქუბალა, მოხუცი ქალებისათვის უნდა დაგეტყერებინაო...

ასეთი ამბები დახვდა ედიღეის ოჯახში, როგორც კი ზღურბლს გადააბიჯა. გაქვავდა, დარდით გაშავდა კაცი. არ ეგონა, თუ ასე იდარდებდა თოთო ბავშვს, ასე იჯავრებდა თავის პირმშოს. ვისი ლოლიავიც ხეირიანად არც კი დაცლია. ამიტომ უფრო ემძიმებოდა შვილის დაკარგვა. ვერა და ვერ დაევენწყებინა თავისი ბიჭის უკბილო, მიმნდობი, ნათელი ღიმილი, რომლის გახსენებაზე დიდხანს უკვნესდა ხოლმე გული.

აქედან დაიწყო ყველაფერი, შესძულდა ედიღეის აული. ოდესღაც აქ, ზღვისპირეთის თიხიან მაღლაკებზე სახლობდა

⁴ ბედნავსი

ორმოცდაათამდე ოჯახი: არალში თევზს იჭერდნენ და ასე ირჩენდნენ თავს. არტელი ჰქონდათ და ეს იყო. ახლა კი ორიოდ მიწურილა იდგა ფლატის ძირას. მამაკაცებიდან ყველა პირწმინდად წაეხიკა ომს. მოხუცები და ბალებიც კი თითზე ჩამოსათვლელნი იყვნენ. ბევრი საკოლმეურნეო თუ მესაქონლე აულებში გაიხიზნა, შიმშილით რომ არ დახოცილიყვნენ. დაიშალა არტელიც. ზღვაში გამსვლელი კაცი არ იყო.

უქუბალასაც შეეძლო თავისიანებთან წასვლა. ტრამალიდან იყო მისი გვარტომი. მასაც ჩამოაკითხეს ნათესავებმა, თავისთან წაყვანა მოუნდომეს. ამ გაჭირვებულ დროს ჩვენთან იქნები, ედილეი რომ ჩამოვა ჯარიდან - ძალით ხომ არ დაგაკავებთ, ამ შენს ჟანგელდში დაბრუნდებიო. მაგრამ უქუბალამ ქვა შეაგდო და თავი შეუშვირა „არა, ქმარს აქ დავეუცდი. ბიჭი დაგკარგე, თუ ცოცხალი დაბრუნდა, მე მაინც დაგხვდე შინ. მარტო ხომ არ ვიქნები, მოხუცებიც და ბალებიც არიან, იმათ მივეხმარები, როგორმე ერთად გავიტანთ თავს“.

სწორადაც მოიქცა უქუბალა. მაგრამ პირველი დღეებიდანე დაიწყო ლაპარაკი ედილეიმ, აქ ვერ დავრჩები, არ შემიძლია, უსაქმოდ ზღვაზე რა გამაჩერებსო. მართალიც იყო. უქუბალას ნათესავეები ჩამოვიდნენ ედილეს სანახავად, უთხრეს, ჩვენთან გადმოდი, ტრამალზე იცხოვრე, სადაც ფარები გვეყავს, ხოლო როცა გამოკეთდები, სხვა საქმეს მოეკიდე, ნახირს დაუდექი მწყემსადაო... ედილეიმ მადლობა გადაუხადა, მაგრამ არ დათანხმდა. იცოდა, ტვირთად დაანვებოდა მოყვრებს. ერთიორი დღე კი გისტუმრებს ცოლოური, მაგრამ მერე, თუ მუშად არ ვარგიხარ, ვის რაში სჭირდება.

მაშინ გადაწყვიტეს მან და უქუბალამ რკინიგზაზე წასულიყვნენ სამუშაოდ. იქნებ ედილესთვის რამე შესაფერისი სამუშაო აღმოჩნდესო, გუშაგად ან ყარაულად დანიშნონ სადმე, არადა,

რკინიგზის გადასასვლელზე შლაგბაუმთან იმუშავენ, ფრონტელ ხეიბარს რამეში ხომ უნდა დაეხმარონ.

ამ გადანწყვეტილებით დაადგნენ კიდევაც გზას. ჯეელები იყვნენ, ჯერჯერობით თავისუფლები. პირველ ხანებში სხვადასხვა სადგურებზე ათევენენ ლამეს. მაგრამ შესაფერისი სამუშაო ვერა და ვერ მონახეს. ბინის ამბავს ხომ ნუ იკითხავ, სადაც მოხვდებოდათ, იქ ცხოვრობდნენ, შემთხვევითი სამუშაოთი გაჰქონდათ თავი რკინიგზაზე. უქუბალა მხარში ვაჟკაცივით ედგა ქმარს - მეტწილად ის შრომობდა. ედილეი, შესახედად სალსალამათი კაცი, დატვირთვა-გადმოტვირთვაზე ურიგდებოდა ხალხს, მუშაობით კი უქუბალა მუშაობდა.

შუა გაზაფხული იყო, როცა ერთხელ ქუმბელის დიდ საკვანძო სადგურზე ამოჰყვეს თავი. ნახშირით სავსე ვაგონებს სათადარიგო ლიანავით პირდაპირ დეპოს უკანა ეზოებში აყენებდნენ. აქ ჯერ მიწაზე ჰყრიდნენ ნახშირს, ბაქნები რომ საჩქაროდ გაენთავისუფლებინათ. მერე კი ურიკებით მიაგორებდნენ და სახლებივით უზარმაგარ ბურტებში სვლიდნენ. მთელი წლის მარაგი მზადდებოდა. ძალიან მცირე, მტვრიანი, ჭუჭყიანი სამუშაო იყო. მაგრამ ცხოვრებაც ხომ გინდოდა ადამიანს. ედილეი ნიჩბებით ჰყრიდა ურიკაზე ნახშირს, უქუბალა კი ფიცარნაგზე მიაგორებდა, დასვლიდა და უკანვე ბრუნდებოდა. ედილეიც ხელახლა ავსებდა ურიკას ნახშირით და უქუბალაც დროვის ცხენივით მიაგორებდა ზემოთკენ, ქალისათვის დიახაც მძიმე ურიკას. თანაც სიციხე უფრო და უფრო აჭერდა შუადღისას, ამ სიციხისა და ნახშირის მტვრისგან გული ერეოდა ედილეის. გრძნობდა, თანდათან როგორ ეცლებოდა ძალა, ერთი სული ჰქონდა ნახშირის გორაზე დამხობილიყო და აღარც წამომდგარიყო. მაგრამ ყველაზე მეტად ის ჰკლავდა, რომ ცოლიც ამ შავ მტვერში უნდა გაგუდულიყო და მასთან ერთად ეკეთებინა ის საქმე, რისი კეთებაც

წესით ედიღეის მართებდა. ცოლისთვის ველარ შეეხედა. თავით ფეხამდე მტვერში ამოგანგლულ უქუბალას, მხოლოდ თვალე-ბის თეთრონი და კბილები უჩანდა, შავი ოფლი ღვარად ჩამოს-დიოდა კისერზე, მკერდზე, ზურგზე. ადრინდელი ძალა რომ ჰქონოდა ედიღეის, თვითონვე გაავსებდა და თვითონვე დას-ცლიდა ამ წყეული ნახშირით სავსე ორიოდე ვაგონს, ოლონდ ცოლის წამება არ ენახა.

როცა ჟანგელდი - მეთევზეთა ეს დაცარიელებული აული დატოვეს, იმედი ჰქონდათ, დაჭრილი ფრონტელის კვალობაზე ედიღეის რაიმე შესაფერის საქმეს გამოუნახავენო. ის ველარ გა-ითვალისწინეს, რომ ასეთი ნაფრონტლებით სავსე იყო ქვეყანა. ყველას ხელახლა უნდა დაეწყო, ყველა ხელახლა უნდა შეჰკუე-ბოდა ცხოვრებას. კიდევ კარგი, ედიღეის არც ხელი აკლდა და არც ფეხი. რამდენი უფეხო, უხელო, ყავარჯნიანი თუ პროტეზია-ნი დაეხეტებოდა მაშინ რკინიგზებზე... როცა კი სადგურის ხალ-ხით გაჭედდებოდა აყროლებულ შენობაში სადმე კუთხეში მიიკუჭნე-ბოდნენ ლამის გათევად. უქუბალა ღმერთს უსიტყვო მადლობას სწირავდა, რომ ქმარი გვერდით ჰყავს, რომ ომმა ისე არ დაასა-ხიჩრა, უსაშველო და საშინელი რამ არ დამართა. ვინაიდან, რა-საც ის სადგურებზე ხედავდა, შიშის ზართა და სიბრაღულით ავსებდა. უფეხო, უხელო. დამტვრეულ-დასახიჩრებული ხალხი, გაქექილ მაზარებსა და შემოძენძილ ტანსაცმელში, უსახლკარო და მიუსაფარნი, მატარებლებსა და საღვრებზე დაძრწოდნენ, ვინ გორგოლაჭებიან ფიცარზე უკანალით დაკრული, ვინ ყავარ-ჯნებშედგმული, ვინ სამონწყალოდ სხვისი წამოყვანილი. სასადი-ლოებსა და ბუფეტებში ძალით იჭრებოდნენ. მათი მთვრალი ყვირილი, ტირილი სულს ძრწოლით ავსებდა... რა მოელოდა მომავალში ყოველ მათგანს, რა აუნაზღაურებდათ იმას, რისი ანაზღაურებაც არავის ძალუძდა? თუნდაც იმიტომ, რომ ბედმა

იგი დაინდო და ასეთ უბედურებას ააცდინა, რომ ქმარი, თუმც კონტრუზირებული, მაგრამ სახიჩარი არ დაუბრუნდა, უქუბალა მზად იყო მთელ ქვეყანას მომსახურებოდა. ამიტომაც არ ჩიოდა, ყველაფერს ითმენდა, არც იმჩნევდა, რომ ზოგჯერ ნაბიჯის გა- დადგმაც კი უჭირდა და მოთმინების ძაფი სადაცაა გაუნყდებო- და.

მაგრამ ედილეს ეს როდი უმსუბუქებდა ჯავრს. რაღაც უნდა ელონა. სადღაც მკვიდრად უნდა მოეკიდა ფეხი. მთელ სიცოც- ხლეს ხომ წანწალში არ გაატარებდა, უკვე ხშირ-ხშირად გაჰ- კრავდა თავში: რა იქნება, „თაუბაქელ“⁵ ვთქვა და სადმე ქალაქ- ში დავსახლდე, იქნებ იქ მაინც გამიმართლოს ბედმაო? ოლონ- დაც ჯანი დაუბრუნდეს, ოლონდაც ამ ოხერმა კონტრუზიამ გაუ- აროს. მაშინ კიდევ შეიძლება ბრძოლა, კიდევ შეიძლება ბედთან ჭიდილი... რა თქმა უნდა, არც ქალაქში იცი, რა მოგელის. რო- გორ წავივა საქმე. იქნება დროთა ვითარებაში შეჰგუებოდნენ კიდევ იქაურობას და სხვებივით ისინიც ქალაქელები გამხდა- რიყვნენ, მაგრამ ბედმა სხვანაირად ინება. დიახ, ეს ბედი იყო, სხვას ვერაფერს დაარქმევდი...

ქუმბელის სადგურზე ცხოვრობდნენ ედილეი და უქუბალა, გარიგებულნი იყვნენ დეპოს უკანა ეზოში ნახშირის ვაგონები გადმოეცალათ. ერთხელ ვიღაც ყაზახი შემოვიდა აქლემით ეზოში. ეტყობოდა, ტრამალიდან ჩამოსულიყო თავის საქმეზე. ჩამოსულმა აქლემი დააფალმანდა და უშენ მინდორზე გაუშვა საბალახოდ, მერე კი შეწუხებულმა მიმოიხედა და ილლიაში ამოჩრილი ცარიელი ტომრით ედილეისკენ გამოემართა.

⁵ რაც იყოს, იყოს

- თუ შეიძლება, ძმაო, - უთხრა მან ედიღეის, გვერდით რომ ჩაუარა, - აქლემს მიმიხედე, ბალღებმა არ შეანუხონ. ცუდი ჩვევა სჭირთ - აბრაზებენ და სცემენ პირუტყვს, იქნებ აუშვან კიდევ თავის გასართობად. მე ახლავე დავბრუნდები, ცოტა ხნით მივდივარ.

- წადი, წადი, მე მივხედავ, - შეჰპირდა ედიღეი, რომელიც ნიჩბით ხვეტდა ნახშირს და შავად გაზინზლული მჩვრით ინმენდდა ოფლს, ღვარად რომ ჩამოსდიოდა თავპირზე. ედიღეი ისედაც ნახშირის გორასთან ტრიალებდა, ურიკას ავსებდა, რა დიდი ამბავი იქნებოდა აქლემისთვისაც მიეხედა, რათა სადგურის ონავარ ბიჭებს არ შეენუხებინათ. ერთხელ მოწმე იყო კიდევაც მათი ოინბაზობისა - ისე გააბეზრეს სანყალი პირუტყვი, ბლავილს და ფურთხებას მოჰყვა და ბიჭებს დაერია. იმათაც ეს უნდოდათ, პირველყოფილი მონადირეებივით ველური გნისით შემოეხვივნენ აქლემს, ქვები და ჯოხები დაუშინეს. შავ ღლეში ჩავარდა პირუტყვი, ვინემ პატრონი არ დაბრუნდა...

ამჯერადაც, თითქოს ჯიბრზე, ერთი უივილ-ხივილით გამოტყვრა საიდანაც პატარა ყაჩაღების ბრბო. ხელად ფეხბურთის თამაში გააჩაღეს. ბურთს სწორედ დაფალმანდებულ აქლემს უმიზნებდნენ. აქლემი გარბოდა, ისინი კი ბურთს უბათქუნებდნენ ფერდებზე. ვინც ყველაზე მაგრად და მარჯვედ მოარტყამდა, ისე ზეიმობდა, თითქოს გოლი გაეტანოს.

- ჰეი, თქვენ, აბა მოუსვით აქედან, თავი გაანებეთ პირუტყს! - ნიჩაბი მოუქნია ბიჭებს ელიღეიმ. - თორემ მე რას გიზამთ!

ბიჭები ხელად გაცვივდნენ. პატრონი თუ ეგონთ ან არადა შეაშინათ ნახშირის გადმომტვირთელის იერმა. იქნებ სულაც მთვრალი იყო და მართლა შავი ღლე ღაეყარა მათთვის. ამიტომაც ბურთი წინ გაიგდეს და გაიქცნენ. რა იცოდნენ, რომ

ყოვლად უშიშრად შეეძლოთ აქლემის წამება. რამდენიც უნდოდათ. ელედემ ყასიდად შეაშინა ისინი ნიჩბით, თორემ თავის დღეში ვერ დაეწეოდა ბიჭებს. ერთი ნიჩაბი ნახშირი რომ ურიკაზე დაეყარა, მთელი ძალა უნდა მოეკრიბა. თურმე რა საძაგელი, რა დამამცირებელი გრძნობა ყოფილა უძლურება და ავადმყოფობა. თავი გამუდმებით უბრუოდა. ოფლმა ხომ გაანამა და გაანამა, ღვარივით სდიოდა, ძალას აცლიდა, ნახშირის მტვერიც სუნთქვას უჭირებდა, შავი ნახველი გულზე აწვებოდა. უქუბალა სულ იმას ცდილობდა, მეტწილად თვითონ ემუშავა და ქმარს დაესვენა, ცოტა ხანს განზე მჯდარიყო. თვითონ ავსებდა ნახშირით ურიკას და ზემოთ, ბურტისკენ მიაგორებდა. მაგრამ ეიღვის რა მოასვენებდა, როცა ქალი წელში წყდებოდა, წამოდგებოდა ბარბაც-ბარბაცით და მუშაობას განაგრძობდა...

ის კაცი მალე დაბრუნდა, აქლემს მიმიხედევო, რომ სთხოვა. ზურგზე მოეკიდებინა ტვირთი. საპალნე რომ აქლემს დაადო, მერე ედიღეისთან მივიდა, გამოელაპარაკა. სწორედ ეს იყო ყაზანგაპი, ბორანლი-ბურანის რკინიგზის ასაქცევიდან...

თურმე ერთი მხრიდან ყოფილან. ყაზანგაპიც არალის ზღვისპირა აულელი გამოდგა: ამან ხელდახელ დააახლოვა ისინი.

ვინ იფიქრებდა მაშინ, რომ ეს შეხვედრა განსაზღვრავდა ედიღეისა და უქუბალას მთელ მერმისს. ყაზანგაპმა მალე დაარწმუნა ცოლ-ქმარი ბორანლი-ბურანის ასაქცევზე გამგზავრებულისყვნენ მასთან ერთად, იქ ეცხოვრათ და ემუშავათ. ზოგი კაცი გაცნობისთანავე მიგიზიდავს და მოგხიბლავს. უჩვეულო არაფერი ჰქონდა ყაზანგაპს, პირიქით, უბრალოც იყო, მაგრამ ეს უბრალოება მოწმობდა, გამოცდილება და სიბრძნე რა მძიმე გავვეთილის შედეგად შეეძინა. შეხედავდი, ჩვეულებრივი ყაზახი იყო. მის გახუნებულ, დიდხანს ნატარებ სამოსს ტანის მოყვანი-

ლობა მიეღო უკვე. თხის ტყავის შარვალის ტყუილად არ ეცვა - აქლემით მოგზაურობისას მოსახერხებელი იყო. მაგრამ რაც ჰქონდა, იმის მოფრთხილება სკოდნოდა - დიდ თავზე რკინიგზელის შედარებით ახალი ქუდი ეხურა, ეტყობა, საგარეოდ ინახავდა, წლების მანძილზე ნახმარი ტყავის ჩექმებიც გაფისული ძაფით გულდაგულ ჰქონდა ბევრგან დაკერილი. ტრამალის მკვიდრი მუშა რომ იყო, მცხუნვარე მზისა და ზედმიწვი ქარისაგან გაყავისფრებულ სახეზე და ხეშეშა, დაძარღვეულ ხელებზე ეტყობოდა. ჯაფისგან ნაადრევად მოხრილი მხრები ძალუმად დაჰქანებოდა და ამიტომ კისერიც მამალი ბატივით გრძელი უჩანდა, თუმცაღა საშუალო ტანისა იყო. საოცარი თვალები კი ჰქონდა - თაფლისფერი, ყოვლისგამგები, დაკვირვებული, ღიმილიანი, ირგვლივ ნაოჭებით დასერილი.

ყაზანგაპი მაშინ ორმოციოდე წლისა იქნებოდა. თუმცა იქნებ იმიტომაც ჩანდა ამ ხნისა, რომ მოკლედ შეკრეჭილი ულვაშები და პატარა წაბლისფერი წვერი ცხოვრებაში გამოჩაგული კაცის იერს აძლევდა. მაგრამ ნდობას უფრო მეტად მისი ჭკუადამჯდარი საუბარი გინერგავდა. უქუბალა უმალ განიმსჯვალა ამ კაცის პატივისცემით. რაც თქვა, ყველაფერი ჯეროვანი და ჭკვიანური თქვა: რახან ასეთი საქმე დაგემართა და კონტუზიამ ჯერ არ გაგიარა, ჯანს რად ილუპავ. მე მაშინვე შეგამჩნიე, ედიღეი, ეს სამუშაო რომ გიჭირს. ამისთანა საქმეებისთვის შენ ჯერ მომავრებული არა ხარ, ფეხებს ძლივს დაათრევ. ახლა შენ უფრო იოლი სამუშაო უნდა შეარჩიო, სუფთა ჰაერზე იყო, რძე ბლომად სვა. აგერ ჩვენს რკინიგზის ასაქცევზე ხალხი ძალიან გვჭირდება. ახალი უფროსი სულ ამას მეუბნება: შენ აქაური მკვიდრი ხარ, შესაფერისი ხალხი მოგვიძებნე და ჩამოგვიყვანეო. მაგრამ სად მოძებნი ასეთებს? ყველა ომშია წასული. ვინც ომიდან დაბრუნდა, სამუშაოს სხვაგანაც შოულობს. რა თქმა უნ-

და, არც ჩვენთანაა სამოთხე. ჩვენთანაც ძალიან ჭირს, ადგილია ცუდი - ირგვლივ საროზექია, უკაცრიელობა და უწყლობა. ცისტერნით ჩამოაქვთ ხოლმე მთელი კვირის სამყოფი წყალი. ზოგჯერ ვერც ჩამოაქვთ. ასეც ხდება. მაშინ შორს უნდა წახვიდე ტრამალში, ჭებისკენ, თულუხებით ჩამოიტანო წყალი, დილით რომ წახვალ, საღამოს დაბრუნდები მხოლოდ. და მაინც ჯობია იმ მივარდნილ საროზექში გქონდეს შენი კუთხე, ვინემ ასე იჯახირო და სადგურ-სადგურ იწანწალო. ჭერი გექნება და მუდმივი სამუშაო, გაჩვენებთ, გასწავლით, რა უნდა გააკეთო. თუ ხელს გაანძრევ, საკუთარ მეურნეობასაც მოიწყობ. ორნი ხართ და საკმაოდ იშოვით სარჩოს. ამასობაში ჯანიც დაგიბრუნდება. დრო გავა, მოგწყინდებათ და სადმე სხვაგან გაემგზავრებით...

აი, ასე თქვა მაშინ ყაზანგაპმა. ედიღეიმ იფიქრა, იფიქრა და დათანხმდა. იმავე დღეს გაჰყვნენ ყაზანგაპს საროზექში, ბორანლი-ბურანის ასაქცევებზე, რამეთუ ედიღეისა და უქუბალას იმ დროების პირობაზე ჩასალაგებელი ბევრი არაფერი ებადათ. მოხიკეს თავიანთი ავლადიდება და გზას გაუდგნენ. რა ენაღვლებოდათ, ბარემცდიდნენ. თურმე კი მათი ბედი ეს ყოფილა.

მთელი სიცოცხლე ემახსოვრება ედიღეის ის გზა ქუმბელიდან ბორანლი-ბურანამდე. ჯერ რკინიგზას მიჰყვებოდნენ, მერე ნელ-ნელა დაშორდნენ და ხრიატი დაღმართებით გან-გან გაუხვიეს. როგორც ყაზანგაპმა თქვა, ათიოდე კილომეტრით მაინც ჩამოჭრეს გზა, ვინაიდან აქ რკინიგზა დიდ რკალს აკეთებდა, ოდესღაც კარგა დიდ, ახლა კი დამშრალი მლაშე ტბის, დიდი თაკირის ფსკერს გარშემო უვლიდა. მარილი და ჭანჭრობები დღემდე გამოდის თურმე თაკირის წიაღიდან. ყოველ გაზაფხულზე ეს მარილიანი ვაკე იღვიძებდა - დაჭაობიანდებოდა, გაჟივჯივდებოდა, ძნელი სავალი ხდებოდა, ზაფხულში კი მარილის თეთრ ხეშეშ ბრკეს გადაიკრავდა და ქვასავით მაგრდებო-

და შემდგომ გაზაფხულამდე. აქ რომ ოდესღაც უზარმაზარი მარილიანი ტბა იყო, ეს ყაზანგაპმა საროზეჟში ნამყოფ გეოლოგ ელიზაროვის ნათქვამით იცოდა, ვისაც მერე ბურანელი ედილე-იც ძალიან დაუმეგობრდა. დიდი ჭკვიანი კაცი იყო ელიზაროვი.

ედილეს მაშინ ჯერ კიდევ არ ერქვა ბურანელი ედილეი, მაშინ ბორანლელ რკინიგზელთან შემთხვევით შეხვედრილი ერთი არალელი ყაზახი იყო, ცხოვრებამოუწყობელი, დაჭრილი ფრონტელი, რომელიც ყაზანგაპს მიენდო და ცოლთან ერთად სამუშაოსა და ჭერის საძებრად გაჰყვა მისთვის უცნობ ბორანლი-ბურანის ასაქცევზე; რა იცოდა, რომ მთელ სიცოცხლეს იქ, იმ ასაქცევზე გაატარებდა.

საროზეჟის თვალუწვდენელმა, ვეებერთელა სივრცეებმა, გაზაფხულზე ხანმოკლედ აბიბინებულმა, გააბრუა და დაარეტიანა ედილეი. არალის ზღვის ირგვლივ იყო ბლომად ტრამალი და ვაკე. ჯერ მარტო უსტიურტის ზეგანი რად ღირდა, მაგრამ ასეთი უდაბური ხალვათობა პირველად ნახა მისმა თვალეებმა. მერმე მიხვდა ედილეი, რომ საროზეჟის მდუმარებასთან მარტოდმარტო დარჩენას მხოლოდ ის შეიძლებდა, ვინც უდაბნოს სიდიადეს საკუთარ სულს მიუთანაბომებდა. კი, დიდია და დიადი საროზეჟი, მაგრამ ადამიანის ცოცხალი აზრი და ფიქრი მასაც გასწვდება, მასაც მოიცავს. ბრძენი კაცი იყო ელიზაროვი, იმას ავიხსნიდა, რაც ქვეშეცნეულად შენშიაც ბუნდოვნად მწიფდა.

ვინ იცის, რა გუნებაზე დადგებოდნენ ედილეი და უქუბალა საროზეჟში შეღრმავებისას, ყაზანაში რომ არ ყოფილიყო. ის მიუძლოდათ წინ, სადავით მიჰყავდა აქლემი, რომელზედაც საპალნეებს შორის ედილეი წამომჭდარიყო. რა თქმა უნდა, წესით უქუბალას მართებდა აქლემზე ჭდომა, მაგრამ ყაზანგაპმა და მეტადრე უქუბალამ თითქმის ძალათი შეაყუნცეს ზედ ედილეი: „ჩვენ სალსალამათი ხალხი ვართ, შენ კი ძალა უნდა დაზოგო,

ნუ გვედავები. ნუ გვაყოვნებ, ისედაც დიდი გზა გვიდევს წინ...“ აქლემი ჯერ ახალგაზრდა იყო, დიდ სიმძიმეს ვერ გაუძლებდა, იმიტომაც ორი აღამიანი ფეხით მიაბიჯებდა, მესამე კი აქლემზე იჯდა. აი, ედილეის ყარანარზე სამივე არხეინად მოკალათდებოდა და უფრო ჩქარავ - სამ საათ-ნახევარ, ოთხ საათში ჩამოვიდოდნენ თოხარიკით, მაშინ კი ბორანლი-ბურანს ღამითლა მი-აღწიეს.

მაგრამ ლაპარაკსა და უცნობი მიდამოების თვალიერება-ში გზა შეუმჩნევლად გაილია. ყაზანგაპი მოჰყვება გზაში, როგორ მოხდა თვითონ აქ, რკინიგზაზე, სარობექის მხარეში. თურმე არც ისე წლოვანი ყოფილა. ამ წელიწადს, ომის დამთავრების წინ, ოცდამეთექვსმეტეში გადამდგარა. წარმოშობით არალისპირა ყაზანი იყო. ბუშალაჩი, მისი აული, ჟანგელდიდან ოცდაათ კილომეტრზე მდებარეობდა ნაპირის გაყოლებაზე. კარგა ბლომა წელმა განვლო მას აქეთ, რაც ყაზანგაპი იქიდან წამოვიდა, მაგრამ თავის აულში ერთხელაც აღარ ჩაუდგამს ფეხი. ამას თავისი მიზეზი ჰქონდა. მამამისი თურმე კულაკების ლიკვიდაციის დროს გაუსახლებიათ. როცა გაირკვა, რომ კულაკი არ იყო, ხაზის გადახრას შეეწირა და სულ ტყუილად, უფრო სწორად, შეცდომით მოქცეოდნენ ასე სასტიკად მისთანა საშუალო შეძლების გლეხებს, დააბრუნეს, მაგრამ ველარ კი ჩამოაღწია და გზაში გარდაიცვალა. საქმის გამოსწორება გვიანი აღმოჩნდა. ოჯახი დაიშალა, და-ძმებიდან ვინ სად გადაიკარგა და ვინ სად, ოღონდაც თვალს მოშორებოდნენ. მას აქეთ მათი ასავალ-დასავალი ყაზანგაპმა აღარ იცოდა. თავად მას, მაშინ ჯერ ყმანვილს, ფრიად თავგამოდებული აქტივისტები ძალას ატანდნენ; კრებაზე გამოდი, მამა დაგმე, მთელი ხალხის წინაშე განაცხადე, რომ ჩვენს ხაზს მხარს მხურვალედ უჭერ, რომ მამაშენი სწორად დასაჯეს, ვით უცხო ელემენტი, რომ ასეთ მამაზე ხელს იღებ, რომ მამა-

შენისთანა კლასობრივმა მტრებმა ქვეყნად არ უნდა იბოგინონ და ისინი ყველგან უნდა გააცამტვერონ.

ამ სირცხვილს რომ გადარჩენოდა, ადგა ყაზანგაპი და შორს გადაიხვეწა. მთელი ექვსი წელი იმუშავა ბეთთაქ-დალში, სამარყანდთან მდებარე მშიერ ტრამალში, სადაც საუკუნეების მანძილზე ყამირი არავის გაუტეხავს, ახლა კი ბამბის პლანტაციებისთვის ამუშავებდნენ. ხალხი იქ ძალიან სჭირდებოდათ. ბარაკებში ცხოვრობდნენ ყველანი, არხებს თხრიდნენ. ყაზანგაპი მიწასაც თხრიდა, ტრაქტორისტობდა კიდევ, ბრიგადირადაც იყო, საპატიო სიგელიც მიიღო, როგორც დამკვრელმა. იქ ითხოვა ცოლიც ყველა კუთხიდან მოეშურებოდა მაშინ ხალხი მშიერ ტრამალში საშოვარზე. ხივიდან ჩამოვიდა ყარაყალპაკელი ბუქეი, ოჯახს ჩამოჰყვა ბეთთაქ-დალში სამუშაოდ. თურმე ბედის წიგნში ეწერათ ერთმანეთს შეხვედროდნენ. დაქორწინდნენ ბეთთაქ-დალში და გადაწყვიტეს ყაზანგაპის სამშობლოში გამგზავრებულიყვნენ, არალის ზღვას, თავის ხალხს, თავის მიწას დაბრუნებოდნენ. თურმე კარგად არ დაფიქრებიათ ამ ამბავს. დიდხანს იმგზავრეს „მაქსიმებით“⁶, რამდენიმე მატარებელი გამოიცვალეს. როცა ქუმბელში კიდევ ერთ მატარებელში უნდა გადამსხდარიყვნენ, შემთხვევით შეხვდა ყაზანგაპი თავის სოფლელებს და მათი ლაპარაკით გაარკვია, ბეშალაჩში არ უნდა დაბრუნებულიყო. თურმე იქაურობას ისევ ის ხაზის გადამხრელები განაგებდნენ. ჰოდა, გადაიფიქრა ყაზანგაპმა თავის აულში დაბრუნება. განა იმიტომ, რამესი ეშინოდა, ახლა თვით უზბეკისტანის სიგელი ჰქონდა: არ უნდოდა იმ ხალხის ნახვა, ასე ბოროტად რომ მოექცნენ და გაამწარეს. იმათ ჯერჯერობით ყვე-

⁶ ასე ეწოდებოდა იმ ეშელონებს, ხალხი რომ გადაჰყავდა

ლაფერი ხახვივით შერჩათ, ყაზანგაპს კი არ შეეძლო გულმშვიდად მისალმებოდა მათ, ვითომცდა არაფერი მომხდარიყო.

ყაზანგაპს ახლაც არ სიამოვნებდა ამ ამბების მოგონება, თუმცა მის გარდა უკვე ყველას დავინწყებოდა ისინი. რაც სარობეჭში დასახლდა, მთელი ამ წლების მანძილზე მხოლოდ ორჯერ გაამჟღავნა, რომ არაფერი დავინწყებოდა. ერთხელ ვაჟმა მოაყვანიხა გული, მეორედ კი ედიღეი გაეხუმრა უშნოდ.

საბითუანი იყო ერთხელ ჩამოსული, ჩაის უსხდნენ, საუბრობდნენ, ქალაქის ახალ ამბებს ისმენდნენ საბითუანისგან. საბითუანი სიცილით მოჰყვია, ის ყაზახები და ყირგიზები, კოლეექტივიზაციის წლებში სინცზიანში რომ წავიდნენ, ახლა ისევ ბრუნდებიანო. ჩინეთმა თურმე ძალზე შეაფინროვათ – ხალხს შინ ჭამა აუკრძალა, მხოლოდ საერთო ქვაბიდან უნდა ჭამოთ დღეში სამჯერ. დიდი თუ პატარა ჭამებით რიგში იდგა. ჩინელებმა ისეთი დღე აყარეს ამ ხალხს, სარჩო-საბადებელი მიატოვეს და იქიდან დამდულრულებივით გამოიქცნენ. ახლა თავმოდრეკით იხვეწებიან, უკან დაგვაბრუნეთო.

- მერედა ეს კარგია? - მოიღუშა ყაზანგაპი და ტუჩები ბრაზით აუცახცახდა. იშვიათად თუ გაჭაგრებულა ასე, ასეთი კილოთი იშვიათად თუ მიუმართავს თავის ვაჟისთვის, ვინც ქვეყანას ერჩია, ვისაც ასწავლა, ვისთვისაც არაფერს ზოგავდა და იმედი ჰქონდა, დიდი კაცი გამოვყო. - სასაცილო აქ რა ნახე, რომ იცინი? დაუმტა ყრუდ და თავში სისხლმა აასხა. - ხალხს უბედურება დაატყდა.

- ნეტა სხვანაირად როგორ მეთქვა? - შეეპასუხა საბითუანი. - როგორც იყო, მეც ისე ვყვები.

ყაზანგაპს არაფერი უთქვამს, ჩაის ფიალა განზე გადგა, დადუმდა, და ეს ღუმილი აუტანელი იყო.

- ან ვისზე მოგდის გული? - გაკვირვებით აიჩეჩა მხრები საბითუანმა. - ვერ გამიგია. კიდევ გიმეორებ - ვისზე მოგდის-მეთქი გული? დროზე - დრო მოუხელთებელია. მთავრობაზე - უფლება არ გაქვს.

- იცი, საბითუან, მე ჩემი საქმე ვიცი, სხვისაში არ ვერევი. მაგრამ ეს კი გახსოვდეს, შვილო, თუმცა შენი ჭკუით თვითონაც უნდა მიმხვდარიყავი, რომ მარტო ღმერთზე არ შეიძლება მოგივიდეს გული - თუ სიკვდილი კარს მოგაყენა, მაშასადამე, შენს სიცოცხლეს ყავლი გასვლია - დანარჩენზე კი ამქვეყნად კაცს ყველაფერი უნდა მოეკითხოს! - ყაზანგაპი წამოდგა და გაჯაფრებული გარეთ გავიდა, არავისთვის არ შეუხედავს...

მეორედ, ქუმბელში მათი შეხვედრიდან კარგა ბლომა წლების მერმე, როცა უკვე დასახლდნენ, უკვე ფესვი გაიდგეს ბორანლი-ბურანში, როცა შვილები გაუჩნდათ და კიდევ წამოეზარდათ, ერთ გაზაფხულის საღამოს, ცხვრების და ბატკნების საჩხებში შედენისას, ედილეი ყაზანგაპს გაეხუმრა:

- გაგმდიდრდით მე და შენ, ყაზაქე, და ესაა. დროა ხელახლა განგვაკულაკონ!

ყაზანგაპმა მკვახედ შეხედა, უღვაშებიც კი აეჯაგრა.

- ენა დააყე, წინ ნუ გისწრებს!

- ვიხუმრე, რა, ხუმრობა არ იცი?

- ეს სახუმარო არაა.

- კარგი ერთი, ყაზაქე, ასი წელი გავიდა, მგონია...

- საქმეც ეგაა. ქონებას წაგართმევენ - არ დაილუპები, როგორმე გაუძლებ, სულში ჩაფურთხებას კი ვერაფერი გადაგავინცებს, ვერაფერი წაშლის.

მაგრამ იმ დღეს ქუმბელიდან საროზექის ველებით ბორანლი-ბურანში რომ მიდიოდნენ, ამისთანა ლაპარაკამდე ჯერ კიდევ კაი ძალი დრო უკლდათ. ჯერ კიდევ არ იცოდნენ, რით

დამთავრდებოდა ბორანლი-ბურანში მათი ჩასვლა, დიდხანს დაჰყოფდნენ იქ თუ ცოტა ხანს; შეეგუებოდნენ, თუ კიდევ სხვაგან სადმე გასწევდნენ. უბრალოდ, ცხოვრებაზე ბაასობდნენ მაშინ და ედილეიმ ცნობისმოყვარედ ჰკითხა ყაზანგაპს, რა მიზეზით არ მოხვდა იგი ფრონტზე, ავად ხომ არ იყო?

- არა, ჯანს ვერ დავემდურები, - უპასუხა ყაზანგაპმა, - არც ავად ვყოფილვარ ოდესმე. სხვებზე ნაკლებ, მგონია, არც მე ვიომებდი, მაგრამ საქმე სხვანაირად წავიდა...

როცა ყაზანგაპმა ველარ გაბედა თურმე ბეშალაში დაბრუნება, ისა და მისი ცოლი ქუმბელის სადგურზე დარჩნენ, სხვა რა გზა ჰქონდათ. მშიერ ტრამალზე დაბრუნებულიყვნენ - ჯერ ერთი, შორი იყო, თან არც ღირდა მაშინ აქედან წასვლა. არალზედაც გადაიფიქრეს გამგზავრება. აქაურმა სადგურის უფროსმა, კეთილი კაცი იყო თურმე, შეამჩნია ისინი, შეიცოდა, გამოჰკითხა, საიდან ხართ, რას აპირებთო. მერე დასვა ყაზანგაპი და ბუქეი სატვირთო მატარებელზე და ბორანლი-ბურანის ასაქცევზე გამგზავრა. იქ ხალხი სჭირდებათ, თქვენ კი შესაფერისი წყვილი ხართო, უთქვამს და ასაქცევის უფროსთან წერილიც გაატანა. არც შემცდარა ქუმბელის სადგურის უფროსი. თუმცა მშიერ ტრამალთან შედარებითაც ძალზე ძნელი გამოდგა აქ ცხოვრება - იქ, მშიერ ტრამალზე უამრავი ხალხი ირეოდა, გახურებული მუშაობა იყო - თუმცა ძნელად შესაგუები აღმოჩნდა უწყლო სარობეჯის ველები, მაინც ნელ-ნელა მიეჩვივნენ, შეეგუენ და დაიწყეს ცხოვრება, მართალია, გაჭირვებით, მაგრამ თავის ნებაზე და დამოუკიდებლად. ორივე, ყაზანგაპიცა და ბუქეიც, რკინიგზის მუშებად ირიცხებოდნენ გადასარბენზე. მაგრამ ასაქცევზე, რაც საჭირო იყო, ყველაფერი უნდა ეკეთებინათ. ასე დაიწყო სინამდვილეში ყაზანგაპის და მისი ყმანვილი ცოლის ერთად ცხოვრება უკაცრიელ სარობეჯეში, ბორანლი-ბურანის ასაქცევზე. როცა ფუ-

ლი დააგროვეს, ორჯერ დააპირეს იმ წლებში სადმე სხვაგან გადაბარება. რომელიმე სადგურისა თუ ქალაქის ახლოს, მაგრამ ვინემ ისინი ამ საქმეს თავს მოაბამდნენ, ომიც დაიწყო.

ჰოდა, ეშელონი ეშელონს მიჰყვა ბორანლი-ბურანის გავლით, დასავლეთისაკენ ჯარისკაცებით სავსე, აღმოსავლეთისკენ - ევაკუირებული ხალხით, დასავლეთისკენ პური და ტვირთული, აღმოსავლეთისკენ - დაჭრილებით. ბორანლი-ბურანისთანა პატარა სადგურზედაც კი მაშინვე საგრძნობი გახდა, რაოდენ მკვეთრად შეიცვალა ცხოვრება...

ერთიმეორის მიყოლებით ბლაოდნენ და კიოდნენ ორთქლმავლები, გზა მოგვეცითო. მოპირდაპირე მხრიდანაც ასეთივე ბლავილი ისმოდა... განძელები ვეღარ უძლებდა ასეთ დატვირთვას და იღუნებოდა, დროზე ადრე ცვდებოდა რელსებიც გაჭედდებოდა ვაგონთა სიმძიმისაგან. ერთ ადგილას რომ გამოცვლიდნენ ლიანდაგს, სასწრაფოდ მეორე ადგილასაც იყო საჭირო გამოცვლა თუ შეკეთება.

დასასრული აღარ უჩანდა მატარებლებს - ნეტა სად იყო ამდენი ლაშქარი, ურიცხვი და უთვალავი. ეშელონი ეშელონს მისდევდა ფრონტისაკენ დღისით თუ ღამით. კვირეებით თუ თვეობით, მერე კი წლიდან წლობით. ყველა დასავლეთისაკენ მისწრაფოდა - იქ, სადაც სამკვდრო-სასიცოცხლოდ შეჭიდებოდნენ ერთმანეთს ქვეყნები.

რამდენიმე ხნის შემდეგ ყაზანგაპის რიგმაც მოაწია, ომში გაიძახეს. ქუმბელიდან უწყება გადმოსცეს - შესაკრებ პუნქტში გამოცხადდესო. ასაქცევის უფროსმა თავში იტაცა ხელები, დაიკვნესა - საუკეთესო რკინიგზელს ართმევდნენ, ბორანლი-ბურანის ასაქცევზე ისედაც კაცნახევარი დაითვლებოდა. მაგრამ რა ჩარა იყო, მისას ვინ მოისმენდა, ბორანლი-ბურანი რეზინა ხომ არაა, ამდენ მატარებლებს გაუძლოსო, სემაფორებთან ორ-

თქლმავლები ბლავიანო. სასაცილოდაც აიგდებდნენ, რომ ეთქვა, კიდევ ერთი სათადარიგო ხაზია საჭირო. ვის ეცალა საამისოდ - მტერი მოსკოვთან იდგა...

უკვე კარზე იყო მომდგარი ომის წლების პირველი ზამთარი, ნადრევი, ნისლიანი, ძვალ-რბილში გამტანი სუსხით, აღრიანი ბინდბუნდით. იმ ღამით კი თოვლიც მოვიდა. ჯერ ნელ-ნელა, მერე კი ბარდნით წამოუშინა. სარობეჩის დიადი მდუმარებით მოცულ ველებს, ხევხუევებს, ფლატეებს სპეტაკი თოვლის საბანი დაეფინა, მაშინვე ამოძრავდა სარობეჩის ქარებიც, ჯერ კიდევ დაუტკეპნავი თოვლის ფენა მჩატე-მჩატედ აათამაშა. ეს დასაწყისი, ეს პირველი ცდა იყო მხოლოდ, მერე აღმუვლდება, დაბზრიალდება, უშველებელ ბუქს დააყენებს. რაღას უზამს მაშინ რკინიგზას, წვრილი ძაფივით რომ გასდევს დიდი ყვითელი ტრამალების შუაგულ მიწებს კიდით კიდემდე, ვით საფეთქლის ძარღვი? ფეთქავდა ძარღვი - მიგრიალებდნენ და მოგრიალებდნენ მატარებლები იქით თუ აქეთ...

იმ დილას წავიდა ყაზანგაპი ფრონტზე. წავიდა მარტო, არავის გაუცილებია. სახლიდან რომ გამოვიდნენ, ბუქეი შედგა, თოვლისგან რეტი მესხმისო, თქვა. ყაზანგაპმა ჩამოართვა შეფუთული ბალღი, მაშინ უკვე ჰყავდათ აიზადა. ერთად გაუყვინენ გზას, ვინ იცის, კვალს უკანასკნელად ტოვებდნენ ერთად თოვლზე. მაგრამ ცოლს არ გაუცილებია ყაზანგაპი, თვითონ ყაზანგაპმა მიაცილა იგი უკანასკნელად მეისრის ჯიხურამდე, ვინემ ქუმბელისკენ მიმავალ სატვირთოს დააჯდებოდა. ახლა ბუქეი რჩებოდა მეისრედ ქმრის მაგივრად, აქ გამოემშვიდობნენ ერთმანეთს. სათქმელი და სატირალი ღამით თქვეს და მოათავეს. ორთქლმავალი გასამგზავრებლად ქშუოდა. მემანქანე აჩქარებდა, ყაზანგაპს ეძახდა. როგორც კი ეს ზანგაპი ავიდა, ორთქლმავალმა დაჰკვივლა, ნელ-ნელა უმატა სიჩქარეს და

რახარუხით გავიდა ისარზე, სადაც ბუქეი იდგა, შალშემოხვეული, ქამარშემოჭერილი, ქმრის ჩექმებში, ცალ ხელში ალმით და ცალში კი აიზადათი. უკანასკნელად დაუქნიეს ხელი ერთმანეთს. წამით გაიელვა ბუქეის სახემ, თვალემა, ხელმა, სემაფორმა...

მატარებელი კი უკვე მიჰქროდა, გრიალით ახმიანებდა საროზეის რძისფრად დათოვლილ სივრცეებს, უხმოდ რომ მოცურავდნენ შესახვედრად აქეთ-იქიდან და უხმოდვე უჩინარდებოდნენ თეთრი სიზმარივით. ქარი დაქშუოდა ორთქლმავალში, დამწვარი წიდის მოუსრველ სუნს ტრამალის პირველქმნილი თოვლის სურნელს ურევდა. ყაზანგაპი ცდილობდა საროზეის სივრცეთა ეს ზამთრის სურნელი დიდხანს არ ამოესუნთქა, დიდხანს გაეჩერებინა ფილტვებში, იგრძნო, ეს მიწა მისთვის ამიერიდან უცხო არ იყო.

ქუმბელის სადგურზე მობილიზებულთ უკვე ამგზავრებდნენ. ყველას მწყობრში აყენებდნენ, სიით იძახებდნენ და ვაგონებში ანაწილებდნენ. მაშინ მოხდა უცნაური ამბავი. ყაზანგაპის კოლონის ჩასხდომის ჯერმა რომ მოაღწია, სამხედრო კომისარიატის ერთი მუშაკი გზაში წამოეწია ყაზანგაპს.

- ყაზანგაპ ასანბავეი! რომელია აქ ასანბავეი? მწყობრიდან გამოდი! უკან მომყევი!

- მე ვარ ასანბავეი!

- საბუთები მაჩვენე!.. სწორია. აბა მომყევი.

სადგურზე, შეკრების პუნქტში რომ მივიდნენ, იმ კაცმა უთხრა:

- აი, რას გეტყვი, ასანბავეო, მოდი და შინ დაბრუნდი, სახლში გაემგზავრე, გაიგე?

- გავიგე, - მიუგო ყაზანგაპმა, თუმცა ვერაფერიც ვერ გაიგო.

- თუ გაიგე, მაშ მოუსვი აქედან, დროს ნუ აცდენ, თავისუფალი ხარ.

ყაზანაპი დაბნეული იდგა აზუმუნებულ გამცილებელთა თუ წამსვლელთა ბრბოში. პირველად გაეხარდა, საქმე რომ ასე შეტრიალდა, მერე კი თავში დაცეცხლა, როცა ამის მიზეზს მიხედა. აი, თურმე რა ყოფილა! და მყისვე შესაკრები პუნქტის უფროსის კართან მოზღვავებულ ხალხში გზის გაკაფვას შეეცადა.

- შენ სად მიძვრები? -- დაუტიეს იმათ, ვისაც უფროსთან შესვლა უნდოდა.

- სასწრაფო საქმე მაქვს! ეშელონი გადის, მეჩქარება! - და კიდევ შევიდა.

გაბოლილ ოთახში მაგიდას შეჭალარავეებული კაცი უჯდა. მაგიდაზე ტელეფონები იდგა, ქალაღდების ხროვა ეყარა. ირგვლივ ხალხი შემოხვეოდა. კაცმა თავი ასწია, ყაზანაპი რომ ზედ წაადგა.

- შენ რა გინდა, რა საკითხზე ხარ?

- იმაზე, რომ არ ვეთანხმები!

- რაზე არ ეთანხმები?

- მამაჩემი გაამართლეს, არასწორად იყო გასახლებული. კულაკი არ ყოფილა! კარგად გასინჯეთ, რაც მანდ გინერიათ! საშუალო გლეხი იყო და გადაასახლეს.

- დაიცა, დაიცა! შენ რას ითხოვ?

- თუ ამ მიზეზით: არ მიგყავართ, სწორად არ იქცევით.

- რას მიედ-მოედები. კულაკიო, საშუალოო - ვის სცალია ახლა საამისოდ! ციდან ხომ არ ჩამოვარდი? ვინა ხარ?

- ასანბაევი ვარ ბორანლი-ბურანის ასაქცევიდან.

უფროსმა სიას ჩახედა:

- ეგრე გეთქვა, რა ტვინს მიბნევ. საშუალოო, ლატაკიო, კულაკიო! შენზე ჯავშანია მოსული! შეცდომით გამოვიძახეს. პირადად ამხანაგ სტალინის ბრძანება - რკინიგზელები არ წაიყვანოთ, თავის ადგილზე დატოვეთ ყველაო. გირჩევნია ხელს ნუ მიშლი, შენს ასაქცევებე გასწი ჩქარა და საქმეს მიხედე...

მიუახლოვდნენ ბორალნი-ბურანს და მზეც ჩაესვენა. ახლა ისევ რკინიგზისაკენ მიდიოდნენ. უკვე ისმოდა ხან აღმა, ხან დაღმა მიმავალ მატარებელთა საყვირის ხმა და ვაგონების გარჩევაც შეიძლებოდა. შორიდან, საროზიქის ვეება ველებზე, ისინი სათამაშო მატარებლებს ჰგავდნენ. მზე ნელ-ნელა იფერფლებოდა სადღაც უკან, თან ანათებდა და თან ჩრდილს ჰფენდა გაშლილ ხეებსა და გორაკებს. ბინდი უჩინრად ჩამოდიოდა მიწაზე, თანდათან ალურჯებდა და ავსებდა ჰაერს გაზაფხულისთვის მომზადებული, ნელინელ გაგრილებული მიწის სურნელით, ჯერ კიდევ რომ შემორჩენოდა ზამთრის სინოტივე.

- აგერ ჩვენი ბორანლიც! - თითით აჩვენა ყაზანგაპმა აქლემზე შესკუპულ ედილეთს გვერდით ჩქარ-ჩქარა მიმავალ უქუბალას. - ახლა ცოტალა დაგვრჩა, მალე მივალთ ღვთის წყალობით. დაისვენებთ კიდევაც.

იქ, სადაც რკინიგზა ოდნავ შესამჩნევად ირკალეობდა, ცარიელ ვაკეზე, რამდენიმე პატარა სახლი იდგა, სათადარიგო ლიანდაგზე მატარებელი ელოდა სემაფორის გახსნას. გაღმა თუ გამოღმა ტრიალი მინდორი, დამრეცი ფერდობი ჩანდა - მდუმარე. განუზომელი სივრცე, ტრამალი და მხოლოდ ტრამალი...

გული ჩასწყდა ედილეთს - არალელ ტრამალელისთვის უცხო არ იყო უდაბნოები, მაგრამ ასეთ რამე არ მოელოდა. მუდამ ცვალებადი ლურჯი ზღვის პირას გაზრდილს ამ მკვდარ, უწყლო მხარეში როგორ ეცხოვრა?!

გვერდით მიმავალი უქუბალა ედილეის ფეხზე სწვდა, რამდენიმე ნაბიჯი ასე გაიარა. მიხვდა ედილეი ცოლის ხვაშიადს. „გულს ნუ გაიტეხ, - ეუბნებოდა იგი, - თავიდათავია, შენ იყო კარგად, ჯანზე მოხვიდე. მერე კი ვნახოთ, ეს ცხოვრება რასაც მოგვიტანს...“

ასე მიუახლოვდნენ ისინი იმ ადგილს, სადაც თურმე მრავალი, მრავალი წელი - მთელი დარჩენილი წუთისოფელი უნდა ეცხოვრათ.

მაღე მზე სულ ჩაიფერფლა. საროზექის ჩაბნელებული ცა უკვე უთვალავ კაშკაშა ვარსკვლავს მოეჭიდა, როცა ისინი ბორანლი-ბურანს მიადგნენ.

რამდენიმე დღე ყაზანგაპთან დაჰყვეს, მერე კი ცალკე გადავიდნენ, რკინიგზელთა მაშინდელ ბარაკში ერთი ოთახი გამოუყვეს. ასე და ამგვარად დაიწყეს ცხოვრება ახალ ადგილზე.

თუმცა ყოველნაირად ჭირდა ცოვრება, თუმცა ძნელი გამოდგა, მეტადრე პირველ ხანებში, ამ უკაცრიელი საროზექის შეჩვევა, ედილეის საოცრად არგო ორმა რამ - ჰაერმა და აქლემის რძემ. ჰაერი მართლა რომ პირველქმნილი სინმინდისა იყო, მეორე ასეთ ხელუხლებელ სამყაროს ძნელად თუ სადმე აღმოაჩენდი. რძე კი ყაზანგაპმა გაუხერხა. თავისი ორი ჯამა აქლემიდან ერთი დაუთმო.

- მე და ჩემმა ცოლმა ასე დავთქვით, - უთხრა ყაზანგაპმა, - რძე ჩვენ სამყოფი გვაქვს, ამიტომ თეთრთავა თქვენ წაიყვანეთ, ახალგაზრდა ჯამა აქლემია, კარგად ინველება, მეორე მოგებაა, თქვენვე მოუარეთ და თქვენვე მოიხმარეთ. ეგ თქვენია, მე და ჩემმა ცოლმა ასე გადავწყვიტეთ. აბა შენ იცი, როგორ მოამრავლებ ედილეი. კარგად მოუვლი - კარგად გაგიმრავლდება, წასვლას დააპირებ - გაყიდი, ფულია.

თეთრთავას კვირა-ნახევრის უკან შესძენოდა შავთავა ერთი ციციქნა კოზაკი, პანანინა კუზები. დიდრონი, წამოზიდული, წამიანი თვალები ბავშვური ალერსითა და ცნობისმოყვარეობით ავსებოდა - გულს აგიზვილებდა პირდაპირ. სასაცილოდ დაკუნტრუშობდა და ცელქობდა ხოლმე დედის გვერდით, როცა მართო დარჩებოდა საჩეხეში - საბრალისი ხმით ადამიანივით ეძახდა დედას. განა ვინ იფიქრებდა, ეს თუ მომავალი ბურანელი ყარანარი იქნებოდა, მთელ ოლქში სახელგანთქმული, დაულაღვი და ძლიერი ყარანარი, ბურანელი ედიღეის ცხოვრებაში ბევრი შემთხვევისა და ამბის მონაწილე. მაშინ კი კოზაკს გამუდმებული ზრუნვა და თვალისჭერა სჭირდებოდა. ძალიან შეიყვარა იგი ედიღეიმ. მოცალეობის დროს სულ თავს დასტრიალებდა. არალზე უკვე მიჩვეოდა ამ საქმეს და ახლა ძალიან გამოადგა. ზამთრისთვის საგრძნობლად წამოიზარდა პატარა ყარანარი. როგორც კი აცივდა, თბილი ყაჯარი შეუკერეს. მუცელზე რომ ეკვრებოდა. ამ ყაჯარში კიდევ უფრო სასაცილოდ გამოიყურებოდა - მართო თავი, კისერი, ფეხები და ორი პანია კუბი უჩანდა. მთელი ზამთარი და გაზაფხულის დამდეგი ამ სამოსელში გაატარა - დღისით და ღამით ღია ცის ქვეშ იყო ტრამალზე.

იმ წლის ზამთარში კიდევ იგრძნო ედიღეიმ, თანდათან როგორ მოეცა ძალა. შეუმჩნევლად გაუარა თავბრუსხვევამ. გაუქრა ყურებში შხუილი და ოფლიც აღარ ასხამდა მუშაობისას. შუა ზამთარში კი, დიდთოვლობას უკვე სხვებთან ერთად შეეძლო საავრალო სამუშაოზე გასვლა. მერე კი იმდენად მომაგრდა - ახალგაზრდა იყო და ბუნებითაც თვითრტული - კიდევ დაავიწყდა, რარიგ დაგლახებული იყო, ძლივას მიათრევედა ფეხებს, აუხდა წითურწვერა ექიმის სიტყვები.

კარგ გუნებაზე ყოფნის ხანს ედიღეი ხშირად ეხუმრებოდა ხოლმე კოზაკს, ეფერებოდა და ყელზე ხელს ხვევდა.

- მე და შენ ძუძუმტეები შეიძლება დაგვარქვას კაცმა. როგორ წამოგჩიტა თეთრთავას რძემ, მე კი კონტუზიისგან განმკურნა, ღმერთმა ქნას, სამიღღემჩიოდ. განსხვავება ისაა, შენ ჭიქანს წოვდი მისას, მე კი ვწველიდი და შუბათს ვაყენებდი...

გავიდა ხანი, ბურანელი ყარანარის სახელი მთელ საროზეჭში გავარდა. ვილაცები საგანგებოდაც კი ჩამოვიდნენ მისი სურათის გადასაღებად. ომი თითქმის დავიწყებას მიეცა. შვილები სწავლობდნენ. ბორანლი-ბურანზე საკუთარი წყალსაქაჩი დადგეს, ისე - წყლის საკითხი აღარასოდეს შეაწუხებდათ. ედიღეიმ სახლი გამართა, თუნუქით დახურა - ერთი სიტყვით, ამდენ ჭაპანწყვეტისა და ვაივაგლახის შემდეგ ცხოვრება ძლივძლივობით ჩადგა ადამიანისთვის ღირსეულ, ჩვეულებრივ კალაპოტში. აი, სწორედ ამ ხანებში მოხდა ის ლაპარაკი, ედიღეის რომ კარგა ხანს ჩარჩა გულში.

რა თქმა უნდა, ფოტოკოორესპონდენტთა ჩამოსვლა, როგორც თავად გააცნეს თავი, იშვიათი, თითქმის ერთადერთი შემთხვევა იქ ბორანლი-ბურანის მთელ ისტორიაში. მკვირცხლმა, ენაგაკრეფილი ფოტოკოორეებმა - სამნი იყვნენ - დაპირებების ბუქი დააყენეს - იმიტომაც ჩამოვედით, ყველა გაზეთსა და ჟურნალში ბურანული ყარანარი და მისი პატრონი გამოვჭიმოთო. ეს ალიაქოთი და აურბაური სულაც არ ეჭაშნიკა ყარანარს - გულმოსული ბლადა, კბილებს აკრაჭუნებდა და თავს ცისკენ იღერებდა, მომეშვით, გული ნუ გამიწყალეთო. ისე რომ ჩამოსულები წარამარა ეხვენებოდნენ, ედიღეის, აქლემი დაანყნარე, უთხარი, ასე მიბრუნდეს, უთხარი ისე დადგესო. ედიღეიც იმავე წამს ბალღებს, ქალებს და ყაზანგაპს უხმობდა. რა არის ყველასთვის გადაელოთ სურათი, მარტო მასა და ყარანარისთვის კი არა. ფოტოკოორეებიც უარს არ ამბობდნენ, წარამარა ნაირნაირ აპარატებს აჩხაკუნებდნენ. ყველაზე დიდებულიის სურათი

გამოვიდა, სადაც ბურანელ ყარანარს მთელი წვრილფეხობა ას-
ხდა, ორი კისერზე, ოთხი კიდევ ზურგზე, შუაში კი ედილეი იდგა
- აბა უყურეთ, რა ღონიერი აქლემიაო! ჰო-ჰო, რა სიხარულის
ჭყვილი ატყდა, მაგრამ მერე ფოტოკორესპონდენტები გა-
მოტყდნენ. ყველაფერს გვირჩევნია ნარაქლემი მართო გადავი-
ლოთო. მერედა გადაიღონ, ვინ უშლით ხელს!

ჰოდა, გადაიღეს ფოტოგრაფებმა ბურანელი ყარანარი
თუ წინიდან, თუ გვერდიდან, თუ ახლოდან, თუ შორიდან, რო-
გორც შეძლეს და მოახერხეს, მერე ედილეისა და ყაზანგაპის
დახმარებით კიდევ გაზომეს, რა სიმაღლისა იყო ჯიდაომდე, რა
სიგანისა ჰქონდა მკერდი, რა სიგრძის ტანი, ყველაფერი ჩაიწე-
რეს და თან აღტაცებით იძახდნენ:

- რა დიდებული ბაქტერიანია! აი, რას ნიშნავს დიდებული
გენები! კლასიკური ბაქტერიანის ტიპია, რა მძლავრი მკერდი
აქვს, ჩინებული ექსტერიერია!

ეამა, ძალზე ეამა ედილეის ასეთი ხობა, მაგრამ მაინც
ჰკითხა, რას ნიშნავდა ეს გაუგებარი სიტყვები, მაგალითად, „ბაქ-
ტერიანი“ რა იყო. თურმე ასე ეძახდნენ მეცნიერები ორკუზა აქ-
ლემების ძველთაძველ ჯიშს.

- მაშ, ბაქტერიანი ყოფილა?

- იშვიათი წმინდა სისხლია.

- გაზომვა რაღა საჭირო იყო?

- მეცნიერული მონაცემებისათვის.

ჟურნალ-გაზეთების თაობაზე ჩამოსულებმა, რა თქმა უნ-
და, ბორანელების წინაშე ბუქი დააყენეს, რა არის ფასი დაედოთ
თავიანთი საქმიანობისათვის, მაგრამ ნახევარი წლის შემდეგ კი
ბანდეროლით სახელმძღვანელო გამოაგზავნეს. ეს იყო ზო-
ოტეექნიკურ ფაკულტეტის აქლემმცოდნეობისთვის განკუთვნილი
წიგნი, რომლის ყდას კლასიკური ბაქტერიანის, ბურანელი ყა-

რანარის სურათი ამშვენებდა. უამრავი სურათიც გამოაგზავნეს, ფერადიცა და არაფერადიც. ამ სურათების მიხედვითაც დარწმუნდებოდა კაცი, რა ბედნიერი, დალხენილი დრო იყო მაშინ. ომის შემდგომი წლების ვაივავლახი და გაჭირვება უკან დარჩა, ბაღლები ჯერ პატარები იყვნენ, დიდები სალ-სალამათნი და სიბერემდეც კაი ხანი უკლდათ.

იმ დღეს სტუმრების პატივსაცემად ცხვარი დაკლა ედიღე-იმ და მთელ ბურანლებს დიდებული ნადიმი გაუმართა. შუბათი, არაყი თუ სასმელ-საჭმელი თავზე საყრელი იყო. მაშინ ბორანლი-ბურანის ასაქცევებზე მუშათა მომარაგების მოძრავი ვაგონი-მაღაზია ჩამოდიოდა. სულო და გულო, რა არ ჩამოჰქონდათ, ათასნაირი კიბორჩხალები, წითელი და შავი ხიზილალა, ნაირ-ნაირი თევზგული, კონიაკი, ძეხვები, კანფეტები და სხვა, ოღონდაც კი ფული გქონოდა. თურმე როცა ყველაფერია, ყიდვას არ ხარბდები, ზედმეტი აბა რა საჭიროა? ახლა კი ეს მოძრავი მაღაზია დიდი ხანია გაქრა, დიდი ხანია თვალით აღარ უნახავთ...

მშვენიერი დრო გაატარეს ბორანელებმა, ბურანელი ყარანარის სადღეგრძელოც კი შესვეს. სჯა-ბაასში გამოირკვა, რომ ყარანარის ამბავი სტუმრებს ელიზაროვისაგან შეეცყოთ. ელიზაროვს უამბნია მათთვის, რომ საროზეჟში მისი მეგობარი ბურანელი ედიღე ცხოვრობს და ამ ედიღეის ყველაზე ლამაზი აქლემი ჰყავს ამქვეყნად - ბურანელი ყარანარი! ელიზაროვი! დიდებული კაცია ელიზაროვი, საროზეჟის დიდი მცოდნე, მეცნიერი... როცა ელიზაროვი ბორანლი-ბურანში ჩამოდიოდა, შეგროვდებოდნენ ის, ედიღე და ყაზანგაპი და მთელი ღამეები სჯა-ბაასში და მუსაიფში იყვნენ.

იმ ნადიმზე უამბეს ყაზანგაპმა და ედიღემ სტუმრებს საროზეჟული თქმულება აქაური ჯიშის აქლემთა წინაპარ, განთქმულ თეთრთავა ჯამა აქლემ აქმაიასა და არანაკლებ გან-

თქმულ მის პატრონ ქალ ნაიმან-ანაზე, რომელიც ანა-ბეიითის სამარხში ასვენია. აი, საიდან მოდიოდა ბურანელი ყარანარის ჭილაგი. ბორანლელებს იმედი ჰქონდათ, ამ ძველებურ ისტორიას გაზენშიც გამოაქვეყნებნო. სტუმრებმა დიდი ხალისით მოისმინეს, მაგრამ ეს ალბათ ადგილობრივ ლეგენდად ჩათვალეს, თაობიდან თაობაში გადმოსულად, თუმცა ელიზაროვი კი სხვა აზრისა იყო. იგი ამბობდა, აქმაიას ლეგენდა დიახაც შეიძლება ისტორიული სინამდვილის გამომხატველი იყოსო. ელიზაროვს უყვარდა ასეთი ამბების მოსმენა. თვითონაც ცოტა თქმულება როდი იცოდა ტრამალის წარსულიდან...

საღამო ხანს გააცილეს სტუმრები. კმაყოფილი იყო ედილი, საამაყოთ ავსებოდა გული. ცოტა შეჭიკჭიკდა კიდეც, სტუმრებთან ერთად მანაც დალია. იმიტომაც წამოაყრანტალა დაუფიქრებლად მაგრამ ნათქვამს რას უშველი, უკან ვერ დააბრუნებ.

- აბა, გამოტყდი, ყაზაქე, გული არ გწყდება, ყარანარი რომ ძუძუთა მაჩუქე?

ყაზანგაჰმა დაცინვით შეხედა. ეტყობა, არ მოელოდა ედილებსაგან ამ სიტყვებს, ერთხანს იყუჩა და მერე თქვა:

- ყველანი კაცნი ვართ, თქმა არ უნდა. მაგრამ იცი, ჯერ როდის უთქვამს ჩვენს მამა-პაპას: მალ იესი ქუდიდან⁷. ღმერთმა ინება ასე, სწორედ შენი ყოფილიყო ყარანარი და სწორედ შენ ყოფილიყავი მისი პატრონი. სხვის ხელში, კაცმა არ იცის, რა დაემართებოდა. იქნებ არც ეცოცხლა, ფეხები გაეფუშკა და ან კიდევ ვთქვათ ხრამში ჩავარდნილიყო. ის შენი უნდა ყოფილიყო. მე ხომ აღრეც მყავდა აქლემები და კარგი აქლემებიც, იმავე თეთრთავა ჯამასგან, ვისგანაც არის ყარანარი. შენთვის კი ეგ

⁷ საქონლის პატრონი ღვთისგან მოდისო.

ერთადერთი იყო, ნაჩუქარი... ღმერთმა ქნას ასი წელი გემსახუროს: ისე კი ტყუილად გგონია, რომ..

- მაპატიე, მაპატიე, ყაზაქე, - შერცხვა ედიღეის და ინანა. ეს რა წამოვროშეო.

მაშინ გაუზიარა ყაზანგაპმა თავისი დაკვირვება. თქმულეების მიხედვით უბრალო ჯამა აქლემ აქმაიას შვიდი კობაკი გასჩენია - ოთხი ჯამა და სამი ნარაქლემი. მას აქეთ ყველა ჯამა აქლემი ღია ფერისა და თეთრთავა, ყველა ნარაქლემი, პირიქით, შავთავა და წაბლისფერი. ყარანარიც იმიტომ დაიბადა ასეთი - თეთრთავა დედისგან შავი აქლემი. ეს პირველი ნიშანია აქმაიას ჩამომავლობისა. მას აქეთ, ვინ იცის, რამდენმა წელმა ჩაიარა, ორასმა, სამასმა, ხუთასმა თუ უფრო მეტმა, ეს კია, საროზექში აქმაიას ჯიშს გადაშენება არ უწერია, დროდადრო გამოერევა ხოლმე ბურანელი ყარანარივით სირთან⁸ აქლემი. ედიღეის უბრალოდ ბედი ეწია; მის იღბლად გაჩნდა ყარანარი და მის ხელში მოხვდა...

ხოლო როცა დრო დადგა, ყარანარი ან დაეკოდათ ან დაებორკათ, ვინაიდან სულ გაგიჟდა, აიწყვიტა, გადაირია, კაციშვილს ახლოს არ იკარებდა, რამდენიმე დღეობით სადღაც იკარგებოდა, ყაზანგაპმა პირდაპირ უთხრა მასთან რჩევისთვის მისეულ დიღეის:

- ეგ შენი საქმეა, შენ უნდა გადანყვიტო, სიმშვიდე გინდა - დაკოდე, დიდება გინდა, ხელი არ ახლო. მაგრამ თუ რამე დააშავა, პასუხიც შენ უნდა აგო. მოითმენ, გაუძლეებ - სამიოდე წელში გადაიგიჟებს და მერე ფინიასავით აგედევნება უკან. აღარ დაკოდა ბურანელი ყარანარი ედიღეიმ. ვერ გაბედა, ხელი არ მო-

⁸ ზეარსება. მაგალითად, ზეძალლი, ზემგელი.

უბრუნდა. ნარაქლემად დატოვა, თუმცა ბევრჯერ კი სიმწრის
ცრემლები აღვრევინა მისმა აქლემმა.

თავი 5.

მატარებლები ამ მხარეში აღმოსავლეთიდან დასავლეთით, ხოლო დასავლეთიდან აღმოსავლეთით მიგრიალებდნენ.

რკინიგზის გაღმა-გამოღმა უზარმაზარი ცარიელი სივრცე - სარი-ოზეჩი გადაჭიმულიყო. ყვითელ ტრამალთა შუაგულ მიწები.

ამ მხარეში ყველა მანძილი, გრინვიჩის მერიდიანის დარად, რკინიგზასთან მიმარჯვებით ისაზღვრებოდა.

მატარებლები კი აღმოსავლეთიდან დასავლეთით, ხოლო დასავლეთიდან აღმოსავლეთით მიგრიალებდნენ.

დილაადრიან უკვე ყველაფერი მზად იყო. ყაზანგაპის ცხედარი, ქეჩაში მაგრად გახვეული და გარედან შალის ზონრით შეკრული - მიცვალებულს სახე უჩანდა მხოლოდ - ტრაქტორის მისაბმელ ურიკაზე დაასვენეს, რომლის ძირზე წინასწარ მოაბნიეს ნახერხი, ბურბუშელა და მერე სუფთა თივა გაშალეს, დროზე უნდა დაძრულიყვნენ, რომ არა უგვიანეს საღამოს ხუთი საათისა მობრუნებელიყვნენ სასაფლაოდან, ვინაიდან ოცდაათი კილომეტრი იყო იქით და აქეთ გასავლელი, თან დამარხვასაც დრო სჭიროდა, იმიტომაც ადრინად უნდა გასულიყვნენ, რომ ექვსი საათისთვის მაინც მოსხდომოდნენ ჭირის სუფრას. საამისოდ კი ყველაფერი მზად იყო.

წუხელისვე შეკაზმული და მორთული ყარანარი ედიღეის სადავით ეკავა და ხალხს აჩქარებდა. აღარ დაადგებათ ხოლმე საშველი, ვეღარ გამოეეტევიან. ედიღეისაც არ ეძინა მთელი ღა-

მე, მაგრამ არკი ემჩნეოდა, ისე იყო ძალა და ყურადღებამოკრეფილი, ეს კი, ფერი ჩაკრთობოდა. სუფთად გაპარსული, ჭალარაულვაშა და ჭალარანარბა ედილეი საგარეოდ მორთულიყო — ეცვა ტყავის ჩექმები, ხავერდის განიერი გალიფე, თეთრი პერანგი, შავი პიჯაკი. ეხურა რკინიგზელის საგარეო ქუდი, მკერდზე ყველა ორდენი, მედალი და, ასე გასინჯეთ, დამკვრელის ნიშნებიც კი უბრწყინავდა. ფრიად მედიდური შესახედაობა ჰქონდა. სხვანაირად არც შეიძლება ყოფილიყო ბურანელი ედილეი ყაზანგაპის დასაფლავების დღეს.

ყაზანგაპის გასაცილებლად ყველა ბორანლელი შეყრილიყო, დიდი თუ პატარა ურიკასთან იდგა წამსვლელთა დაძვრის მოლოდინში. ქალები ტიროდნენ.

- ჩვენ ახლა ანა-ბეითზე მივემართებით, - დაიწყო ედილეიმ, - ყველაზე საპატიო ძველისძველ სასაფლაოზე. განსვენებულმა ყაზანგაპ-ათამ დაიმსახურა, იქ რომ დავასაფლავოთ. თვითონვე დატოვა ანდერძი, იქ დამმარხეთო. - ედილეი ჩაფიქრდა, კიდევ ვთქვაო, და მერე განაგრძო, - მაშასადამე, გამოილია ის წყალი მარილი, ღმერთმა რომ მას განუკუთვნა. ამ კაცმა ჩვენს ასაქცევზე ორმოცდაოთხი წელი იმუშავა, შეიძლება ითქვას, მთელი სიცოცხლე. ის რომ აქ ჩამოვიდა, მაშინ არც წყალსაქაჩავი იყო - ცისტერნებით მოქონდათ მთელი კვირის სამყოფი წყალი - არც თოვლის გამწმენდი თუ სხვა მანქანები, ახლა რომ არის, არც ტრაქტორი, რომლითაც ახლა მივასვენებთ. მაგრამ მატარებლები მაინც დადიოდნენ და გზა მათთვის მუდამ ხსნილი იყო. მან პატიოსნად გალია თავისი წუთისოფელი ბორანლი-ბურანზე. ის კარგი კაცი იყო, ეს ჩვენ ყველამ ვიცით. ახლა კი უნდა დავიძრაოთ. ყველა ვერ წამოხვალთ და არცაა საჭირო, რკინიგზას უპატრონოდ ვერ მივატოვებთ. ჩვენ იქ საკმარისად მივემგზავრებით და ყველაფერს ჩვენი ადათისამებრ გა-

ვაკეთებთ. თქვენ აქ დაგვიცდით, დაბრუნებისას ყველანი ქელეხზე შევიკრიბებით, გეპატიუებით მისი ვაჟისა და ქალის სახელით, რომლებიც აგერ აქ დგანან.

მისდა უნებურად ედიღეის პატარა სამგლოვიარო მიტინგი გამოუვიდა. ამის შემდეგ გაუყვინენ კიდევაც გზას. ბორანელებმა ცოტაზე გააცილეს და სახლების უკან დარჩნენ. რამდენიმე ხანს კიდევ ისმოდა ხმამალალი ტირილი - აიზადა და უქუბალა მოთქვამდნენ...

ხოლო როცა მიწყდა მოთქმის ხმა, თანდათან დასცილდნენ რკინიგზას და ექვსი კაცი ტაატით გაუყვა სარობეჟის ტრამალეებს, ბურანელმა ედიღეიმ შვებით ამოისუნთქა. ახლა ისინი თავის ანაბარა იყვნენ, ახლა მან იცოდა, რა უნდა ექნა.

მზე უკვე თავზე წამოსდგომოდა დედამინას და უხვად აფრქვევდა სარობეჟს თავის სხივებს. ჯერჯერობით ისევ გრილოდა, არა უშლიდა რა ხელს მათ მოძრაობას. მთელ დუნიაზე მხოლოდ ორი ძერა ნავარდობდა ჩვეულებისამებრ ცაში, მიუნვლომელ სიმაღლეზე. დროდადრო კიდევ ტოროლები აფრინდებოდნენ დარცხვენილი ჟღურტულითა და ფრთების ფართქალით. „მალე ესენიც გაფრინდებიან. მოთოვს თუ არა, გუნდ-გუნდად გაფრინდებიან“, - გაიფიქრა ედიღეიმ და წამით თვალწინ დაუდგა ფანტელ-ფანტელა თოვლი და ამ თოვლში გაფრენილი ჩიტუნები. რატომღაც ის მელთა გაახსენდა, რკინიგზასთან რომ მოძუნძულდა. მალვით მიმოიხედა კიდევაც ირგვლივ - უკან, ხომ არ მოგვდევსო, მოაგონდა ის ცეცხლოვანი რაკეტაც, იმ ღამეს სარობეჟიდან კოსმოსში რომ აიჭრა. გაუკვირდა, რა უცნაური ფიქრები მომდისო, თავს ძალა დაატანა, აღარ ეფიქრა ამაზე, ასეთი ფიქრების დრო არ იყო ახლა, თუმცა გზა კარგა დიდი ელოდათ...

ყარანარზე ამხედრებული ედილეი წინ მიდიოდა. ანა-ბეითის გზას უჩვენებდა დანარჩენთ. განიერი ნაბიჯით მიალატებდა ყარანარი, ნელინელ შედიოდა სიარულის ეშხში. მცოდნე კაცი თუ შეაფასებდა, რა ლამაზი იყო ყარანარი სიარულისას. ამაყად მოღერებდა კისერზე თავს არ ატოკებდა, თითქოსდა ტალღებზე მიცურავსო, გრძელი, ძარღვიანი ფეხებით შეუჩერებლივ კეცავდა გზას. ედილეი მარჯვენად, მტკიცედ მოკალათებულიყო კუზებს შუა. უხაროდა, ყარანარს რომ დაცაცხანება არა სჭიროდა, მჩატედ მიაბიჯებდა და პატრონის ყველა სურვილს უთქმელად ხვდებოდა. წკრიალ-წკრიალი გაჰქონდა ედილეის მკერდზე მზეზე აბრჭყვიალებულ მედლებ-ორდენებს, მაგრამ ეს სულაც არ უშლიდა ხელს.

მის უკან ტრაქტორი „ბელარუსი“ მოგორავდა მისაბმელით. კაბინაში ახალგაზრდა ტრაქტორისტ კალიბეგს საბითუანი უჯდა, წუხელ საკმაოდ ბევრი დალია, ბორანლელებს ათასნაირი ზღაპარი მოუყვა. აღამიანებს სურვილებს რადიოთი უგამგებლებენო, კიდევ სხვა ბევრი რამეც დარომა. ახლა კი მომჩვარულივით იყო, ხმას არ იღებდა. თავი აქეთ-იქით ისე ერწეოდა, ედილეის ეშინოდა, სათვალე არ გაუტყდესო.

მისაბმელ ურიკაზე, ყაზანგაპის ცხედართან, აიზადას ქმარი იჯდა და მონყენილი, თვალებს ჭუტავდა მზეზე, დრო-დრო თუ გაიხედავდა აქეთ-იქით. ამ უბადრუკმა ლოთმა ამჯერად ვაჟკაცობა გამოიჩინა. წვეთი არ დალია, ყველას ყველაფერში ეხმარებოდა. ცხედარი რომ გამოასვენეს, იმდენი ქნა, თვითონაც შეუდგა სხვებს მხარში. ედილეიმ რომ შესთავაზა, აქლემზე უკან მომიტყეიო, უარი თქვა, სიმამრის გვერდით ვიქნები, ბოლოდესე გავყვები, რაიც ედილეიმაც მოუწონა და სხვებმაც. როცა ბორანლიდან დაიძრნენ, ყველაზე ხმამალლა სწორედ ის ქვითინებდა და მისაბმელ ურიკაზე დასვენებულ, ქეჩაში გახვეულ ცხე-

დარს ხელს არ უშვებდა. „ვინ იცის, ჭკუაზე მოეგოს და სმას თავი ანებოს! გაბედნიერდებოდნენ აიზადაც და შვილებიც“, - მიეცა იმედი ედიღეის.

ამ პატარა, უცნაურ პროცესიას, წინ რომ ფუნჯიანი ყაჭრით მორთულ აქლემზე ამხედრებული კაცი მიუძღოდა უკაცრიელ ტრამალში, სულ ბოლოს ბორბლებიანი ექსკავატორი „ბელარუსი“ მიჰყვებოდა, რომლის კაბინაში ედიღეა და ჟუმაგალი ისხდნენ. ზანგავით შავი, ჯმუხა ჟუმაგალი სატყეს უჯდა. ჩვეულებრივ მას დაჰყავდა ხოლმე ეს მანქანა რკინიგზის სხვადასხვა სამუშაოზე. ბორანლი-ბურანზე არც ისე დიდი ხანია ჩამოსულიყო, ასე რომ ვერ იტყოდი, აქაურობას შერჩება თუ არაო. გვერდით აყლაყუდა ედიღეა ეჯდა, ჟუმაგალიზე მთელი თავით მაღალი. მთელი გზა რაღაცაზე გაცხარებით ლაპარაკობდნენ.

კაცმა უნდა დაუფასო სიკეთე ბორანლი-ბურანის ასაქცევის უფროს ოსპანს. მან გამოყო დასაფლავებაზე ყველა მანქანა რაც კი გააჩნდა. ჭკვიანურად განსაჯა ახალგაზრდა უფროსმა - ამოდენა გზა უნდა გაევილოთ, მერე ხელით გაეთხარათ საფლავი, ღრმა ორმო ამოელოთ გვერდითა წალოთი, მუსულმანური ადათის მიხედვით. რა თქმა უნდა, უმანქანებოდ დაღამებამდე დაბრუნებას ვერ მოასწრებდნენ.

თავდაპირველად ძალზე უცხოვა ეს წინადადება ედიღეის. თავშიც ვერ გაიფლებდა, საფლავი რომ ხელით კი არა, ექსკავატორით ამოეთხარათ. დაეჭვებული, მოღუშული უსმენდა ოსპანს. მაგრამ ოსპანმა იმდენი ქნა, დაარწმუნა მოხუცი:

- გონივრულს გირჩევთ, ედიქე. მე გული რომ საგულეს გქონდეთ, ჯერ ხელით დაიწყეთ თხრა, ასე ვთქვათ მიწა პირველად ნიჩბებით ამოიღეთ. მერე კი ექსკავატორით ხელდახელ მორჩებით. საროზეში ქვასავით ნიადაგია, თავადაც იცით. ექსკავატორით იმდენზე ჩაღრმავდებით, რამდენიც საჭირო იქ-

ნება, ბოლოს კი ხელით განაგრძობთ, ასე ვთქვათ, ხელით მოალამაზებთ. დროსაც დაზოგავთ და ადამ-წესსაც არ დაარღვევთ...

რაც უფრო წინ და წინ წევდა სარობეჟში, უფრო და უფრო გონივრულად თვლიდა ოსპანის რჩევას ედიღეი. უკვირდა კიდევ, თავად როგორ არ მომაფიქრდაო. დიახ, ასეც მოიქცევიან, თუკი ღმერთმა ქნა, და ანა-ბეიითს მიაღწიეს. ასეც მართებთ - მოძებნონ სასაფლაოზე მოხერხებული ადგილი, რა არის მიცვალებული თავით მარადიული ქააბისკენ იწვევს; პირველად ბართა და ნიჩბებით დაინყებენ თხრას, თან რომ წამოიღეს, ცოტაზე რომ ჩაღრმავდებიან, მერე ექსკავატორს ამოათხრევიან ბოლომდე, გვერდითა წალოს კი, ყაზანაქს, - ხელით დაამთავრებენ. ასე უფრო ჩქარაც იქნება და საიმედოც.

ამ მიზნით მიუყვებოდნენ ყველანი სარობეჟს, ხან გორაკის თავზე გაიბანრებოდნენ, ხან განიერ ხეებში იმალებოდნენ, ხან ისევ მკაფიოდ ჩანდნენ სწორეზე - წინ ბურანელი ედიღეი მიუძღოდა თავის აქლემზე, უკან ბორბლიანი ტრაქტორი მიფოფხავდა ხოჭოსავით, მისაბმელი ურიკით. მის უკან გრძელხელა ექსკავატორი „ბელარუსი“ მიაბოტებდა, წინ რომ ბულდოზერის სამაგრი უჩანდა, უკან კი შემოტრიალებული ციცხვი.

ბორანლი-ბურანის ასაქცევი რომ თვალს მიეფარა და ედიღეიძაც უკანასკნელად მიიხედა უკან, გაცეხულმა თავის წითურა ძაღლს ჟოლბარსს ჰკრა თვალი, საქმიანად რომ მოცუხცუხებდა გვერდით. ნეტა როდის მოასწრო გამოდევნება? აბა უყურე! ბორანლი-ბურანიდან რომ გამოდიოდნენ, თითქოს არსად ჩანდა, რომ სცოდნოდა, ამისთანა ოინს იზამდა, ჯაჭვზე დააბამდა, რა ეშმაკის ფეხია! როგორც კი შეამჩნევს, ედიღეი და ყარანარი სადღაც მიდიანო, მყისვე იხელთებს დროს და დაემ-

გზავრებათ. ახლაც ხომ თითქოს მიწიდან ამოძვრა. ჯანდაბას მაგისი თავი, გადანწყვიტა ედილეიმ. უკან გაგდება უკვე გვიანია, არც ღირს ძაღლისთვის დროის დაკარგვა. გაუშვი, წამოძუნძულდეს. თითქოს მიუხვდაო პატრონს, ჟოლბარსმა ტრაქტორს გაუსწრო და ყარანარს ცოტა წინ და განზე მიჰყვა, ედილეი მათრახით დაემუქრა, მაგრამ ძაღლმა ყურიც არ შეიბერტყა. რალა დროს მუქარაა, დააგვიანეო. ან რატომ არ უნდა გამოჰყოლოდათ ამისთანა საქმეზე, მე შენ გეტყვი, ცუდი ძაღლი იყო. განიერი მკერდი, ბანჯგვლიანი ღონიერი კისერი, მოჭრილი ყურები და ჭკვიანური დინჯი მზერა წითურა ჟოლბარსს თავისებურად ლამაზსა და თვალში მოსახვედრს ხდიდა.

მიჰყვებოდა ედილეი ანა-ბეიითის გზას და ათასი ფიქრი უტრიალებდა თავში. უცქერდა, მზე როგორ ამოდიოდა ცისკიდურზე, როგორ წყავდა დროის დინებას, იხსენებდა იმ ამბებს, ისევ თავის წარსულ ყოფას. იგონებდა იმ დღეებს, როცა ისა და ყაზანგაპი ახალგაზრდები იყვნენ, როცა ჯანი მოსდევდათ და ასაქცევზე მთავრ მუდმივ მუშებს წარმოადგენდნენ. სხვები არცთუ დიდხანს რჩებოდნენ ბორანლი-ბურანზე, როგორც ჩამოდიოდნენ, ისე მიდიოდნენ. მასა და ყაზანგაპს სულის მოსათქმელად დრო არ რჩებოდათ, უნდოდათ არ უნდოდათ, ასაქცევზე მთელი სამუშაო თავად უნდა ეკისრათ, თავად გაეკეთებინათ. ახლა ხმა-მალლა ვერც იტყვის ამას - ახალგაზრდებს სასაცილოდაც არ ჰყოფნით : თქვე ბებერო ჩერჩეტებო, თავს რად იკლავდით, რისი გულისთვის! მართლაცდა რისი გულისთვის? მაშასადამე, იყო, რისი გულისთვისაც.

ერთხელ მთელი ორი დღე და ღამე თოვლის ნამქერებისაგან წმენდნენ გზას. საღამოს ორთქლმავალი მოიყვანეს იქაურობის გასანათებლად. თოვლი კი ბარდნიდა და ბარდნიდა, ქარი გაქშოდა. ერთ მხარეს განმენდნენ, მეორეგან უკვე ნამქერი

იყო დაზვავებული. ციოდა ჰქვია! სახე, ხელები დაუსივით ყინვამ. ხუთი წუთით აძვრები ორთქლმავალზე, ძვალი რომ გაითბო, და მერე ისევ ეს დაღუპული საქმე უნდა განაგრძო. ორთქლმავალსაც კი უკვე თვლებმდე მიაყარა ნამქერი. სამი ახლად ჩამოსული მუშა იმ სალამოსვე წავიდა, სარობექს სულ დედა აგინეს: ჩვენ ტუსალები კი არა ვართ, ციხეშიაც კი აძლევენ ხალხს გამოძინების საშუალებას. დილას, როცა მატარებლები დაიძრნენ, სტვენით დაემშვიდობნენ:

- ჰეი, ტუტუცებო, აგრემც გიქნიათ, თავი მოგიკლავთ!

მაშინ მოუვიდათ ჩხუბი მასა და ყაზანგაპს, განა იმიტომ, იმ ჩამოსულმა ვაჟბატონებმა რომ გათათხეს, უბრალოდ მოხდა ასე. დიახ, იყო ასეთი ამბავი. ღამე უკვე შეუძლებელი აღმოჩნდა მუშაობა. თოვლი აყრიდა და აყრიდა, ქარი ავი ძაღლივით ყოველი მხრიდან უღრენდათ, ვერსად დაემალებოდი. ორთქმავალი ორთქლს უშვებდა, მაგრამ ნისლი დგებოდა მხოლოდ, სხვა არაფერი. ფარებიც ძლივს ანათებდა წყვილად. ის სამნი რომ წავიდნენ, ყაზანგაპი და ედილეი დარჩნენ თოვლის გასაწმენდად და სათრეველათი გასატანად, წყვილი აქლემი იყო ამ სათრეველაში შებმული. მაგრამ არ მიდიოდნენ ის ობრები, იმათაც სციოდათ და ეშინოდათ ამ ორომტრიალში. გზისპირებზე თოვლი მკერდამდე იდგა. ყაზანგაპი ლაშებით მიათრევედა აქლემებს, ედილეი სათრეველაზე იდგა და მათრახს უტყლაშუნებდა მათ. ასე იჯახირეს შუალამემდე. აქლემები თოვლში დაეყარნენ, მოჰკალი თუ გინდა. არაქათი საბოლოოდ გამოეცალათ, რა უნდა ქნა? რა და მიატოვო საქმე, ვინემ ამინდი არ ჩაცხრება ისინი ორთქლმავალთან იდგნენ, ქარს ეძალებოდნენ.

- კმარა, ყაზაქე, ორთქლმავალზე ავძვრეთ, მერე ვნახოთ, ამინდს რა პირი ექნება - წაილაპარაკა ედილეიმ და გაყინული ხელჯაგები ერთმანეთს მიატყაპუნა.

- ამინდი როგორიც არის, ისეთი იქნება. სულ ერთია, გზა ჩვენი გასანმენდია. მიდი, მიდი, გაანძრიე ნიჩაბი, რა უფლება გვაქვს ვიდგეთ.

- ჩვენ რა, ადამიანები არა ვართ?

- ადამიანი კი არა, მგელი და სხვა ნადირი მიძვრება ახლა ბუნაგში.

- აჰ, შე წყეულო! შენთვის სულ ერთია, კაცი თუნდაც ჩაძალღებულა! თვითონაც აქ ჩაძალღდები! - გაცოფდა ედილეი და ყბაში გაუშალა ყაზანგაპს.

ებღღვნენ ერთმანეთს. ტუჩები გაუხეთქეს, კიდევ კარგი, მეცეცხლური გადმოხტა ორთქლმავლიდან, დროზე გააშველა ისინი.

ასეთი კაცი იყო ყაზანგაპი. ახლა მისთანები სანთლით უნდა ეძიო. აღარ არიან, აღარ ყაზანგაპები, უკანასკნელი მიჰყავთ ახლა დასამარხად, მიწას დააყრიან გამოსასალმებელი სიტყვებით და მორჩა, გათავდა, ყველაფერი!

ბურანელი ედილეი ნახევრად დაფინყებულ ლოცვებს იმეორებდა გულში, სიტყვათა დადგენილ წყობას ამონმებდა ღმერთისადმი მიმართულ ფიქრთა თანამიმდევრობის ზუსტად აღსადგენად. რამეთუ მხოლოდ მას ერთს, უხილავსა და უცნობელს, შესწევს ძალა ადამიანის გონებაში შეარიგოს საწყის-სასრულის, სიკვდილ-სიცოცხლის შეურიგებლობა. იმითომაც შეიქმნა ალბათ ლოცვები. ღმერთს ხმას ვერ მიაწვდენ, გინდაც იყვირე და იბღავლე, ვერ ჰკითხავ, ასე რად დაადგინე, დაბადებული რომ უნდა მოკვდესო. ასეც ცხოვრობს ადამიანი მას აქეთ, რაც ეს დუნია გაჩნდა. არ ეთანხმება, მხოლოდ ურიგდება. ეს ლოცვებიც

შეუცვლელია იმ დღეებს აქეთ, იგივეზეა იქ ლაპარაკი - ტყუილად არ იდრტვინოს, ნუგეშინ იცეს ადამიანმა. მაგრამ ეს სიტყვები, ათასი წლის მანძილზე ნაჩარხი და ნალოლიავეები, ვითოქროს ზოდები, უკანასკნელი სიტყვებია იმ უკანასკნელთა შორის, რაიც ცოცხალმა მკვდარზე უნდა თქვას, ასეა წესი.

ფიქრობდა იმაზედაც, რომ მიუხედავად იმისა, არსებობს თუ არა ღმერთი, ადამიანს მეტწილად მაშინ აგონდება იგი, როცა გაუჭირდება, თუმცა ვერ იტყვი, ძალიან ლამაზი საქციელიაო. იმიტომაცაა ნათქვამი ალბათ - ურწმუნოს ღმერთი მაშინ მოაგონდება, როცა ჭირი მოადგებაო. მაგრამ ასეა თუ ისე, ლოცვები მაინც უნდა იცოდეს კაცმა.

გაჰყურებდა თავის ჭეელ თანამგზავრებს ედილეი და გულწრფელად წუხდა და ნანობდა, არც ერთმა რომ არ იცოდა ლოცვა. ნეტა როგორ დამარხავენ ერთმანეთს? სიცოცხლის სანყის-სასრულის მომცველი რა სიტყვებით გააცილებენ ისინი იმქვეყნად წასულ ადამიანს? „მშვიდობით, ამხანაგო, არ დაგივიწყებთ“ თუ სხვა მსგავსი აბღაუბლით?

ერთხელ საოლქო ქალაქში დაესწრო იგი დაკრძალვას. გაოცებას იყო ბურანელი ედილეი - გეგონებოდა, კრება ტარდებაო; კუბოსთან ნაირ-ნაირი ორატორები გამოდიოდნენ, დაწერილს კითხულობდნენ, სულ ერთსა და იგივეს იმეორებდნენ, რა ხელობისა იყო გარდაცვლილი, რა თანამდებობაზე უმუშავია და როგორ უმუშავია, ვის ემსახურებოდა და როგორ ემსახურებოდა, მერე დაუკრეს მუსიკა და საფლავი ყვავილებით აავსეს. ერთ კაცსაც არ შეუწუხებია თავი სიკვდილზე ეთქვა რამე, როგორც ამას ლოცვები ამბობს, დამგვირგვინებელნი ადამიანის შემეცნებისა დასაბამიდან ყოფნა-არყოფნის ამ მონაცვლეობისას. თითქოს აქამდე არავინ მომკვდარა ამქვეყნად და ამის შემდეგაც არ

მოკვდება. საცოდავები, თავი უკვდავი ჰგონიათ! ასეც აცხადებდნენ სინამდვილის პირუკუ: „ის უკვდავებას ეზიარაო!“...

ედილეი კარგად იცნობდა აქაურ ადგილებს. თანაც ბურანელი ყარანარის ზურგიდან კარგა შორს სწვდებოდა მისი თვალი. ცდილობდა საროზექი რაც შეიძლება პირდაპირ გადაეტრა ანაბეითის სამარხისაკენ. მხოლოდ იქ უხვევდა გზას, სადაც ხრამები იყო, რა არის ტრაქტორები არ გაეწვალებინა.

ყველაფერი ჩანაფიქრის მიხედვით მიდიოდა. არც მაინცდამაინც ჩქარა, არც მაინცდამაინც ნელა, მაგრამ მაინც დაძლიეს გზის მესამედი.. ბურანელი ყარანარი დაულალავად მიაბიჯებდა, პატრონის ყველა სურვილს გუმანით ხვდებოდა. უკან რახრახით მოყვებოდათ ტრაქტორი, ტრაქტორის უკან ბორბლებიანი ექსკავატორი „ბელარუსი“.

მაგრამ წინ კი გაუთვალისწინებელი გარემოება მოელოდათ, და ამ გარემოებას, რარიგ დაუჭერებლადაც არ უნდა ჟღერდეს, რალაც შინაგანი კავშირი ჰქონდა საროზექის კოსმოდრომზე მომხდარ ამბებთან...

ავიოსანი „კონვენცია“ წყნარი ოკეანის იმავე რაიონის იმავე ადგილას იმყოფებოდა, ალექსის კუნძულების სამხრეთით, საჰაერო გზით ზუსტად ერთსა და იმავე მანძილზე როგორც ვლადივოსტოკიდან, ისე სან-ფრანცისკოდან.

ოკეანეზე ამინდი არ შეცვლილა. დღის პირველ ნახევარში ისევ ისე დამაბრმავებლად კაშკაშებდა მზე წყლის მოციმციმე უსაზღვრო სივრცეზე. ამინდის შეცვლას დასალიერზე არა ნიშანი არ იუნწყებოდა.

თვით ავიოსანზე ყველა დაძაბული იყო - ყველა სამუშაო მზადყოფნაში იმყოფებოდა შინაგანი უშიშროების ჯგუფის, ავიოფრთის ჩათვლით, თუმცალა საამისოდ კონკრეტულ, მიზნებს ირგვლივ გარემო არ იძლეოდა. მიზნები გალაქტიკის საზღვრებს მიღმა მდებარეობდა.

ტყისგულეთის პლანეტაზე მყოფ პარიტეტ-კოსმონავტებიდან „კონვენციაზე“ მიღებულმა ცნობებმა მართვის საერთო ცენტრის ხელმძღვანელები და განსაკუთრებული რწმუნების მქონე კომისიების წევრები დიდად შეაშფოთა. შეშფოთება იმდენად ძლიერი იყო, რომ ორივე მხარემ გადაწყვიტა პირველად ცალცალკე ეთათბირათ შექმნილ მდგომარეობაზე, უწინარეს ყოვლისა, თავისი ინტერესებისა და პოზიციებიდან გამომდინარე, და მხოლოდ მერე შეკრებილიყვნენ საერთო თათბირზე.

მსოფლიომ ჯერ არაფერი უწყოდა სამყაროს ისტორიაში ამ უპრეცედენტო აღმოჩენაზე, იმაზე, რომ ტყისგულეთის პლანეტაზე მინისმიღიერი ცივილიზაცია არსებობდა. ორივე მხარის მთავრობებსაც კი, რომელთაც სრულიად საიდუმლოდ შეატყობინეს მომხდარი ამბავი, ჯერჯერობით არ ჰქონდათ ცნობები, თუ როგორ წარიმართებოდა ამბები, კომპეტენტურ კომისიათა შეთანხმებულ თვალსაზრისს ელოდნენ. ავიონის მთელ ტერიტორიაზე მკაცრი წესრიგი დამყარდა. ავიოფრთის ჩათვლით, არავის ჰქონდა უფლება თავისი ადგილი დაეტოვებინა. არავის ჰქონდა უფლება, რაც უნდა მომხდარიყო, გემი მიეტოვებინა, არა სხვა გემს არ შეეძლო ორმოცდაათი კილომეტრის რადიუსზე „კონვენციას“ მიახლოებოდა. ამ რაიონში გადაფრენისას თვითმფრინავები გემს იცვლიდნენ, რა არის სამასი კილომეტრის მანძილზე ავიონის ადგილ-სამყოფელს არ მიახლოებოდნენ.

მაშასადამე, ორივე მხარის საერთო თათბირი შეწყვეტილი იქნა. თითოეული კომისია პროგრამა „დემიურგის“ თავიანთ თანახელმძღვანელებთან ერთად 1-2 და 2-1 პარიტეტ-კოსმონავტების ცნობებზე ბჭობდა, რომლებიც მათ მეცნიერებისათვის უცნობ ტყისგულებითს პლანეტიდან გადმოსცეს.

მათი სიტყვები წარმოუდგენელი ასტრონომიული სიშორიდან მოვიდა:

„გვისმინეთ, გვისმინეთ!

ჩვენ ვაწარმოებთ ტრანსგალაქტიკურ გადმოცემას დედამიწისთვის!

შეუძლებელია ყოველივე ამის ახსნა, რასაც მიწური სახელი არა აქვს, მაგრამ საერთო ბევრია.

ისინი ადამიანის მსგავსი არსებები არიან, ჩვენისთანა ადამიანები. ვაშა მსოფლიო ევოლუციას! ევოლუციამ აქაც შეიმუშავა გომინადის მოდელი უნივერსალური პრინციპის მიხედვით! ესენი ჩინებული. წარმომადგენლები არიან უცხოპლანეტელოგოგინადებისა! შავგვრემანები, ცისფერი თმა, მოიისფრო და მომწვანო თვალები, თეთრი ხშირი წამწამები.

ჩვენ ისინი დავინახეთ, როცა სრულიად გამჭვირვალე სკაფანდრებით ჩვენს ორბიტალურ სადგურს მოადგნენ. ხომალდის კიჩოდან შემოგვლიმეს, თავისთან მიგვიპატიჟეს. და ჩვენც ერთი ცივილიზაციიდან მეორეში გადავაბიჯეთ. ხრახნილა მფრინავი აპარატი მოწყდა სადგურს და სინათლის სიჩქარით, თუმცა ეს სიჩქარე ხომალდის შიგნით სულაც არ შეგვიგრძნია, სამყაროში გავეშურეთ, დავძლიეთ რა დროის დინება. პირველი, რაიც ვინიშნეთ და რამაც მოულოდნელი შეება მოგვეგვარა, ის იყო, რომ უწონადობის გრძნობა არ განგვიცდია. რა გზით მიაღწიეს ამას, ახსნა ჯერჯერობით არ შეგვიძლია. პირველივე წინადადება, მათ რომ გვითხრეს, ერთმანეთში არეული რუსულ-ინგლისური სიტ-

ყვები იყო: „ველ ნაშ, გალაქტიკ!“ მაშინ მივხვდით, რომ გარკვეული ალღოს წყალობით შეგვიძლია. ერთმანეთს აზრები გავუზიაროთ. ეს ცისფერთმიანი არსებანი დაახლოებით ორი მეტრი სიმაღლისა არიან. ისინი ხუთნი იყვნენ, ოთხი მამაკაცი და ერთი ქალი, რომელსაც წმინდა ქალური მოყვანილობა და კანიც უფრო ღია ფერისა ჰქონდა, ეს იყო და ეს განსხვავება. ყველა ცისფერთმიანი ტყისგულელები საკმაოდ შავგვრემანები არიან, ჩვენი ჩრდილოელი არაბების მსგავსად. პირველივე წუთებიდან მათ ჩვენი ნდობა დაიმსახურეს.

სამი მათგანი - მფრინავი აპარატის პილოტები არიან, ერთმა კაცმა და ქალმა დედამიწის ენები იციან. მათ პირველებს შეუსწავლიათ და სისტემატიზაცია გაუკეთებიათ კოსმოსში რადიოთი დაჭერილი ინგლისური და რუსული სიტყვებისათვის და დედამიწელთა სიტყვარი შეუდგენიათ. ჩვენი შეხვედროს დრპისთვის უკვე ორი ათას ხუთასზე მეტი სიტყვისა და ტერმინის მნიშვნელობა იცოდნენ. ამ ლინგვისტიკური მარაგის წყალობით დაიწყო კიდევ ჩვენი ურთიერთობა. თვითონ ისინი, ცხადია, ჩვენთვის სრულიად გაუგებარ ენაზე ლაპარაკობენ, მაგრამ ჟღერადობით იგი ესპანურს ჩამოგავს.

„პარიტეტიდან“ გაფრენის თერთმეტი საათის შემდეგ მზიური სისტემის საზღვრებს გავცდით.

ერთი გალაქტიკიდან მეორეში გადასვლა შეუმჩნევლად მოხდა, უჩვეულო არაფერი ყოფილა. სამყაროს მატერია ყველგან ერთნაირია. მაგრამ წინ, კურსის მიხედვით (ეტყობა, ასეთი იყო იმ წუთს მდებარეობა და მდგომარეობა სხვასისტემური სხეულებისა) თანდათან გამოასხივა ალისფერმა დაფიონმა. დაფიონი ნელ-ნელა გაიზარდა და შორს უსაზღვრო სინათლის სივრცედ გაიშალა. ამასობაში ჩაუუარეთ რამდენიმე პლანეტას, იმ დროს ერთ მხარეს ჩაბნელებულს და მეორე მხარეს განათე-

ბულს. უთვალავი მზე და მთვარე მიქროდა თვალმისანვდომ სივრცეებში.

ჩვენ თითქოს ღამიდან დღეში გადავდიოდით. და უცბად - თვალისმომჭრელად კამკამა და უნაპირო სინათლეში შეეფერინდით, რომელსაც აქამდე უცნობელ ცაზე დიდი და ძლიერი მზე ასხივებდა.

- ეს ჩვენი გალაქტიკაა! აგერ ჩვენი მპყრობელი ანათემა! მალე გამოჩნდება ჩვენი ტყისგულეთიც! - გვაუნყა ლინგვისტმა ქალმა.

მართლაც ახალი სამყაროს განუსაზღვრელ სიმაღლეზე დავინახეთ ჩვენთვის ახალი მზე, მპყრობელად წოდებული. გამოსხივების სიმძაფრით და მოცულობითაც მპყრობელი ჩვენს მზეს აღემატება. სწორედ აქაური მნათობის ამ თვისებით და კიდევ იმიტომ, რომ ტყისგულეთის პლანეტაზე დღე-ღამე ოცდარვა საათს შეადგენს. შეიძლება აიხსნას, ჩვენი აზრით, აქაური სამყაროს მთელი რიგი გეობიოლოგიური განსხვავებანი ჩვენი სამყაროსაგან.

მაგრამ ყოველივე ამაზე ჩვენ შევეცდებით შემდგომი გადმოცემისას ან „პარიტეტზე“ დაბრუნების მერმე გიამბოთ. ახლა კი მხოლოდ გაკვრით გადმოგცემთ რამდენიმე მნიშვნელოვან ცნობას. ტყისგულეთის პლანეტა მაღლიდან ჩვენს დედამიწას ჰგავს. ასევე შემოჭხვევია ატმოსფერული ღრუბლები. მაგრამ ახლოდან, ხუთი-ექვსი ათასი მეტრის სიმაღლეზე ზედაპირიდან - ტყისგულელებმა საგანგებოდ ჩვენ გამო შემოუფრინეს ირგვლივ - ღამაში სანახავია: ხასხასა მწვანით არის მოსილი მთები, ქედები და გორაკები, მათ შორის მდინარეები, ზღვები და ტბებია, ხოლო პლანეტის ზოგიერთ ნაწილში, მეტწილად განაპირა კიდეებზე, პოლუსებზე – ვეებერთელა ლაქებად ჩანს უკაცრიელი უდაბნოები, სადაც თურმე მტვრის ქარბუქები ბობოქ-

რობს, მაგრამ ყველაზე მეტი შთაბეჭდილება ჩვენზე ქალაქებმა და დაბებმა მოახდინა. ტყისგულეთის ლანდშაფტის შუაგულ ეს კონსტრუქტორული ნაგებობანი ურბანიზაციის საოცრად მაღალ დონეზე მონშობს. მანჰატენიც კი ვერ შეედრება ამ პლანეტის ცისფერთმიან ბინადართა ქალაქების მშენებლობას.

თვით ტყისგულელები, ჩვენი აზრით, განსაკუთრებულ ფენომენებს წარმოადგენენ სამყაროს გონიერ არსებათა შორის. ორსულობის ხანა - თერთმეტი ტყისგულეთის თვე გრძელდება. ცხოვრების ხანგრძლივობა დიდია. თუმცა საზოგადოების უმთავრეს გადასაჭრელ ამოცანად და არსებობის მიზნად თვითონ მათ სიცოცხლის ხანგრძლივობა დაუსახავთ. საშუალოდ ას ოცდაათი - ას ორმოცდაათი წელი ცხოვრობენ, ზოგი ორას წლამდეც აღწევს. პლანეტაზე ათ მილიარდზე მეტი მოსახლეობა ითვლება.

ჩვენ არ ძალგვიძს ახლა თანამიმდევრულად მოგიტხროთ ყველაფერი, რაც ცისფერთმიანთა ცხოვრებასა და მათი ცივილიზაციის მიღწევებს შეეხება. ამიტომაც ნაწყვეტ-ნაწყვეტ გადმოგცემთ იმას, რამაც ყველაზე მეტად გაგვაოცა ამ ქვეყანაში.

ისინი ახერხებენ ენერჯია მზიდან ან, უფრო სწორად, მპყრობელისგან მიიღონ, ამ ენერჯიას კი სითბურ და ელექტროენერჯიად აქცევენ მარგი ქმედების მაღალი კოეფიციენტით, რაც ჩვენს ჰიდროტექნიკურ საშუალებებს ბევრად აჭარბებს. ამას გარდა, რაიც დიდად მნიშვნელოვანია, ენერჯიის სინთეზირებას ჰაერის დღისა თუ ღამის ტემპერატურის სხვაობიდანაც ახერხებენ.

მათ დაიმორჩილეს ჰავაც. როცა პლანეტას დასათვალიერებლად ირგვლივ შემოვუფრინეთ, მფრინავი აპარატი გამოსხივების გზით თვალის დახამხამებაში ფანტავდა დაგროვილ ღრუბლებსა და ნისლს, ჩვენ ისიც შევიტყვეთ, რომ მათ შეუძლიათ ჰაერის მასებისა და ზღვასა თუ ოკეანეებში წყლის ნაკადთა

დინებაზე გავლენა მოახდინონ და ტენიანობა და ტემპერატურა პლანეტის ზედაპირზე ამის წყალობით მოაწესრიგონ.

მაგრამ მათ წინაშე დგას ძალზე დიდი პრობლემა, როგორსაც, რამდენადაც ვიცით, ჯერ არ შევჯახებივართ მიწაზე. მათ არ იციან, რა არის გვალვა, რამეთუ ჰავა უკვე დაიმორჩილეს. ჯერჯერობით არ განიცდიან საკვების ნაკლებობას, თუმცაღა მოსახლეობა ძალზე დიდია, ორჯერ და კიდევ უფრო მეტი, ვიდრე დედამიწაზე, მაგრამ პლანეტის საკმაოდ დიდი ნაწილი თანდათანობით უვარგისი ხდება სიცოცხლისათვის, იმ ადგილებში ვერა სულიერი ველარ ბოგინობს. ამ მოვლენას ეგრეთ წოდებული შიდა გამოშრობა ჰქვია. ამ პლანეტის ირგვლივ შემოფრენისას ჩვენ დავინახეთ მტვრის ქარბუქები ტყისგულეთის სამხრეთ-აღმოსავლეთ მხარეს. რაღაც საშიშ რეაქციათა შედეგად პლანეტის წიაღში - იქნებ ჩვენი ვულკანური პროცესების დარად, თუმცა ეს უფრო გაბნეული სხივური გამოფრქვევის რაღაც ფორმას ჰგავს - ზედაპირული ნიადაგი იშლება, თავის სტრუქტურას ჰკარგავს, ხდება გადაწვა ნიადაგის ყველა წარმომშობ ნივთიერებათა. ტყისგულეთის ამ მხარეში საჰარის ოდენა უდაბნო ყოველწლიურად ნაბიჯ-ნაბიჯ მოიწვეს და ცისფერთმიან უცხოპლანეტელთ სასიცოცხლო სივრცეს ართმევს. ეს მათი ყველაზე დიდი უბედურებაა. ჯერ კიდევ ვერ შეუსწავლიათ, როგორ დაიმორჩილონ პლანეტის წიაღში მომხდარი პროცესები. ამ საშიშ მოვლენასთან საბრძოლველად უკვე ამოქმედებულია საუკეთესო ძალები, უზარმაზარი სამეცნიერო თუ მატერიალური საშუალებანი. მათ გალაქტიკურ სისტემაში მთვარე არ არის, მაგრამ ჩვენი მთვარის ამბავი იციან და ნამყოფნიც არიან იქ. მათი ვარაუდით ჩვენი მთვარეც შესაძლოა იგივე მოვლენის მსხვერპლი გახდა. ამ ამბავმა, ცოტა არ იყოს, ჩვენც შეგვაფიქრინა - მთვარე ხომ არც ისე შორსაა დედამიწიდან. მზად ვართ

კია ასეთი შეხვედრისათვის? ან საგარეო თუ შინაგანი ხასიათის რა შედეგი მოჰყვება? ხომ არ იფიქრებს კაცობრიობა, თუ რა ბევრი დაკარგა ინტელექტუალურ განვითარების საქმეში დედა-მინაზე გაუთავებელი შეუთანხმებლობის მიზეზით?

ამჟამად ტყისგულეთის სამეცნიერო წრეებში საყოველთაო საპლანეტო დავა-კამათი მიმდინარეობს - მართებულია თუ არა მთელი ძალისხმევის დახარჯვა შინაგანი გამოშრობის საიდუმლოების ამოსახსნელად და ამ პოტენციალური უბედურების შესაჩერებელ საშუალებათა ძიება, თუ სჯობს წინასწარ მოიძიონ სამყაროში ახალი პლანეტა. მათ სასიცოცხლო მოთხოვნილებებს რომ დააკმაყოფილებს, და დაიწყონ დროთა განმავლობაში მასობრივი გადასახლება ახალ ადგილ-სამყოფელზე ტყისგულეთის ცივილიზაციის გადატანისა და აღორძინების მიზნით. ჯერ კიდევ გარკვეული არაა, სად, რომელი პლანეტისაკენაა მიმართული მათი მზერა. ყოველ შემთხვევაში, ახლანდელ პლანეტაზე ჯერ კიდევ მილიონობით წლები მოუწევთ ცხოვრება, მაგრამ საკვირველი ისაა, რომ ახლანდელი ფიქრობენ ამ ეგზომ შორეულ მერმისზე და ისეთი გატაცებითა და მოქმედების წყურვილით არიან შეპყრობილნი, თითქოს ეს პრობლემა უშუალოდ ახლანდელ მოსახლეობას შეეხებოდეს, ნუთუ არავის გაუეღვა თავში სულმდაბალმა ფიქრმა: „ჩვენ შემდეგ ქვა ქვაზე ნუ დარევილავ.“ შეგვრცხვა კიდევაც ჩვენი თავისა, მსგავსი რამ რომ გავიფიქრეთ იმის გაგებისას, ტყისგულელთა საერთო საპლანეტო ნაწარმის მნიშვნელოვანი ნაწილი წიაღის შინაგან გამოშრობის აცილებას ხმარდებოდნენ. ისინი ცდილობენ ბარიერები შექმნან მრავალი ათასი კილომეტრის მანძილზე. ნელინელ მომცოცავ უდაბნოს მთელ გაყოლებებზე ბურღავენ ზეღრმა ღრმულებს, ასხამენ შიგ ისეთ ხანგრძლივად მოქმედ გამანეიტრალებელ ნივ-

თიერებებს, რაც მათი აზრით სათანადო გავლენას მოახდენს პლანეტის შინაგან ბირთვულ რეაქციებზე.

რა თქმა უნდა, აქაც არის და უნდა იყოს კიდევ საზოგადოებრივი ყოფის პრობლემები, ის, რაიც ძველთაგანვე აწამებს გონებას და მძიმე ტვირთად ქცეულა მისთვის, - პრობლემები ზნეობრივი, მორალური, ინტელექტუალური ხასიათისა. თავისთავად ცხადია, არც ისე იოლად მიმდინარეობს ალბათ ათ მილიონდღე მეტი ადამიანის ერთად ცხოვრება, რა დიდი კეთილდღეობისთვისაც არ მიეღწიათ. რა არის სახელმწიფო, როგორც ასეთი, არ იციან, რა არის იარაღი, არ იციან, რა არის ომი.

ძნელია იმის თქმა, ჰქონდათ თუ არა ისტორიულ წარსულში ომები, სახელმწიფოები, ფული თუ საზოგადოებრივი ურთიერთობის სხვა თანმხლები კატეგორიები, იქნებ კი ჰქონდათ. მაგრამ ამჟამად წარმოდგენა არა აქვთ ძალადობის ისეთ ინსტიტუტზე, როგორიცაა სახელმწიფო, და ბრძოლის ისეთ ფორმებზე, როგორიცაა ომი. საჭირო რომ გახდეს იმის ახსნა, რად ხდება ჩვენს დედამიწაზე გაუთავებელი ომები, ხომ არ მოეჩვენებათ უაზრობად ან, უფრო მეტიც, ხომ არ ჩათვლიან საკითხის ასეთ გადაჭრას ბარბაროსობად?

მთელი მათი ცხოვრება სულ სხვა, ჩვენთვის არც ისე გასაგებ და არც ისე მისაწვდომ საწყისებზეა დაფუძნებული, ჩვენი აზროვნების მინიური სტერეოტიპის გამო.

მათ მიაღწიეს ერთობლივი პლანეტარული შეგნების ისეთ დონეს, რაიც გადაჭრით გამორიცხავს ომს, ვით ბრძოლის საშუალებას, ისე რომ შეგვიძლია მხოლოდ ვივარაუდოთ - ცივილიზაციის ეს ფორმა იქნებ ყველაზე მოწინავე იყოს სამყაროს გარემოს მთელი მოაზროვნე სივრცის საზღვრებში. იქნებ მათ მიაღწიეს მეცნიერული განვითარების ისეთ საფეხურს, როცა დროისა და სივრცის ჰუმანიზაცია გონიერ არსებათა ცხოველ-

მოქმედების მთავარ მიზნად და ამის შედეგად სამყაროს ევოლუციის გაგრძელებად ქცეულა მის ახალ, უმაღლეს, უსაზომო ფაზაში.

ჩვენ არ ვაპირებთ შეპირისპირებას შეუპირისპირებელ საგანთა. დროთა ვითარებაში ჩვენს მიწაზედაც მიაღწევენ ადამიანები ესოდენ დიდ პროგრესს. საამაყო ჩვენ ახლაც ბევრი გაგვაჩნია, და მაინც არ გვასვენებს დამთრგუნველი ფიქრი? იქნებ ტრაგიკული შეცდომაა, როცა დედამიწაზე კაცობრიობა, თავის თავს ირწმუნებს, ვითომდა ისტორია - ეს ომების ისტორიაა? იქნებ გზა განვითარებისა დასაბამითვე მცდარი და ჩიხში მომქცევი იყო? თუ ასეა, საით მივდივართ და სად მიგვიყვანს ეს გზა? თუ ასეა, მოასწრებს კია კაცობრიობა ვაჟკაცობა გამოიჩინოს და ეს აღიაროს, რათა თავიდან აიცილოს ტოტალური კატაკლიზმი? აღმოვჩნდით რა განგების ნებით მიწისმილმიერი საზოგადოებრივი ცხოვრების მოწმენი, ჩვენ რთულ გრძნობებს განვიცდით – ერთი მხრივ შიში გვიტანს მიწის, შვილთა მერმისის გამო და ამასთან იმედიც გვეძლევა, რამეთუ მსოფლიოში მაგალითი გვაქვს დიადი ერთად ცხოვრებისა, რომლის წინსვლითი ძრაობა წინააღმდეგობათა იმ ფორმების გარე მდებარეობს, ომებით რომ გადაიჭრება...

ტყისგულეთის უცხოპლანეტელებმა იციან, რომ მათი სამყაროს შორეულ საზღვრებს მიღმა არსებობს დედამიწა. ბუნებრივი ცნობისმოყვარეობის გარდა მათ დიდი სურვილი აქვთ მიწისშილთ იმიტომაც დაუკავშირდნენ, რომ ეს გონების ფენომენის გამარჯვება იქნება, როგორც ისინი თვლიან, ეს ცივილიზაციათა გამოცდილების გაზიარება იქნება, ეს ახალი ერა იქნება ამ სამყაროში ინტელექტის მატარებელთა აზრისა და სულის განვითარებაში.

ყოველივე ეს, მათი აზრით, გაცილებით დიდ შედეგს მოიტანს, ვიდრე კაცმა შეიძლება იფიქროს; დედამიწელთადმი მათი ინტერესი კიდევ იმითაცაა ნაკარნახევი, რომ მსოფლიო გონების ამ ორი შტოს საერთო ძალისხმევითა შეერთება, მათი ფიქრით, ძირითადი გზაა ბუნებაში სიცოცხლის უსასრულო გახანგრძლივების უზრუნველსაყოფად, ითვალისწინებენ რა, რომ ყოველი ენერგია გარდუვლად განიცდის დეგრადაციას და ყოველ პლანეტას დროთა ვითარებაში დაღუპვა ელის... მათ უკვე ახლა აფიქრებთ „სამყაროს აღსასრულის“ პრობლემა, მილიარდი წლების შემდეგ რომ მოელის სამყაროს და უკვე იმუშავენ კოსმოლოგიურ გეგმებს სამყაროს ყოველი სულიერი არსებისთვის ურთიერთკავშირის ახალი ბაზის ჩამოსაყალიბებლად...

მათ შეუძლიათ უკვე ახლაც ეწვიონ ჩვენს დედამიწას, რაღაც სინათლის სიჩქარის მქონე მფრინავი აპარატები აქვთ. მაგრამ არა სურთ დედამიწელთა თანხმობისა და მონვევის გარეშე ჩამოვიდნენ, არა სურთ დაუპატიჟებელი სტუმრებივით შემოიჭრნენ. იმასაც მიგვახვედრეს, რომ ჩვენს გასაცნობად დიდი ხანია საბაბს ეძებდნენ. მის აქეთ, რაც ჩვენი კოსმიური სადგურები ორბიტაზე ხანგრძლივად მყოფ ობიექტებად იქცა, მათთვის ნათელი გახდა, რომ შეხვედრის შუამი მოახლოვდა და თაოსნობა მათ უნდა იკისრონ. ისინი გულმოდგინედ ემზადებოდნენ, მოხერხებულ შემთხვევას ელოდნენ. ეს შემთხვევა ჩვენ გვხვდა წილად, რამეთუ შუალედურ გარემოში - ორბიტალურ სადგურზე აღმოვჩნდით...

რა გასაკვირია, რომ ჩვენმა ჩასვლამ მათ პლანეტაზე გასაოცარი შთაბეჭდილება მოახდინა. ამასთან დაკავშირებით ეთერში ჩართეს გლობალური ტელეკონტრაქტირება, რაც მხოლოდ დიდი დღესასწაულებისას ხდება ხოლმე. გასხივოსნებულ ჰაერში ჩვენ ირგვლივ თვალნათლივ ვხედავდით იმ სახეებსა და

საგნებს, ათასობით კილომეტრის დაშორებით რომ იყვნენ, და იმავე დროს ერთმანეთს შევლიმოდით, ხელს ვართმევდით, ალტაცებითა და სიცილით ველაპარაკებოდით, თითქოსდა უშუალო კავშირში ვიმყოფებოდით. უნდა ნახოთ, რა ლამაზები არიან ტყისგულელები, რა სხვადასხვანაირნი, ცისფერი თმაც კი სხვადასხვა ფერს იკრავს მუქი ლურჯიდან ლაჟვარდით გათაფებული, იმათ მოხუცებს ისევე უჭაღარავდებათ თურმე თმა, როგორც ჩვენებს. ანტროპოლოგიური ტიპებიც სხვადასხვანაირნი არიან, ვინაიდან და რადგან სხვადასხვა ეთნოგრაფიულ ჯგუფებს წარმოადგენენ.

ყოველივე ამასა და კიდევ ბევრ არანაკლებ გასაოცარ ამბებს მოგითხრობთ „პარიტეტსა“ თუ მიწაზე დაბრუნების შემდეგ. ახლა კი ყველაზე მთავარი რაცაა. ტყისგულელებმა გვთხოვეს გადმოგვეცა თქვენთვის „პარიტეტის“ კავშირის სისტემით, რომ სურთ ჩვენს პლანეტას მაშინ ეწვიონ, როცა ეს დედამიწელთ მოეხერხებათ, მანამდე კი გვთავაზობენ შევთანხმდეთ საგალაქტიკათაშორისო სადგურის მოწყობის პროგრამაზე, რომელიც ჯერ პირველი წინასწარი შეხვედრების ადგილად, შემდეგ კი მუდმივ ბაზად გადაიქცევა ურთიერთთან მიმოსვლის ჟამს. ჩვენც შევპირდით ჩვენს თანაპლანეტელთა ყურამდე მივანვდინოთ ეს წინადადებათ. მაგრამ ამასთან დაკავშირებით უფრო მეტად სხვა რამ გვაღელვებს.

მზად ვართ კი დედამიწელნი ასეთ საგალაქტიკათაშორისო შეხვედრებისათვის, ვართ კი საკმაოდ მომწიფებულნი საამისოდ მოაზროვნე არსებათა კვალობაზე? შევძლებთ კი ჩვენ გათიშულობისა და არსებულ წინააღმდეგობათა ნიადაგზე ერთპიროვნულობა გამოვიჩინოთ, ვიკისროთ ეს, ასე ვთქვათ, მთელი კაცობრიობის, მთელი დედამიწის სახელით? ჩვენი მუდარაა, მეტოქეობის, ყასიდი პრიორიტეტისათვის ბრძოლის თავიდან

ასაცდენად ამ საკითხის გადანწყვეტა მხოლოდ და მხოლოდ ერთიანებული ერების ორგანიზაციას მიენდოს. ჩვენი თხოვნაა ამასთან ბოროტად არ იქნეს გამოყენებული ვეტოს უფლება და, თუ შესაძლებელია, გამონაკლისის სახით ამჯერად გაუქმდეს კიდევ ეს უფლება. ჩვენთვის მეტად მწარე და მძიმეა ისეთ ამბებზე ფიქრი სამყაროს მიღმიერ გალაქტიკაში ყოფნისას, მაგრამ ჩვენც დედამიწელნი ვართ და კარგად ვიცნობთ ჩვენს სამყოფელ პლანეტას.

და ბოლოს ისევ ჩვენს თავზე, ისევ ჩვენი საქციელის თაობაზე მოგახსენებთ. ჩვენ ვიცით, რაოდენ გაოცებასა და, ამის შედეგად, რა სასწრაფო ღონისძიებებს გამოიწვევდა ორბიტალური სადგურიდან ჩვენი გაუჩინარება. ჩვენ დიდად ვწუხვართ, რომ ესოდენ შეგაშფოთეთ. მაგრამ ეს ის უნიკალური შემთხვევა იყო მსოფლიო პრაქტიკაში, როცა ჩვენ არ შეგვეძლო, უფლება არ გვექონდა უარი გვეთქვა ჩვენი ცხოვრების ყველაზე დიდ საქმეზე. ჩვენ მკაცრი რეგლამენტის ხალხი ვართ და ამიტომ მოვალენი ვიყავით ასეთი მიზნის გამო ამ რეგლამენტის პირუკუ მოექცეულიყავით.

დაე, ეს ჩვენს სინდისზე იყოს, დაე, მოგვებლოს ამისათვის ღირსი სასჯელი, მაგრამ ჯერჯერობით დაივიწყეთ ეს ამბავი. გვისმინეთ! ჩვენ გადმოგვცით სიგნალი სამყაროდან. ჩვენ გადმოგვცით ნიშანი აქობამდე უცნობ გალაქტიკურ სისტემიდან - მპყრობელის მნათობიდან. ცისფერთმიანმა ტყისგულელებმა უდიდესი თანამედროვე ცივილიზაცია შექმნეს. მათთან შეხვედრამ შეიძლება ძირფესვიანად შეატრიალოს მთელი ჩვენი ცხოვრება, მთელი კაცობრიობის ბედი. გავბედავთ კი ამას, პირველ ყოვლისა, დედამიწის ინტერესებიდან გამომდინარე..

უცხოპლანეტელების მხრიდან ჩვენ არა საფრთხე არ მოგველის, ყოველ შემთხვევაში, ჩვენ ასე გვგონია. მაგრამ მათ გა-

მოცდილებას თუ ვეზიარებით, შეგვეძლება გადატრიალება მოვახდინოთ ჩვენს ყოფიერებაში, შეგვეძლება სამყაროს მატერიალური გარემოცვიდან ენერჯის მიღება და უიარალოდ, ძალადობის, ომების გარეშე ცხოვრება. ეს უკანასკნელი შესაძლოა მოსმენითაც კი დაუჭერებლად მოგეჩვენოთ, მაგრამ ფფიცავართ მთელი არსებით, რომ სწორედ ასე აქვთ ცხოვრება მოწყობილი ტყისგულეთის პლანეტის გონიერ არსებათ, რომ სწორედ ასეთ ნანატრ სრულყოფისთვის მიუღწევიათ მათ, რომელნიც ისეთივე სიდიდის მქონე გეობიოლოგიურ სამყოფელზე სახლობენ, როგორც დედამიწაა. სამყაროეულ, მაღალცივილიზებულ აზროვნების მატარებელი მკვიდრნი მზად არიან ღია კონტაქტი იქონიონ გონებით თავიანთ მოძმე დედამიწელებთან ისეთი ყაიდისა და ხასიათის კავშირი, რაიც შეესაბამება ორივე მხარის მოთხოვნილებებსა და ღირსებებს.

მიწისმიღმიერი ცივილიზაციის აღმოჩენით გატაცებულთ და სულის სიღრმემდე შეძრულთ ჩვენ მაინც გვწყურია ჩქარა დაბრუნება, რათა ვამცნოთ ადამიანებს ყოველივე ის, რისი მოწმენიც გავხდით ჩვენი სამყაროს მიღმა მყოფ გალაქტიკაში მპყრობელ მნათობის სისტემის ერთ-ერთ პლანეტაზე.

ჩვენ განზრახული გვაქვს რადიოკავშირის ან სენსიდან ოცდარვა საათის ანუ ზუსტად ერთი დღე-ღამის შემდეგ უკანვე გამოფორინდეთ „პარიტეტზე“. ხოლო „პარიტეტზე“ ჩამოსვლის შემდეგ ცენტრის წინაშე წარსვდგეთ.

ჯერჯერობით კი ნახვამდის. მზის სისტემისკენ გამოფრენის წინ გაცნობებთ „პარიტეტზე“ ჩვენი ჩამოსვლის დროს.

ამით ვამთავრებთ ჩვენი პირველი ცნობების გადმოცემას ტყისგულეთის პლანეტიდან. მალე შევხვდებით ერთმანეთს. ძალიან გთხოვთ გადასცეთ ჩვენს ოჯახებს, ნუ იღელვებენ...

პარიტეტ-კოსმონავტი 1-2

ავიოსან „კონვენციაზე“ განსაკუთრებულ რწმუნებათა მქონე კომისიების ცალ-ცალკე სხდომა, რაიც ორბიტალურ სადგურ „პარიტეტზე“ საგანგებო შემთხვევის გამოკვლევის თაობაზე შედგა, იმით დამთავრდა, რომ ორივე კომისიის მთელი შემადგენლობა ზემდგომ ინსტანციებთან საკონსულტაციოდ გაფრინდა. ერთმა თვითმფრინავმა, ავიოსნის გემბანიდან აფრენის შემდეგ, სან-ფრანცისკოსკენ აიღო გეზი, მეორე რამდენიმე წუთის შემდეგ საპირისპირო მხარეს - ვლადივოსტოკისკენ გაფრინდა..

ავიოსანი „კონვენცია“ კვლავაც თავის მუდმივ სამყოფელ ადგილას - წყნარ ოკეანეში, ალუუტის კუნძულების სამხრეთით იმყოფებოდა... ავიოსანზე მკაცრი წესრიგი მეფობდა. ყველა თავის საქმეს ადგა, ყველა ფხიზლად იყო... ყველა ღუმდა...

მატარებლები ამ მხარეში აღმოსავლეთიდან დასავლეთით, ხოლო დასავლეთიდან აღმოსავლეთით მიგრიალებდნენ...

რკინიგზის გაღმა-გამოღმა უზარმაზარი უკაცრიელი სივრცე - სარი-ობეჩი გადაჭიმულიყო, ყვითელ ტრამალთა შუაგულ მიწები.

აგერ მესამედი გზაც გაილია ანა-ბეიითისკენ. სწრაფად ამოგორებული მზე თითქოს ერთ ადგილას მიეყინა სარობეჩის ცას, მაშასადამე, დღე უკვე დადგა და სიცხემაც დღის საკადრისად დააჭირა.

ბურანელი ედილეი ხან საათს, ხან მზეს უყურებდა, ხან წინ გადაშლილ ტრამალის ტრიალ მიდამოებს. ყოველივე ისე მი-

ედინებოდა, როგორც ჯერ არს. ისევე მიჩნდრიკობდა ყარანარი, ისევე უკან მიჰყვებოდა მისაბმელიანი ტრაქტორი, ტრაქტორის კვალდაკვალ - ბორბლებიანი ექსკავატორი „ბელარუსი“, ცოტა განზე კი ჟოლბარსი მიძუნძულებდა.

„თურმე აღამიანს წამით არ შეუძლია ფიქრის გარეშე. აბა უყურე, რა სულელურადაა მოწყობილი - გინდა არ გინდა, ფიქრს ფიქრი მოსდევს დაუსრულებლივ, ვინემდე ალბათ არ მოკვდები!“ ეს აღმოაჩინა დამცინავად ედილეიმ, როცა საკუთარ თავს შეასწრო, რომ გაუთავებლივ რაღაცას ფიქრობს გზაში, ფიქრი ფიქრს ეტორლიალება, ვით ტალღას ტალღა ზღვაში, პატარა ბიჭობაში საათობით გაჰყურებდა არალის ზღვას, როცა ქარი შორს თეთრ ფურთუნებს წამორეკავდა, ქეჩოაფაფრული ნაპირს უახლოვდებოდა და ტალღას ტალღაზე შობდა. ასე იბადებოდა, ნადგურდებოდა, ისევე იბადებოდა და კვდებოდა ზღვის ცოცხალი სხეული. და ნატრობდა ბიჭი თოლიად გადაქცეულიყო, გადაფრენოდა ამ ტალღებს, ამ მოელვარე შხეფებს, რა არის მალლიდან დაეხედა, როგორ ცოცხლობს და სულდგმულობს ეს დიადი წყალი.

შემოდგომის პირისეული, გამჭვალავი ჭმუნვით მოსილი ხალვათი საროზექი, აქლემის ერთფეროვანი ბაკაბუკი ბურანელ ედილეის ფიქრის გუნებაზე აყენებდა და ისიც აღარ ეწინააღმდეგებოდა. ნებდებოდა ამ ფიქრებს, რამეთუ წინ დიდი გზა ედო და არც არაფერი აფერხებდა ამ გზაზე. ყარანარი, როგორც სჩვეოდა ხოლმე დიდ გზაზე სიარულისას, ნელ-ნელა შეხურდა სიარულში და მუშკის მძაფრი სუნი ასდინდა კისრიდან ჭიდაომდე. „აბა, აბა, - კმაყოფილებით იღიმოდა ედილეი გულში - მაშასადამე, ბაყვებში უკვე ოფლი ხვითქად გადაგდის! ჰაიტი, შე ნადირო, ჰაიტი, შე მართლა ნარავ! ფინთი ხარ, ფინთი!“

გაახსენდა ედიღეის წარსული დღენი და საქმენი, როცა ყაზანაპი ჯერ კიდევ ჯანიანად და ყოჩაღად იყო; მოგონებების გალამ ყოვლად უადგილოდ აღრინდელი მწარე ნაღველიც ამოატივტივა. ვერც ლოცვებმა უშველა, რომლებსაც ჩურჩულით იმეორებდა ისევ და ისევ, რომ გადეყარა, განერინა, მიეჩქმალა კვლავაც დაბრუნებული გულისტკივილი. მაგრამ ტკივილი არ ცხრებოდა. მოიჟამა ბურანელი ედიღეი, ქუსლებს უმიზეზოდ სცემდა წამდაუნუმ ბეჯითად ზოჩინდრიკე აქლემს, ქუდი თვალებზე ჩამოიფხატა და აღარც გაუხედავს უკან რახრახით მომავალი ტრაქტორისაკენ. გაუშვი, კვალდაკვალ მოჰყვნენ, არ ჩამორჩნენ, რაში ენაღვლებათ ამ ჯერ უმნიფრ ყმანვილებს ის ძველი ამბავი, რაზედაც მასა და მის ცოლს კრინტი არ დაუძრავთ, მაგრამ რაიც ყაზანგაპმა, როგორც ყოველთვის, ბრძნულად და ნამუსიანად განსაჯა. მარტო მან შესძლო ამის განსჯა, თორე ედიღეი ბორანლი-ბურანს კაი ხნის წინათ მიატოვებდა...

იმ წელს, ორმოცდათერთმეტი წლის დამლევის, ზამთარში ბორანლი-ბურანის ასაქცევზე ერთი ოჯახი ჩამოვიდა - ცოლი, ქმარი და ორი ბავშვი. უფროსი ხუთი წლისა იყო და დაული ერქვა, მეორეს, სამი წლისას - ერმეჩი. თვითონ აბუტალიფი ედიღეის კბილა იქნებოდა. ვინემ ომი დაიწყებოდა, აულის სკოლაში ერთი წელი მასწავლებლობდა ჯერ სულ ყმანვილი აბუტალიფი, ხოლო ორმოცდაერთის პირველ დღეებში ფრონტზე გაგზავნეს. მაშასადამე, ზარიფასა და მას ომის დასასრულს თუ ცოტა უფრო გვიან მოუწერიათ ხელი. ზარიფაც აქ ჩამოსვლამდე უმცროს კლასებში მასწავლებლობდა. ბედმა მღევარმა კი აქ, საროზექში, ამ ბორანლი-ბურანზე მოაგდო ისინი.

დალხენილ ცხოვრებას რომ არ გამოქცევია ეს ცოლ-ქმარი ამ გადაკარგულ საროზექში, მაშნვე ნათელი იყო, აბუტალიფი და ზარიფა სხვაგანაც მშვენივრად მოეწყობოდნენ.

არადა, ეტყობა, ისე წავიდა საქმე, სხვა გამოსავალი აღარ ჰქონდათ. პირველ ხანებში ბორანლელებს ეგონათ, ესენი აქ დიდხანს ვერ გაძლებენ, ვერ შესძლებენ, სადმე სხვაგან გადასახლდებიანო. მისთანები ბევრი ჩამოსულა და წასულა უკან ბორანლი-ბურანიდან. ამასვე ფიქრობდნენ ედილეიცა და ყაზანგაპიც, თუმცა აბუტალიფის ოჯახს მაინც ყველა დიდ პატივს სცემდა. წესიერი, განათლებული ხალხი იყო, ცხოვრებისაგან შეჭირვებულნი, ცოლიცა და ქმარიც სხვებივით მუშაობდნენ, განძელებს საკუთარი ზურგით ათრევდნენ. გზის ნამქერებიდან განმენდისას სხვებივით იყინებოდნენ. მოკლედ, რაც რკინიგზის მუშებს ევალეობდათ, იმას აკეთებდნენ. თანაც შეკრული, შეხმატკბილებული ოჯახი ჰქონდათ, თუმცა გატანჯული იმის გამო, რომ აბუტალიფი გერმანელების ტყვეობაში იყო ნამყოფი. მართალია, ომის წლების ვნებანი იმ ხანებში ისე აღარ ბობოქრობდა; ყოფილ ტყვეებს მოლალატეებად და მტრებად უკვე აღარავინ თვლიდა. რაც შეეხება ბორანლელებს, იმათ ტვინი ამაზე არც უჭყლეთიათ. რა მოხდა მერე, კაცი ტყვედ იყო, ომი გამარჯვებით დამთავრდა, მსოფლიოს ამ საშინელ ორომტრიალში განა ცოტა ვაება ნახა ხალხმა. ზოგი აგერ დღემდე დაწანწალებს, ფეხი ვერსად მოუკიდია, ომის აჩრდილი კვლავაც ფეხდაფეხ დასდევს ადამიანებს... ამიტომაც კითხვებით სული აღარ შეუწუხებიათ ჩამოსულებისათვის, ან რატომ უნდა შეანუხო და მოშხამო ადამიანები, რომლებმაც ალბათ ისედაც ბევრი მწარე იგემეს...

გავიდა ხანი და ედილეი და აბუტალიფი შეუმჩნევლად დაახლოვდნენ. ჭკვიანი კაცი იყო აბუტალიფი. ხომ შავი დღე აღგა, თავს მაინც არ ისაწყლებდა. ღირსებას არ ჰკარგავდა, წარამარა ბედზე არ წუნუნებდა. ანგარიშს უწევდა, ქვეყნად რაც ხდებოდა, მიხვდა ალბათ, რომ ასეთი ხვედრი არგუნა განგებამ. ზარიფაც, როგორც ჩანს, ასევე ფიქრობდა. ორივენი შერიგებოდნენ იმას,

რომ პასუხისგება, ზღვევა გარდაუვალი იყო და ცხოვრების აზრად ერთმანეთისადმი რაღაც გასაოცარი სინაზე და იქცა მათთვის. მერე მიხვდა ედილეი, რომ ეს ასულდგმულებდათ, ასე იცავდნენ თავს, ერთიმეორესა და შვილებს ასე იფარავდნენ დროის მძვინვარე ქროლვისაგან. მეტადრე აბუტალიფი ერთ დღესაც ვერ ძლებდა ცოლშვილის გარეშე. სულს ერჩინა თავისი ბიჭები. როგორც კი მოიცლიდა, სულ მათთან იყო, წერაკითხვას ასწავლიდა, ნაირ-ნაირ გამოცანას, თამაშს უგონებდა. ცოლ-ქმარი რომ სამუშაოდ წავიდო— და, ყმანვილები მართო რჩებოდნენ ბარაკში. მაგრამ უქუბალა ამას მშვიდად ვერ უყურებდა, ბიჭები თავისთან მოჰყავდა ხოლმე. მათ სახლში უფრო თბილოდა, მათი ცხოვრება იმ დროისათვის უფრო უკეთ იყო მოწყობილი, ვიდრე ახალჩამოსულთა, ამ ამბავმა დააახლოვა ეს ორი ოჯახი. იმხანად ხომ ედილეისაც ჰყავდა შვილები, ორი გოგო, აბუტალიფის ბიჭების კბილა.

გადასარბენზე მუშაობიდან რომ მობრუნდა ერთხელ აბუტალიფი და თავისი პატარა ბიჭების წასაყვანად ედილეის შეუარა, ასე უთხრა:

- ბარემ შენს გოგოებსაც ვამეცადინებ, ედილეი, იმიტომაც ვარ სულ ბალღებთან, რომ საქმე არა მაქვს. ბალღები დაამხანაგდნენ, ერთად თამაშობენ, დღისით თქვენთან იქნებიან. საღამოს ჩვენთან. ამას რატომ ვამბობ, იცი? აქ, ამ გადაკარგულში, ისედაც მწირია ცხოვრება, იმიტომაც ზრუნვა უნდა ყმანვილებს. ახლა ისეთი დრო დადგა, ცოდნას პატარაობითვე უნდა დაენაფონ, ამისთანა ცეროდენებმა იმდენი უნდა იცოდნენ, რაც წინათ კარგა მოზრდილებმა, თორემ ისე განათლების მიღება გაუჭირდებათ.

მისი ესოდენი მოწადინების მიზეზსაც მოგვიანებით მოხვდა ბურანელი ედილეი, როცა უბედურება მოხდა. მაშინ იაზრა, რომ

აბუტალიფის დღეში მყოფ კაცს მხოლოდ ამის გაკეთება შეეძლო შვილებისათვის ბორანლი-ბურანი პირობებში საკუთარი ძალითა და უნარით, თითქოსდა იცოდაო, ისე ეშურებოდა რაც შეიძლება მეტი მიეცა თავისი შვილებისთვის. თითქოს ამით უნდოდა უფრო მეტად დაემახსოვრებინა თავი მათთვის, თავის შვილებში განეგრძო ცხოვრება. აბუტალიფის სამუშაოდან დაბრუნების შემდეგ მათი სახლი სკოლა-ბაღად გადაიქცეოდა ხოლმე მისი და ედიღეის შვილებისთვის. ბაღლები სწავლობდნენ ასოებს, მარცვლებს, თამაშობდნენ, ხატვაში ეჭიბრებოდნენ ერთმანეთს, უსმენდნენ, რასაც მშობლები უკითხავდნენ. ერთად სწავლობდნენ სიმღერებსაც. მეცადინეობა იმდენად სახალისო იყო, ედიღეიც ხშირ-ხშირად მიაკითხავდა ხოლმე. უქუბალაც მაღლიმალ მორბოდა, ვითომ რაღაც საქმეზე, სინამდვილეში კი თავისი გოგოების დასახედად. გულზე ეფონებოდა ხოლმე ბურანელ ედიღეის, სული ტკებოდა მისი. აი, რას ნიშნავს განათლებული, მასწავლებელი ხალხი! ან ბაღლებს როგორ ექცევიან, ან თვითონაც როგორ გაბაღღდებიან ხოლმე და ამასთან უფროსის სიდინჯეს არ კარგავენ. ედიღეი თავისთვის ჩუმად მიდგებოდა კუთხეში, ხელი რომ არ შეეშალა. შემოსვლისას კი ზღურბლზევე მოიშვლებოდა ქუდს.

- საღამო მშვიდობისა! აგერ მეხუთე შეგირდიც გეახლათ.

ყმანვილებიც მიეჩვივნენ ედიღეის სტუმრობას. მისი გოგოები ხომ სიხარულით ცას ეწეოდნენ. მამასთან უფრო მეტად მუყაითობდნენ. ედიღეი და უქუბალა რიგრიგობით ახურებდნენ ღუმელს რომ საღამოობით აბუტალიფის ბარაკში მეტი სითბო და სიმყუდროვე ეგრძნოთ ბაღლებს.

აი, რა ოჯახი შეეკედლა იმ წელს ბორანლი-ბურანს, მაგრამ საოცარია და, ასეთ ადამიანებს ბედი რატომღაც არც მაინცდამაინც სწყალობთ.

აბუტალიფ ქუთიბაევის მთელი უბედურება ის იყო, რომ არა მარტო გერმანელებთან მოხვდა ტყვედ, მისდა ჭირად თუ ბედად საკონცენტრაციო ბანაკიდან ტყვეების ჯგუფთან ერთად გამოიქცა სამხრეთ ბავარიიდან და ორმოცდასამში იუგოსლაველ პარტიზანთა რიგებში ამოჰყო თავი. იუგოსლავიის განმათავისუფლებელ ჯარში აბუტალიფი ომის დასრულებამდე იბრძოდა. იქ დაჭრეს კიდევ და უმკურნალეს. დაჯილდოებული იყო იუგოსლავური ორდენებით, მისი ამბავი პარტიზანულ გაზეთებში განერეს, სურათებიც კი გამოაქვეყნეს. ეს ამბავი ძალიან დაეხმარა, როცა სამშობლოში დაბრუნებისას ორმოცდახუთ წელს საკონტროლო-საფილტრაციო კომისიაში განიხილეს მისი საქმე. საკონცენტრაციო ბანაკიდან გამოქცეული თორმეტი კაციდან ოთხილა გადაურჩა სიკვდილს. ამ ოთხს ბედმა იმაშიც გაუმართლა, რომ საბჭოთა საკონტროლო კომისია უშუალოდ იქ ჩავიდა, სადაც იუგოსლავიის განმათავისუფლებელი კარის ქვეგანაყოფი იმყოფებოდა. იუგოსლაველმა მეთაურებმა წერილობითი დახასიათება მისცეს, ყოფილი საბჭოთა სამხედრო ტყვეებმა რა საბრძოლო და ზნეობრივი თვისებები გამოიჩინეს, რა მონაწილეობა მიიღეს ფაშისტთა წინააღმდეგ პარტიზანულ ბრძოლებში.

ერთი სიტყვით, მთელი ორი თვე გაგრძელდა შემოწმება. დაკითხვა თუ მოწმეთა პირისპირ წაყენება, მთელი ეს ორი თვე ხან იმედი და ხან უიმედობა ენაცვლებოდა ერთმანეთს. ბოლოს და ბოლოს დაბრუნდა აბუტალიფ ქუთიბაევი თავის ყაზახსტანში. მართალია, უფლებები არ ჩამოართვეს, მაგრამ არც ის უპირატესობა მისცეს, რაიც ჩვეულებრივ დემობილიზებულთ ეკუთვნოდა. აბუტალიფ ქუთიბაევს გულში წყენა არ ჩარჩენია. ომამდე გეოგრაფიის ასწავლიდა სკოლაში და ახლაც იმავე საქმეს დაუბრუნდა. იქ რაიცენტრის ერთ-სკოლაში შეხვდა იგი დაწყებითი კლასების ახალგაზრდა მასწავლებელ ზარიფას. არც ისე ხში-

რად, მაგრამ ნანდახან მოიგუნებებს ხოლმე ბედი ორივე მხარე ერთნაირად გააბედნიეროს, არც უამისობაა ამ ქვეყანაზე.

ამასობაში გადაიქუხა გამარჯვების პირველმა წლებმა. ზეიმსა და სიხარულს ფეხდაფეხ მოჰყვა „ცივი ომის“ პირველი ნიშან-ამბეგები. მერე თანდათან იმატა სუსხმა. შეიკუმშა შეგნების ზამბარები მსოფლიოს სხვადასხვა კუთხეში, სხვადასხვა მტკივან წერტილში.

გეოგრაფიის ერთ გაკვეთილზე ეს ზამბარა კიდევაც ამოქმედდა, ადრე თუ გვიან, აქ თუ სხვაგან ეს მაინც მოხდებოდა, მას თუ არა, სხვას მაინც დაატყდებოდა თავს.

მერვე კლასის მოსწავლეებს უყვებოდა აბუტალიფი მსოფლიოს ევროპულ ნაწილზე. ისიც მოჰყვა, როგორ წარეკეს ერთხელ ტყვეები საკონცენტრაციო ბანაკიდან სამხრეთ ბავარიის ალპების ქვის სამტეხლოებში, სადაც მოახერხეს ყარაულის განიარაღება და იუგოსლავიის პარტიზანებთან გაღწევა. უამბო, როგორ გაიარა მან ომის დროს ნახევარი ევროპა, იყო ადრიატიკისა და ხმელთაშუა ზღვის ნაპირებზე, კარგად იცნობს იქაურ ბუნებას, მკვიდრთა ყოფას, რისი აღწერაც სახელმძღვანელოებში შეუძლებელია, ხოლო ამ ამბების მოწმის მონაცემი უფრო ცოცხალს გახდიდა გაკვეთილს მისი აზრით.

მასწავლებლის ჯოხი სასკოლო დაფაზე დაკიდებულ ევროპის ლურჯ-მწვანე-ყავისფერ რუკაზე დასრიალებდა, მაღლობებს, ვაკეებს, მდინარეებს ხაზავდა. წარამარა იმ ადგილებზე ჩერდებოდა, ახლაც რომ ღამლამობით ესიზმრებოდა, სადაც ყოველ ცისმარე დღე წლების მანძილზე ზამთარ-ზაფხულ ბრძოლები იყო, იქნებ ჯოხი იმ წერტილსაც შეეხო, სადაც მან სისხლი დაღვარა, როცა გვერდიდან მოელოდნელად მტრის, ავტომატის ჯერმა დასერა. ნელა დაგორდა მერე ფერდობზე, სისხლით შეღება ჯოყარი და ქვები, ის ალისფერი სისხლი

მთელ ამ სასწავლო რუკა შეღებავდა, წამით მოეჩვენა კიდევ, როგორ გაიდღაბნა ალისფერი სისხლი რუკაზე, როგორ დაესხა მაშინ თავბრუ და თვალთ დაუბნელდა, როგორ გადმოყირავდა და ჩამოემხო მთები და იყვირა, საშველად უხმო თავის პოლონელ მეგობარს, რომელთან ერთად შარშან ზაფხულს გამოიქცა ბავარიის სამტეხლოებიდან: - „კაზიმირ! კაზიმირ!“ მაგრამ ვერ კი გააგონა, ან როგორ გააგონებდა, როცა თვითონ ეგონა, ვყვირივარო, თორემ კრინტიც არ დაუძრავს, გონზე მხოლოდ პარტიზანულ ჰოსპიტალში მოვიდა, სისხლის გადასხმის მერე.

აბუტალიფს თავადაც უკვირდა, ამდენი გადატანილი ტანჯვის შემდეგ როგორ საქმიანად, მიუკერძებლად ჰყვებოდა მხოლოდ იმ ამბებს, ელემენტარულ სასკოლო გეოგრაფიას რაც ეხებოდა.

უცბად წინა მერხზე ვილაცამ ასწია სწრაფად ხელი და ლაპარაკი შეაწყვეტინა:

- ალაი,⁹ მაშ თქვენ ტყვედ იყავით?

ცივად, ნათლად შეჰყურებდა აბუტალიფს მოსწავლის მკაცრი თვალები. ბიჭს თავი ოდნავ უკან გადაენია, „სმენაზე“ იდგა. რატომღაც სამუდამოდ ჩარჩა მეხსიერებაში ბიჭის ტუჩ-პირი, წინ წამოყრილი ზედა კბილები. რუკაზე, სადაც ხელახლა იჭექა ავტომატის ჯერმა.

- კი, რატომ მკითხე?

- რატომ არ მოიკალით თავი?

- რად უნდა მომეკლა? მე ხომ ისედაც დაჭრილი ვიყავ.

- იმიტომ, რომ არ შეიძლება მტერს ტყვედ ჩაუვარდე, აკი ბრძანებაც ასეთი იყო!

- ვისი ბრძანება?

⁹ მასწავლებელი

- ვისი და ზემოდან!
- შენ საიდან იცი?
- მე ყველაფერი ვიცი, ალმა-ატიდან ჩამოდის ხოლმე ჩვენთან ხალხი, მოსკოვიდანაც ჩამოდის. მაშასადამე, ბრძანება არ შეასრულეთ?

- მამაშენი თუ იყო ჯარში?
- არა. მას მობილიზაციის საქმე ებარა.
- მაშინ არა მგონია ერთმანეთს გავეუგოთ. იმას კი ვიტყვი, რომ სხვა გამოსავალი არ დამრჩენოდა.
- და მაინც უნდა შეგესრულებინათ ბრძანება.
- რას ჩააცივდი? - წამოხტა მეორე მონაფე. - ჩვენი მასწავლებელი იუგოსლაველ პარტიზანებთან იბრძოდა, მეტი რა გინდა?

- სულ ერთია, ბრძანება მაინც უნდა შეესრულებინა, - თავისას გაიძახოდა პირველი.

მაშინ კი დაირღვა სამარისებური სიჩუმე, აზუზუნდა, ახმაურდა მთელი კლასი: „უნდა მოეკლა თავი!“ „არა, არ უნდა მოეკლა!“ „შეეძლო მოეკლა!“ „არ შეეძლო!“ „სწორია!“, „არაა სწორი!“. მასწავლებელმა ბოლოს მუშტი დაახეთქა მაგიდაზე.

- შეწყვიტეთ ლაპარაკი ! ახლა გეოგრაფიის გაკვეთილია! როგორ ვიბრძოდი, ან რა გადამხდა, იქ იციან, სადაც და ვინც უნდა იცოდეს. დაფურუნდეთ რუკას!

კლასში არც ახლა დაუნახავს არავის ის ძნელად გასარჩევი წერტილი რუკაზე, სადაც ხელახლა იჭექა ავტომატის ჯერმა. დაფასთან ჯოხით მდგარი მასწავლებელი დაგორდა ფერდობზე, მისმა სიხლმა შეღება ევროპის ლურჯ-მწვანე-ყავისფერი რუკა...

რამდენიმე დღის შემდეგ მასწავლებელი რაიონის განათლების განყოფილებაში დაიბარეს. იქ მიკიბ-მოუკიბავად, პირდა-

პირ უთხრეს, განცხადება დაწერეთ, რომ საკუთარი სურვილით გნებავთ სამსახურიდან წასვლაო. ყოფილ სამხედრო ტყვეს ზნეობრივი უფლება არ ჰქონდა მოზარდი თაობა გაეზარდა.

მეტი რა გზა იყო, სხვა რაიონში გადაბარდნენ აბუტალიფი და ზარიფა თავისი პირმშო დაულით, რაც შეიძლება შორს საოლქო ცენტრიდან. ერთი აულის სკოლაში მოეწყვნენ. თითქოს მოეკიდნენ იქაურობას, ჭერიც იშოვეს, ზარიფა ნიჭიერი მასწავლებელი იყო და სასწავლო ნაწილის გამგე გახდა. მაგრამ დადგა ორმოცდარვა წელი, დაიწყო იუგოსლავიასთან დაკავშირებული ამბები. ახლა აბუტალიფი არამარტო ნატყვევარი, არამედ საეჭვო პიროვნებაც გახდა, იუგოსლავიაში დიდხანს ნამყოფი. ბევრი ამტკიცა, იუგოსლაველ ამხანაგებთან ერთად მხოლოდ პარტიზანობდით, მაგრამ ყური არავინ ათხოვა. ყველა თანაუგრძნობდა, ყველას ესმოდა მისი ამბავი, პასუხისმგებლობა კი არავინ იკისრა, ვერავინ გაბედა. ისევ გამოიძახეს რაიონის განათლების განყოფილებაში, ისევ დააწერინეს განცხადება, ჩემი ნება-სურვილით გამათავისუფლეთო...

ასე და ამგვარად ადგილიდან ადგილზე ხეტიალის შემდეგ ამოჰყო თავი აბუტალიფის ოჯახმა ორმოცდათეთრთმეტი წლის შუა ზამთარში სარობეჟში, ბორანლი-ბურანის ასაქცევზე...

დიდი ცხელი ზაფხული დადგა ორმოცდათორმეტში. მიწა ისე გამოახმომ და გავარვარა პაპანებამ, სარობეჟელმა ხვლიკებმაც კი აღარ იცოდნენ, რა ექნათ, სად წასულიყვნენ, ადამიანების შიში კარგეს და ზღუერბლს მოაწყდებოდნენ ხოლმე პირდაღებულნი და აქოშინებულნი, ოღონდაც კი მზეს დამალოდნენ. ძერები ისე მაღლა იკარგებოდნენ ცაში სიგრილის საძებრად, ჩვეულებრივი თვალი ვეღარც სწვდებოდა. მხოლოდ

დროდადრო თუ დაიჩხავლებდა რომელიმე და მერე კარგა ხნით ყუჩდებოდნენ ხოლმე ამ გავარვარებულ ჰაერში.

მაგრამ სამსახური სამსახური იყო. მატარებლები აღმოსავლეთიდან დასავლეთით, დასავლეთიდან კი აღმოსავლეთით მიგრიალებდნენ, ბორანლი-ბურანზე ხვდებოდნენ და შორდებოდნენ ერთმანეთს. ვერა სიცხე ვერ შეუშლიდა ხელს მატარებლების მოძრაობას ამ დიდ სახელმწიფო მაგისტრალზე.

ყველაფერი თავის რიგზე მიდიოდა. რკინიგზაზე ხელჯაგებით უნდა გემუშავა, შიშველ ხელს ვერც ქვას დააკარებდი და მით უმეტეს ვერც რკინას. მზე გავარვარებულ ტაფასავით ეკიდა ცაზე. წყალი, როგორც ყოველთვის, ცისტერნით მოჰქონდათ და, ვინემ მოიტანდნენ, ლამის უკვე დუღდა. ტანისამოსი ორ დღეში უკვე ტანზე გენჯოდა. მგონი, ზამთრის უწყალო ყინვებიც კი უფრო ადვილი ასატანი იყო სარობეჟში, ვინემ ეს ხვატი.

ბურანელი ედილეი აბუტალიფის გამხნევებას ცდილობდა იმ დღეებში.

- განა ყოველთვის ასეა ზაფხულში, წელსაა მხოლოდ ასე, ისე იმართლებდა თავს, თითქოს მისი ბრალი ყოფილიყო, - კიდევ თხუთმეტი, ჰა, ჰა, ოცი დღე - და აგრილდება, დაიკლებს სიცხე დასწყევლოს ღმერთმა, სული ამოგვხადა, გაგვანამა ყველა. ასე იცის ჩვენს სარობეჟში, ზაფხულის ბოლოს გატყდება ხოლმე სიცხე, ხელად იცვლება ამინდი. მაშინ ზამთრამდე სამოთხესავით შემოდგომაა - გრილა, საქონელი ხორცს ისხამს. წელს სწორედ ასეთი პირი უჩანს, ამის ნიშნებიც ჩანს. ისე რომ გაუძელით, შემოდგომა კარგი იქნება.

- მაშასადამე, პირობას იძლევი? - გაელიმა აბუტალიფს.

- შეიძლება ითქვას, კი.

- მაგაზედაც მადლობელი ვარ. ასე მგონია, აბანოში ვარამეთქი ახლა. მაგრამ ჩემი დარდი არა მაქვს, მე და ზარიფა რო-

გორმე გავალებთ, ასეთები მოგვითმენია! ბალღები მეცოდება...
ვერ მიცქერია...

განამდა ბორანღელი გოგობიჭობა, გახდნენ, შეიფერთხ-
ნენ, ამ ბულსა და გამასავათებელ სიცხეს ვერსად დამალოდნენ.
ერთი ხე არ ხარობდა ირგვლივ, ერთი წყარო არ მირაკრაკებდა
ყმანვიღების გულის გასახარად. გაზაფხულზე რომ გამოცოც-
ხლდა საროზეჟი და ირგვლივ მცირე ხნით გადამწვანდა ხევები
და ფერდობები, გაიხარეს და მოიღხინეს ბალღებმა. ბერთიც
ითამაშეს, დამალობანაც, ტრამალში ზაზუნებს დასდევდნენ.
გულს უაროდა მათი ჟრიაშული, მთელ არემარეს სძრავდა მათი
ჟივიღ-ხივიღი.

ზაფხულმა მოსრა ყველაფერი. დაუდევარ ყმანვიღებსაც
სიქა გააცალა უსაშველო ხვატმა, რომელსაც სახლების კედლე-
ბის ჩრდილში ემაღლებოდნენ. მხოლოდ მაშინ გამოჰყოფდნენ
თავს, როცა მატარებლები ჩაივლიდნენ. მათი გართობა იყო -
დაეთვალათ, რამდენი მატარებელი ჩაივლიდა აქეთ და რამდე-
ნი იქით, რამდენი იყო სამგზავრო ვაგონი და რამდენი სატვირ-
თო. ხოლო როცა სამგზავრო მატარებელი ასაქცევზე სვლას შე-
ანელებდა, ყმანვიღებს ეგონათ, ეს მატარებელი მაინც გაჩერ-
დებაო აქ, და ქლოშინ-ქლოშინით მისდევდნენ უკან, მზისგან
ხელმოჩრდილულნი, ვინ იცის, გულუბრყვილოდ ეჯერათ, რომ
ამ თორნედან შორს გააქროლებდათ ეს მატარებელი. გული
მოგიკვდებოდა იმის შემხედვარეს რა შურითა და არაბავშვური
ნაღველით გასცქეროდნენ ბორანელი გოგო-ბიჭები მიმავალ
ვაგონებს. მგზავრებსაც დაელოთ ვაგონის კარ-ფანჯრები, ისი-
ნიც ლამის ჭკუიდან შეეშალა სიცხეს, სიმყრალესა და ბუზებს,
მაგრამ იმედი მაინც ჰქონდათ, რომ ორიოდე დღის შემდეგ იქ
ჩავიდოდნენ, სადაც გრილი მდინარეები და მწვანით მოსილი
ტყეები იყო.

იმ ზაფხულს ყველას გული უკვდებოდა ბაღების შემყურე, დედებსაც და მამებსაც. მაგრამ რა დღეში იყო აბუტალიფი, ზარიფას გარდა, მგონი, მარტო ედილიმ იცოდა. სწორედ ზარიფას გაესაუბრა იგი პირველად ამაზე და მაშინ კიდევ სხვა რაღაცებიც შეიტყო ამ ორი ადამიანის ბედზე.

იმ დღეს რკინიგზაზე მუშაობდნენ, ხრემს ცლიდნენ ვაკისზე, ღორღს ყრიდნენ განძელებისა და რელსების ქვეშ, ჩამოშლილ მიწაყრილს გამაგრება სჭიროდა. მატარებლები რომ ჩაივლიდნენ, მაშინ ანახლებდნენ ისევ მუშაობას. დიდი დრო სჭიროდა ამ საქმეს. პაპანება არაქათს აცლიდა ყველას. ნაშუადღევს პირი იყო როცა აბუტალიფმა ცარიელი ბიღონი აიღო და ჩიხში მდგარ ცისტერნიდან გაცხელებული წყლის მოსატანად გასწია. თან ბავშვებსაც დავხედავო, თქვა.

სწრაფი ნაბიჯით გაუყვა განძელებს, თუმცა მზე უმონყალოდ აჭერდა. შვილებისკენ მიიჩქაროდა, თავისი თავი აღარ ედარდებოდა, გახუნებული, ჭუჭყისფერი მაისური გაძვალტყავებული მხრებზე ჩამოჰკიდებოდა, თავზე გახუნებული ჩალის ქუდი ეხურა, შარვალი ფომფლოდ ადგა გამხდარ ტანზე. ფეხზე გაცვეთილი სამუშაო წაღები ეცვა უზონრებოდ. მიდიოდა განძელებზე, ლანჩებს მიაშლაპუნებდა და ყურადღებას არაფერს აქცევდა. უკნიდან რომ მატარებელი გამოჩნდა, არც მაშინ მოუხედავს.

- ჰეი, აბუტალიფ, დაყრუვდი? ლიანდაგიდან გადადი! - დაუძახა ედილიმ.

მაგრამ აბუტალიფს არც ეს გაუგონია, მხოლოდ მაშინ ჩავიდა მიწაყრილის ფერღობზე, როცა ორთქლმავალმა საყვირი ააკვილა. მაგრამ არც მაშინ მიუხედავს ჩაქროლილი მატარებლისაკენ და არ დაუნახავს, მემანქანე მუშტებს რომ უღერდა.

კაცმა ომი მოიარა. ტყვეობაც იგემა და ჭაღარა არ გარევი. ახალგაზრდა იყო და, ცხადია, ამიტომ. ფრონტზე ცხრამეტი

წლისა წავიდა, უმცროს ლეიტენანტად. იმ ზაფხულს კი თეთრი გაერია თმაში. ასე იცის საროზიქმა. უცბად გაერია, შავი, გრუზა თმა გადაუთეთრა, მეტადრე საფეთქლებზე იძალა ჭალარამ. კაი ცხოვრება ყოფილიყო, იცოცხლე, ლამაზი, წარმოსადეგი ვაჟკაცი იქნებოდა: განიერი შუბლი. არწივივით ცხვირი, ძლიერი ტუჩპირი, მოგრძო, დაკვირვებული თვალები. ტანადიც იყო, მაღალი, ზარიფა მწარედ გაეხუმრებოდა ხოლმე: „ბედმა გიმუხთლა, აბუ, საცა სამართალია, სცენაზე ოტელო უნდა გეთამაშა“ - აბუტალიფი ჩაიციინებდა: „ძალიან გინდა სცენაზე მიგახრჩო!“.

ედიღეი მართლა შეაშინა იმ ამბავმა, რომ აბუტალიფმა მატარებლის მოახლოება ვერ გაიგო.

- უნდა უთხრა, ასე როგორ იქნება, - უსაყვედურა მან ზარიფას. - მემანქანე პასუხს არ აგებს, ლიანდაგზე სიარული აკრძალულია, ესეც რომ არა, სიკვდილთან თამაში ვის გაუგია?

ზარიფამ მძიმედ ამოიოხრა, დახრუკული, გაოფლილი სახე სახელოთი მოიწმინდა.

- მაშინებს, ძალიან მაშინებს მაგის ამბავი.

- რა იყო ასეთი?

- შიშით აღარ ვარ, ედიღეი, შენთან რა მაქვს დასამალი, ჩემი და ბავშვების გამო იტანჯება ასე, მშობლებს არამც და არამც არ უნდოდათ მაგას გავყოლოდი. ჩემი უფროსი ძმა გაგიჟდა, მიყვირა და მიყვირა: „შენი წუთისოფელი თითებს დაიჭამ სიმწრით, ჩერჩეტო! ეს გათხოვება კი არა, თავის გაუბედურებაა. შენი შვილები და შენი შვილთა შვილები, ჯერ რომ არ გაჩენილან, ისინიც კი სატანჯველად განწირულნი არიან. მაგ შენმა მიჯნურმა, თუ ჯკუა აქვს, ოჯახს მოეკიდოს კი არა, თავი უნდა ჩამოიხრჩოს. მაგისტვის ეს ყველაფერს აჯობებს!“ ჩვენ კი მაინც ჩვენი გავიტანეთ. იმედი გვქონდა: ომი დამთავრდა, ცოცხლებსა და მკვდრებს ანგარიშს ვინ გაუსწორებს! არავის ვეკარებოდით, არც

მაგისა და არც ჩემს ნათესავეებს. უკანასკნელად კი, იცი, ჩემმა ძმამ რა ქნა? თვითონ დაწერა განცხადება: მე აღრევე გავაფრთხილე ჩემი და, არ მინდოდა ამ კაცს მისთხოვებოდაო. მე მათთან საერთო არაფერი მაქვს, მით უმეტეს, ისეთ პიროვნებასთან, როგორიც აბუტალიფ ქუთიბაევი, იუგოსლავიაში დიდხანს ნაცხოვრებიო. მას შემდეგ ისევ აირია ყველაფერი. სადაც არ წავედით, ყველგან ზურგი გვაქციეს, ახლოს არ გაგვიკარეს. ახლა კი აგერ აქ მოვხვდით, აქედან კი სადღა წავალთ.

ზარიფა დადუმდა, ისევ საქმეს დაუბრუნდა - განძელების ქვეშ გამწარებით ჰყრიდა ხრეშს. ამასობაში ხელახლა გამოჩნდა მატარებელი. მათაც წამოკრიფეს ნიჩბები და ჭინები და ლიანდაგს გაეცალნენ.

გრძნობდა ედილეი, ადამიანს როცა უჭირს, უნდა დაეხმარო უშველო რამე, მაგრამ ედილეის რისი შველა შეეძლო, უბედურება შორიდან მოდიოდა, საროზექის საზღვრებს მიღმიდან.

- ჩვენ აქ კარგა ბლომა წელია ვცხოვრობთ. თქვენც მიეჩვევით, შეეგუებით. რას იზამ, ცხოვრება თავისას ითხოვს, - ხაზგასმით თქვა მან და ზარიფას შეხედა: „ეჰ, მწარეა, მწარე საროზექული პური. ზამთარში რომ ჩამოვიდნენ, თეთრყირმიზა იყო. ახლა კი მიწისფერი გაუხდა სახე, - გაიფიქრა და დაენანა თვალსა და ხელს შუა გამქრალი სილამაზე. - თმაც გაუხუნდა, არადა, რა თმა ჰქონდა, წამწამებიც გამოუწვა მზემ, ტუჩები დაუსკდა, უმძიმს, ძალიან უმძიმს, არაა მიჩვეული გაჭირვებას. მაგრამ არ იმჩნევს, არ ტყდება, უძლებს. მოდი და ნუ გაუძლებ - ორი შვილის დედაა... მაინც ბარაქალა, ქალო..

მატარებელმა ავტომატის ჯერივით ჩაიგრიალა, შეხუთული, ცხელი ჰაერის ბული დააყენა. ისინი ისევ ავიდნენ ლიანდაგზე იარაღებით - მუშაობა უნდა განეგრძოთ.

- გამიგონე, ზარიფა, - შეეცადა ედილეი ქალის გამხნეებას, სინამდვილესთან მის შეგუებას. - ბაღებს აქ რომ გაუჭირდებათ, არ გედავები, ამას ლაპარაკი არ უნდა. ჩვენი გოგო-ბიჭების შეხედვაზე მეც გული მიკვდება. მაგრამ სიცხე ხომ მუდამ არ იქნება. დაცხრება. თანაც აქ ხომ მარტონი არა ხართ, ირგვლივ ხალხია, ჩვენც აქა ვართ ბოლოს და ბოლოს. რას იზამ, თავს ხომ ვერ მოილაგ.

- მეც მაგას არ ვეუბნები, ედილეი, მე ხომ ყოველნაირად ვცდილობ ზედმეტი არაფერი დამცდეს. განა არ მესმის, რა დღე-შიცაა.

- სწორსაც შვრები. ამის თქმა მინდოდა კიდევაც შენტვის, ზარიფა, შემთხვევას ველოდი. თვითონაც იცი ყველაფერი. სიტყვამ მოიტანა და ამიტომ გითხარი. მაპატიე.

- ზოგჯერ ასე მქონია, გული გამისკდება-მეთქი. ჩემი თავიც მეცოდება და ისიც, შვილები ხომ უფრო მეტად. რა მაგის ბრალია, მაგრამ თავს დამნაშავედ გრძნობს, რომ აქ ჩამოგვიყვანა. შეცვლა კი არაფრის შეუძლია. რა თქმა უნდა, ჩვენს მხარეში, ალათაუში, სადაც მთები და მდინარეებია, ცხოვრებაც სხვაა და ჰავაც სხვა. ბიჭები შეიძლებოდა ზაფხულში მანც იქ გაგვეგზავნა, მაგრამ ვისთან? მშობლები აღარ გვყვანან, ადრე გარდაიცვალნენ. და-ძმები, ნათესავებილა დაგვრჩა... მაგრამ არც იმათ გაემტყუნებათ, ჩვენ გამო რატომ გაიმწარებენ სიცოცხლეს. ადრეც გაგვირბოდნენ. ახლა კი მით უმეტეს. რაში ენაღვლებათ ჩვენი შვილები? ჰოდა, ჩვენც ვენამებით, ვაითუ მთელი ცხოვრება აქ ჩავრჩეთო, თუმცა ხმამაღლა ვერ ვამბობთ, არადა ხომ ხედავ, როგორ იტანჯება... წინ რა გველის, ღმერთმა იცის მართლ...

გაჩუმდა ორივე, მძიმე იყო ეს სიჩუმე, მერე აღარ დაბრუნებინან ამ საუბარს; მუშაობა განაგრძეს, ჩაატარებდნენ დრო-

დადრო მატარებლებს და ისევ და ისევ მუშაობდნენ. სხვა რა ექნა? ნუგეში რითი ეცა, რითი ეშველა მათი გაჭირვებისათვის ედილეის? „სამათხოვროდ მაინც არ ექნებათ საქმე, - ფიქრობდა ედილეი, - ლუკმაპურს იშოვნიან, ორივე მუშაობს. თითქოსდა ძალით არავის დაუმწყვდევია, არადა, აქედან არც წაესვლებათ სხვაგან, არც ხვალ და არც ზეგ“.

თავისი თავისაც უკვირდა ედილეის, ასე რად ანუხებდა ამ ოჯახის ამბავი, თითქოსდა პირადად მას ეხებოდა. ვინაა ეს ხალხი მისთვის? ხომ შეეძლო ეთქვა თავისი თავისთვის - რა შენი საქმეა, ნეტა რა განაღვლებსო? ვინაა ბოლოს და ბოლოს ედილეი, რომ ის განსაჯოს, რაც მისი განსასჯელი არაა? მისთანა ტრამალის მუშა ამქვეყნად ურიცხვია. რა მისი საქმეა აღშფოთდეს, სინდისის ქენჯნა იგრძნოს, თავი იმტვრიოს, რაა უსამართლო თუ სამართლიანი ამ ქვეყანაზე. იქ, საიდანაც ეს ყველაფერი მოდის, უთუოდ ბურანელ ედილეიზე ათასჯერ მეტი იციან, იქ უფრო საჩინოა ალბათ ყველაფერი, ვიდრე აქ, ამ საროზექში. რა მისი საქმეა, რატომ იტკივებს თავს? და მაინც ვერ დამშვიდებულებიყო ედილეი. რატომღაც ზარიფა უფრო ეცოდებოდა. აოცებდა და ხიბლავდა ამ ქალის ერთგულება, გამძლეობა, გასაჭირთან შეუპოვარი ბრძოლა. დედა ჩიტს ჰგავდა, ფრთებით რომ გადაეფოფრება ხოლმე ბუდეს, ქარიშხალმა არ დამინგრიოსო. მის ადგილზე სხვა იტირებდა, ივიშვიშებდა და ისევ ნათესავებს მიადგებოდა დაჩოქილი, ის კი ქმარს მხარში ედგა, მასთან ერთად ეწამებოდა წარსულის გამო. იმიტომაც წუხდა ყველაზე მეტად და ყველაფრის მიუხედავად ედილეი, თავად რომ არ შეეძლო მისი ქმარ-შვილის დაცვა. შემდეგში ბევრჯერ ინანა მწარედ, რად გადმოაგდო ბედმა ეს ოჯახი ბორანლი-ბურანზე, რად გაუჩინა ეს საწუხარი? არ ექნებოდა ეს განცდები და იცხოვრებდა ადრინდელივით არხეინად...

თავი 6.

წყნარ ოკეანეში, ალექსის კუნძულების სამხრეთით, ნაშუადღევს შემდეგ ზღვამ ღელვა იწყო, ტალღები წამოიქოჩრა. სამხრეთაღმოსავლეთის ქარმა, ამერიკის დაბლობებიდან დაძრულმა, ნელინელ მოიცა ძალა და ნელინელ გარკვეული მიმართულება მიიღო. უზარმაზარ სივრცეზე ამოძრავდა, მძიმედ ატორტმანდა წყალი, ზვირთი ზვირთზე აგორდა. ეს კი, თუ ქარიშხლის არა, ხანგრძლივი ღელვის მაუწყებელი იყო.

ავიოსან „კონვენციას“ გაშლილ ოკეანეში ასეთი ზვირთები საშიშს არას უქადდა. სხვა დრის არც შეიცვლიდა მდებარეობას. მაგრამ რაკილა წუთი წუთზე იყო მოსალოდნელი სასწრაფოდ დაბრუნებულ განსაკუთრებულ რწმუნებათა მქონე კომისების თვითმფრინავთა გემბანზე დაჯდომა, ზემდგომ ინსტანციებთან გათათბირების შემდგომ, ავიოსანმა ქარის საწინააღმდეგოდ შებრუნება არჩია, რათა გემი ისე აღარ ერწია ზღვას. ყველაფერმა კარგად ჩაიარა, ჯერ სან-ფრანცისკოს, მერე კი ვლადივოსტოკის ლაინერი დაჯდა.

კომისიები უკლებლივ დაბრუნდნენ, ერთნაირად მდუმარენი და შეურევებულნი. თხუთმეტი წუთის შემდეგ უკვე ყველა საიდუმლო სათათბირო მაგიდას უჯდა. კომისიის მუშაობის დაწყებიდან ხუთი წუთის შემდეგ ორბიტალურ სადგურ „პარიტეტის“ ქიმიდან, მპყრობელის გალაქტიკაში მყოფ 1-2 და 2-1 პარიტეტ-კოსმონავტებისთვის გადასაცემად სასწრაფო დაშიფრული რადიოგრამა გაიგზავნა: „ორბიტალურ სადგურ „პარიტეტის“ 1-2 და 2-1 კოსმონავტ-კონტროლიორებს. გააფრთხილეთ მზის სისტემის საზღვრებს მიღმა მყოფი 1-2 და 2-1 პარიტეტ-

კოსმონავტები, რომ არაფერი მოიმოქმედონ და ადგილიდან არ დაიძრან მართვის საერთო ცენტრის საგანგებო მითითებამდე“.

ამის შემდეგ განსაკუთრებულ რწმუნებათა მქონე კომისიები დაუყოვნებლივ შეუდგნენ თავიანთი პოზიციებისა და წინადადებების განხილვას კოსმიური კრიზისის გადასაწყვეტად...

ავიოსანი „კონვენცია“ წყნარ ოკეანეში იდგა ქარის პირისპირ, ზვირთი ზვირთს ეხლებოდა გაუთავებლივ, მსოფლიოში არაფინ უწყოდა, რომ ავიონის ქიმზე ამ დროს პლანეტის გლობალური ბედი წყდებოდა...

მატარებლები ამ მხარეში აღმოსავლეთიდან დასავლეთით, ხოლო დასავლეთიდან აღმოსავლეთით მიგრიალებდნენ...

რკინიგზის გაღმა-გამოღმა უზარმაზარი ცარიელი სივრცე - სარი-ოზეჩი გადაჭიმულიყო. ყვითელ ტრამალთა შუაგულ მიწები.

ამ მხარეში ყველა მანძილი, გრინფიჩის მერიდიანის დარად, რკინიგზასთან მიმარჯვებით ისაზღვრებოდა...

მატარებლები კი აღმოსავლეთიდან დასავლეთით, ხოლო დასავლეთიდან აღმოსავლეთით მიგრიალებდნენ...

ანა-ბეითის სამარხამდე ორი საათის გზა დაარჩენილიყო. სამგლოვიარო პროცესია კვლავ ისეთივე რიგით იძროდა. წინ ბურანელი ედილეი მიუძლოდა გზის მაჩვენებლად, მისი ყარანარი ისევე დაუღლელად მიალაჭებდა, უკან მისდევდა მისაბმელიანი ტრაქტორი, სადაც მიცვალებულს მოთმინებით ეჭდა გვერდით აიზადას ქმარი, ტრაქტორს ექსკავატორი „ბელა-

რუსი“ მიჰყვებოდა. განზე კი კვლავ ისევე საქმიანად და დაბეჭითებით მკერდგანიერი წითურა ჟოლბარსი მიძუნძულებდა, რომელიც ხან წინ უსწრებდა, ხან უკან რჩებოდა ფრიად მნიშვნელოვან მიზეზთა გამო.

მზე აცხუნებდა, ზენიტს ნელ-ნელა უახლოვდებოდა. უკან დარჩა გზის უმეტესი ნაწილი. ხოლო დიადი სარობეცი ყოველი მაღლობის მიღმა ახალ და ახალ უკაცრიელ მიწებს აჩენდა, დასალიერამდე გადაჭიმულს. ხალვათად გადაშლილიყო ტრამალები. ოდესღაც ამ ადგილებში ის ღვთისგან წყეული ჟუანჟუანები სახლობდნენ, თითქმის მთელი სარობეცის მხარის კარგა ხნით დამპყრობი გადამთიელნი. აქ იყვნენ სხვა მომთაბარე ტომებიც, გაუთავებლივ რომ ეომებოდნენ ერთმანეთს საძოვრებისა და ჭების გამო. გამარჯვების სასწორი ხან ერთი მხრისკენ იხრებოდა, ხან მეორისკენ. მაგრამ გამარჯვებულნიც და დამარცხებულნიც მაინც ისევ აქ რჩებოდნენ. ერთნი შვეინროვებულნი, მეორენი კი გაფართოებულნი. ელიზაროვი ამბობდა, სარობეცი, როგორც საცხოვრებელი ადგილსამყოფელი, დასტურ ღირდა ამ ომებადო. მაშინ აქ თურმე უფრო ხშირად მოდიოდა წვიმები გაზაფხულ-შემოდგომობითა და საძოვრებიც სამყოფი იყო მსხვილ თუ წვრილფეხა საქონლისათვის. მაშინ აქ დადიოდნენ ვაჭართა ქარავნები და ვაჭრობაც იყო. მაგრამ მერმე თურმე მკვეთრად შეცვლილა ჰავა - აღარ მოდიოდა წვიმები, დაშრა ჭები, გადახმა ბალახი. ჰოდა, დატოვა სარობეცი მისულმა ხალხმა და ტომებმა, აღმა-დაღმა გაიფანტნენ ყველანი. ჟუანჟუანები კი სულაც გაქრნენ, ედილიასკენ დაიძრნენ, მაშინ ასე იწოდებოდა ვოლგა, ედილიასპირა მხარეში შთაინთქნენ უგზოუკვლოდ. არავინ უწყოდა, საიდან იყვნენ მოსულნი და არავინ უწყოდა, სად გაქრნენ ახლა. ამბობენ, წყევლამ უწიათო გზაში - ზამთარში გროვა-გროვად რომ გადადიოდნენ ედილიაზე, ჩატყდა მდინა-

რეზე ყინული და თავიანთ რემებ-ფარებიანად წყალში ჩაცვივდნენო...

ძირეულ, მკვიდრ სარობექელებს - ყაზახთა ნომადებს იმ ხანებშიაც არ მიუტოვებიათ თავიანთი მხარე, იმ ადგილებში იკიდებდნენ ფეხს, სადაც ხელახლა გათხრილ ჭებში წყალს აღმოაჩენდნენ. მაგრამ ყველაზე გაცხოველებული ხანი სარობექს ომის შემდგომ წლებში დაუდგა, წყალისმომტანი მანქანები რომ გამოჩნდა. ერთ ასეთ წყლის მანქანას, თუ მძლოლმა იქაური არემარე კარგად იცოდა, სამი-ოთხი ალაჩოყის მომსახურეობა შეეძლო. სარობექის საძოვართა მოიჯარენი - მომიჯნავე ოლქების კოლმეურნეობები და საბჭოთა მეურნეობები უკვე ფიქრობდნენ, სარობექში მუდმივი ბაზები მოეწყოთ გადასარეკი მესაქონლეობისათვის. ანგარიშობდნენ, ზომავდნენ, როგორ და რამდენი დაუჭდებოდათ მეურნეობებს ამ ბაზების აშენება. კიდევ კარგი, რომ არ იჩქარეს. შეუმჩნეველად და შეუნიშნავად გაჩნდა ანა-ბეითის მიდამოებში უსახელო ქალაქი - საფოსტო ყუთი. ასედაც ლაპარაკობდნენ ერთმანეთში - საფოსტო ყუთში მივდივარო. საფოსტო ყუთში ვიყავიო, საფოსტო ყუთში ვიყიდეო, საფოსტო ყუთში ვნახეო... თანდათან გაიზარდა, აშენდა საფოსტო ყუთი და გარეშე ხალხისათვის გზაშეკრული აღმოჩნდა. ასფალტიანი გზა აკავშირებდა ერთი მხრივ კოსმოდრომსა და მეორე მხრივ - რკინიგზის სადგურს. აქედან დაიწყო სარობექის ახალი, ინდუსტრიული დასახლება. იმ მხარეში წარსულის ხსოვნად მართო ანა-ბეითის სამარხი დარჩა, აქლემის კუბებივით აყუდებული ორ ტყუპ გორაკ ეგიდ-თუბებზე შეფენილი. ეს იყო ყველაზე საპატიო სამარხი მთელ სარობექის მხარეში. ძველად ზოგჯერ იმ სიშორიდან ჩამოჰყავდათ მიცვალებული, ხალხს ტრამალში უწევდათ ღამისთევა. სამაგიეროდ ანა-ბეითზე დამარხულთა შთამომავალნი კანონიერად ამაცობდნენ, თავიანთ მამაპაპებს

რომ ასეთი დიდი პატივი დასდეს. აქ იმარხებოდა ყველაზე სა-
პატიო და ცნობილი ხალხი, რომლებსაც დიდხანს ეცხოვრათ,
ბევრი ენახათ და ქველი სახელიც მოეპოვებინათ სიტყვით თუ
საქმით. ელიზაროვმა ხომ ყველაფერი იცოდა, იმიტომაც ამ ად-
გილს სარობეჯის პანთეონს ეძახდა.

ამ ადგილს უახლოვდებოდა სწორედ იმ დღეს უცნაური
სამგლოვიარო პროცესია. ძაღლის თანხლებით, ბორანლი-ბუ-
რანის რკინიგზის ასაქცევიდან.

ანა—ბეითს თავისი ისტორია ჰქონდა. გადმოცემა იუნყებო-
და, რომ წინა საუკუნეებში სარობეჯის დამპყრობი ჟუანჟუანები
სასტიკად და დაუნდობლად ექცეოდნენ თურმე ტყვედ ჩავარ-
დნილ მეომრებს. ბედნიერი იყო ის ტყვე, ვისაც მეზობელ მხა-
რეში გაჰყიდდნენ მონად, ვინაიდან გაყიდულ მონას მაინც შეეძ-
ლო ადრე თუ გვიან გაქცევა და თავის სამშობლოში დაბრუნება.
მაგრამ ვაი მას, ვისაც ჟუანჟუანები თავის მონად დაიტოვებდნენ.
საშინელი წამებით - თავზე შირის ჩამოცმით - მეხსიერებას არ-
თმევდნენ მონას. მეტწილად ასეთი ხვედრი ტყვედ ჩავარდნილ
ჭაბუკებს ელოდა. ჯერ პირწმინდად გადახოტრიდნენ თმას, ღე-
რი რაა, ღერს არ დაუტოვებდნენ თავზე. იმ დროისათვის, როცა
თმის პარსვა მოთავდებოდა, გამოცდილი ჟუანჟუანელი ყასბები
იქვე ახლოს უზარმაზარ აქლემს დაკლავდნენ, გაატყავებდნენ
და პირველ ყოვლისა ყველაზე მკვრივ ქედის ნაწილს გამოაც-
ლიდნენ. მერე დაჭრიდნენ კისრის ტყავს და ცხლად დაადებ-
დნენ ხოლმე ტყვეს გადაპარსულ თავზე. ტყავი მყისვე მიეკვრე-
ბოდა სალბუნის დარად, როგორც თანამედროვე საცურაო ქუ-
დი. ამას ერქვა შირის ჩამოცმა. ვისაც კი შირს ჩამოაცვამდნენ,
ის ან კვდებოდა, წამებას ვერ უძლებდა, ან სამუდამოდ ჰკარგავ-
და მეხსიერებას, აღარ ახსოვდა თავისი წარსული და იქცეოდა
მონა მანქურთად. ერთი აქლემის კისრის ტყავიდან ხუთი-ექვსი

შირი გამოდიოდა. შირის ჩამოცმის შემდეგ განწირულს კისერზე ფიცრის ბორკილს დაადებდნენ, რომ თავი მიწისთვის არ ეხალა. მერე საცხოვრებელი ადგილიდან კარგა შორს გაიყვანდნენ, რათა გულისმომკველელ ბლავილს ხალხი ტყუილუბრალოდ ან შეეწუხებინა, და ხელფეხებორკილს შუა მინდორზე, თაკარა მზეზე დაჰყრიდნენ სასმელ-საჭმელის გარეშე. წამება რამდენიმე დღეს გრძელდებოდა. მხოლოდ მზირთა მოზრდილი გუნდი დარაჯობდა გარკვეულ ადგილებში მისასვლელ გზებს, ტყვეთა თვისტომებს რომ მათი გამოხსნა არ ეცადათ. მაგრამ ასეთი ცდა იშვიათი იყო. - გაშლილ ტრამალში შეუმჩნევლად ვერაფერს გაიჭაჭანებდა, ხოლო თუ ხმა მოვიდოდა, მავანი და მავანი ჟუნჟუნებმა მანქურთად აქციესო, ახლო ნათესავებიც კი აღარ ცდილობდნენ მის გადარჩენასა თუ გამოხსნას, ვინაიდან ეს უკვე კაცი კი არა, ფიტული იყო. მხოლოდ ერთი ნაიმანელი დედა, ვისი ხსოვნაც თქმულებამ ნაიმან-ანას სახელით შემოინახა, არ შეურიგდა თავისი შვილის ასეთ ბედს. ასე ჰყვებოდა სარობექული ლეგენდა. მისი წყალობით დაერქვა სასაფლაოსაც ანა-ბეითი - დედის სამარხი.

მზისგულზე დაყრილ ტყვეებიდან მეტი წილი აუტანელი ტკივილებისაგან იხოცებოდა, ხუთი-ექვსი კაციდან ერთი ან ორი მანქურთი თუ გადარჩებოდა ცოცხლად. იხოცებოდნენ არა იმდენად შიმშილისა და უწყლობის გამო, რამდენადაც გაუსაძლისი არაადამიანური ტანჯვისაგან, აქლემის მოუქნელი ტყავი, თაკარა მზეზე თანდათან დაპატარავებული, რკინის სალტესავით ეჭირებოდა მონას თავზე. გადაპარსული თმა იზრდებოდა, აზიური თმის სწორი, ჯაგარა ღერები ზოგჯერ შირს ეხორცებოდა, მეტწილად კი უკანვე, თავის კანში ჩადიოდა, რაც კიდევ უარესი წამება იყო, და მონას საბოლოოდ უბინდავდა გონებას. მეხუთე

დღესღა მოაკითხავდნენ ჟუანჟუანები ტყვეებს, აბა ვინ დარჩა ცოცხალიო. თუ წამებულთაგან ერთს მაინც ედგა სული, მაშასადამე, მიზანი მიღწეული იყო. ცოცხლად დარჩენილ წყალს დაალევიანდნენ, ბორკილს ახსნიდნენ და შემდეგ კარგი მოვლით ფეხზედაც დააყენებდნენ. ეს უკვე მეხსიერება-დაკარგული მონა მანქურთი იყო. ათ სალ-სალამათ მონაზე უფრო ძვირად ფასებული. დაწესებულიც იყო - თუ შინაური ბრძოლებისა და შეტაკებისას ვისმე მონა მანქურთი შემოაკვდებოდა, ასეთი ზარალი-სათვის სამჯერ მეტი გამოსასყიდი უნდა გაეღო, ვინემ მისივე თვისტომის მოკვლის გამო.

მანქურთმა არ იცოდა, ვინ იყო, ვისი გვარისა და ტომისა, არ იცოდა თავისი სახელი, არ ახსოვდა თავისი ბავშვობა, დედამა, - ერთი სიტყვით, ადამიანადაც არ გრძნობდა თავს. პატრონის თვალში მანქურთს მეტი წონა და ღირსება ჰქონდა, რაღაი საკუთარი „მეობა“ დაკარგვოდა. იგი უენო პირუტყვს უდრიდა და ამ პირუტყვივით მორჩილი და უვნებელი იყო. გაქცევის სურვილი ფიქრადაც არ მოუვიდოდა. პატრონისათვის კი ყველაზე საშიში მონის ამბოხია, რადგან ყოველი მონა პოტენციალური მეამბოხეა. მანქურთი ერთადერთი გამონაკლისი იყო, მის გულს ამბოხისა თუ ურჩობის სურვილი არასოდეს ეკარებოდა, ასეთი ვნებანი არ აწუხებდა. ამიტომაც არ სჭირდებოდა არც მზირი და არც ყარაული, არც შიში გქონდა გულში, რაღაც ზრახვას მაღაფსო. ერთგული ძალღივით მანქურთი მხოლოდ პატრონს სცნობდა, სხვებს არ იკარებდა. მთელი მისი ფიქრი და აზრი მუცლის ამოყორვას მოეცვა. სხვა არაფერი ანაღვლებდა. სამაგიეროდ, ყველაფერს ბრმად, ბეჯითად, სიტყვასიტყვით ასრულებდა. მანქურთს ებარა ყველაზე ბინძური, მძიმე საქმეები, ყველაზე გამაბეზრებელი სამუშაოები, ჩლუნგ მოთმინებას რომ მოითხოვდა. მხოლოდ ის თუ გაუძლებდა მარ-

ტობას სარობეჯის უკაცრიელ, მიყრუებულ და თვალუწვდენელ ველებში, როცა აქლემებს ედგა დღედაღამ დარაჯად, ის ერთი სწევდა ამ სიშორეზე მრავალი მუშის მაგიერობას. ოღონდ საჭმელს ნუ მოაკლებდი და ზამთარ-ზაფხულ შუენაცვლებლივ გააკეთებდა თავის საქმეს, არც მარტობა შეანუხებდა და არც სხვა რაიმე გასაჭირი. პატრონის ბრძანება მანქურთისთვის კანონი იყო. ოღონდაც საჭმელი და ძონძები ჰქონოდა, სიცივით რომ არ გაყინულიყო, სხვა არაფერს დაგიდევდათ.

ბევრად ადვილია ტყვეს წააცალო თავი, ან სხვა რამ ზიანი მიაყენო დასაშინებლად, ვინემ ადამიანს მეხსიერება, გონება დაუკარგო, ის ამოძირკვო მისი სულიდან, რაც უკანასკნელ ამოსუნთქვამდე თან დაჰყვება, რაც მისი ერთადერთი შენაძენია, სხვათათვის მიუწვდომელი და მასთან ერთად გამქრალი; მაგრამ მომთაბარე ქუანუანებს მათმა საშინელმა წარსულმა ყველაზე დაუნდობელი. ყველაზე ულმობელი ბარბაროსობა ჩააგონა, ადამიანის ყველაზე სანუკვარის ხელყოფა აკისრებინა. მათ შეძლეს მონებისათვის ცოცხალი მეხსიერება წაერთმიათ, რაიც ადამიანის ბუნებისათვის ყველა დასაშვებ თუ დაუშვებელ ბოროტებათა შორის ყველაზე დიდი ბოროტებაა. ტყუილად კი არ მოთქვამდა სასოდაკარგული ნაიმან-ანა თავის მანქურთად ქცეულ შვილზე:

„როცა მეხსიერება წარგტაცეს, შვილო, კაკლის სამტვრევ მარწუხივით თავის ქალაზე ნელინელ გამხმარი აქლემის ტყავი შემოგოჭირეს, როცა უხილავი სალტე თავზე ისე ჩამოგაცვეს, შიშის ზარ-წყალით სავსე თვალები ლამის ბუდიდან გადმოგცვენოდა, როცა სარობეჯის უკვამლო ცეცხლზე იხრაკებოდი და წყურვილი გკლავდა, ცამ კი შენთვის წვეთი წყალი არ გაიმეტა - ხომ არ შეგძულდა მზე, ყოვლის სიცოცხლის მიმნიჭებელი, ხომ

არ იქცა იგი შენტვის ბრმა და ყველაზე შავ მნათობად ამ ქვეყანაზე ყველა სხვა მნათობთა შორის?

როცა ტკივილებით განაშებული შემზარავი ღრიალით სძრავდი უდაბნოს, როცა მთელი დღეები და ღამეები ბორგავდი და ღმერთს შეჰლაღადებდი, ცარიელ ზეცას შველას შესთხოვდი, როცა გატანჯულ სხეულიდან ამონთხეულ ნარწყევში იხრჩობოდი, ბილწ განავალში იკლაკნებოდი, სიმყრალეში სული გხდებოდა, გონი გეკარგებოდა, ბუზები გჭამდა - ხომ არ დასწყევლე ღმერთი უკანასკნელად მოკრებილ ძალით, ღმერთი, რომელმაც მის მიერვე დატოვებულ ქვეყანაზე ჩვენ გაგვაჩინა?

როცა ბინდი ეფინებოდა წამებით სამუდამოდ დასახიჩრებულ შენს გონებას, როცა ძალით გაგიგლიჯეს ის ჯაჭვი, მეხსიერებას წარსულთან რომ აკავშირებდა, და სამარადისოდ დაგიკარგეს ხსოვნა, როცა გაშმაგებულ ბორგვაში გავიწყდებოდა დედის თვალები, წყაროს ჩუხჩუხი იმ გორასთან, სადაც ზაფხულის დღეებში თამაშობდი, როცა სახელი შენი და სახელი მამაშენისა დაივიწყა შენმა განადგურებულმა მეხსიერებამ, როცა იმ ადამიანთა სახეები, რომელთა შორის იზრდებოდი, დავიწყების ნისლმა დაფარა, ბნელმა მოიცვა იმ ასულის სახელიც, მორცხვად რომ გიღიმოდა, - უგონობის უფსკრულში შთავარდნილმა ნუთუ არ დასწყევლე და შეაჩვენე დედაშენი საზარი კრულვით, რად ჩაგსახა თავის საშოში და რად გაგაჩინა ქვეყანაზე ამა დღისათვის?..“

ეს გადმოცემა იმ დროებიდან მოდიოდა, როცა მომთაბარე აზიის სამხრეთ საზღვრებიდან გამოდევნილმა ჟუანჟუანებმა ჩრდილოეთს მიაშურეს, სარობექში კარგა ხნით გაბატონდნენ სამფლობელოთა და მონათა შესაძენად გაუთავებელი ომები გააჩაღეს. პირველ ხანებში, უეცარი შემოსევის წყალობით, სარობექის მიმდებარე მიწებზე უამრავი ტყვე იგდეს ხელთ, მათ

რიცხვში ქალებიც და ბავშვებიც, და ყველანი მონებად გარეკეს. მაგრამ უცხოთა შემოსევის წინააღმდეგ ბრძოლა თანდათან გახურდა, დაიწყო გამძვინვარებული შეტაკებანი. ჟუანჟუანები არ აპირებდნენ სარობეიდან წასვლას, პირიქით, ესწრაფებოდნენ მესაქონლეობისათვის ამ ვრცელ, ხალვათ ტრამალიან მხარეში მტკიცედ მოეკიდათ ფეხი. ადგილობრივი ტომები კი ვერა და ვერ შერიგებონენ მათ პარპაშს და თავის უფლებად და მოვალეობად მიაჩნდათ ადრე თუ გვიან განედევნათ დამპყრობელნი. შეტაკებისას გამარჯვების სასწორი ხან ერთ და ხან მეორე მხარეს იხრებოდა. მაგრამ ეს დამაოსებელი, ქანცის გამწყვეტი ბრძოლებიც დროდადრო ჩაცხრებოდა ხოლმე.

სწორედ ერთი ასეთი ჩაცხრომის ჟამს ნაიმანთა მიწა-წყალზე ჩამოსული მექარავენი ვაჭრები ჩაის სმისას მოჰყვნენ, როგორ გაიარეს სარობეის ტრამალები, ისე რომ ჟუანჟუანების მხრიდან სასმელ ჭებთან დაბრკოლებას არ წაწყდომიან. ისიც ახსენეს, სარობეიში ერთი ჯეელი მწყემსი ვნახეთ, აქლემის დიდ ჯოგს ედგაო. გამოველაპარაკეთ, ის კი თურმე მანქურთი ყოფილაო. ერთი შეხედვით - ამ ჯანიან ჭაბუკზე ვერც იფიქრებდი, მის თავს თუ ასეთი უბედურება იყო. თავის დროზე სხვებზე ნაკლები ბიჭი არ იქნებოდა, ჭკუაც უჭრიდა ალბათ და ენაც, ხნითაც სულ ყმაწვილი ჩანდა, ულვაში ახლა აბიბინებოდა. შეხედულადაც კაი თვალადი იყო, მაგრამ დაელაპარაკები - გეგონება, გუშინ დაიბადა ამქვეყნად, არ ახსოვს საწყალს არც თავისი, არც დედისა და მამის სახელი, არც ის, რა უყვეს ჟუანჟუანებმა; არც ის, სადაურია და რომელი მხრიდან, რასაც ჰკითხავ, დუმს, მხოლოდ „კი“ ან „არაო“ გეტყვის, ხელი კი სულ ქუდზე უჭირავს, თავზე მჭიდროდ რომ ჩამოცმიაო. სულო ცოდვილო, და სახიჩარსაც დასაცინის ხოლმე ხალხი. ჰოდა, კიდევაც გაიცინეს. ზოგ მანქურთს თურმე აქლემის ტყავი თავზე სამუდამოდ ეხორცებაო. ასეთ მან-

ქურთს ყველაზე დიდ თავზარს მაშინ დაცემ, თუ დაექადები: კუდს მოგაგლეჯო... ურა ცხენივით აყრის ტლინკებს, თავზე კი ხელს არ მიგაკარებინებს. ასეთები არც დღე, არც ღამე ქუდს არ იხდიან, ქუდითვე სძინავთ... მაგრამ სულელი დაუძახე შენ, განაგრძეს სტუმრებმა, თავისი საქმე კი არ ეშლება - ვინემ იმ ადგილს საკმაო მანძილზე არ გაშორდნენ მექარავნენი, სადაც მისი აქლემების ჯოგი ბორიალობდა, თვალი არ მოუშორებია მანქურთს. დამშვიდობებისას ერთი მეხრე თურმე გაეხუმრა:

- ჩვენ დიდი გზა უნდა გავიაროთ. ვის გადავცეთ შენი მოკითხვა, რომელ ტურფას რომელ მხარეში? თქვი, ნუ მალავ. გესმის? იქნებ ხელმანდილს გაგვატან მასთან?

კარგა ხანს მდუმარედ შეჰყურებდა მანქურთი მეხრეს, მერე წაილაპარაკა:

- მე ყოველდღე შევცქერი მთვარეს, ის კი მე შემომცქერის, მაგრამ ერთმანეთისა არა გვესმის... იქ ვილაცა ზის..

ამ საუბრისას იურტაში ერთი ქალი ტრიალებდა, ვაჭრებს ჩაის უსხამდა. ეს ქალი ნაიმან-ანა იყო. საროზექელ ლეგენდას იგი სახელით შემორჩა.

ნაიმან-ანას არა გაუმუღავნებია რა ჩამოსულ მგზავრებთან კაციშვილმა ვერ შეამჩნია, რარიგ შეაკრთო ამ ამბავმა, რაზომ ეცვალა ანაზღად ფერი. კი უნდოდა უფრო წვრილად გამოეკითხა ვაჭრებისათვის იმ ჭაბუკი მანქურთის ამბავი, მაგრამ გულმა არ უქნა - ვაითუ იმაზე მეტი გავიგო, რაცა თქვესო. ამიტომაც გაჩუმდა, გულში ჩაიხშო შიში, ვით დაჭრილი ჩიტის წივილი... ამასობაში საუბარმა სულ სხვა საგანზე გადაინაცვლა, ვის რაში ენაღვლებოდა უბედური მანქურთი, ცოდვა-ბრალს ამქვეყნად რა გამოლევს. ნაიმან-ანა კი კვლავ ებრძოდა შიშს, იოკებდა ხელლების კანკალს, თითქოს და მართლა მოეგუდა თავის გულში

ანვივლებული ჩიტი. ოღონდაც უფრო დაბლა ჩამოიწია შავი მანდილი, დიდი ხანია გათეთრებულ თმას რომ უფარავდა.

ვაჭართა ქარავანი მალე გაუდგა თავის გზას. ის ღამე თეთრად გაათენა ნაიმან-ანამ და მიხვდა, მოსვენებას მანამ ვერ ჰპოვებს, ვინემ იმ მწყემს მანქურთს არ მოსძებნის საროზბეჭში და არ დარწქუნდება, მისი ვაჟი რომ არაა. ამ საზარელმა, ამ საშინელმა ფიქრმა კვლავ გააღვიძა დედის გულში დიდი ხანია უკვე ჩაბუდებული ყრუ ეჭვი, მისი შვილი რომ ომის ველზე დაეცა... ამ წამებას, ამ განურინებელ შიშსა და ტკივილს, ამ მოუშორებელ ექვს ერჩივნა მეორედაც გამოეტირა შვილი.

მისი ბიჭი ჟუანჟუანებთან ერთ-ერთ ბრძოლაში მოკლეს საროზბეჭის მხარეში. ქმარი, ნაიმანთა შორის სახელმორჭმული კაცი, ერთი წლით ადრე დაეღუპა. მამის სისხლის ასაღებად პირველსავე ლაშქარს გაჰყვა მისი ვაჟი. ნაიმანთა ადათის მიხედვით მოკლულის ცხედარს ომის ველზე არ ტოვებდნენ ნათესავები. თან გამოჰქონდათ, ეს კი შეუძლებელი აღმოჩნდა იმ დიდ ბრძოლაში. ბევრს დაენახა თავისი თვალთ, როგორ შეება მისი ვაჟი მტერს. როგორ გადმოემხო მერე ცხენის ფაფარს, ომის ყიჟინითა და ხმაურით დამფრთხალმა ფიცხმა ტაიჭმა როგორ გაიტაცა იგი შორს. ჭაბუკი ცხენიდან გადმოვარდა, მაგრამ ფეხი უზანგში გაეჩხირა. ჰოდა, სულ მთლად დაფეთებულ ტაიჭს მიწაზე თრევა-თრევით გაუქანებია მისი უსულო სხეული, თითქოსდა ჯიბრზე, მტრის მხარეზე. მიუხედავად ხელჩართული სისხლისმღვრელი ბრძოლისა, ორი ნაიმანი უკან დადევნებია, რომ აწყვეტილი ცხენი ღროზე შეეჩერებინათ და დალუპულის ცხედარი წამოეღოთ. მაგრამ ხევში ჩასაფრებული ჟუანჟუანების რაზმიდან რამდენიმე კიკინიანმა მხედარმა ყიჟინით ყველა გზა გადაუჭრა მათ, ერთი ნაიმანი ისრით გაგმირეს, მეორემ, მძიმედ დაჭრილმა, ცხენი მო-

ატრიალა და, თავისიანების მწკრივს რომ მოაღწია, იქ მოადინა ზღართანი მიწაზე. ამ შემთხვევამ დროზე აღმოაჩენინა ნაიმანებს, რომ ხევში ჟუანჟუანთა რაზმი იყო ჩასაფრებული და გადამწყვეტ წუთს ფლანგიდან უპირებდა დარტყმას. ნაიმანებმა საჩქაროდ დაიხიეს უკან, რათა გადაჯგუფება მოეხდინათ და ისევ ბრძოლაში ჩაბმულიყვნენ. ცხადია. აღარავის გახსენებია, რა დაემართა მათ ჭაბუკ მხედარს, ნაიმან-ანას ვაჟს... ის დაჭრილი ნაიმანი, თავისიანებთან რომ მოასწრო ცხენით მოჭენება, ყვებოდა მერე, როცა კვალდაკვალ დავედევნეთ ცხენს, ჭაბუკის გვამს რომ მიათრევდა, იგი მალე მიეთვარა თვალს გაურკვეველი მიმართულებით...

რამდენიმე დღე ზედიზედ მიდოდნენ ცხენოსანი ნაიმანები გვამის საძებრად, მაგრამ ვერც მის ცხედარს, ვერც ტაიჭსა და ვერც იარაღს ვერსად მიაგნეს. მისი დალუპვა საეჭვოდ უკვე აღარავის მიაჩნდა. თუნდაც დაჭრილი ყოფილიყო, ამ ხანში ან უწყლობა მოჰკლავდა ტრამალზე ან სისხლისაგან დაიცლებოდა. იგლოვეს, ივიშიშეს ნაიმანებმა, ჭაბუკი ნათესავი რომ უკაცრიელ საროზეში დაუმარხავი დარჩათ, ეს ყველასათვის დიდი სირცხვილი იყო. იუტაში შეყრილი ნაიმან-ანას ნათესავი დედაკაცები მოთქვამდნენ და ქმრებსა და ძმებს ასე საყვედურობდნენ:

- ორბებმა დაკორტნეს იგი, ტურებმა დაიტაცეს მისი ძვლები, რა სინდისით გხურავთ ამის შემდეგ ვაჟკაცის ქუდი!..

და მიეწყო ერთმანეთს გამოცარიელებული დღეები ამ გამოცარიელებულ წუთისოფელში. იცოდა ნაიმან-ანამ, რომ ადამიანები ომში ილუპებიან, მაგრამ იმაზე ფიქრმა, მისი ვაჟი ომის ველზე უპატრონოდ გდია, მიწას ვერ მიაბარეს, სიმშვიდე და მოსვენება დაუკარგა, დღედაღამ გაუთავებლივ აწამებდა, ან ვისთვის ეთქვა, ვისთვის შეეჩვილა დარდის შესამსუბუქებლად, ვინ ჰყავდა სხვა, თუ არ ღმერთი...

ამაზე რომ არ ეფიქრა, თავისი თვალით უნდა დარწმუნებულიყო დედა, მისი ვაჟი რომ მართლა მკვდარია. ღვთის ნებას განა ვინმე შედავებია? ყველაზე მეტად ის უმღვრევედა ტვინს, ვაჟის ცხენიც რომ უგზოუკვლოდ დაიკარგა. ცხენი ხომ არ მოკლეს, ცხენი შეშინებული გაიქცა. ჯოგის ცხენი კი ადრე თუ გვიან უკან, მშობლიურ მხარეში უნდა მობრუნებულიყო და პატრონის ცხედარიც თან მოეთრია უზანგით. ხომ მეხი, ხომ ელდა იქნებოდა მისთვის, მაგრამ იკივლებდა, იწივლებდა, ცრემლს დააფრქვევდა შვილის ცხედარს, სახეს დაიხოკავდა, ივიშვიშებდა თავის კრულსა და უბედურ ბედზე, ივიშვიშებდა ისე, ცაზე ღმერთიც კი შეძრწუნებულიყო, თუკი ნართაულისა რამე გაეგებოდა. სამაგიეროდ ეჭვი არ ჩარჩებოდა დედას გულში, სიკვდილს აუღელვებლად, შეგნებით დაელოდებოდა, არ ინდომებდა ფიქრშიაც კი თუნდაც წამით მობლაუჭებოდა ამ წუთისოფელს. მაგრამ მისი ვაჟის ნეშტი ვერა და ვერ იპოვეს, არც მისი ტაიჭი დაბრუნებულა. ეჭვებმა გატანჯა დედა, თუმცალა თვისტომებმა თანდათან დავიწყებას მისცეს ეს ამბავი, დრო ხომ ყველა ტკივილს აყუჩებს და ყველაფერს ავიწყებს ადამიანს... მხოლოდ დედა ვერ დამშვიდდა, დედამ ვერ დაივიწყა, მისი ფიქრები სულ ამ ამბავს დასტრიალებდა. რა დაემართა ტაიჭს, სად დარჩა აკაზმულობა, საჭურველი, რომ ამით მაინც ნუ წილობრივ გამოერკვია, რა მოუვიდა მის ბიჭს. ხომ შეიძლება ჟუნაჟუნებს ჩაეგდოთ ხელთ ტაიჭი საროზექში, როცა ცხენს არაქათი გამოელია, კარგად აკაზმული ტაიჭიც ხომ კარგი დავლაა. როგორ მოექცნენ მაშინ მის ვაჟს, ვისაც ცხენი უზანგით მოათრევედა – მიწას მიაბარეს თუ ტრამალში დააგდეს ნადირთ საჯიჯნად? ვაითუ ცოცხალი იყო, ვაითუ სული ედგა კიდევ რაღაც სასწაულით? მოჰკლეს და ტანჯვა-წამებისაგან იხსნეს, თუ ტრიალ მინდორში ამოხდა სული უპატრონოდ? ან იქნებ?.. ან ვაითუ?..

აღარ და აღარ იღეოდა ეჭვები. ხოლო როცა მგზავრმა ვაჭრებმა ჩაის სმისას ახსენეს, სარობეჟეში ერთი მანქურთი ვნახეთო, რა იცოდნენ, თუ რა ცეცხლი დაანთეს ნაიმან-ანას დატანჯულ გულში, შეშინებულმა წინათგრძნობამ როგორ გაუწურა გული. ჭაბუკი რომ შეიძლება მისი უგზოუკვლოდ დაკარგული ვაჟი ყოფილიყო, ეს ფიქრი უფრო და უფრო დაჟინებით, უფრო და უფრო ძლიერ ეუფლებოდა მის სულსა და გულს. დედა მიხვდა, რომ მოსვენება არ ექნება, ვინემ იმ მანქურთს არ მოძებნის და არ დარწმუნდება, ჩემი შვილი არააო.

ნაიმანებს საბათხულო სადგომები იმხანად მთების ძირას ედგათ, სადაც კბოდოვანზე პატარა ნაკადულები მოჩუხჩუხებდა. მთელი ღამე უსმენდა ნაკადულების რაკრაკს ნაიმან-ანა, რას ეუბნებოდა წყალი, ესოდენ არათანხმიერი მისი შეძრული სული-სა? გულს დამშვიდება უნდოდა, ყურს გაძლომა მოჩუხჩუხე წყლის ხმებით, ვინემ უდაბურ, მღუმარე სარობეჟის გზას დაადგებოდა. დედამ იცოდა, რარიგ საშიშია სარობეჟეში მარტო მგზავრობა, მაგრამ არ სურდა ვისმესთვის გაენდო თავისი ზრახვა. მაინც ვერაფერს გაუგებდა. ყველაზე ახლობლებიც არ მოუწონებდნენ ამ განზრახვას. ვის გაუგია დიდი ხნის მოკლული ვაჟის საძებრად წასვლა? ხოლო თუ რაღაც განგებით ცოცხალი დარჩა და მანქურთად იქცა, მით უფრო არა აქვს აზრი მის მოძებნას, ტყუილუბრალოდ გულის გახეთქვას, ვინაიდან მანქურთი მხოლოდ, გარეგნული გარსია, მხოლოდ ფიტული იმისა, რაც ადრე იყო კაცი...

წასვლის წინა ღამეს დედა რამდენჯერმე გამოვიდა იურტიდან, დიდხანს გაჰყურებდა მიდამოს, უსმენდა ღამეულ ხმებს, რათა გულისყური, ფიქრები მოეკრიბა. ნაშუალამევის მთვარე კარგა მაღალზე იდგა უღრუბლო ცაში და დედამინას რძისფერ შუქს აღვრიდა. ფერდობების ძირას მიმოფანტული იურტები მორაკ-

რაკე ნაკადულების ნაპირებზე ღამის სათევად დაფრენილი დიდრონი ფრინველების გუნდი გეგონებოდა. აულის ახლოს, სადაც ცხვრის ბაკები იყო, და შორს, ხევებში, სადაც ცხენების რემები ბალახობდნენ, ძაღლის ყეფა და ადამიანთა გაურკვეველი ხმები ისმოდა. მაგრამ ყველაზე მეტად ნაიმან-ანას გულზე ეფონა მომღერალ გოგოების გადაძახ-გადმოძახება, აულის მახლობლად, ბაკებთან რომ ფხიზლობდნენ. ოდესღაც თვითონაც უმღერია ეს ღამის სიმღერები. მას აქეთ, რაც პატარძალი ჩამოიყვანეს, ყოველ ზაფხულს ამ მხარეში იდგა ხოლმე მათი ალაჩოყები. მთელმა მისმა ცხოვრებამ ამ მიდამოებში გაიარა. მაშინაც, როცა ოჯახში ბევრნი იყვნენ და ერთბაშად ოთხ იურტას დგამდნენ - ერთს სამზადად, ერთს - სასტუმროდ, ორს კი - საცხოვრებლად - და მერეც, როცა ჟუანჟუანების შემოსევის შემდეგ სულ მარტო დარჩა...

ახლა ისიც სტოვებდა თავის ეულ იურტას... გუშინღამიდან გაეზადა უკვე სამგზავროდ, მოიმარაგა საჭმელი და უფრო მეტი წყალი, ორი თულუხით მიჰქონდა წყალი, იქნებ სარობექში უცბად ვერ მიეგნო ჭისათვის... ნუხელვე დააბა იურტას ახლოს ჯამა აქლემი აქმაია, მისი იმედი და თანამგზავრი. ვერც გაბედავდა ამ უკაცრიელ სარობექში მგზავრობას, აქმაიას ღონისა და სიმარდის იმედი არ ჰქონოდა. იმ წელს ბერწად იყო აქმაია, ორჯერ მშობიარობის შემდეგ ისვენებდა და მშვენივრად გამოიყურებოდა. უკეთეს მეგზურს ვერც ინატრებდი. ლართხა ტანი, ღონიერი გრძელი ფეხები, გაკაჟებული ფეხისგულეები სიმძიმის თრევასა და სიბერეს რომ ჯერ არ გაეცვითა, ორი მკვრივი კუზი, დაკუნთულ კისერზე ლამაზად დადგმული ხმელი კობტა თავი, პებლის ფრთებივით გამოყვანილი ნესტოები, ჰაერს რომ ხარბად ისრუტავდა სიარულისას. ეს თეთრი ჯამა აქლემი დიდი ფასი ღირდა, მთელ ჯოგს იყიდდა. მისთანა ფეხმარდ მოწიფულ

ჯამაში ათ ახალ მოზარდს მოგცემდნენ, ოღონდაც მისი შთამომავლობა ჰყოლოდათ. ამ დიდებულ სანაშენო ჯამას გარდა სხვა სიმდიდრე აღარ დარჩა ნაიმან-ანას, დანარჩენი ხელის მტვერით გაქრა, წავიდა. ორმოცისა თუ წლისთავის აშებმა - დალუპულთა სულის მოსახსენებელმა ალაპებმა - ჩანთქა ყველაფერი. ამ ცოტა ხნის წინ უკანასკნელი ალაპი გადაუხადა თავის ბიჭს, ვის საძებრადაც მიჰყავდა ახლა წინათგრძნობას, უსაზღვრო კაემანსა და მწუხარებას. უამრავი ხალხი ჰყავდა იმ ალაპზე, ახლომახლო მიდამოებიდან ყველა ნაიმანი დაესწრო.

გამთენიისას გამოვიდა უკვე სამგზავროდ მომზადებული ნაიმან-ანა იურტადან. ზღურბლს რომ გადმოაბიჯა, შეგა, კარს მიეყრდნო, გამგზავრებამდე ჩაფიქრებით მოავლო თვალი მძინარე აულს. ჯერ ისევ მოქნილი ტანი ჰქონდა ნაიმან-ანას, ჯერ კიდევ შერჩენოდა ადრინდელი სილამაზე. წელზე სარტყელი ერტყა, როგორც შორ გზაზე მიმავალს შვენოდა, ეცვა ჩექმები, შარვალი. კაბის ზემოდან უსახელო ახალუხი, მხრებზე თავისუფლად ჩამოშვებული მოსასხამი. თავზე თეთრი მანდილი წაეკრა, მანდილის წვერები უკან, კეფაზე გაესკვნა. ასე გადაწყვიტა იმ თეთრად გათენებულ ღამეების ხანს - თუ იმედი აქვს, შვილის ცოცხლად ნახვისა, ძაძა რად უნდა, ხოლო იმედი თუ გაუცრუვდა, მერეც მოასწრებს სამუდამო შავი მანდილის მოხვევას. დილის ბინდბუნდში აღარ უჩანდა დედას გაჭალარავებული თმა და ღრმა მწუხარების დაღი - ნაოჭების ღარი ნაღვლიან სახეზე. თვალები დაენამა იმ წუთს და ღრმად ამოიორა. განა ოდესმე იფიქრებდა, ამასაც რომ მოესწრებოდა, მაგრამ თავს მოერია, გამხნევდა. „აშვადან ლა ილა ალა“, - წაიჩურჩულა ლოცვის პირველი სტროფი (არ არს ალაჰი თვინიერ ალაჰისა) და მერე მტკიცედ გაემართა ჯამა აქლემისაკენ, მუხლებზე წამოაჩოქა. ჩვეულებრივ ახლაც შეიღრინა აქმაიამ, ხმადაბლა დაიბღავლა

რამდენჯერმე, მერე ღინჯად დანვა მკერდით მიწაზე. სწრაფად გადაჰვიდა უნაგირზე ხურჭინი ნაიმან-ანამ, თვითონაც შეაჯდა აქლემს. ადექიო, უბრძანა და აქლემიც წამოდგა, ფეხები გამართა, თავისი პატრონი მალლა აიტაცა. მიხვდა აქმაია - შორი გზა უწევდა...

არავინ იცოდა აულში ნაიმან-ანას გამგზავრების ამბავი. გარდა მისი ნათესავი მსახური ქალისა, წამდაუნუმ რომ ამოქნარებდა. მან გააცილა მხოლოდ ნაიმან-ანა. წუხელვე უთხრა მას ნაიმან-ანამ, რომ თავის თორქუნებთან - ნათესავებთან - მიემგზავრება სტუმრად, ხოლო იქიდან, თუ მლოცველები ნახა, მათთან ერთად წავა ყვიჩაღთა მიწაზე წმინდა იასავის ტაძარში სალოცავად...

იგი აღრიანად გაემგზავრა, რომ კითხვებით არავის გაეგზავრებინა აულს გაშორდა და საროზექისკენ აილო გეზი ნაიმან-ანამ, შორს, უმოძრაო სიცარიელეში ბნელდ რომ მოჩანდა...

მატარებლები ამ მხარეში აღმოსავლეთიდან დასავლეთით, ხოლო დასავლეთიდან აღმოსავლეთით მიგრიალებდნენ...

რკინიგზის გაღმა-გამოღმა უზარმაზარი უკაცრიელი სივრცე – სარი-ოზექი გადაჭიმულიყო, ყვითელ ტრამალთა შუაგულ მიწები.

ამ მხარეში ყველა მანძილი, გრინვიჩის მერიდიანის დარად, რკინიგზასთან მიმარჯვებით ისაზღვრებოდა...

მატარებლები კი აღმოსავლეთიდან დასავლეთით, ხოლო დასავლეთიდან აღმოსავლეთით მიგრიალებდნენ...

ავიოსან „კონვენციის“ ქიმიდან კიდევ ერთი დაშიფრული რადიოგრამა გაეგზავნა „პარიტეტის“ ორბიტალურ სადგურზე კოსმონავტ-კონტროლიორებს. ეს რადიოგრამა კატეგორიულად აფრთხილებდა მათ, მზის სისტემის მიღმა მდებარე მყოფ 1-2 და 2-1 პარიტეტ-კოსმონავტებთან რადიო-კავშირი არ ჰქონოდათ ორბიტა-სადგურზე მათი დაბრუნების დროისა და საშუალებათა განსასჯელად. ვინემ მართვის საერთო ცენტრიდან მითითებებს არ მიიღებდნენ.

ოკეანეზე ქარიშხალი ქროდა, თუმცა მთელი ძალით არა, ავიოსანს შესამჩნევად ატორტმანებდა ტალღებზე. წყნარი ოკეანის წყალი ფურთუნებდა. უზარმაზარი გემის ქიმებს ეტყლაშუნებოდა. მზე ისევ და ისე დაჰკაშკაშებდა ზღვის სივრცეს, რომელზეც გაუთავებლივ მოგორავდა და მოგორავდა თეთრქაფიანი ტალღები. ქარი თანაბარი ძალით ქროდა.

ავიოსან „კონვენციაზე“, ავიოფრთისა და სახელმწიფო ინტერესთა უშიშროების ჯგუფების ჩათვლით, ყველანი ფხიზლად, ყველანი მომზადებულნი იყვნენ...

უკვე რამდენიმე დღეა ერთფეროვანი ბუზუნ-ბუზუნით და ოდნავ გასაგონი ფლატუნით მიჩინდრიკებდა თეთრი ჯამა აქმაია დიდი სარობეჯის ხევხუვებსა თუ სწორეზე, პატრონი კი მაინც მიდენიდა და მეიერეკებოდა მას უდაბნოს გახურებულ მიწაზე. მხოლოდ ღამით შეჩერდებოდნენ ხოლმე ჭასთან; ჭები ამ მხარეში იშვიათი იყო. დილიდან კი ისევ და ისევ მიეშურებოდნენ სარობეჯის უთვალავ ველებში დაკარგულ აქლემების დიდი ჯოგის საძებრად. აქ, სარობეჯის ამ მიდამოებში, მრავალ კილომეტრზე გაჭიმულ მალაჯუდიაში მოწითალო ქვიშიან ხრამთან შეხვედრიათ ამას წინ იმ მგზავრ ვაჭრებს მწყემსი მანქურთი, ვისაც ახლა ნა-

იმან-ანა დაეძებდა. აგერ უკვე მეორე დღეა მაღაყუმდიჩათის ირგვლივ დანრიალეებდა, აკვირდებოდა შორეთს, ხან იქით გაუხვევდა, ხან აქეთ, თუმცა ჟუანჟუანებთან შეფეთებისა კი ეშინოდა, მაგრამ ყველგან ტრამალი იყო, ტრამალი და მაცდური მირაჟები. ერთხელ მართლაც მოტყუვდა, კარგა ხანი იარა მიხვეულ-მოხვეული გზით იმ მეჩეთებიან და ციხე-გალავნიან ქალაქამდე. იქნებ იქ ჰყავდათ წაყვანილი მისი ბიჭი მონების ბაზარზე გასაყიდად? მაშინ უკან შემოისვამდა თავის შვილს აქმაიაზე და აბა ეცადა ვისმე მათი დანევა... ძნელი, ძნელი ყოფილა უდაბნოში მგზავრობა, მიტომაც მოელანდა ასე.

არაა, არაა იოლი საროზექში ადამიანის პოვნა, რალა კაცი და რალა ქვიშის მარცვალი აქა, მაგრამ თუ დიდ ჯოგს უდგას საძოვარზე, კარგა დიდ ადგილზე გაშლილს, ადრე თუ გვიან ერთ პირუტყვს მაინც მოჰკრავ თვალს საძოვრის კიდეზე. მერე სხვებს დაიანახავ, ჯოგთან კი მწყემსსაც აღმოაჩენ. ამ იმედით იყო სწორედ ნაიმან-ანა.

მაგრამ ჯერჯერობით არსაით არაფერი ჩანდა. უკვე შიშიც შეეპარა, ვაითუ სხვა ადგილზე გადარეკვს ჯოგი, უფრო მეტიც - ვაითუ ეს აქლემები ჟუანჟუანებმა ყველა ერთად ხივაში ან ბუხარაში წალალეს გასაყიდად. დაბრუნდება კი მაშინ მწყემსი იმ გადაკარგული მინებიდან?.. ნაიმან-ანა დარდითა და ეჭვებით გულგამოჭმული წამოვიდა აულიდან, იმასლა ნატრობდა, ოლონდაც ცოცხალი ვნახო ჩემი ბიჭი და გინდაც მანქურთი თუ რაც უნდა იყოს, გინდაც არ ახსოვდეს არაფერი, არ ჰქონდეს გონი, ოლონდ პირში სული ედგასო. განა ეს ცოტაა! მაგრამ რაც უფრო შეღრმავდა საროზექში და იმ ადგილებს მიუახლოვდა, სადაც ამ ცოტა ხნის წინ ქარავნით ჩავლილ ვაჭრებს ენახათ მწყემსი, დედას უფრო და უფრო ბარავდა ის ფიქრი, ვაითუ ჭკუით სახიჩარი ვნახო შვილიო. ეს შიში უწურავდა და უმძიმებდა გულს. და მაშინ

ღმერთს ვედრიდა, ოღონდ მისი შვილი ნუ იქნება, ოღონდაც სხვა ვიღაც უბედური იყოს, ხმასაც არ ამოიღებს, უსიტყვოდ შეურიგდება ამ აზრს, რომ მისი ბიჭი ცოცხლებში არ წერია და არც შეიძლება ეწეროს, ხოლო თუ მიდის, მხოლოდ იმიტომ, მანქერთს შეხედოს, დარწმუნდეს, რომ მისი იჭვი მცდარია, და მაშინვე უკან გამობრუნდეს. გულს აღარ გამოუჭამს დარდი, თავის დარჩენილ წუთისოფელს ისე გალევს, როგორც განგება ინებებს... მაგრამ მერე ისევ და ისევ აიტანდა დარდი, ისევ და ისევ იმორჩილებდა სურვილი, სარობეჭში სხვა კი არა, სწორედ თავისი შვილი ენახა, რა შემზარავიც არ უნდა ყოფილიყო მისთვის ეს ამბავი...

ამ გრძნობათა ჭიდილში იყო, როცა ანაზღად, დამრეცი გორის გადავლისას, აქლემების მრავალრიცხოვანი ჯოგი დაინახა. ასობით აქლემი თავისუფლად ძოვდა განიერ ველზე. ნაპატიები, მურა ფერის პირუტყვები დაბალ ჯაგებსა და ეკლიანებს მოღებოდნენ, ნეკერს აკვნეტდნენ ბუჩქებს. ნაიმიან-ანამ ქუსლი ჰკრა და სწრაფად გააქანა იქით აქმაია. ჯერ ლამის დაახრჩო სიხარულმა, რომ ბოლოს და ბოლოს მაინც იპოვა ჯოგი. მერე კი შიშმა აიტანა, თავით ფეხებამდე აკანკალდა, ისე შეზარა ფიქრმა, რომ ახლა მანქერთად ქცეულ თავის შვილს ნახავდა. მერე ისევ სიხარულმა სძლია და უკვე თვითონაც აღარ იცოდა, რა ხდებოდა მის თავს.

ჯოგი აქ იყო, მაგრამ მწყემსი რომ არ ჩანდა? ალბათ სადმე აქ იქნება. საძოვრის მეორე თავში მართლაც კაცი იდგა, ვინ იყო, შორიდან ვერ გაარჩევდი. კომბალი და უკან მდგარი საპალნიანი საჯდომი აქლემის სადავე ეპყრა, ჩამოფხატული ქუდიდან მშვიდად გასცქეროდა მოახლოებულ ქალს.

რომ მიუახლოვდა და შვილი იცნო ნაიმან-ანამ, აღარც ახსოვს, როგორ ჩამოცურდა აქლემის ზურგიდან. მგონი, კიდეც დაეცა, მაგრამ ტკივილი ვის ახსოვდა!

- ჩემო შვილო, ჩემო სისხლო და ხორცო! მე კი ირგვლივ დაგეძებ! - ისე გაექანა შვილისკენ, თითქოს უსიერი ტყე აშორებდა მისგან, - მე დედაშენი ვარ!

მაგრამ იმწამსვე მიხვდა ყველაფერს და მწარედ, საზარლად აქვითინდა, სულ ფეხები ურტყა მიწას, აკანკალებული, მოღრეცილი ტუჩები დაიჭიმა, თავს რომ მორეოდა, მაგრამ ვერ მოერია. არ წავიქცეო, გულგრილად აყუდებულ შვილს მოეჭიდა, მწუხარებით ზარდაცემული ტიროდა და ტიროდა, ეს უბედურება დიდი ხანია ელოდა და ჰა, დაატყდა კიდეც თავზე, გათელა და მიწაში ჩაიტანა. მტირალი მისჩერებოდა შვილს, სველი თმის ბლუჯებიდან, აკანკალებული თითებიან უჭვრეტდა. გზის მტვერს რომ უდღლაბნიდა სახეზე. აცქერდებოდა ნაცნობ ნაკვთებს და ცდილობდა შვილის მზერა დაეჭირა. იმედი მაინც უბუუტავდა, იქნებ მიცნოსო - განა რა უნდა საკუთარი დედის ცნობას.

მაგრამ მის ნახვას შვილზე არა გავლენა არ მოუხდენია, თითქოს ეს ქალი სულ აქ იყო და ყოველდღე მოდიოდა მასთან. ისიც კი არ ჰკითხა, ვინა ხარ ან რა გატირებსო. რამდენიმე ხნის შემდეგ მწყემსმა ქალის ხელი მოიცილა და წავიდა, თან გაიყოლა თავისი განუყრელი საპალნიანი საჯდომი აქლემი, წავიდა ჯოგის მეორე მხარეს იმის სანახავად, შორს ხომ არ გაიქცნენ თამაშით გატაცებული ახალმოზარდი აქლემებიო.

ნაიმან-ანა კი ისევ იქ დარჩა. ჩაცუცქდა, სახეზე ხელები მიიფარა. ასე იჯდა ერთხანს თავაულებლივ. მერე მოიკრიფა ძალა და შვილისკენ გასწია ნაძალადევი სიმშვიდით. მანქურთმა შვილმა კი, ვითომ აქაც არაფერიო, უაზროდ, უნდილად შეხედა მჭიდროდ ჩამოფხატული ქუდიდან და თითქოს მკრთალმა ღი-

მილმა გადაურბინა გალეულ, მზისა და ქარისგან გარუჯულ, გატლანქებულ თავ-პირზე. თუმცა თვალები კი, ამქვეყნად ყველაფრისადმი უხალისოდ მზირალი თვალები კვლავინდებურად გულგრილი, გაუცხოებული დარჩა.

- დაჯე აქ, ვილაპარაკოთ, - მძიმე ოხვრით უთხრა ნაიმანანამ.

ორივენი მიწაზე დასხდნენ.

- მიცანი თუ არა? - ჰკითხა დედამ.

მანქურთმა უარის ნიშნად თავი გააქნია.

- რა გქვია?

- მანქურთი, - უპასუხა შვილმა.

- ახლა გქვია ასე, ძველად კი რა გერქვა? აბა გაიხსენე შენი ნამდვილი სახელი.

მანქურთი ღუმდა, დაძაბვისაგან ცხვირის კეხზე ოფლის მსხვილი წვეთები დაასხდა, თვალები დაებინდა, თითქოს რაღაც აუციმციმდა შიგ. ხედავდა დედა, გახსენებას ცდილობდა მისი შვილი, მაგრამ წინ ალბათ ყრუ კედელი აემართა და ვერ დაეძლია იგი.

-მამაშენს რა ერქვა? შენ თვითონ ვინა ხარ, სადაური, ვისი შვილი? ის მაინც თუ იცი, სად დაიბადე?

არა, არაფერი ახსოვდა, არაფერი იცოდა მანქურთმა.

- ეს რა გიყვებს! - წაიჩურჩულა დედამ და ისევ აუკანკალდა უნებურად ტუჩები. ბრაზმა, რისხვამ და მწუხარებამ ლამის დაახრჩო, ისევ აუტყდა ქვითინი, ვერა და ვერ დაიოკა. დედის ტანჯვა ახლოს არ გაჰკარებია მანქურთის გულს.

- შეიძლება მიწა მოსტაცო, სიმდიდრე, სიცოცხლეც კი წაართვა ადამიანს, - ამოილაპარაკა დედამ ხმამაღლა, - მაგრამ ვის მოაფიქრდა, ვინ გაბედა მეხსიერება დაუკარგოს ადამიანს?! ჰოი, ღმერთო, თუ სადმე ხარ, ასეთი რამ რად ჩააგონე ადამი-

ანს?! განა ისედაც ცოტა ცოდვა და ბოროტება ტრიალებს წუთი-სოფელში?

მაშინ თქვა სწორედ, მანქერთი შვილის შემყურემ, ის განთქმული გლოვის ზარი მზებე, ღმერთზე, თავის თავზე, ახლაც რომ ჰყვება მცოდნე ხალხი, როცა კი სარობეჯის ისტორიაზე ჩამოვარდება სიტყვა...

მაშინ დაიწყო ის თავისი ტირილი, ახლაც რომ იხსენებენ მცოდნეები:

- მენ ბოთასი ოლგენ ბოზ მაია, თულიბინ ქელიფ ისქეგენ¹⁰.

მაშინ აღმოჰხდა სულიდან მოთქმა, ხანგრძლივი უნუგეშო გოდება დუმილით მოცულ უკიდევანო სარობეჯში...

მაგრამ არა გაჰკარებია მისი მანქერთი გულს. მაშინ გადაწყვიტა ნაიმან-ანამ აღარაფერი ეკითხა, ჩაგონებითლა ეცადა გაეგო მის შვილს, ვინც იყო იგი.

- შენი სახელი ჟოლამანია: გესმის, შენ ჟოლამანი ხარ. მაშენს კი დონენბაი ერქვა, ნუთუ არ გახსოვს მამაშენი? აკი მან გასწავლა მშვილდ-ისრის სროლა ბავშვობაში, მე კი დედა ვარ შენი, ხოლო შენ ჩემი შვილი. შენ ნაიმანების ტომისა ხარ, გაიგე? შენ ნაიმანი ხარ...

მანქერთი უგულისყუროდ უსმენდა დედის ამ სიტყვებს, თითქოს ლაპარაკი მასზე არ იყო. ალბათ ასევე მოუსმენდა კუტკალიას ტკაცანს ჯოყარში.

მაშინ ჰკითხა ნაიმან-ანამ თავის მანქერთ შვილს:

- მანამდე რა იყო, ვინემ აქ მოხვედი?
- არაფერი არ იყო,
- დღე იყო თუ ღამე?

¹⁰ მე ცრემლით გაღლობილი დედა აქლემი ვარ, მოსული ყნოსვად ჩალით დატენილი ჩემი კობაკის ტყავისა..

- არაფერი არ იყო.
- ვის გინდა ხოლმე ელაპარაკო?
- მთვარეს. მაგრამ ჩვენ არ გვესმის ერთმანეთის... იქ ვილა-
ცა ზის.

- კიდევ რა გინდა?
- ჩემი პატრონისთანა კვიკინა მქონდეს.
- აბა მაჩვენე, რა გიყვეს თავზე, - შვილისკენ გადაიხარა
ნაიმან-ანა.

მანქურთი უკან გახტა, ქედზე იტაცა ხელი, დედისთვის
ალარ შეუხედავს. მიხვდა ნაიმან-ანა, რომ შვილთან თავზე სიტ-
ყვა არ უნდა დასცდეს.

ამ დროს შორით, ვილაც კაცი გამოჩნდა, აქლემზე შემტდა-
რი მათკენ მოემართებოდა.

- ეგ ვინაა? - ჰკითხა ნაიმან-ანამ.
- ჩემთვის საჭმელი მოაქვს ხოლმე, - მიუგო შვილმა.

ნაიმან-ანა შეშფოთდა – უნდა მალე მიმალულიყო, ვინემ
ეს უდროოდ დროს გამომტყვრალი ჟუანჟუანი დაინახავდა. მან
წამოაჩოქა თავისი ჯამა მიწაზე და უნაგირზე შეტდა.

- შენ არაფერი უთხრა. მე მალე მოვალ, - დაარიგა შვილი
ნაიმან-ანამ.

შვილმა არაფერი უპასუხა, მისთვის სულ ერთი იყო.

მიხვდა ნაიმან-ანა, რომ აქლემზე შემტდარს არ უნდა გაე-
არა ჯოგში, მაგრამ რალა დრო იყო, ჯოგისკენ მომავალი ჟუან-
ჟუანი ალბათ შეამჩნევდა ჯამაზე შემტდარ ქალს. ფეხით უნდა
წასულიყო, ძოვით გართულ პირუტყვებს უნდა ამოფარებოდა.

კარგა შორს გაშორდა იმ ადგილს ნაიმან-ანა, ღრმა ხევში
ჩავიდა, რომლის კიდეებზე აბზინდა ამოსულიყო. აქ ჩამოქვეით-
და, აქმაია ხეობის ფსკერზე დააწვინა. აქედან დაუნყო თვალ-
თვალი. ჰო ასეც იყო, იმ ჟუანჟუანმა მაინც მოჰკრა თვალი. რამ-

დენიმე ხნის შემდეგ ისიც გამოჩნდა, აქლემს ჩორთით მოერეკებოდა. შუბითა და ისრებით იყო აღჭურვილი. გაოცებული ჩანდა, აქეთ-იქით აცეცებდა თვალებს, ვერ გაეგო, სად გაქრა თეთრ აქლემზე შემჭდარი მხედარი, შორიდან რომ დალანდა, არ იცოდა, საით წასულიყო. ჯერ იქით მხარეს გააქანა აქლემი, მერე აქეთ. დაბოლოს სულ ახლოს ჩაუარა ხეობას. კიდევ კარგი, ნაიმან-ანამ მოისაზრა, აქმაიას მანდილით აუკრა პირი, უცბად არ დაიბლავლოსო. აბზინდის ნაყარიდან ნაიმან-ანამ კარგად გაარჩია ის შუანშუანი. ბანჯგვლა აქლემზე იჭდა, აქეთ-იქით იხედებოდა, გაფიჟვინებული სახე დაძაბული, თავზე შავი ნავივით ქუდი ეხურა. ბოლოებანკეპილი, ბურგზე შავი პრი-ალა კიკინა უკონწიალობდა წყვილად დაწული. უზანგებზე შემდგარიყო შუანშუანი, შუბი მოემარჯვებინა, თავს აქეთ-იქით ატრიალებდა, თვალებს აბრიალებდა. ერთი იმ დუშმანთაგანი იყო, ვინაც საროზექი დაიპყრო, ბევრი ნაიმანი წაასხა მონად და მის ოჯახს ამდენი უბედურება დაატეხა. მაგრამ რა უნდა გაეწყო უიარალო ქალს ამ მძვინვარე შუანშუანელ მეომრის წინააღმდეგ; ან ისეთი რა გადახდა ცხოვრებაში, ისეთი რა შეემთხვა ამ ხალხს, ესოდენ ველური, ესოდენ უწყალო სისასტიკე რომ აკისრებინათ - მონას მესხიერება სამუდამოდ ამოძირკვონ...

იქაურობა რომ მოირბინა შუანშუანმა, ისევ ჯოგისკენ გამოაბრუნა აქლემი.

მოსალამოვდა. მზე ჩაესვენა, მაგრამ დაფიონი კიდევ დიდხანს გიგვიგებდა ტრამალის თავზე. მერე ერთბაშად დაბნელდა და უკუნი ღამე დადგა.

მარტოდმარტომ გაატარა ის ღამე ნაიმან-ანამ ტრამალში, თავისი ბედშავი მანქურთი შვილის შორიახლო, ვერ გაბედა მასთან დაბრუნება, იმის შიშით, წელანდელი შუანშუანი იქნება ამაღამ ჯოგთან დარჩაო.

მაშინ გადაწყვიტა, არამც და არამც არ დაეტოვებინა მონობაში შვილი, ყველაფერი ელონა, ოლონდ თან წაეყვანა. დაე, მანქურთი იყოს, დაე, არაფერი გაეგებოდეს, მაინც თავის სახლში, თავისიანებში იქნება, ჟუანჟუანებს მწყემსად არ ედგება ამ უდაბურ სარობეჟში. ამას უკარნახებდა დედის გული. ის ვერ შეურიგდება იმას, რასაც სხვები ურიგდებიან, თავის სისხლსა და ხორცს მონობაში ვერ დააგდებს. იქნებ მშობლიურ მხარეში დაუბრუნდეს გონი, იქნებ იქ გაიხსენოს სიყრმე...

დილით ისევ შეჯდა აქმაიაზე ნაიმან-ანა. ბევრი იარა შორი გზებით და ისე მიუახლოვდა ჯოგს, რომელიც იმ ღამით კარგა მანძილზე წასულიყო. დიდხანს აკვირდებოდა შორიდან, ჟუან-ჟუანებიდან იქ ხომ არავინ არისო. როცა დარწმუნდა, არავინ იყო, სახელით უხმო თავის შვილს.

- ჟოლამან! ჟოლამან! გამარჯობა შენი!

ვაჟმა მოიხედა და დედამაც სიხარულით შეჰკვივლა, მაგრამ მაშინვე მიხვდა, მხოლოდ ხმაზე მოხედა შვილმა.

კვლავაც შეეცადა ნაიმან-ანა შვილისთვის გაეხსენებინა წარსული, გაეღვიძებინა წართმეული მესხიება.

- გაიხსენე, რა გქვია, გაიხსენე შენი სახელი! - ვედრებით ჩასჩიჩინებდა ვაჟს. - განა არ იცი, მამაშენი რომ დონენბაი იყო? შენ კი ჟოლამანი¹¹ ხარ და არა მანქურთი. ასე იმიტომ დაგარქვით, რომ გზაში დაიბადე. როცა ნაიმანები დიდ სადგომებისაკენ მიეშურებოდნენ. შენ რომ დაიბადე, იმ ადგილს სამი დღე სულ ნადიმი გვქონდა.

¹¹ ჟოლამანი ორი სიტყვისგან წარმოსდგება: „ჟოლ“ - გზა, „ამან“ - ჯანმრთელობა. ნიშნავს: ჯანი არ მოგკლებოდეს გზაში.

დედა უყვებოდა და უყვებოდა შვილს მის წარსულზე, არ ჩერდებოდა, იმედი ჰქონდა - ეგებ ანაზღად რაღაც გაუკრთესო ჩამქრალ მეხსიერებაში, მაგრამ მის მანქნოთ შვილზე არაფერი ჭრიდა, დედა ყრუდ დაკეტილ კარს ეხეთქებოდა და მაინც თავისას იმეორებდა:

- აბა, გაიხსენე რა გქვია? მამაშენი დონენბაი იყო!

მერე ასვა, აჭამა შვილს თავისი საგზლიდან და იავნანაც უმღერა.

მანქნოთს ძალიან მოეწონა სიმღერა, სიამოვნებით მოუსმინა. თითქოს გაუცოცხლდა, გაუთბა გაყინული, ნახშირად ქცეული სახე. მაშინ ჩავონება დაუნყო დეიდამ: დატოვე აქაურობა, ჟუანჟუანები, მე წამომყევი შენს მშობლიურ მხარეში. მანქნოთს ვერ გაეგო, როგორ შეიძლება ადგეს და წავიდეს სადღაც- ჯოგს რა უყოს? არა, პატრონმა დაავალა, ჯოგს წამით არ მოსცილდეო. ასე თქვა პატრონა. ამიტომ ჯოგს ვერამც და ვერამც ვერ მოშორდება.

ბევრი, ბევრი ეცადა ნაიმან-ანა განადგურებული მეხსიერების დახშულ კარში შეეღწია.

- გაიხსენე, ვისი შვილი ხარ? რა გქვია? მამაშენი დონენბაია! - ჩასჩინებდა ისევ და ისევ.

ისე გაუფრინდა დრო ამ ამაო, ფუჭ წადილში, მაშინლა გამოერკვა ნაიმან-ანა, როცა ჯოგის ბოლოში კვლავ გამოჩნდა აქლემიანი ჟუანჟუანი. ამჯერად უფრო ახლოს მოსულიყო და აქლემსაც გამალეებით მორეკავდა. ნაიმან-ანა მყისვე შეაჯდა აქმაიას და იქაურობას გაეცალა. მაგრამ მეორე ბოლოდან ახლა სხვა აქლემიანმა ჟუანჟუანმა უყელა გზა. მაშინ კი ქუსლი ჰკრა ნაიმან-ანამ თავის აქმაიას და შუაში გაუარა ჟუანჟუანებს. ფეხმალმა თეთრმა ჯამამ სწრაფად გააქანა იგი წინ, ჟუანჟუანები კი ყვირილითა და შუბების ქნევით დაედევნენ. მაგრამ ვინ იყო

აქმაიას დამწვევი, თანდათან უკან მოიტოვა მღვერები, რომლებსაც ბანჯგვლა აქლემები უმოწყალოდ აჯიყიყებდნენ. თეთრმა ჯამამ უხშირა სუნთქვას, ჰაერი ბლომად დაიგუბა და სწრაფად გაჰქროლა. გაჰქროლა და ნაიმან-ანა სიკვდილს გააცალა.

რა იცოდა ნაიმან-ანამ, რომ უკან დაბრუნებულმა, გაბოროტებულმა ჟუნჟუნებმა მანქურთი სცემეს. მაგრამ გინდ სცემე და გინდ არა, რა ჭკუა მოეკითხება მანქურთს.

- ასე თქვა, დედაშენი ვარო, - ამასლა გაიძახოდა.

- სადაური დედაშენი ეგ არი! დედა სადა გყავს! არ იცი, რისთვის მოვიდა? არ იცი? ქუდი უნდა წაგაძროს და თავი წაგაცალო! - აშინებდნენ ისინი საწყალ მანქურთს.

მანქურთი გაყვითლდა, ნახშირივით სახე გაუნაცრდა, მხრებში ჩარგო, ხელები ქუდზე იტაცა და ნადირივით დააცეცა თვალები.

- შენ ნუ გეშინია! აჰა, დაიჭი! - უფროსმა ჟუნჟუნმა მშვილდისარი ჩაუდო ხელში.

- აბა ესროლე! - უმცროსმა ქუდი მალლა ააგდო, ისარმა ქუდი გახვრიტა. - აბა უყურე, მკლავს მაინც შერჩენია მეხსიერება! - განცვიფრდა ქუდის პატრონი...

ბუდიდან დამფრთხალი ჩიტივით ირგვლივ უვლიდა ნაიმან-ანა იმ არემარეს. არ იცოდა, რა ექნა, ან ჟუნჟუნები რას განიზრახავდნენ. გადარეკავენ მთელ ჯოგს სხვა ადგილას, დიდი ურდოს ახლოს, და მის ბიჭს თან წაიყვანენ, სადაც ნაიმან-ანა ველარ მივა, თუ ნაიმან-ანას დასაჭერად ჩაუსაფრდებიან? ამ ფიქრებით დაბნეული დედა მოფარებული გზებით მიიწვედა წინ და, რა დაინახა, იმ ორმა ჟუნჟუნმა ჯოგი დატოვა და გზას გაუდგნენ გვერდიგვერდ, უკანმოუხედავად, სიხარულით ცას ეწია. დიდხანს გასცქეროდა იმ ორს ნაიმან-ანა, და, როცა თვალს მოეფარენ, შვილთან მობრუნება გადაწყვიტა. არა, თავს მოიკლავს

და ახლა თან წაიყვანს თავის შვილს. როგორიც არ უნდა იყოს - რა მისი ბრალთა, ასე უკუღმართად რომ წაუვიდა ბედი, ასე უწყალოდ რომ დააბეჩავეს მტრებმა, დედა მაინც არ დატოვებს მონობაში თავის შვილს, დაე, თავისი თვალთ ნახონ ნაიმანებმა, როგორ ასახიჩრებენ, ამცირებენ და გონს ართმევენ მომხდური გადამთიელნი ტყვე ჯიგიტებს, ნახონ და აღშფოთებულმა იარაღზე იკრან ხელი. განა მინაზება საქმე, მინა ყველას ეყოფა, მაგრამ ჟუანჟუანებს ეს არაკაცობა შორმა მეზობლებმაც კი არ უნდა აპატიონ.

ამ გადანწყვეტილებით მიდიოდა ნაიმან-ანა თავის შვილისკენ და სულ იმაზე ფიქრობდა, როგორ დაერწმუნებინა, როგორ დაეყოლიებინა ამ სალამოსვე გაქცეულიყვნენ...

უკვე ბნელდებოდა. წითელი ბინდბუნდი მოჰყვებოდა ხეებს და ველებს. დიდ სარობეჭზე კიდევ ერთი ღამე ეშვებოდა, კიდევ ერთი ღამე გარდასულ თუ მომავალ ურიცხვ ღამეთა შორის. თეთრ ჯამას მჩატედ, ლალად მიჰყავდა თავისი პატრონი დიდი ჯოგისკენ. ჩამავალ მზის სხივებზე მკაფიოდ ჩანდა ნაიმან-ანა აქლემის კუზებშუა. ფერი გაკრთობოდა ნაიმან-ანას, შეწუხებული მიდიოდა, ფხიზლად, გოროზად იყურებოდა აქეთ-იქით. ჭალარა თმა, ნაოჭებით დაღარული, დაფიქრებული სახე, თვალელებში კი, სარობეჭის ამ ბინდბუნდივით განურინებული ტკივილი... აგერ, მიაღწია კიდევ ჯოგს, საძოვარზე მიმობნეულ პირუტყვებში გაიარა, აქეთ-იქით მიმოიხედა, მაგრამ შვილს ვერსად ჰკრა თვალი, საჯდომი საპალნიანი აქლემი რატომღაც თავისუფლად ძოვდა, სადავე მინაზე მისთრევდა. მაგრამ თვითონ კი არ ჩანდა. ხომ არაფერი დაემართა?

- ჟოლამან! შვილო ჟოლამან, სადა ხარ? - დაუძახა ნაიმან-ანამ. არავინ გამოჩენილა, არავინ გაეხმიანა.

- ჟოლამან! სად ხარ? ეს მე ვარ, დედაშენი! სადა ხარ?

აქეთ-იქით მიმოიხედა შეშფოთებულმა დედამ, ის კი ვერ შეამჩნია, რომ მისი მანქურთი შვილი, აქლემის ჩრდილს მოფარებული, უკვე ჩამუხლულიყო და მშვილდზე მოჭიმულ ისარს უმიზნებდა, მზის ათინათი უშლიდა და მარჯვე წამს ელოდა.

- ჟოლამან! ჟოლამან, შვილო! - ეძახდა ნაიმან-ანა შეშინებული, ხომ არაფერი დაემართაო. უნავირზე შებრუნდა. - არ ისროლო! - ესლა მოასწრო ეყვირა და ის იყო თეთრ აქმაიას ქუსლი ჰკრა შვილისკენ მისაბრუნებლად, რომ ისარმა გაიზუმუნა და მარცხენა ბეჭში, მკლავს ქვემოთ ჩაესო.

ეს იყო სასიკვდილოდ ნასროლი ისარი. ნაიმან-ანა გადმოიხარა, აქლემის ყელს მოეჭიდა და ნელ-ნელა ჩამოცურდა ძირს. მანამდე კი თავიდან მანდილი წასძვრა, ჰაერში ფრინველად იქცა და ძახილძახილით გაფრინდა: „გაიხსენე, ვისი ხარ? რა გქვია? მამაშენი დონენბაია! დონენბაია! დონენბაია!“

ამბობენ, მას აქეთ დაფრინავს ლამღამობით დონენბაი ჩიტო. მგზავრს რომ დაინახავს, ახლოს მიჰყვება და გასძახის: „გაიხსენე, ვისი ხარ? ვინა ხარ? რა გქვია? მამაშენი დონენბაია! დონენბაი დოდენბაი!..“

ადგილს, სადაც ნაიმან-ანა დამარხეს საროზექში, ანა-ბეითი - დედის სამარხი დაერქვა.

თეთრ ჯამა აქმაიას მრავალრიცხოვანი შთამომავლობა დარჩა. მისი ჯიშის დედა აქლემები მასავით თეთრთავა იბადებოდნენ და იმ არემარეში განთქმულნი იყვნენ, ხოლო ლიონები, პირიქით, შავთავა და ლონიერნი იყვნენ, ახლანდელი ყარანარის მსგავსად.

განსვენებული ყაზანგაპი. ვისაც ახლა ანა-ბეითზე მიასვენებენ მუდამ ამტკიცებდა, ბურანელი ყარანარი უბრალო ჯიშის არ გეგონოთ, იგი ნაიმან-ანას დალუპვის შემდეგ საროზექში

დარჩენილი აქმაიას, განთქმული თეთრი ჯამა აქლემის ჩამომავალიაო.

სჯეროდა ყაზანგაპის ეს ნათქვამი ედიღეის. ან რატომ არ უნდა დაეტყუებინა... ბურანელი ყარანარი დიახაც იმსახურებდა ამას. ჭირსა თუ ლხინში მუდამ მხარში ედგა ყარანარი თავის პატრონს, გაჭირვების ტალკვესი იყო მისთვის... ოლონდაც ახურების დროს ხდებოდა აუტანელი, მუდამ ყინვებში მოსდიოდა ეს. იცოცხლე, მაშინ მძვინვარებდა, ზამთარი და ის ერთად მძვინვარებდნენ, ორი ზამთარი გამოდიოდა რაღა. ვერაფერს გააწყობდი მასთან ამ დროს.. ერთხელ ცუდი საქმე უყო ედიღეის, ერთობ ცუდი. კაცი კი არა, ვთქვათ, სხვა გონიერი არსება ყოფილიყო, თავის დღეში არ აპატიებდა ბურანელი ედიღეი ამ ამბავს ბურანელ ყარანარს... მაგრამ ახურების ხანს გამოთაყვანებულ აქლემს რა ჭკუა უნდა მოჰკითხო, რა მისი ბრაღია... განა პირუტყვზე შეიძლება გულის მოსვლა; უბრალოდ სიტყვამ მოიტანა, თორემ ბედია დამნაშავე ყველაფერში, ბედმა იწება ასე, ბურანელი ყარანარი რა შუაშია? აი, ყაზანგაპმა კარგად იცოდა ეს ამბავი. მანვე განსაჯა, თორემ, ვინ იცის, რანაირად დატრი-ალდებოდა ყველაფერი

თავი 7.

1952 წლის ზაფხულის მიწურულსა და შემოდგომის დამდეგს ბედნიერების საოცარი გრძნობით იხსენებდა ბურანელი ედილეი. ჯადოქარივით აუხდა ნაწინასწარმეტყველები. იმ საშინელი ხვატის შემდეგ, როცა საროზექის ხვლიკებიც კი სახლის ზღურბლს აწყდებოდნენ, ოღონდაც მზეს დამალოდნენ, უკვე აგვისტოს ნახევარში ამინდმა უეცრივ იცვალა პირი. დაცხრა გაუსაძლისი სიციხე, ნელ-ნელა დაჰბერა სიგრილემ, ყოველ შემთხვევაში, ღამე მაინც მოსვენებით ეძინა კაცს. საროზექშიც იცის ხოლმე ასეთი დალოცვილი ამინდი.

ყოველ წელს არა, მაგრამ შიგადაშიგ მაინც ზამთარი მუდამ ზათარს ჰგავს, მუდამ მკაცრია, სასტიკი, ზაფხულში კი ზოგჯერ სულს მოგათქმევინებს, გაგანებივრებს ადამიანს. ეს მაშინ არისო, ამბობდა ელიზაროვი, როცა საჰაერო დინების ზედა ფენებში დიდი ძვრები ხდებოდა, ჰაერის ნაკადები მიმართულებას იცვლიანო. ელიზაროვს უყვარდა ასეთ რამეებზე ლაპარაკი, ამბობდა ხოლმე, რომ ზემოთ ვეებერთელა, უხილავი მდინარეები მიედინება, თავისი ნაპირები აქვს და აღიდებაც იცისო. ეს მდინარეები განუწყვეტლივ მიმოიქცევიან დედამიწის ირგვლივო. ჰოდა, ქარებით გარემოცული ვალს დედამიწაც და სიმრგვალესა თვისსა გარემოიქცევს, დროის დინებაც ამას ჰქვიაო. არაფერი სჯობდა ელიზაროვის მოსმენას. სანთლით საძებარია ასეთი ხალხი. იშვიათი კაცი იყო. დიდად აფასებდა ბურანელი ედილეი ელიზაროვს და ისიც ასევე პატივსა სცემდა. ჰოდა, მაშასადამე, ის ციური მდინარე, ხანდახან რომ საროზექში სიგრილე და შვე-

ბა მოაქვს, თაკარა სიცხეში ღაბლა ჩამოდის და ჰიმალაის ეჯახება. ჰიმალაი კი ხომ, ღმერთმა იცის, რა სიმაღლეზეა. მაგრამ მიწური საზომით მაინც არც ისე შორია. ჰაერის მდინარე ჰიმალაის რომ დაეჯახება, უკანვე იქცევს პირს; ინდოეთსა თუ პაკისტანში ვერ ხვდება, სიცხე იქ სიცხედ რჩება, სარობეჯის თავზე კი გაიშლება ხოლმე, ვინაიდან სარობეჯი ზღვის დარად, გაშლილი სივრცეა, სადაც არაფერი ელობება და სივრილე მოაქვს ჰიმალაიდან...

ასეა თუ ისე, გაგიხარია, ისეთი ამინდი გამოვიდა იმ წელს ბაფხულის მიწურულსა და შემოდგომის დამდეგს. წვიმები იშვიათი მოვლენაა სარობეჯში. ყოველი წვიმა დიდხანს გამახსოვრდება კაცს. მაგრამ ის წვიმა სამიდღემჩიოდ დაამახსოვრდა ბურანელ ედილეის. ჯერ ღრუბლები მოიყარა ცაზე, უჩვეულოც კი იყო, რომ სარობეჯის თაკარა, სულ ერთნაირი ცის ნიადაგ ცარიელი სიღრმე ღრუბლებმა დამალა. ისე შეიხუთა ჰაერი, ისეთი სიცხის ბული დადგა, სულს ვერ მოითქვამდი. ედილეი იმ დღეს გადამბმელად მუშაობდა. ასაქცევის ჩიხში კიდევ სამი ბაქანი ხრეში და ფიჭვის განძელები დარჩა გადმოსატვირთი. დანარჩენი წინადღეს გადმოტვირთეს. სულ ასეა ხოლმე, გაჩქარებენ, ცეცხლს გიკიდებენ, ჩქარა, ჩქარა, სასწრაფოა, მერე კი აღმოჩნდება, რომ არც ისე სასწრაფო ყოფილა. გადმოტვირთვის შემდეგ ნახევარი დღე იდგა ის ბაქნები ჩიხში. გადმოტვირთვაზე ყველა მიასიეს - ყაზანგაპი, აბუტალიფი, ზარიფა, უქუბალა, ბუქეი, ვინც რკინიგზის ხაზზე არ იყო, ყველა ამ საქმეზე დააყენეს. მაშინ ხომ ყველაფერი ხელით უნდა გეკეთებინა არადა, რა სიციხით იწვოდა ყველაფერი. რალა მაინცდამაინც ამ სიციხეში მოაყენეს ეს ბაქნები ასაქცევს. მაგრამ რახან საჭიროა, სხვა რა ჩარაა. დაიწყეს მუშაობა. უქუბალას პირსაქმება აუტყდა, გაფისული ცხელი განძელების სუნზე სულ ასე მოსდიოდა. ჰოდა შინ გაუშ-

ვეს ქალი. მერე ყველა ქალი დაითხოვეს - სახლში ბაღლებს აცლიდა სიქას სიციხე. მარტო კაცები დარჩნენ, თავი მოიკლეს და მაინც მოათავეს საქმე.

მეორე ღლეს, განვიმებამდე, ცარიელი ვაგონები სატვირთო მტარებლისთვის უნდა გაეყოლებინათ ქუჩებელში. ვინემ ლიანდაგზე გადაიყვანდნენ, ვინემ ვაგონებს ერთმანეთს გადააბამდნენ, კინალამ გაგუდა ედიღეი სიციხემ, თავი სალდათურ აბანოში ეგონა. მზეს ეცხუნებინა, ათასჯერ ერჩივნა. მემანქანეც ისეთი ზოზინა გამოდგა, აღარ დააყენა საშველი, წამალივით ჩაის კოფ-ზობით იზოგავდა საქმეს. შენ კი იმ დროს სამად მოკეცილი ვაგონების ქვეშ იყავი შემძვრალი. გიყვარდეს, დედა აგინა ედიღე-იმ იმ მემანქანეს. იმანაც კარგები შემოუკურთხა თავის მხრივ. არც იმას ადგა კაი დღე ორთქლმავლის საცეცხლურთან. სიციხემ გადარია ორივე. ღვთის მადლით, როგორც იქნა, წავიდა სატვირთო, ცარიელი ბაქნები წაარიხინა.

და უცბად დასცხო, მაგრამ რა დასცხო წვიმამ. ცამ გახსნა პირი, რაც წვიმები არ მოსულიყო, ახლა მოვიდა. შეცახცახდა დედამინა, მყის აბუყბუყდა, გუბეებით დაიფარა. გახელებით, გაშმაგებით ასხამდა წვიმა, რაც ჰიმალაის თოვლიან მთებიდან სიგრილე და ტენი წამოეღო - თუ მართალი იყო, რასაც ამბობდნენ - ახლა გადმოაფრქვია ერთიანად. ბარაქალა, ჰიმალაი! ძალა იმას ჰქონია! ედიღეი შინისკენ გაიქცა. თუმც ვერ იტყოდა, რატომ. უბრალოდ ისე, როცა გზაში გაუნვიმდება, ადამიანი ან შინ მირბის, ან სადმე აფარებს თავს. რას იზამ, ჩვევაა, თორემ ამისთანა წვიმას რად უნდა დამალვოდა კაცი? ამას მაშინ მიხვდა, როცა დაინახა, ქუთიბაევეების მთელ ოჯახს - აბუტალიფს, ზარიფას და მათ ორ ბიჭს, დაუღსა და ერმექს, ერთურთისთვის ხელი ჩაეკიდათ და თავიანთი ბარაკის გვერდზე ხტოდნენ და ცეკვავენდნენ, გაოცდა ედიღეი და შეეყოვნდა. განა იმიტომ, რომ ხტუნავ-

დნენ, წვიმას შეხაროდნენ. წვიმა არც წამოსულიყო, აბუტალიფი და ზარიფა რომ შინისკენ გაეჩქარენ, განძელებზე ფართო ნაბიჯით მიაბოტებდნენ. ახლალა მიხვდა, რატომაც. თავის შვილებთან უნდოდათ ყოფილიყვნენ ამ წვიმაში. ედიღეის ასეთი რამ ფიქრადაც არ მოუვიდოდა. ისინი კი ამ კოკისპირულ წვიმაში ცეკვავდნენ, ყვიროდნენ, როგორც არალის ზღვაზე დაფრენილი გარეული ბატების გუნდი! ეს მათი ზეიმი იყო, ციდან მოვლენილი შვევა და მადლი. თურმე რარიგ მონატრებოდათ, მოწყურებოდათ საროზექში წვიმა. გაეხარდა და გაეცინა კიდევ ედიღეის, შეეცოდა ეს ბედისაგან გარიყული ადამიანები, წუთიერ სიხარულსაც რომ ასე ებლაუჭებოდნენ ბორანლი-ბურანის ასაქცევზე.

- ჩვენთან მოდი, ედიღეი!—გამოსძახა ამ თავსხმიდან აბუტალიფმა და ხელები მოცურავესავით აიქნია.

- ედიღეი ძია! - სიხარულით გამოიქცნენ მისკენ ბიჭებიც.

უმცროსს, სამი წლის ერმექს, ხელები გაეშალა და ისე მირობოდა მისკენ. პირი ღია ჰქონდა და წვიმა შიგ ესხმოდა. ედიღეის გამორჩეულად უყვარდა ეს ბიჭი. აუნერელი სიხარულით, გმირობის გრძნობითა და ეშმაკობით გაბრწყინებოდა ერმექს თვალები. ედიღეიმ ხელში აიტაცა, დააბზრიალა ბიჭი, სხვა რა ექნა, აღარ იცოდა, სულაც არ აპირებდა ამ ოჯახურ ფერხულში ჩაბმას. მაგრამ ამ დროს სახლია კუთხიდან ჭყვივლით გამოცვივდნენ საულე და შარაფათი, ედიღეის გოგოები. ქუთიბაევების ურიაშული გაეგონათ. ისინიც ბედნიერები გახდნენ. „მამა, ვირბინოთ, ვირბინოთ!“ - მოსთხოვეს შვილებმა ედიღეის და იმასაც აღარ უყოყმანია, ახლა უკვე ყველანი ერთად გიჟობდნენ კოკისპირული წვიმის ქვეშ.

ედილვის ძირს აღარ ჩამოუშვია პატარა ერმეცი, ამ აურზაურში გუბეში არ ჩავარდეს და არ დაიხრჩოსო. აბუტალიფს კი მისი პატრა გოგო შარათათი შეესვა ზურგზე. ასე დარბოდნენ ისინი და ბაღლებს ართობდნენ. ერმეცი ხტუნავდა, მთელი ხმით კიოდა და, სუნთქვა რომ შეეკვრებოდა, მაშინვე ედილვის ჩაახუტებდა კისერში სველ თავპირს. ედილიმ რამდენჯერმე დაიჭირა აბუტალიფისა და ზარიფას მადლიერი მზერა ამ გულის ამაჩუყებელ სურათზე. უხაროდათ, მათი ბიჭუკელა რომ ასე კარგად გრნობდა თავს ძია ედილვისთან. მაგრამ ედილიმ და მისმა გოგოებმაც ძალზე მოილხინეს. მაშინ შეამჩნია მისდა უნებურად ედილიმ, რა ლამაზი იყო თურმე ზარიფა. წვიმას გაეწენა მისი თმა, თავკისერზე, მხრებზე ჩამოეყარა, თავით ფეხამდე გალუმპულს, წყალი წურწურით ჩამოსდიოდა მკვრივ ახალგაზრდა სხეულზე, გამოეკვეთა ყელი, მკლავები, თეძოები, შიშველი ფეხის ქუსლები. თვალები სიხარულით, გამომწვევად უბრწყინავდა. თეთრი კბილები უელავდა.

სარობეჯისთვის წვიმა განა რა დიდი ბედენაა, თოვლი ნელ-ნელა გააჟიჟინებს, გაუჯდება ხოლმე მინას. წვიმა კი, როგორც არ უნდა იყოს, ხელისგულზე აგორებული ვერცხლისწყალივით ზედაპირიდან მყის ხევხუვებსა და ღარტაფებში ჩასრი-ალდება, აბუყბუყდება, აუხჩუხდება - და გაქრება, თითქოს არც ყოფილაო.

იმ თავსხმა წვიმაში კი რამდენიმე წუთის შემდეგ უკვე სწრაფი, აქაფებული ღელეები და ნაკადები აჩხრიალდა. ბორანელებმა ახდა ღელეებში იწყეს სირბილი და ხტუნვა, ტაშტები და ვარცლები ააცურეს წყალზე. მოზრდილები, დაული და საული, უკვე ტაშტებით დასეირნობდნენ ღელეებში, მერე უმცროსებიც ჩასვეს ვარცლებში და ისინიც აცურეს...

წვიმა კი ასხამდა და ასხამდა. ტაშტებით ცურვამ ყველა ისე გაიტაცა, მალე რკინიგზის მიწაყრილის ძირას ამოჰყვეს თავი, ასაქცევის დასაწყისში. ამ დროს ბორანლი-ბურანზე სამგზავრო მატარებელიმა ჩაიარა. ვაგონების ფართოდ დაღებულ სარკმლებსა და კარებიდან მგზავრები ლამის მთელი ტანით გადმონოლილიყვნენ, უდაბნოს ამ უბედურებს გადმოსცქეროდნენ და „ჰეი, არ დაიხრჩვეთ“ - მგონი, ამას უყვიროდნენ. თან ისე ხარხარებდნენ, უსტვენდნენ, იცინოდნენ ალბათ მართლაც უცნაური სანახაფი იყვნენ. ჩაიარა მატარებელმა წურწურით რომ ჩამოსდიოდა წვიმის ნაკადები, ჩაიარა და თან წაიყვანა ისინი, ვინც ერთი თუ ორი დღის შემდეგ იქნებ მოჰყვეს და ხალხი გაცინოს ამ სურათზე, რისი მოწმეც იყო.

ეს არც მოაფიქრდებოდა ედიღეის, რომ არ დაენახა, ზარიფა ტირისო. ადამიანს რომ თავპირზე წყალი წურწურით ჩამოსდის, ძნელია თქმა, ტირი თუ იცინის. მაგრამ ზარიფა კი მართლა ტიროდა. თავს ისე აჩვენებდა, თითქოს იცინის, ძალიან მხიარულობსო, თვითონ კი ტიროდა, სლუკუნს ძლივს იკავებდა, ტირილის მიჩქმალვას კისკისით და შეძახილებით ლამობდა. აბუტალიფმა შეშფოთებით დაუჭირა ხელი:

- რა იყო? ცუდად ხომ არ ხარ? შინ წავიდეთ.

- არა, არა, მასლოკინებს, სხვა არაფერი, - მიუგო ზარიფამ და ისევ განაგრძო ცოლ-ქმარმა ბავშვების გართობა, რომ ამ ანაზღაურული წვიმის მადლით დამტკბარიყვნენ. ედიღეის გული შეეკუმშა, ალბათ რა ძნელია ამ ორისათვის იმის შეგრძნება, რომ არსებობს სხვა ცხოვრება, სადაც არავისთვის უჩვეულო არაა წვიმა, სადაც ადამიანები ცხოვრობენ და ბანაობენ სუფთა, კამკამა წყალში, სადაც სხვა პირობებია, სხვა გასართობები, შვილებზე სულ სხვაგვარი ზრუნვა. ისინი კი ამ ცხოვრებას მოწყვეტილნი არიან. აბუტალიფი და ზარიფა ბავშვების ხათრით იმხი-

რულებდნენ ახლა თავს. ედილეიმაც, გული არ ვატკინო, ისევ განაგრძო მათთან ერთად მხიარულება...

იანცეს, გული იჯერეს და მერე შინისაკენ გასწია ყველამ. წვიმა კი ისევ ასხამდა და ასხამდა. ედილეი თანაგრძნობით გაჰყურებდა ქუთიბაევეების ოჯახს, გაჰყურებდა, როგორ მირბოდნენ ერთად დედა, მამა და შვილები, თავით ფეხამდე განუნულები. ეს ერთი ბედნიერი დღე მაინც ეღირსათ სარობეექში.

უქუბალამ შიშით გაასავსავე ხელები, როცა ზღურბლზე ედილეიმ გადმოაბიჯა. პატარა გოგო ატატებული მოჰყავდა, უფროსი კი - ხელჩაჭიდული.

- ვაიმე, რა მოგსვლიათ? რას ჰგავხართ?

- ნუ გეშინია, - სიცილით დაამშვიდა ედილეიმ ცოლი, - ათანი რომ დათვრება, თავის თაილაკებს მაშინ ათამაშებს¹².

- განა არ ვხედავ, - გაელიმა უქუბალას საყვედურით, - აბა გაიხადეთ, რას დგახართ განუნული ქათმებივით.

წვიმამ გადაილო, მაგრამ სადღაც, სარობექის განაპირა მხარეებში, გათენებამდე მოდიოდა თქეში, მთელი ღამე შორიდან ყრუ გრგვინვის ხმა. ედილეი რამდენჯერმე გააღვიძა ამ გრუხუნმა, გაუკვირდა კიდევ. არალის ზღვაზე ხანდახან ღამის თავზე დაგრუხუნებდა ხოლმე ჭექა-ქუხილი და ძილი არ გაკრთობია, თუმცა იქ ავდარი ხშირად იცის. ედილეი თვალდახუჭული გრძნობდა, როგორ განათლებოდა და აციალდებოდა ხოლმე წამიერად ფანჯრები, როცა შორს, ხან აქ და ხან იქ, ელვა გასერავდა ტრამალის ცას.

იმ ღამეს სიზმარი ნახა ბურანელმა ედილეიმ: თითქოს ფრონტბეა და მიწაზე წევს, ზემოთ კი უხმაუროდ სკდება ჭურვები. აფეთქებული მიწა ისევე უხმაუროდ ადის მაღლა და, შავ

¹² ათანი - ლიონი, მამალი აქლემი, თაილაკი - კობაკი

ტალღებად გართხმული, ნელა, მძიმე-მძიმედ ცვივა დაბლა. ერთმა ასეთმა აფეთქებამ ისიც ააგდო ჰაერში და, გულგანწურული, დიდხანს, დიდხანს ვარდებოდა ძირს, საზარელ სიცარიელეში. მერე იერიშზე გაიქცა ბევრ, ძალიან ბევრ რუხმაზარიან ჯარისკაცებთან ერთად, თუმცა სახე ვერც ერთისა ვერ გაერჩია, თითქოსდა ავტომატმომარჯვებული მაზარები თავისთავად მირბოდნენ, ხოლო როცა მაზარებმა, „ვაშაო“, სჭექეს, ედიღეის წვიმისაგან განწუნული, მოკისკისე ზარიფა გადაუდგა წინ. ეს საოცრება იყო. ჩითის კაბა ეცვა, თმა ჩამოშლოდა, წვიმა ღვარ-ღვარად ჩამოსდიოდა თავზე, ის კი კისკისებდა და კისკისებდა, არ ჩერდებოდა. ედიღეის არ ეცალა გასაჩერებლად, ახსოვდა, იერიშზე რომ მიიჩქაროდა. „ასე რა გაცინებს, ზარიფა? ეს კარგს არაფერს მოასწავებს“, - უთხრა ედიღეიმ. „კი არ ვიცინი - ვტირი“, - მიუგო ზარიფამ და ისევ განაგრძო კისკისი იმ თავსხმაში...

მეორე დღეს დააპირა ეს სიზმარი აბუტალიფისა და ზარიფასთვის ეამბნა, მაგრამ გადაიფიქრა, ცუდად ენიშნა. ზედმეტად რად უნდა მოუშხამოს გუნება ადამიანებს...

იმ დიდი წვიმის შემდეგ მოტყდა სიცხე საროზეჟში, ყაზანგაპის თქმით, ნასესხი დღეები ამოეწურა ზაფხულს. კი, ზოგჯერ ცხელოდა კიდეც, მაგრამ აღარც ისე, კაცს ვერ გაეძლო. ნელინელ გამეფდა საროზეჟელი შემოდგომის დალოცვილი დამდეგი. სიცხე აღარ აოსებდა ბორანელ გოგობიჭობას. აჟრიამულდნენ, დაირხა ისევ მათი წკრიალა ხმები. ამასობაში კი ქუმბელიდან ცნობა მოვიდა; ყიზილორდული საზამთროები და ნესვები მივიღეთ სადგურზე, ბორანლელებს რა გირჩევნიათ - თქვენნი წილი გამოგიგზავნოთ თუ თვითონ ჩამოხვიდეთ და წაილოთო. ედიღეიმ იხელთა დრო და ასაქცევის უფროსი დაარწმუნა, ჩვენ თვითონ უნდა წავიდეთ, თორემ იმას გამოგიგზავნიან, რასაც თვითონ დაიწუნებენო. უფროსიც დათანხმდა, ეგრე

იყოს, შენ და ქუთიბაევი წადით. აარჩიეთ და წამოიღეთო. ედილეთისაც ეს უნდოდა. აბუტალიფსა და ზარიფას ბავშვებიანად ერთი დღით მაინც გააცლიდა აქაურობას და არც მასა და მის ოჯახს აწყენდა გასეირნება. ჰოდა, ერთად გაჰყვა ორი ოჯახი დიდპატარიანად დილით ადრე ქუმბელში მიმავალ მატარებელს, ჩაცმულნი და გამონცობილნი. რა დიდებული დღე იყო. ბაღებს ეგონათ, ზღაპრულ ქვეყანაში მივდივართო. მთელი გზა მოლხენით იყვნენ, სულ იძიებდნენ: ხეები თუ იზრდება იქ? იზრდება, მაშ. მწვანე ბალახი თუა? მწვანე ბალახიცაა და ყვავილებიც. სახლები დიდებია? მანქანები დარბიან ქუჩაში, საზამთროები და ნესვები იმდენია, რამდენიც გინდა? ნაყინიც არის ზღვა არის იქა?

ქარი საამოდ ქიქინებდა სატვირთო ვაგონის ღია კარიდან, განიერი ფიცრებით რომ გადალობეს, ბავშვები არ გადაცვივდნენო, თუმცა ზედ გასასვლელთან ედილეი და აბუტალიფი ისხდნენ ცარიელ ყუთებზე, თან ბაასობდნენ ათას რამეზე და თანაც ყმაწვილებს აძლევდნენ კითხვებზე პასუხს. კმაყოფილი იყო ბურანელი ედილეი; ყველანი ერთად მიემგზავრებოდნენ, ამინდიც ჩინებული შეესწროთ, ყმაწვილებმაც გაიხარეს, მაგრამ ყმაწვილებზე უფრო აბუტალიფისა და ზარიფას შეხედვა ახარებდა ედილეთის. გაუნათდა ადამიანებს სახე, ცოტა ხნით მაინც შვება იგრძნეს, თავი აიხსნეს, გადაიყარეს მუდმივი სადარდელი. ისიც კი იფიქრა გახალისებულმა ედილეიმ, იქნებ ნება მისცენ აბუტალიფს საროზექში იცხოვროს, როგორც შეიძლებს და რამდენ ხანსაც შეიძლებს. ღმერთმა ქნას!

ზარიფა და უქუბალაც გულითადად ემუსაიფებოდნენ ერთმანეთს საოჯახო საქმეებზე, ბედნიერები ჩანდნენ. განა ასე არ უნდა იყოს, განა რა ბევრი უნდა ადამიანს... სულით და გულით ენადა ედილეთის გადავინწყებოდათ ყველა უბედურება ქუთიბაე-

ვებს, ძირი გაედგათ, შეგუებოდნენ თავიანთ ყოფას ბორანლი-ბურანში, რალაი სხვა არჩევანი არ ჰქონდათ. ისიც ეამაყებოდა, რომ აბუტალიფი გვერდით უზის, მხარზე ეხება, რომ იცის, ედილის შეიძლება დაენდოს კაცი, რომ კარგად ესმით ერთმანეთისა ყოველგვარი ზედმეტი სიტყვების გარეშე, არ ლაპარაკობენ იმ მტკივნეულ საკითხებზე, რომლებზეც არც ღირს ამო და ჰაიპარა ლაპარაკი. მოსწონდა აბუტალიფის გონიერება და თავშეკავება, ყველაზე მეტად კი ცოლ-შვილისადმი ერთგულება და სიყვარული. მათთვის სულდგმულობდა, მათ გამო არ უტყდებოდა ბედს, ეს აძლევდა ძალას. აბუტალიფის სჯა-ბაასს რომ უგდებდა ყურს, რწმუნდებოდა ედილეი, ყველაზე კარგი, რაც შეიძლება ადამიანმა სხვებისთვის გააკეთო, ესაა, რომ ღირსეული შვილები - ზარდო, გაზარდო არა სხვისი შემწეობით, არამედ შენ თვითონ, მოველდე, ყოველ ნაბიჯზე, მთელი სული და გული ჩააქსოვო ამ საქმეს, სანამდეც შეიძლება, დიდხანს იყო შენი შვილების გვერდით.

აგერ სად არ ასწავლეს საბითუანს, არ დააკლეს არც ინტერნატები, არც ინსტიტუტები, არც სხვადასხვა ცოდნის ასამაღლებელი კურსები. საცოდავი ყაზანგაპი რასაც შოულობდა, ყველაფერს შვილს ახარჯებდა, მის საბითუანს სხვებზე ნაკლებად არ ეცხოვრა ამა თუ იმ ქალაქში. გიყვარდეს, ყველაფერი იცის, მაგრამ რა ? არარაობა დარჩა მაინც.

სწორედ მაშინ, საზამთროებისა და ნესვებისათვის ქუმბელში ერთად მგზავრობისას იფიქრა ედილეიმ, თუ სხვა გამოსავალი არაა, ისევ ბორანლი-ბურანში უჯობს აბუტალიფ ქუთიბაევს დარჩეს, მეურნეობას მოეკიდოს, საქონელი გაიჩინოს, საროზექში წამოზარდოს თავისი ბიჭები, როგორც შეიძლება და სანამდე შეიძლება. თქმით კი არაფერი უთქვამს, არ დაუნყია ჭკუის სწავლება, მაგრამ საუბრიდან გაარკვია, რომ აბუტალიფიც ამას-

ვე ფიქრობს, ასევე აპირებს. გამოჰკითხა ედიღეის, როგორ უნდა მოიმარაგო კარტოფილი, სად უყიდოს ცოლ-შვილს თეჯის ფეხსამოსი, თვითონ ჩექმებითაც იოლას გავალო. ისიც ჰკითხა, ქუმბელში თუა ბიბლიოთეკა და ბორანლი-ბურანის ასაქცევებზე თუ გამოატანენ იქიდან წიგნებს.

იმ სალამოსვე უკან გამოჰყვინენ სატვირთო მატარებელს, საზამთროები და ნესვები წამოიღეს ბურანელებისათვის. დაიღალნენ გოგობიჭები, მაგრამ ძალიან ნასიამოვნები კი დარჩნენ. ნახეს ქვეყანა, იყიდეს სათამაშოები, მიირთვეს ნაყინი თუ სხვა რამ. თუმცა ერთი სამარცხვინო ამბავი კი შეემთხვათ სადგურის საპარიკმახეროში, სადაც ბავშვები შეიყვანეს თმის გასაკრეჭად. ერმეჯის რიგმა რომ მოაწია, ისეთი კვილ-წივილი ატეხა, ვერაფრით ვერ გააჩერეს ბიჭი. გასავათღნენ ყველანი, ბიჭი კი ვერ დასვეს, ხელიდან სხლტებოდა, მამას ეძახდა საშველად. აბუტალიფი ამ დროს იქვე, მალაზიაში შესულიყო, ზარიფამ აღარ იცოდა, რა ექნა, სირცხვილისაგან ხან წითლდებოდა, ხან ყვითლდებოდა, თავს იმართლებდა წარამარა, რაც დაიბადა, არ გაგვიკრეჭია, გვენანებოდა, ისეთი ლამაზი ხუჭუჭი თმა ჰქონდაო. მართლაც საუცხოო თმა ჰქონდა ერმეჯს, გრუბა და ხვეული დედასავით, ზარიფას ჰგავდა ისედაც: თმას რომ დაბანდნენ და დავარცხნიდნენ - თვალს ვერ მოწყვეტდი.

უქუბალა იმაზედაც კი წავიდა, საულესთვისაც დაამოკლებინა თმა: აბა შეხედე, გოგოა და მაინც არ ეშინიაო. ამან თითქოს გაჭრა, მაგრამ როგორც კი საპარსი მანქანა ხელში აიღო პარიკმახერმა, ისევ კვილი და ღრიალი ატეხა ერმეჯმა, ხელიდან დაუსხლტა პარიკმახერს. ამასობაში აბუტალიფი გამოჩნდა კარებში და ერმეჯი მამას მივარდა. მამამ აიყვანა, გულში ჩაიხუტა ბიჭი, მიხვდა, არ ღირდა ბავშვის წამება.

- გვაპატიეთ, როგორმე სხვა დროს მოვალთ, - უთხრა მან პარიკმახერს, - გამბედაობას მოვიკრებთ და მოვალთ... მანამდე კი მოვითმენთ. ჯერჯერობით იაროს ასე, საჩქარო არაფერია... როგორმე სხვა დროს...

განსაკუთრებულ უფლებებმოსილ რწმუნებათა მქონე კომისიების საგანგებო სხდომაზე ორივე მხარის შეთანხმებით ავიოსან „კონვენციიდან“ „პარიტეტის“ ორბიტალურ სადგურზე კიდევ ერთი დაშიფრული რადიოგრამა გაიგზავნა მიწისმილმიერ ცივილიზაციის მქონე პლანეტა 1-2 და 2-1 პარიტეტ-კოსმონავტებისთვის გადასაცემად - არამც და არამც არ მოემოქმედათ არაფერი და ადგილიდან არ დაძრულიყვნენ, ვიდრე მართვის საერთო ცენტრიდან საგანგებო მითითებას არ მიიღებდნენ.

სხდომა კვლავინდებურად ერთობ საიდუმლოდ მიმდინარეობდა, ავიოსანი „კონვენცია“ კვლავინდებურად თავის ადგილზე, წყნარ ოკეანეში, ალექუტის კუნძულების სამხრეთით იმყოფებოდა, ზუსტად ერთნაირ მანძილზე საჰაერო გზით როგორც სან-ფრანცისკოდან, ისე ვლადივოსტოკიდან.

კვლავინდებურად არაფინ იცოდა მსოფლიოში, რა უდიდესი საგალაქტიკათაშორისო შემთხვევა მოხდა - მპყრობელ მნათობის სისტემაში მიწისმილმიერი ცივილიზაციის მქონე ახალი პლანეტა აღმოჩნდა, რომლის გონიერი არსებანი მიწისშვილთ ურთიერთკავშირის დამყარებას სთავაზობდნენ.

საგანგებო სხდომაზე ორივე მხარე არჩევდა და კამათობდა ესოდენ უჩვეულო და მოულოდნელი პრობლემის ყველა დადებითსა და უარყოფით მხარეზე, კომისიის ყველა წევრს, სხვა დამხმარე მასალების გარდა, მაგიდაზე წინ ედო დოსიე, 1-2 და 2-1 პარიტეტ-კოსმონავტების გადმოცემათა მთლიანი ტექსტით.

ირჩეოდა ამ საბუთების ყოველი წინადადება და ყოველი სიტყვა. ყოველი წვრილმანი, მოყვანილი იმის დასტურად, თუ როგორაა მოწყობილი ტყისგულებით პლანეტაზე გონივრული ცხოვრება, პირველ ყოვლისა იმ მოსალოდნელ შედეგთა თვალსაზრისით განიხილებოდა, ეთავსებოდა თუ არა იგი ცივილიზაციის დედამიწისეულ გამოცდილებას და პლანეტის წამყვანი ქვეყნების ინტერესებს... ასეთ პრობლემებს ადამიანთა შორის ჯერ არავინ გადაწყდომია. საკითხი სასწრაფოდ უნდა გადაწყვეტილიყო.

წყნარ ოკეანეში კვლავინდებურად დაქროდა ქარიშხალი, თუმცა მთელი ძალით არა.

რალაი ქუთიბაევებმა სარობეჯის ამ საშინელ პაპანაქებს გაუძღეს და სასონარკვეთილები თავიანთი ბარგი-ბარხანით ბორანლი-ბურანიდან უკანმოუხედავად არ გაიქცნენ, სადაც გინდა, ოლონდ აქ არა, ბორანელები მიხვდნენ, რომ ეს ოჯახი აქ დარჩებოდა და ცხოვრებას შეეცდებოდა. შესამჩნევად გახალისდა, უფრო სწორად, ბორანელთა ჭაპანში ჩაება აბუტალიფ ქუთიბაევი. რა ლაპარაკი უნდა, შეეგუა, შეეჩვია ასაქცევზე ცხოვრების პირობებს. როგორც ყველა და ყოველ კაცს, მასაც შეეძლო ეთქვა, ბორანლისთან დაქცეული ადგილი ქვეყნად მეორე არაა, თუკი წყალიც, გინდ დასალევი და გინდ სახმარი, ცისტერნით უნდა ჩამოიტანოს მატარებელმა, ხოლო ვისაც ახალი წყალი მოესურვება, აქლემი შეკაზმოს და თულუხებით ცხრა მთას იქიდან მოზიდოს, რაიც ედიღეისა და ყაზანგაპის მეტს ვერავის ეკისრა.

ღიახ, ბატონო, ასე გახლდათ ორმოცდათორმეტიდან სამოც წლამდე, ვინემ ასაქცევზე სიღრმის ელექტრო-საქარო წყლის საქაჩი არ დადგეს. მაგრამ იმხანად კი ოცნებითაც ვერა-

ვინ იოცნებებდა ასეთ რამეზე. მიუხედავად ამისა, აბუტალიფს თავის დღეში არ დაუნყევლია და უგინებია არც ბორანლი-ბურანის ასაქცევი და არც საროზეჯის ეს კედარო. კარგი კარგად მი-აჩნდა, ცუდი ცუდად. ბოლოს და ბოლოს ეს მიწა არაფერში და არავის წინაშე დამნაშავე არ იყო. კაცმა შენ თვითონ უნდა გა-დანყვიტო, გეცხოვრება თუ არ გეცხოვრება აქ...

ამ მიწაზედაც ცდილობდა ხალხი უკეთ მოწყობილიყო. როცა ქუთიბაევებმა საბოლოოდ გადანყვიტეს, რომ მათი ადგილი აქ, ბორანლი-ბურანზეა, რომ წასასვლელი გზა სხვაგან არსად აქვთ და ამიტომ მკვიდრად უნდა მოიკიდონ ფეხი, საოჯახო საქმეებს ვეღარ და ვეღარ აუვიდნენ. რა ლაპარაკი უნდა, რომ ყოველდღეობით თუ ყოველ ცვლაზე თავისი წილი სამუშაო უნდა ეკეთებინათ. მაგრამ თავისუფალ დროსაც საზრუნავი საკმარისზე მეტი ჰქონდით. რეტი დაესხა ოფლში გაიღვარა აბუტალიფი, ვინემ სადგომს საზამთროდ მოამზადებდა - ლუმელს ამოაშენებდა, კარს დაათბუნებდა, ფანჯრის ჩარჩოებს წესრიგში მოიყვანდა. ეს საქმეები მაინცდამაინც არ ემარტვებოდა, მაგრამ ედილეი ხან იარალით, ხან მასალით ხელს უმართავდა, მარტო არ ტოვებდა. ხოლო როცა ფარდულის გვერდით სარდაფი ამოთხარეს. ყაზანგაპიც წაეხმარათ. პატარა სარდაფის ორმო ძველი განძელებით, ჩალით, თიხით დახურეს. სახურავიც მკვიდრი გაუკეთეს, რომ ვისმე საქონელი ანაზღად შიგ არ ჩავარდნილიყო, მაგრამ რა საქმესაც არ ადგნენ, აბუტალიფის ბიჭები გვერდიდან არ სცილდებოდნენ, სულ იქ ტრიალებდნენ, ზოგჯერ ხელსაც კი უშლიდნენ, სამაგიეროდ ართობდნენ და ამხნევებდნენ. ედილეიმ და ყაზანგაპმა ბევრი იფიქრეს, აბუტალიფს როგორ დახმარებოდნენ მეურნეობის მოწყობაში და კიდევაც მოიფიქრეს. გაზაფხულიდან მენველ ჯამა აქლემს მიუჩინდნენ. თავიდათავია, აბუტალიფი წველას მიეჩვიოს. აქლემი ძროხა არაა. იგი ფეხმდგო-

მელამ უნდა მოწველო, ტრამალში უკან სდიო და კოზაკსაც გაუფრთხილდე, დროზე მიუშვა დედის ცურთან და დროზე მოაშორეო. კოზაკს ცოტა ზრუნვა როდი სჭირდება. უნდა იცოდე, როდის რა გაუკეთო...

ყველაზე მეტად კი ეს ახარებდა ბურანელ ედილეს: ხომ ამდენი საქმე ჰქონდა აბუტალიფს, მეურნეობასაც მისდევდა, თავისა და ედილეს შვილებსაც ხან ათამაშებდა, ხან ზარიფასთან ერთად წერა-კითხვასა და ხატვას ასწავლიდა, ამ მიყრუებულ, ამ მივარდნილ ბორანლოში საკუთარ თავსაც არ იფიქრებდა. აბუტალიფი ხომ ნასწავლი კაცი იყო. წიგნების კითხვა, რალაცების ჩაწერა-ჩაწიგნა ღმერთს დაედგინა მისთვის. გულში კიდევ ამაცობდა ედილე, რომ ასეთი მეგობარი ჰყავდა. იმიტომაც მიუწევდა მისკენ გული. ელიზაროვსაც, საროზექის გეოლოგს, ამ ადგილებში ხშირად რომ ჩამოდიოდა, განა შემთხვევით დაუძმაცვდა. ნასწავლსა და ბევრის მცოდნე ხალხს დიდად აფასებდა ედილე. აბუტალიფმაც ხომ ბევრი რამ იცოდა, ოღონდაც ერიდებოდა ხმამაღლა გამოეთქვა თავისი აზრები. მაგრამ ერთხელ კი დიახაც საგულისხმო საუბარი ჰქონდათ.

რკინიგზის სამუშაოდან მოდიოდნენ მწუხრისას. მეშვიდე კილომეტრზე, სადაც მუდამ ნამქერების საუფლო იყო, თოვლის საწინააღმდეგო დარაკები დადგეს იმ დღეს. მერე რა, რომ შემოდგომის პირი იყო, ზამთრის თადარიგი წინდან უნდა დაიჭიროს კაცმა. ისა და აბუტალიფი ერთად გამობრუნდნენ შინ. ჩინებული, ნათელი საღამო იყო, ლაპარაკის საღერღელს ავიშლიდა კაცს. მისთანა საღამოებში საროზექის მიდამოები ბნელ იმზირებოდა დაისის თხელ ბურუსიდან არალის ზღვის ფსკერის დარად, როცა წყნარ ამინდში ნავიდან ჩახედავ.

- აბუ, სალამოობით, როცა კი თქვენ წინ ჩავივლი, რაფიდან სულ შენი თავი ჩანს, ლამპა გინთია გვერდით. წერ თუ კირკემალაობ რამეს? - ჰკითხა ედილეიმ.

აბუტალიფმა ბარი მეორე მხარზე გადაიტანა და პასუხი არ დააყოვნა:

- საქმე სულ უბრალოა. ხომ იცი, საწერი მაგიდა არა მაქვს. ჰოდა, ჩემი ყაჩაღანები რომ დანვებიან, ზარიფა კი რალაც წიგნებს კითხულობს, მეც მივცდები და ვწერ ჩემთვის ომისა და რაც მთავარია, იუგოსლავიაში გატარებული წლების ამბებს. ვინემდე კიდევ რამე მახსოვს. დრო მიდის, ნამყო თანდათან გვშორდება. - აბულალიფმა მცირე ხანს იყუჩა. - სულ იმაზე ვფიქრობ, ჩემს შვილებს რა გავუკეთო. ჭამა-სმას, გაზრდას - ცხადია, ვიდრემდე შემოიძლია, არ დავაკლებ. მე იმდენი გადამიტანია და განმიცდია, ღმერთმა სხვას ასი წელი ნუ განაცდევინოს. მაგრამ მე ვცოცხლობ და ვსუნთქავ, ალბათ განგებამ ტყუილად არ ინება ასე. ვინ იცის, ეგებ იმიტომ, რომ პირველ ყოვლისა ჩემს შვილებს რალაც ვუთხრა, მათ ჩავაბარო ჩემი ცხოვრების ანგარიში, რადგან მე გავაჩინე ისინი ქვეყნად. ჩემი გაგებით ასეა. რა თქმა უნდა, ჭეშმარიტება ყველასთვის ერთია, საყოველთაო, მაგრამ გაგება კი ყველას ჩვენ-ჩვენი გვაქვს და ჩვენვე მიგვყვება მიწაში. როცა ადამიანი სიკვდილ-სიცოცხლის ზღვარზე ტრიალებს მსოფლიო ძალთა შეჯახებისას და ცოცხალი რჩება, თუმცა შეიძლება, სულ ცოტა, ასჯერ მაინც მოეკლათ, იგი ბევრ რასმე შეიცნობს - შეიცნობს სიკეთესა და ბოროტებას, სწორსა და მრუდს...

- დაიცა, ეს გამაგებინე, -- გაოცებით გაანწყვეტინა ედილეიმ. იქნებ სწორიც იყო, მაგრამ შენი ბიჭები ხომ პატარებია, ცინგლიანები, თმის საკრეჭისაც კი ეშინიათ - იმათ რა უნდა გაიგონ?

- იმიტომაც ვწერ, რომ დავეუტოვო, შემოვუნახო. წინდანინ არავინ იცის, ცოცხალი იქნება თუ არა. აგერ სამი დღის უკან გზაში ფიქრებმა ისე გამომაშტერა, მატარებელს კინალამ ჩავევარდი. კიდევ კარგი, ყაზანგაპმა მოასწრო და ხელი მკრა, ლიანდაგიდან გადამაგდო. მერე კი შავი დღე მაყარა, შენმა შვილებმა დღეს ღმერთს უნდა დაუჩოქონ და მადლობა შესწირონო.

- სწორიც უთქვამს. მე ადრევე გითხარი, ზარიფასაც ვუთხარი, - აღშფოთდა ედიღეი და კვლავაც გააფრთხილა. - ასე რად დაალაჯებ ლიანდაგებზე, თითქოს მატარებელმა რელსებიდან უნდა გადაუხვიოს და გზა გითიოს? ხომ არსებობს მოძრაობის წესები. წიგნიერი კაცი ხარ, რამდენჯერ უნდა გაგიმეორო ერთი და იგივე? ახლა რკინიგზელი ხარ, ისე კი დადიხარ, გეგონება, ბაზარში იყო. შენ ნუ ეხუმრები, მართლაც შეიძლება დაგეჯახოს.

- თუ დამეჯახა, ჩემი ბრალი იქნება, - მოლუშვით დაეთანხმა აბუტალიფი. მაგრამ ჯერ მომისმინე. მერე დამარიგე ჭკუა

- სიტყვამ მოიტანა და იმიტომ ვთქვი. განაგრძე.

- წინათ ხალხი შვილებს ქონებას, სიმდიდრეს უტოვებდა. ვის ავად შეერგებოდა ეს სიმდიდრე, ვის - კარგად, როდის როგორ. ბევრი წიგნი დაწერილა, ბევრი. ბევრი ზღაპარი შექმნილა, ბევრი პიესა დადგმულა იმაზე, როგორ ნაწილდებოდა იმ ხანებში მემკვიდრეობა და რა მოსდიოდათ მერე მემკვიდრეებს, მერედა, რატომ, იმიტომ, რომ ეს ქონება მეტწილად უსამართლო გზით იყო შექმნილი, სხვისი უბედურებისა და შრომის ხარჯზე, სხვისი მოტყუების გზით, იმიტომაც თავიდანვე ბოროტება, ცოდვა, უსამართლობა სდევდა სიმდიდრეს.. ჩემთვის დიდი ნუგეშია, რომ, ღვთის მადლით, ჩვენ ეს არ მოგველის. ჩემი სამკვიდრო არავის ავნებს. ეს მხოლოდ ჩემი სული იქნება, ჩემი ნაწერები, ის, რასაც მე ომმა მიმახვედრა და რაც ომიდან გამოვიტანე, სხვა

სიმდიდრეს ჩემს შვილებს მე ვერ ვუტოვებ. აქ, ამ საროზიქის უდაბნოში, მივედი ამ დასკვნამდე. ცხოვრება სულ უკან და უკან მხევდა, სულ აქეთ მიბიძგებდა, რომ აქ დავკარგულიყავ, გავმქრალიყავ, მე კი ჩავინერ ჩემი შვილებისთვის ყველაფერს, რასაც ვფიქრობ და ვაზროვნებ, რომ შემდეგ ჩემს შვილებში განვავრძო ოდესმე არსებობა. რაიც მე ვერ შევძელ, იქნებ მათ შეძლონ და მიაღწიონ... მათ კი ჩვენზე ძნელი ცხოვრება ელის. ამიტომ სიყრმიდანვე უნდა ისწავლონ ჭკუა...

რამდენიმე ხანს ჩუმაღ მიდიოდნენ, თავ-თავისას ფიქრობდა ორივე. ეუცნაურა ედილეის ეს სიტყვები. გაუკვირდა, რომ კაცმა შეიძლება ასეც გაიგოს ამქვეყნად თავისი არსებობის აზრი. მაინც შეეცადა უფრო ნათლად გაერკვია ის, რამაც ესოდენ გააკვირვა.

- ყველას ჰგონია და რადიოშიაც ამას ამბობენ, ჩვენს შვილებს ჩვენზე უკეთესი და იოლი ცხოვრება მოელოთო. შენ კი ამბობ, ჩვენზე უფრო გაუძნელდებათო. ატომურ ომს ხომ არ გულისხმობ?

- არა, მართო მაგიტომ არა. იქნებ ომი არც იყოს, ხოლოო თუ იქნება, არც ისე მალე. მე ლუკმაპურს არ ვგულისხმობ. უბრალოდ, დროის ჩარხი თანდათან უფრო სწრაფად ბრუნავს. ჩვენს შვილებს მოუწევთ ყველაფერს თავისი ჭკუით, თავისი ფიქრით ჩასწვდნენ და ნაწილობრივ ჩვენ მაგივრადაც აგონ პასუხი. ფიქრი კი ყოველთვის სამძიმოა, იმიტომაც ჩვენზე უფრო გაუძნელდებათ.

ედილეი აღარ ჩაძიებია, რატომ ჰგონია აბუტალიფს, ფიქრი ყოველთვის სამძიმოაო. არადა, ტყუილად არ ჩაეძია, შემდეგში ძალიანაც ინანა, ამ საუბარს რომ იგონებდა. უნდა გამოეკითხა, გამოერკვია, რას გულისხმობდა აბუტალიფი.

- მე იმიტომ ვამბობ, - განაგრძო, აბუტალიფმა, თითქოს ედილეთის ეჭვებს უპასუხაო, - რომ პატარებს უფროსები მუდამ ძალიან ჭკვიანები ჰგონიათ. დიდი ავტორიტეტის მქონენი. წამოიზრდებიან, ხელავენ, მასწავლებლები, მაშასადამე, ჩვენ, არც ისე ჭკვიანები ვყოფილვართ და არც ისე ბევრი გვცოდნია, როგორც ეგონათ. სასაცილო და ზოგჯერ კი საცოდავებიც ეჩვენებათ თავიანთი დაბერებული გამზრდელები. დროის ჩარხი თანდათან უფრო სწრაფად ტრიალებს. ისე რომ საბოლოო სიტყვა საკუთარ თავზე ისევ ჩვენ უნდა ვთქვათ. ჩვენი წინაპრები თქმულებებით ცდილობდნენ ამას, რათა შთამომავლებისთვის დაემტკიცებინათ, რა დიდი ადამიანები იყვნენ. სწორედ მათი სულით ვსჯით ახლა ჩვენ იმათ. მეც ამასვე ვაკეთებ, ჩემი შეძლებისდა მიხედვით, ჩემი შვილებისათვის. ჩემი თქმულებები ჩემი ომის წლებია. მათთვის ვწერ ამ ჩემს პარტიზანულ რვეულებს. რა იყო და როგორ იყო, რა ვნახე და რა გამოვიარე. გაიზრდებიან და გამოადგებათ. გარდა ამისა, სხვა ჩანაფიქრიც მაქვს. ისინი საროზექში უნდა გაიზარდონ. ხოლო რომ წამოიზრდებიან, არ იფიქრონ, ცარიელ-ტარიელ ადგილზე ვცხოვრობდითო. ამიტომაც ჩვენს ძველ სიმღერებს ვიწერ, მათ ხომ მერე ველარც მოძებნი. ჩემი გაგებით სიმღერა - წარსულიდან მოსული ცნობაა. შენს უქუბლას თურმე ბევრი სიმღერა სცოდნია. დამპირდა, კიდევ სხვებსაც გავიხსენებო.

- აბა როგორ! არალელი ქალია წარმოშობით! - მყის სიამაყე იგრძნო ედილეთი. - ზღვის პირას მცხოვრებ ყაზახთა ქალი! ზღვაზე სიმღერას კი რა სჯობია. ზღვას ყველაფერი ესმის, ყველაფერს იგებს. რასაც არ იტყვი - ყველაფერი გულით ნათქვამი და თანხმიერი გამოდის ზღვაზე.

- ეგ კი მართალი თქვი. ამას წინ გადავიკითხე ჩანაწერები და მე და ზარიფამ კინალამ ვიტირეთ. რა ლამაზი სიმღერები

ჰქონიათ ჩვენს ძველებს! ყოველი სიმღერა - მთელი ისტორიაა. თვალწინ გიცოცხლდება ეს ხალხი. გინდა სულში ჩაუძვრე, შეუხმატკბილდე, ეზიარო. გიყვარდეს და იტანჯო მათსავით. აი, რა ხსოვნა დაგვიტოვებს. ყაზანგაპის ბუქეიცი დავიყოლიე უკვე - შენი ყარაყალპაკეთის სიმღერები გაიხსენე და ცალკე რვეულში ჩავინწერ-მეთქი, ყარაყალპაკური რვეულიც გვექნება-მეთქი...

ასე ტაატ-ტაატით მიჰყვებოდნენ რკინიგზის ხაზს ისინი. ნაზად, ნელინელ ილეოდა დღე, ვით შემოდგომის დამდეგზე იცის. ხომ არც ტყეები, არც მდინარეები, არც მინდვრები გააჩნდა სარობეცს, ჩამავალი მზე დედამინის დაშლის პირზე, შუქ-ჩრდილის თვალშეუსწრები ციგლიგის წყალობით, მაინც სავსედ აჩენდა ტრამალს. ბნდუ, მოძრავი სილურჯე ამ ვეებერთელა სივრცისა ამაღლებულ ფიქრებს ბადებდა, სურვილს გიძრავდა დიდხანს გეცოცლა და ბევრი ფიქრის დრო მოგცემოდა ამ საწუთროში...

- გამიგონე, ედილეი, - დაიწყო ისევ აბუტალიფმა. გაახსენდა, რალაც რომ უნდა ეკითხა და შემთხვევასლა ელოდა. - სულ მინდა გკითო. როგორ გგონია, ბუნებაში თუა ისეთი ჩიტი, დონენბაი რომ ჰქვია? ან გინახავს სადმე ასეთი ჩიტი?

- ეს ხომ ლეგენდაა.

- ვიცი, მაგრამ ლეგენდა ხშირად ნამდვილი ამბავია, დასტურ მომხდარი. მაგალითად, ერთი ჩიტია, მოლალური ჰქვია ჩვენთან, სემირეჩიეში მთელი დღე გალობს მთის ბალ-ბალჩებში და სულ კითხულობს: „ჩემი საქმრო ვინაა?“ ეს მხოლოდ ბგერათა თამაშია, ბგერათა თანხმიერება. მაგრამ ზღაპარიც არის, თუ რად მოსძახის ასე. ჰოდა, მეც ვფიქრობ: ასეთი თანხმიერება ხომ არ არის ამ ამბავშიც? იქნებ ბუდობს ტრამალზე ისეთი ფრინველი, რომელიც დონენბაის მსგავს რალაცას იძახის და ლეგენდაშიაც იმიტომ მოხვდა?

- არა, არ გამიგია, არც მიფიქრია, ასე თუა, - დაეჭვდა ედილელი. - თუმცა ეს მიდამოები სივრცით თუ განივ შემოვლილი მაქვს და ასეთი ფრინველი არ შემხვედრია. ალბათ არც არის.

- შესაძლოა, - ჩაფიქრებით წაილაპარაკა აბუტალიფმა.

- თუ ასეთი ფრინველი არაა, მაშასადამე, არც ეს ლეგენდაა მართალი - შეშფოთდა ედილელი.

- რატომ არა, რაკილა ანა-ბეიითის სამარხი დგას, მამ აქ რაღაც მომხდარა. და მაინც მგონია, რომ ასეთი ფრინველი არის და ვინმე ოდესმე მაინც ნახავს. შვილებისთვის სწორედ ასე ჩავიწერ.

- ჰო, თუ შვილებისთვის ჩაიწერ, - ყოყმანით ჩაილაპარაკა ედილელი, - მაშინ რა უშავს...

რაც თავი ახსოვს ედილელის, მხოლოდ ორმა კაცმა ჩაიწერა თვის ღროზე ნაიმან-ანას საროზიქული თქმულება ქალაქდზე. ჯერ აბუტალიფმა თავის ბიჭებისათვის, რომ წამოიზრდებიან, წაიკითხავენო. ეს კი ორმოცდათორმეტი წლის მიწურულს იყო. ის ხელნაწერი დაიკარგა. იმდენი მწუხარება შეხვდათ მას შემდეგ ამისთვის ვისღა ეცალა! ხოლო რამდენიმე წლის შემდეგ, ორმოცდაჩვიდმეტ წელს ეს ლეგენდა ელიზაროვმა, აფანასი ივანოვიჩმა, ჩაწერა. ახლა აღარც ელიზაროვია. ხელნაწერი ალბათ მის ქალაქდებში დარჩა ალმა-ატაში... ერთმაც და მეორემაც მეტწილად ყაზანგაპის მონაყოლით ჩაწერეს. ედილელიც იქ ესწრებოდა, მაგრამ უფრო მოკარნახე-მომგონებლისა და, ასე ვთქვათ, ამხსნელ-გამმარტებლის კვალობაზე.

„ესეც შენი წლები! ღმერთო ჩემო, როდის იყო ეს ყველაფერი!“ - ფიქრობდა ბურანელი ედილელი, როცა ყაჭრით მორთული ყარანარის კუბებზეა მიიწვინებოდა. წრე თითქოს შეიკრა. ლეგენდის მთქმელს ახლა თვითონ ეპოვნა სამუდამო განსასვენ-

ნებელი იმ სამარხში, რომლის ამბავს ასე სასოებით ინახავდა გულში და სხვებს გადასცემდა.

„ჩვენ ორილა დავრჩით - მე და ანა-ბეითი. თუმცა მეც მალე მომიწევს აქ მობრძანება და ადგილის დაკავება. ასე უჩანს პირი“, - ნაღვლიანად ფიქრობდა ედილეი, რომელიც კვლავ წინ მიუძღოდა ყარანარით უცნაურ სამგლოვიარო პროცესიას. უკან მისაბმელიანი ტრაქტორი მისდევდა, ტრაქტორის უკან ბორბლებიანი ექსკავატორი „ბელარუსი“. მარტოოდენ წითურა ძაღლი ჟოლბარსი, დაკრძალვაზე თვითნებურად წამოცუხცუხებული, თავისდა გუნების მიხედვით ხან თავში მოექცეოდა პროცესიას, ხან კუდში. ხან გვერდით მისდევდა და ხან კი სულაც მცირე ხნით სადღაც გატყვრებოდა... კუდი დიდგულად აეპრიხა და აქეთ-იქით საქმიანად იყურებოდა...

მზე უკვე შუბისტარზე იდგა, შუაღლე ახლოვდებოდა. ანა-ბეითის სამარხამდე არც ისე დიდი გზა დარჩენოდა...

თავი 8.

ორმოცდათორმეტი წლის დამლევნი, უფრო სწორად, მთელი შემოდგომა და დაგვიანებით, მაგრამ უქარბუქოდ შემობრძანებული ზამთარი, მგონი, ყველაზე საუკეთესო ხანი იყო ბორანლი-ბურანის ასაქცევის მაშინდელი ერთი მუჭა მცხოვრებთათვის. ედიღე მერე კიდევაც შენატროდა იმ დღეებს.

ბორანლელთა პატრიარქი ყაზანგაპი, ფრიად თავდაჭერილი, სხვის საქმეში თავის დღეში რომ არ ჩაერეოდა, მაშინ ჯანზედაც იყო და ძალაც მოსდევდა. მისი საბითუანი უკვე ქუმბელის ინტერნატში სწავლობდა. ქუთიბაეების ოჯახმა იმ დროისათვის მკვიდრად მოიკიდა ფეხი საროზეცში. ბარაკი საზამთროდ დაათბუნეს, კარტოფილი მოიმარაგეს, ზარიფასა და ბიჭებს თეფის ჩექმები უყიდეს. ერთი ტომარა ფეცილი თვითონ ედიღემ ჩამოუტანა ქუმბელის მუშათა მომარაგების განყოფილებიდან იმხანად უკვე მომძღავრებული ახალგაზრდა ყარანარით. აბუტალიფი ნამუსიანად აკეთებდა თავის საქმეს და მთელ თავისუფალ დროს ყმანვილებთან ატარებდა, საღამოს კი რაფაზე ლამპას შემოდგამდა და მუყაითად წერდა.

სადგურის მუშების კიდევ ორი-სამი ოჯახიც იყო ასაქცევზე, მაგრამ იმათ აქ დარჩენის პირი არ უჩანდათ. ასაქცევის მაშინდელი უფროსი აბილოვიც კაი კაცი ჩანდა. ბორანლელებიდან არავინ ავადმყოფობდა. ყველა თავის საქმეს უძღვებოდა. ბაღები იზრდებოდნენ. ზამთრისეული სამუშაოები - დარაკების დადგმა იყო თუ გზის შეკეთება - დროულად სრულდებოდა.

უმშვენიერესი დარი იდგა საროზეცის კვალობაზე. - პურის ქერქივით ყავისფრად დაბრანული შემოდგომა! მერე ზამთარიც

ჩამოდგა. თოვლი მაშინვე დადო. ესეც ლამაზი იყო, თეთრად გადაქათქათდა იქაურობა. ამ თეთრ, მღუმარე სივრცეზე შავი ძაფივით გაჭიმულიყო რკინიგზა და დღენიადაგ გრიალით მიქროდნენ ზედ მატარებლები. ამ მოგრიალე გზის გვერდით კი თოვლის ბორცვებთან პანია დაბა - ბორანლი-ბურანის ასაქცევი მიყუყულიყო, სულ რამდენიმე სახლი და სხვადასხვა ნაგებობანი... მგზავრები გულგრილად გადმოხედავდნენ ხოლმე ვაგონებიდან ამ სახლებს, ვის წამიერი სიბრალეულიც გაუკრთებოდა ასე ეულად მცხოვრებ ადამიანებისადმი...

მაგრამ წამიერად შესაბრალისიც კი არაფერი ჰქონდათ ბორანლელებს. მათთვის ეს ჩინებული წელი გახლდათ, თუ ზაფხულის იმ არნახულ პაპანაქებას არ ჩავთვლით, რომელმაც უკვე განვლო. ცხოვრება ომის შემდეგ ყველგან მძიმე-მძიმედ, მაგრამ მაინც უკეთ უწყობოდა, ახალი წლისათვის ისევ ფასების დაკლებას ელოდებოდნენ სანოვაგესა თუ სამრეწველო საქონელზე. მართალია, მალაზიებში ყველაფერი უხვად არ ეყარა, მაგრამ წლიდან წლამდე მაინც უმჯობესდებოდა მდგომარეობა.

ჩვეულებრივ ბორანლელებისთვის დიდი ზეიმი არ გახლდათ ახალი წელი, გულის ფანცქალით არ ელოდნენ შუალამეს. სამუშაო სამუშაო იყო. საქმე საქმე, მატარებლები მიდი-მოდიოდნენ, სულაც არ ანალვლებდათ, სად და როდის მოუსწრებდათ გზაში ახალი წელი, თანაც ზამთრის ხანს ოჯახში საქმემ იმატა. ღუმელს დანთება უნდოდა, საჩეხეებსა თუ საძოვარზე საქონელს მიხედვა. მთელი დღე იქანცებოდა კაცი, დასვენება და ადრე დაძინება ყველაფერს ერჩივნა.

ასე მისდევდა წელი წელს... მაგრამ ორმოცდაცამეტის ახალი წელი ჭეშმარიტი დღესასწაული გამოდგა ბორანლი-ბურანში და, რა თქმა უნდა, ქუთიბაელების ოჯახის წყალობით. საახალწლო სამზადისში ედიღეი სულ ბოლოს ჩაება. ქუთიბაელებმა გა-

დანყვიტეს ბავშვებისთვის ნაძვის ხე მოეწყოთ. საროზექში კი ნაძვის ხეზე უფრო ადვილად დინობავრის კვერცხს მოძებნიდი კაცი, აკი აღმოაჩინა ელიზაროვმა საროზექში მილიონობით წლების უკან ნამარხი დინობავრის კვერცხები გეოლოგიურ ბილიკებზე ხეტიალისას. ქვად ქცეულიყო ვეებერთელა, საზამთროს ოდენა კვერცხები. ისინი ალმა-ატას მუზეუმში წაიღეს. გაზეთებშიაც დაიბეჭდა ეს ამბავი.

სხვა რა გზა იყო, იმ ყინვაში ქუმბელში გაემგზავრა აბუტალიფ ქუთიბაევი. იქაური ადგილკომი ძლივს დაითანხმა, რომ ამ დიდ სადგურზე გამოგზავნილი ხუთი ნაძვის ხიდან ერთი ბორან-ლი-ბურანისთვის გამოეყოთ. აქედან დაიწყო ყველაფერი.

სწორედ საწყობთან იდგა ედილეი, ასაქცევის უფროსისგან ახალ სამუშაო ხელჯაგებს იბარებდა, როცა ღრჭიალითა და ყინულის ლანალუნით ჩამოდგა პირველ ლიანდაგზე ტრამალის ქარებისაგან დაღრეკილი გრძელი სატვირთო მატარებელი ოთხღერძიანი დაპლომბილი ვაგონებით. ბოლო ვაგონის ღია ბაქნიდან რის ვაივავლახით ჩამოძვრა აბუტალიფი, ჩექმები ყინულად ქცეოდა. გაფიჩხულ ფეხებს ძლივს ადგამდა. ბაქანზე ამ მატარებლის გამყოლი იდგა, უზარმაზარი ტყაპუჭი ეცვა, ბენვის ქუდი გულდაგულ ჩამოფხატა, ტანს ძლივს ატრიალებდა, აბუტალიფს რალაც დიდი შეხვეული ჩამოაწოდა. ნაძვის ხე იქნებაო, მიხვდა ედილეი და მართლა გაოცდა.

- ჰეი, ედილეი ბურანელო! აქ მო, მოეხმარე ამას! - დაუძახა გამყოლმა, რომელიც მთელი თავისი ვეებერთელა ტანით ვაგონის კიბეზე გადმოყუდებულიყო.

ედილეი საჩქაროდ გაეშურა მათკენ. აბუტალიფის დანახვაზე შეშინდა კიდევ. წარბებამდე თოვლს დაეფარა აბუტალიფი, ისე გათოშილიყო, ტუჩებს ველარ ატრიალებდა, ხელებს ველარ

ამოძრავებდა. გვერდით ნაძვის ხე ედგა, ის ეკლიანი ხე, რომლის გამოც ლამის იმ ქვეყანას გაემგზავრა.

- ასე როგორ გამოუშვით ეს კაცი! - უკმაყოფილოდ ჩაიხრინინა გამყოლმა. - უკანა ბაქანზე ლამის სული გააფრთხობინა ქარმა. ჩემი ტყაპუჭი მინდოდა მიმეცა, მაგრამ მეც რომ გავიყინებოდი!

აბუტალიფმა ძლივას აამოძრავა ტუჩები:

- უკაცრავად, ასე მოხდა. აქვე ვცხოვრობ, ხელად გავთბები.

- განა არ ვუთხარი, - ბუმბუნით მიუბრუნდა კონდუქტორი ედიღეის, - მე აგერ ტყაპუჭი მაცვია, ტყაპუჭის შიგნით დაბამბული ტანსაცმელი, თექის ჩექმები, ქუდი და მაინც, ვინემ გადასარბენს მოვითავებ და ცვლას ჩავაბარებ, ლამის თვალები გადმომცვივდეს: ასე როგორ იქნება!

ედიღეიმ აღარ იცოდა, რა ეთქვა.

- კარგი კარგი, ტროფიმ, გავითვალისწინებთ! მადლობელი ვართ. აბა, მშვედობით გემგზავროს! - უთხრა ეს და ნაძვის ხეს დაავლო ხელი. დიდი ხე არ იყო, კაცის სიმაღლე იქნებოდა. სიცივე და ზამთრის ტყის სუნი დააყენა ნაძვის წიწვებმა. გულმა რეჩხი უყო ედიღეის - გაახსენდა ფრონტი, იქაური ტყეები. ჰაუ, რა ნაძვნარი იყო! ტანკებით ზედ გადადიოდნენ, ჭურვებით ძირფესვიანად თხრიდნენ. განა ოდესმე იფიქრებდა, ნაძვის სურნელი თუ ასე ეძვირფასებოდა.

-წავიდეთ, - ედიღეიმ ნაძვის ხე მხარზე შეიგდო და აბუტალიფს შეხედა.

სახე განაცრისფერებოდა აბუტალიფს. გათოშილ ლოყებზე ცრემლები შეყინვოდა, წარბები გათეთრებოდა. მაგრამ თვალა სიხარულითა და ზეიმით უბრწყინავდა. ედიღეი ანაზღად შიშიშმა აიტანა: დაუფასებენ კია შვილები ასეთ ერთგულებას? ხში-

რად ხომ პირიქით ხდება. მაღლიერებას გულგრილობა და ხანდახან სიძულვილიც ცვლის. „ღმერთმა დაიფაროს ამისაგან. სხვა უბედურებაც ეყოფა!“ - გაიფიქრა გულში.

ნაძვის ხე პირველად ქუთიბავეების პირმშო დაულმა დაინახა დაინახა და სიხარულით შეჰყვირა. ბარაკის კარიდან გამოსხლტა, ზარიფაც და ერმეციც ზედა ჩასაცმელის გარეშე გამოცვივდნენ.

- ნაძვის ხე, ნაძვის ხე! შეხე, შეხე, რა ნაძვის ხეა - ზეიმობდა დაული და ასკინკილას უვლიდა გარშემო.

ზარიფა არანაკლებ ხარობდა:

- მაინც იშოვე! აი, ყოჩაღ!

ერმეცს თურმე ნაძვის ხე არასოდეს ენახა, ამიტომაც თვალს ვერ აშორებდა ძია ედილეისა და მის ტვირთს.

- ესაა ნაძვის ხე, დედი? კარგია, ხომ? ჩვენთან იცხოვრებს?

- ამ დანყველილი ნაძვის გამო ქმარი კინალამ გაგეყინა, ზარიფა, - უთხრა ედილეიმ. - ჩქარა შინ შეიყვანე და გაათბე. პირველ ყოვლისა ჩექმები გახადე.

ჩექმები ისე გაყინულიყო, როცა ყველა ერთად დაექაჩა გასახდელად, აბუტალიფს სიმწრისაგან სახე დაემანჭა, პირმოკუმული კვნესოდა. მეტადრე ბიჭები ბეჭითობდნენ, პანია ხელებით ებლაუჭებოდნენ მძიმე ჩექმებს. ყინვას ქვად და რკინად ექცია ისინი.

- ხელს ნუ მიშლით, ბავშვებო, მე გავხდი! - იშორებდა შვილებს დედა..

მაგრამ ედილეიმ ხმადაბლა ჩაულაპარაკა:

- თავი გაანებე, ზარიფა, დაე გაისარჯონ.

გუმანით მიხვდა ედილეი, რომ ყველაზე დიდი ჯილდო - შვილების სიყვარული და თანაგრძნობა იყო აბუტალიფისთვის. შასადამე, უკვე ადამიანები არიან, მაშასადამე, უკვე რალაც ეს-

მით, ყველაზე სასაცილო მაინც უმცროსი ჩანდა. რატომღაც მამუკის ეძახდა ერმეცი მამას. ასე თავისებურად გადააკეთა ერთ-ერთი ის სიტყვა, დასაბამიდან ყველაზე პირველად რომ წარმოთქვამს ხოლმე ადამიანი, არც არავის გაუსწორებია ერმეცისათვის მერე, ასე არ უნდაო.

- მამუკი! მამუკი! - ფაციფუცობდა გულმოდგინებისგან ლოყებდანითლებული ბიჭი. კულულები აფუშფუშებოდა, თვალებში სურვილი უბრწყინავდა მამას მიხმარებოდა, სახე კი ისე დადინჯებოდა, უნებურად გაგეცინებოდა.

არა, რალაც უნდა მოეფიქრებინა ედილეის, ბიჭები რომ მიზანს სწეოდნენ, - და მოიფიქრა კიდევ. ჩექმები უკვე გამლხვალყო, ისე რომ შეიძლებოდა თითქმის უმტკივნეულოდ გაეძრო აბუტალიფს.

- აბა, ბიჭებო, უკან მომისხედით, ვითომ მატარებელი ვართ. დაულ, შენ მე მომეჭიდე, ერმეცი, შენ - დაულს. აბუტალიფი მიუხვდა ზრახვას ედილეისა და მოწონებით დაუქნია თავი. სითბოში ცრემლები მოსდგომოდა თვალებზე.

ედილეი აბუტალიფის წინ დაჯდა, უკან ბიჭები ჩარიგდნენ ვაგონებივით.

- აბა, ბიჭებო, ერთად დავეჭიდოთ, აბა ღონივრად! - დაიწყო ედილეიმ, - თორემ მე მარტო ვერას გავხდები, ამდენი ძალა ვინ მომცა, მიდით, დაულ, ერმეცი! რაც ძალი და ღონე გაქვთ!

ბიჭები ერთი ხვნეშა-ხვნეშით ცდილობდნენ დახმარებას. ზარიფა გულშემატკივრობდა. ედილეის ვითომ ძალიან უჭირდა, ვერ ერეოდა ჩექმას. და როცა ბოლოს ცალი ჩექმა წააძრეს აბუტალიფს, ბიჭებმა გამარჯვების კიჟინა დასცეს. ზარიფა უმაღლ მიიტრა ქმართან და შალის ნაქსოვით ფეხისგულის ზელა დაუწყო, მაგრამ ედილეიმ შეაჩერა:

- ეგ როგორ იქნება, აბა რას აკეთებთ დედა-შვილები? მეორე ჩექმა ვინ გააძროს? კაი იქნება ასე დავტოვოთ მამა, ცალი შიშველით და ცალი კი გაყინული ჩექმით?

რატომღაც ყველას კისკისი აუტყდა. სიცილისაგან დიდხანს იკოტრიალეს იატაკზე. მეტადრე ბიჭებმა და აბუტალიფმა იცინეს ბევრი.

შემდეგში, როცა იმ საშინელი ამოცანის ამოხსნა უცდია, ბევრჯერ უფიქრია ბურანელ ედილეის: სადღაც, ბორანლი-ბურანიდან ძალიან შორს; იქნებ სწორედ იმ წუთას ამოტივტივდა კვლავაც აბუტალიფ ქუთიბაევის სახელი ქალაქდზე და ხალხი, ვისაც ეს ქალაქი ედო წინ, მისი მიხედვით წყვეტდნენ საკითხს, რომელიც არც ამ ოჯახსა და არც ასაქცევებზე მცხოვრებთ არ მოაფიქრდებოდათ და არც დაესიმრებოდათ.

მონმენდილ ცაზე მეხის გავარდნას ჰგავდა ეს ამბავი. თუმცა ამ საქმეებში უფრო გამოცდილი და უფრო ეშმაკი კაცი რომ ყოფილიყო ედილეი, მიხვედრით თუ ვერ მიხვედებოდა, გაურკვეველ შიშს მაინც უნდა აეტანა.

მაგრამ შიშს მაშინ რად უნდა აეტანა? წლის ბოლოსათვის ასაქცევზე მუდამ ჩამოდიოდა უბნის რევიზორი. გრაფიკის მიხედვით ჩამოივლიდა ხოლმე ყოველ ასაქცევსა და სადგურს, გაჩერდებოდა ორიოდე დღე, შეამოწმებდა, ხელფასი როგორ დარიგდა, მასალები როგორ გაიხმარეს და სხვა და სხვა, დასწერდა რევიზიის აქტს ასაქცევის უფროსსა და რომელიმე მუშასთან ერთად და ისევ ერთ-ერთ მატარებელს გაჰყვებოდა. განა რა დიდი საქმეები იყო ასაქცევზე! ედილეისაც ბევრჯერ მოუწერია ხელი რევიზიის აქტზე. ამჯერად სამი დღე დაჰყო რევიზორმა ბორანლი-ბურანში. ღამეს ასაქცევის მთავარ შენობაში ათევედა, სადაც ტელეფონი იდგა და კიდევ უფროსის ოთახი იყო, კაბინეტად რქმეული. ასაქცევის უფროსი აბილოვი წამდაუნუმ შერბო-

და და ჩაი შეჰქონდა ხოლმე ჩაიდნით. ედილეიმაც მიაკითხა რევიზორს. ქალაქლებს ჩაჰკირკიტებდა კაცი და თუთუნს აბოლებდა. იქნებ ვინმე ნაცნობთაგანი იყოსო, იფიქრა ედილეიმ, მაგრამ არა, ამას არ იცნობდა, ლოყებლაჟლაჟა კაცი იყო, სათვალთან, მეჩხერკბილება, თმაში ჭალარა გარეოდა. უცნაური, თითქო ლორწო ღიმილი უკრთოდა თვალებში.

გვიან საღამოს ისევ შეხვდა. ცვლიდან მოდიოდა ედილეი. დაინახა სამორიგეო შენობის წინ, ფარნის ქვეშ ბოლოთას სცემდა რევიზორი. კრაველის საყელო აენია, კრაველისავე ქუდი ეხურა, სათვალე ეკეთა, ჩაფიქრებული აბოლებდა, ჩექმებს დააჭრიჭინებდა ხვინჯაზე.

- საღამო მშვიდობისა. გასაბოლებლად გამობრძანდით? დაილაღეთ? - უთანაგრძნო ედილეიმ.

- მაშ, როგორ, - ოდნავ გაიღიმა იმ კაცმა. - ადვილი კი არაა, - და ისევ მკრთალმა ღიმილმა გადაურბინა პირზე.

- ცხადია ასე იქნება, - ზრდილობის ხათრით წაილაპარაკა ედილეიმ.

- ხვალ დილას მივემგზავრები, - აუნყა რევიზორმა. - მეჩვიდმეტე ჩამოივლის, გაჩერდება და იმას გავყვები. - ისევ მკრთალად გაიღიმა კაცმა. მოგუდული ხმა ჰქონდა, თითქოს ლაპარაკი უჭირდა. თვალები კი მონკურვით გიცქერდნენ. - მაშ თქვენ ბრძანდებით ედილეი ჟანგელდინი? - ჰკითხა რევიზორმა.

- დიახ, მე გახლავარ.

- ასედაც მეგონა, - რევიზორმა თავდაჭერებით გამოაბოლა მეჩხერი კბილებიდან. - ყოფილი ფრონტელი. ასაქცევზე ორმოცდაოთხიდან ცხოვრობთ. რკინიგზის მუშაკები ბურანელს გეძახიან,

- მართალს ბრძანებთ, - მიამიტად მიუგო ედიღეიმ. ეამა, ამ კაცმა რომ ამდენი რამ იცოდა მასზე, თუმცა კი გაუკვირდა, ნეტა რაში დასჭირდა ამ ამბების გარკვევა, რამ დაამახსოვრაო.

- მე კარგი მეხსიერება მაქვს, - ისევ მკრთალი ღიმილით განაგრცო რევიზორმა, მიხვდა ალბათ, რაც გაიფიქრა ედიღეიმ.
- ამ თქვენი ქუთიბაევივით მეცა ვწერ, - თავი გაიქნია და განათებული ფანჯრისკენ გაუშვა ბოლი რევიზორმა, სადაც, როგორც ყოველთვის, აბუტალიფის თავი ჩანდა, თავის ჩანაწერებს მისჯდომოდა. - მესამე დღეა ვუყურებ, სულ წერს და წერს. მესმის, მე თვითონაც ვწერ, ოღონდ ლექსებს. დეპოს გაზეთში თითქმის ყოველთვე ვიბეჭდები, იქ ჩვენ ლიტერატურული წრე გვაქვს. მე ვხელმძღვანელობ. საოლქო გაზეთებშიც დამიბეჭდეს რვა მარტზე ლექსი. წლეულს კი - პირველ მაისზე.

ერთხანს დუმილი ჩამოვარდა. ედიღეი ის იყო უნდა დამშვიდობებოდა და წასულიყო, რომ რევიზორმა ისევ ჰკითხა:

- იუგოსლავიაზე წერს, ხომ?

- მართალი გითხრათ, კარგად არ ვიცი, - მიუგო ედიღეიმ.
- მგონი, კი. ეგ ხომ იქ დიდხანს პარტიზანობდა. თავის შვილებისთვის სწერს.

- ვიცი. აბილოვს გამოვკითხე. თურმე ტყვეობაშიც ყოფილა. თითქოს რომელიღაც წლებში უმასწავლებლია კიდევ. ახლა კი კალმით გადაუწყვეტია თავის გამოჩენა, - ისე ჩაიცინა, თითქოს კბილები გააღრჩიალაო რევიზორმა, - თუმცა ეს არც ისე იოლია. როგორც ჩანს. მეც ვფიქრობ დიდი რაღაც დავწერო ფრონტზე, ზურგზე, შრომაზე. მაგრამ ჩვენს ძმას დრო ვინ მისცა. სულ მივლინებებში გვაგზავნიან...

- ეგეც საღამოობით იცლის ხოლმე, დღე მუშაობს, - ჩაურთო ედიღეიმ.

ისევ დადუმდნენ. ედიღეიმ ვერც ახლა მოასწრო გაცლა.

- აბა უყურე, სულ წერს და წერს, თავს ზევით არ იღებს. – ისევე ცალკებად გაიღმიჭა რევიზორი და აბუტალიფის ლანდს დააკვირდა ფანჯარაში.

- რალაც ხომ უნდა აკეთოს კაცმა, - მიუგო ედილეიმ. - წიგნიერი კაცია. ირგვლივ არაფინაა და არაფერია. ჰოდა, ეგეც სწერს.

- ოჰო, ეგ სწორი თქვით. ირგვლივ არაფინაა და არაფერია, თვალები მონკურა და ჩაფიქრებით ჩაიბურტყუნა რევიზორმა: - კაცი შენს ნებაზე ხარ, ირგვლივ არაფინაა და არაფერია. ეგ კი კარგი აზრი მომანოდეთ... შენ კი შენს ნებაზე ხარ...

ამ სიტყვებზე დაემშვიდობნენ ერთმანეთს. შემდეგ დღეებში სულ ფიქრობდა ედილეი, არ დამავინწყდეს, რევიზორთან ის შემთხვევით საუბარი აბუტალიფს ვუთხრაო, მაგრამ როგორღაც დრო ვერ იხელთა, მერე კი სულ გადაავინწყდა.

ზამთარი ახლოვდებოდა. საქმე ბევრი იყო. რაც მთავარია, ყრანარმა სულ აიშვა და აინყვიტა. შავ დღეში ჩააგდო პატრონი, ორი წლის უკან მომწიფდა, როგორც ათანშა¹³, ყრანარი. მაგრამ იმ ორ წელს კიდევ შეიძლებოდა მისი დამორჩილება, დაშინება, თუკი დაუყვირებდი. თანაც ბორანლელოთა ჯოგის ბებერი ლიონი - ყაზანგაპის ნარაქლემი ფრთებს არ აშლევინებდა, წიხლავდა და კბენდა, დედლებს ახლოს არ აკარებდა. მაგრამ ტრამალი დიდი, ერთი კიდიდან რომ გაავდებდნენ ყრანარს, მეორიდან შემოუტევდა. მთელი დღე ასე დაარბენინებდა ბებერ ათანს ახალგაზრდა ფიცხი ათანი, ვინემ სიქას არ გააცლიდა, მერე კი მაინც გაჰქონდა თავისი.

მაგრამ როცა ზამთრის ყინვები გამეფდა და აქლემებს კვლავ ძველებურად სისხლი აუჩქროლა ბუნებამ, ბორანლელო-

¹³ ახალგაზრდა ათანი, ლიონი

თა ჯოგის ბელადად ყარანარი იქცა. ძლიერმა, უკვე ყოვლის-შემუსვრელი ძალის მქონე ყარანარმა სულ იოლად მიიმწყვდია ყაზანგაპის ათანი ხრამის კიდეზე უკაცრიელ ტრამალში და ისე სცემა, დაწიხლა და დაკბინა, სიკვდილის პირამდე მიიყვანა ბებერი აქლემი, რამეთუ გამშველელი ირგვლივ არავინ იყო. ბუნება თანამიმდევრულად მისდევდა თავის ულმოხელ კანონს - ახლა ყარანარის ჯერი დადგა შთამომავლობის გაჩენისა.

ამის თაობაზე მაშინ პირველად წაიკინკლავეს ყაზანგაპმა და ედიღემ, გულმა არ მოუთმინა ყაზანგაპს, როცა ეს საცოდავი სურათი - ხრამის ქვეშ თავისი დაწიხლული და გათელილი ათანი ნახა. საძოვრიდან მოჟამული დაბრუნდა და ედიღეის უთხრა:

- ეს როგორ ჰქენი? ეგენი თუ პირუტყვებია, ჩვენ ხომ კაცნი ვართ! შენმა ყარანარმა ხომ მკვლელობა ჩაიდინა. ასე უპატრონოდ რატომ გაუშვი ტრამალზე!

- მე არ გამიშვია, ყაზაქე, თვითონ წავიდა. მითხარი, როგორ გავაჩერო? ჯაჭვით დავაბა? ეგ ჯაჭვსაც აწყვეტს. თვითონაც იცი, ტყუილად არ უთქვამთ ძველად: „ყიუშ ათასინ თანიმაიდი“¹⁴. მაგისი ჟამიც დადგა.

- შენ კი გიხარია! მაგრამ დაიცა, ჯერ სადა ხარ: გეცოდება. არ გინდა ნესტოები გაუხვრიტო და შიში¹⁵ გაუყარო, მაგრამ ცხარე ცრემლებით გატირებს, უკან დევნით ღდინს გაგაცლის. მისთანა პირუტყვი ერთ ჯოგს არ იკმარებს, მთელი საროზეჟის ტრამალებს მოირბენს და ყველას შეებმება. ვერც დააკავებ და დაიმორჩილებ. მაშინ გაიხსენებ ჩემს სიტყვებს...

¹⁴ ძალა მამასაც არ ინდობს

¹⁵ ხის ნაჭერი, ზედა ტუჩზე რომ უყრიან აქლემს

აღარ დაუწყია დავა, აღარ გააჭავრა ყაზანგაპი ედიღეიმ, თუმცა კაცმა რომ თქვას, მართალიც იყო. ამიტომ ესლა ჩაიბურტყუნა.

- შენ თვითონ არ მაჩუქე, როცა ძუძუმწოვარა იყო, ახლა კი მეჩხუბები. კარგი. რამეს მოვიფიქრებ, რაღაცას გავახერხებ, ქედი რომ მოვადრეკინო.

მაგრამ ნესტოები გაეხვრიტა, ხის შიში გაეყარა, ყარანარისთანა ლამაზი აქლემი დაემახინჯებინა, ეს ვეღარ გააკეთა ედიღეიმ, გულმა არ უქნა. შემდეგში, ვინ მოთვლის, მართლაც რამდენჯერ გაიხსენა ყაზანგაპის ნათქვამი, გაცოფებულმა რამდენჯერ დაიფიცა, არაფერს აღარ მივხედავო, და მაინც ხელი არ ახლო აქლემს. ერთი პირობა კიდევ გადაწყვიტა, დაგვკოდავო, მაგრამ ვერ გაბედა. ვერ მოერია თავს. წლები კი მიდიოდა და ყოველ წელს ზამთრის ყინვების დადგომისთანავე იწყებოდა ისევ ტრამალებში ხეტიალი ვნებისგან გაგიჟებული და გააფთრებული ყარანარის საძებრად...

იმ ზამთრიდან დაიწყო ყველაფერი. ეს კარგად ახსოვს ედიღეის. ვინემ ყარანარს მოარჯულებდა, ვინემ საჩხეს გააკეთებდა მის დასამწყვდევად, ახალმა წელმაც მოაღწია. ქუთიბაევებმა ნაძვის ხის მონყობა განიზრახეს. ბორანლელი გოგო-ბიჭებისთვის. ეს დიდზე დიდი დღესასწაული გამოდგა. უქუბალა თავისი გოგოებით ლამის ქუთიბაევების ბარაკში დასახლდა. მთელი დღე ნაძვის ხის მორთვის სამზადისში იყვნენ. სამსახურში წასვლამდე და იქიდან მობრუნებისას ედიღეიც პირველად ქუთიბაევებს შეაკითხავდა იმის სანახავად, ნაძვის ხის საქმე როგორააო. თანდათან ლამაზდებოდა და ირთვებოდა ნაძვი ლენტებით, ხელით ნაკეთები ნაირ-ნაირი სათამაშოებით. მართლა იყოჩაღეს ქალებმა - ზარიფამ და უქუბალამ თავი გადადეს, პატარებისთვის მთელი თავისი ოსტატობა აჩინეს. მარტო ნაძვის

ხის გამო არ იყო ეს ყველაფერი, ამ ახალი წლისგან ბევრ რასმე გამოელოდნენ, ანგარიში მიუცემლად ყველას იმედი ჰქონდა, მალე იქნება ცვლილებები, ბედნიერი ცვლილებებიო.

აბუტალიფი ნაძვის ხეს აღარ დასჯერდა. მთელი გოგობიჭობ, გარეთ გამოიყვანა, თოვლის დიაცი გააკეთებინა. ედიღის ჯერ ეგონა, უბრალოდ ერთობიან, თავს იქცევინო, მერე კი თვითონაც მოეწონა. უზარმაზარი, სასაცილოზე სასაცილო თითქმის ადამიანის სიმაღლე თოვლის დიაცი, ნახშირის თვალებითა და წარბებით, წითელი ცხვირით, თავზე ყაზანგაპის გაქუცული მაღახაით, მოღიმარი იდგა ასაქცევის წინ და მატარებლებს ეგებებოდა. ცალ „ხელში“ რკინიგზელის მწვანე ალაში ეჭირა - გზა ხსნილიაო, მეორეში კი - ფიცარი, რომელზედაც ეწერა: „მოგვილოცნია ახალი 1953 წელი!“ ზორბად კი გამოვიდა მართლა! ახალი წლის მერმეც დიდხანს იდგა ეს თოვლის დიაცი...

მიმავალი წლის 31 დეკემბერს მთელი დღე დაბინდებამდე თამაშობდნენ ბორანლეული გოგო-ბიჭები ხან ნაძვის ირგვლივ და ხან ეზოში.. ასევე ერთობოდნენ მოზრდილებიც, ვინც იმ დღეს არ მორიგეობდა. დილას უამბო აბუტალიფმა ედიღის, გათენებისას როგორ შემოუძვრნენ საწოლოში ბიჭები, ქსუტუნებდნენ, წრიალებნენ. აბუტალიფმა კი თავი მოიმძინარა თურმე.

„- ადექი, ადექი, მამუკი! - მაჯანჯლარებს ერმეექი, - თოვლის ბაბუა მალე ჩამოვა და უნდა შევხვდეთო.“

- კარგი, - მე ვუთხარი, - ახლავე ავდგებით, დავიბანთ, ჩავიცვამთ და წავალთ. ხომ შეგვპირდა თოვლის ბაბუა, ჩამოვალო.

- რომელი მატარებლით? - მკითხა ახლა უფროსმა.

- რომლითაც უნდა, - ვუთხარი, - თოვლის ბაბუას ჩვენს ასაქცევზე ყველა მატარებელი გაუჩერებს!

- მაშინ ჩქარა უნდა ავდგეთ!

დიდი ამბით მოვემზადებით.

- დედა არ წამოვა? - მკითხა დაულმა, - დედასაც ხომ უნდა თოვლის ბაბუას ნახვა?

- აბა როგორ, - ვუთხარი, - დედასაც დაუძახეთ.

ყველანი ერთად გამოვედით სახლიდან. ბიჭებმა გაგვასწრეს, სამორიგეოსკენ გაიქცნენ. ჩვენ უკან მივყევით. დარბიან ჩემი ბიჭები, ირგვლივ უვლიან, თოვლის ბაბუა კი არა ჩანს და არა.

- მამუკი, სადაა თოვლის ბაბუა?

ხომ იცი, რა თვალები აქვს ერექს, აფახულებს, ისე მიყურებს..

- ნუ ჩქარობთ, ახლავე გავიგებ მორიგესთან.

სამორიგეოში კი წინაღლითვე მქონდა დამალული თოვლის ბაბუას წერილი და საჩუქრების პარკი. გამოვედი თუ არა იქიდან, მომცვივდნენ:

- რაო, მამუკი?

- თოვლის ბაბუას თურმე წერილი დაუტოვებია თქვენთვის. აი, რასა გნერთ: „ჩემო ძვირფასო ბიჭუნებო- დაულ და ერმექ! თქვენს განთქმულ ბორანლი-ბურანზე ძალიან ადრე, დილის ხუთ საათზე ჩამოვედი, როცა თქვენ გეძინათ, ძალიან ციოდა. მეც ხომ ცივი ვარ, წვერი ყინულის მატყლისა მაქვს. მატარებელი მხოლოდ ორი წუთით შეჩერდა. ისლა მოვასწარი, წერილი დამეწერა და საჩუქრები დამეტოვებინა თქვენთვის. მაგ პარკიდან თითო-თითო ვაშლი და ორ-ორი კაკალი ასაქცევის ყველა გოგობიჭს ჩამოურიგეთ. ნუ შემინწყრებით, წინ ძალიან ბევრი საქმე მაქვს. სხვა ბავშვებთან უნდა წავიდე, ისინიც მიმელიან. თქვენთან კი მომავალ ახალ წელს ჩამოვალ და უთუოდ გნახავთ. ახლა ნახვამდის. თქვენი თოვლის ბაბუა აიაზ-ათა“. დაიცათ, აქ რა-

ლაცაა კიდევ მიწერილი, ჰაიჰარად მიუტლახნია, ვერ გაარჩევ. ალბათ მატარებელი უკვე დაიძრა. ჰოო, გავარჩიე: „დაულ, შენს ცუგას ნუ სცემ, გავიგონე, ერთხელ კალოზე რომ დაარტყი, როგორ ანკმუტუნდა. მაგრამ მეტჯერ არ გამიგია. ალბათ ახლა უკეთ ექცევი. ესაა და ეს. ისევ და ისევ თქვენი თოვლის ბაბუა აიაზ-ათა“ დაიცა, დაიცა, კიდევ რალაც მიუნწერია. ჰოო, მივხვდი: „თოვლის დიაცი ძალიან მომწონა, ყოჩალ თქვენ, მე მას ხელი ჩამოვართვი“.

იცი, როგორ გაეხარდათ. თოვლის ბაბუას წერილმა მაშინვე ყველაფერში დაარწმუნა ბიჭები. გული არ დანწყვეტიათ: ოღონდაც კამათი დაიწყეს, არა მე წავიღებ საჩუქრების პარკს და არა მეო. მაშინ დედამ მოარიგა ერთმანეთში:

- პირველ ათ ნაბიჯზე დაული წაიღებს, იმიტომ რომ უფროსია, მეორე ათ ნაბიჯზე კი შენ, ერმეე, რადგან უმცროსი ხარ...“

გულიანად იცინა ედილეიმ: „აბა უყურე, თუმცა მაგათ ადგილზე მეც დავიჯერებდი“.

სამაგიეროდ დღისით ყველაზე დიდი სახელი ძია ედილეიმ მოიხვეჭა გოგო-ბიჭებში. მარხილით ასეირნა ისინი. ყაზანგაპს ჰქონდა ძველი მარხილი. შეუბეს მარხილს ყაზანგაპის თვინიერი აქლემი, მკერდზე ცალულს რომ არ უცხოობდა - ყარანარს ასეთი რამ არ ენდობოდა. შეაბეს აქლემი და ყველანი ერთად წავიდნენ. რა ჟრიაბული და ჟივილ-ხივილ იდგა! ედილეი მეეტლედ იჯდა, ბავშვები ზედ ეხვეოდნენ, ყველას მის გვერდით უნდოდა ჯდომა, ყველა ეხვეწებოდა: „გააქანე, გააქანე მარხილი!“ აბუტალიფი და ბარიფა ხან წელა, ხან სრბილით მისდევდნენ, დაღმართებზე კი თვითონაც ჩამოსხდებოდნენ ხოლმე მარხილის კიდებზე. ასაქცევს ორ კილომეტრზე რომ გაშორდნენ, გორაზე მოატრიალეს მარხილი და ქვემოთ დაეშვნენ. დაიღალა აქლემი, ცოტა ხანს შესვენება დასჭირდა.

მშვენიერი დარი იდგა. თეთრად მოქათქათე უსაზღვრო საროზექზე პირველქმნილი მღუმარება სუფევდა. გარშემო ტრამალი გადაჭიმულიყო, მის მაღლობებს, ბორცვებს და ვაკეებს თოვლის იდუმალი საბანი ეფარა. ცა მკრთალად აშუქებდა, ნაშუადღევის წყნარ სითბოს ღვრიდა. ნიაფი ნაზად ელამუნებოდა ყურს. წინ რკინის ლიანდაგზე, გრძელი წითელი მატარებელი მიდიოდა, ორ შავ ორთქლმავალს მიჰყავდა. მილებიდან რგოლ-რგოლად ამოდიოდა კვამლი და ჰაერში ნელა დნებოდა. სემაფორთან მიახლოებისას ორთქლმავალმა ხანგრძლივად დაჰკივლა. დაჰკივლა ორჯერ - მოვდივარო, აუწყა. მატარებელი არ შეჩერებულა, სვლა არ შეუნელებია, ისე ჩაუვრიალა ასაქცევს. ჩაუარა სემაფორებს, რკინიგზის ხაზს უშნოდ მიწებებულ ექვსიოდე პატარა სახლს, თუმცალა ირგვლივ ამოდენა სივრცე იყო. ჩაიარა მატარებელმა ისევ მიწყნარდა, მიჩუმდა ყველაფერი. ირგვლივ არაფერი არ მოძრაობდა. მხოლოდ ბორანლელთა სახურავებიდან იკლაცნებოდა იისფერი კვამლი. ყველა ჩუმად იყო. სეირნობით გახურებული გოგო-ბიჭებიც წამით გაირინდნენ. ზარიფამ ხმადაბლა, მარტო ქმრის გასაგონად ჩაილაპარაკა:

- რა კარგია და თან რა საზარი!

- მართალი ხარ, - ასევე ხმადაბლა მიუგო აბუტალიფმა.

ედიღეის თავი არ მოუბრუნებია, ისე ალმაცერად გახედა ცოლქმარს - როგორ ჰგავდნენ ერთმანეთს. ზარიფას ხმადაბლა, მაგრამ გარკვევით ნათქვამმა გული ატკინა ედიღეის, თუმცალა გასაგონად არ იყო თქმული. უეცრად მიხვდა, რა შიშსა და გულისწუხილს ჰგვრიდა ქალს ეს პატარა სახლები, კვამლი ბოლქვებად რომ ასდიოდა. მაგრამ რა უნდა ეშველა ედიღეის, რკინიგზასთან მიყუჟული ეს სახლები ხომ ერთადერთი თავშესაფარი იყო ყველასთვის.

მათრახი გადაჰკრა აქლემს ედიღემ, ასაქცევისკენ გააქანა.

ახალი წლის წინა ღამეს ყველა ბორანლელი ედიღეისთან შეიყარა, ასე გადანყვიტეს რამდენიმე დღის წინ ედიღემ და უქუბალამ.

- ქუთიბაევები ახლა ჩამოვიდნენ, მთელ გოგო-ბიჭებს კი ნაძვის ხე მოუნყვეს, ჩვენ მით უფრო არ გვმართებს სიძუნწე, - თქვა უქუბალამ.

ედიღეი ძალზე გაახარა ამ ამბავმა. თუმცა ყველა ვერ დაესწრებოდა - ზოგი ხაზზე იყო მორიგე, ზოგს სალამოდან უნდა ემორიგევა. მატარებლებს რა უნალღვლებოდა, უქმე იყო თუ საქმი დღე. ყაზანგაპი მხოლოდ დასაწყისს დაესწრო, სალამოს ცხრა საათიდან ისართან უნდა მდგარიყო. ედიღეისაც, გრაფიკის მიხედვით, პირველი იანვრის ექვსი საათიდან ხაზზე უნევდა მორიგეობა. რას იზამ, ასე ითხოვდა სამსახური. და მაინც დიდებულად გაატარეს დრო. ყველა მშვენიერ გუნებაზე იყო, შორიდან ჩამოსულ სტუმრებივით მორთულიყვნენ, თუმცაღა დღეში ათჯერ მაინც ხედავდნენ ერთმანეთს. უქუბალამ თავი გამოიჩინა - ნაირ-ნაირი საჭმელი დაამზადა. დასალევიც ჰქონდათ - არაყი, შამპანური. მსურველებს ზამთრის შუბათი მიართვეს, ყაზანგაპის დაუღალავი ბუქეი ზამთარშიაც ახერხებდა ხოლმე დედა აქლემების მოწველას.

ჭემარაიტი ლხინი მაშინ გაიმართა, როცა წაისაუზმეს, პირველი ჭიქები დაცალეს და სიმღერა დაიწყეს, როცა მასპინძლებმა მოათავეს ფაციფუცი და სტუმრებმაც თავი ლალად იგრძნეს. ახლა შეიძლებოდა აუჩქარებლად, წვრილმანებისთვის ყურადღების მიუქცევლად, მოგელხინა და დრო გეტარებია იმათ წრეში, ვისაც ყოველდღე ხვდებოდი, კარგად იცნობდი და მაინც რაღაც ახალი თვალით ხედავდი, ვინაიდან ასე მოსდგამს დღესას-

წაუღოს, ადამიანებს სულ გადაასხვავებებს ხოლმე. ზოგჯერ - ცუდი მხრითაც. ოღონდ არა აქ, ბორანელთა შორის. ისღა გაკლია, საროზეში იცხოვრო და უქმური თუ ჩხუბისთავი კაცი იყო. ედილეი ცოტა შეზარხოშდა, მაგრამ ზარხოშიც ძალიან დაშვენდა.

უქუბალამ მშვიდად, შეუშფოთებლად გაახსენა:

- არ დაგავინყდეს, ხვალ ექვსისთვის სამუშაოზე უნდა იყო.
- გასაგებია. უქუ, ყველაფერს მივხვდი.

უქუბალასთვის მკლავი ყელზე შემოეჭდო ედილეის და მღეროდა. მერე რა, რომ შიგადაშიგ ეშლებოდა, სამაგიეროდ თავისი გულმოდგინებით კარგა ძლიერ ხმაურს ქმნიდა. მშვენიერ გუნებაზე იყო. ისეთზე, როცა თავიც ნათლად გიმუშავენს, გრძნობებიც მოგრევიან, მაგრამ არც ერთი ერთმანეთს ხელს არ უშლის. მღეროდა და თან გრძნობით შეჰყურებდა თავის სტუმრებს, მხიარულად, გულიანად უღიმოდა ყველას, სწამდა, რომ ყველა ასეთსავე კარგ გუნებაზე იყო. მაშინ ლამაზი ვაჟკაცი გახლდათ ედილეი. შავწარბა და შავუღვაშა, ბრჭყვიალა თაფლისფერი თვალები ჰქონდა, თეთრი ჩანკნიკეპული კბილები. კაცი ვერ იფიქრებდა, სიბერე თუ ასე შეცვლიდა. უყურადღებოდ არავინ რჩებოდა ედილეის. სისრულეში შესულ ბუქეის მხარზე უთათუნებდა ხელს და ბორანელთა დედას ეძახდა. მისი სადღეგრძელო შევსვათო, იძახდა, მისი სახით მთელ ყარაყალპაყელ ხალხს გაუმარჯოსო, ამურდარიას ნაპირებზე მცხოვრებთ. ამშვიდებდა, არ დაღონდე, ყაზანგაპმა რომ სუფრა მიატოვა და სამუშაოზე წავიდაო.

- მაგან შინაც მომაბეზრა თავი! - ხუმრობით პასუხობდა ბუქეიც.

თავის უქუბალასაც სრულად ეძახდა სახელს ედილეი - ჩემი უქუბალასიო, რაიც ბუს მართვეს ნიშნავდა. ყველასათვის აღმო-

აჩნდა ტკბილი სიტყვა ედიღეის, ამ ვიწრო წრეში ყველა მისი და ძმები იყვნენ, ასე გასინჯეთ, ასაქცევის უფროსი აბიბოვიც კი, თავისი ადგილი რომ ეპატარავებოდა სარობეში, და მისი ფერ მკრთალი, ორსული ცოლი საქენიც, რომელსაც სულ მალე ქუმბელის სამშობიარო სახლში მოუწევდა გამგზავრება. გულწრფელად სწამდა, რომ ირგვლივ ძალზე ახლობელი ხალხი ეხვია, ხვანაირად არც შეიძლება ყოფილიყო, საკმარისია თვალი დახუჭო სიმღერის დროს, რომ წუთში წინ დაგიდგეს სარობეის ვეებერთელა დათოვლილი უდაბნო და მის სახლში ერთი ოჯახით შეყრილი ეს ერთი მუჭა ხალხი. მაგრამ ყველაზე მეტად აბუტალიფსა და ზარიფას შეჰხაროდა ედიღეი. ალალიც იყო მათზე. ზარიფა მანდოლინაზე უკრავდა და მღეროდა, რა სიმღერაც არ უნდა წამოეწყოთ, ხელათვე ააყოლებდა მანდოლინას. ზარიფით წკრიალა ხმა ჰქონდა ზარიფას. ნელა, გაბმით მიჰყავდა სიმღერა აბუტალიფის მოგუდულ ბანს, შეწყობილად, ტკბილად ჟღერდა მათი სიმღერა, მეტადრე თათრული ყაიდისა, ალმაქსალმაქის დარად - ერთმანეთის გაპასუხებით. სხვები ხმას აყოლებდნენ. ბევრი სიმღერა იმღერეს ძველიცა და ახალიც. მაგრამ არავინ დაღლილა. პირიქით, უფრო და უფრო ეშხში შევიდნენ. მაშასადამე, სტუმრები მოლხენით იყვნენ. ედიღეი თვალს ვერ აცილებდა მის პირდაპირ მჯდომ ზარიფასა და აბუტალიფს. გრძნობამორევით უყურებდა - სულ ასე უნდა ყოფილიყვნენ, ამ წყეულ ბედს რომ სული მოეთქმევინებინა მათთვის. იმ გაუსაძლისმა პაპანაქებამ ზაფხულში დაწვა და დახრუკა ზარიფა, როგორც ნორჩ ხეს დაწვავს ხანძარი, ძირებამდე გამოუხუნა თმა, ტუჩ-პირი ჩაუნახშირა და დაუხეთქა. ახლა კი ველარ იცნობდი, ისეთი ლამაზი იყო ისე უცნომრებდა შავი თვალები, გადატყვევოდა პირისკანი, როგორც აზიელ დიაცებს მოსდგამთ. მოქნილი წარბები ყველაზე უკეთ ამულავნებდა მის განწყობას, წარბები

მღეროდნენ, ხან შეიჭმუხნებოდნენ, ხან გაიშლებოდნენ და ზე აფრინდებოდნენ. დიდი, დიდი ხნის წინათ შექმნილი სიმღერების კვალობაზე. აბუტალიფი აქეთ-იქით ირწეოდა და ისე აძლევდა ბანს, დიდი გრნობით გამოჰყავდა ყოველი სიტყვა.

... ვერა წაშლის რა სიყვარულის გარდასულ დღეებს
ტაიჭის ფერდზე დარჩენილი მოსართავის კვალისდა დარად...

კვნესოდა და წკრიალებდა ზარიფას თითებქვეშ მანდოლინა იმ ახალი წლის ღამეს შეყრილ სტუმრების პატარა წრეში. იასამნისფერი ნაქსოვი ზედაწელი ეცვა ზარიფას, თეთრი საყელო გადაეკეცა, სიმღერის ხმებთან ერთად მიცურავდა თითქოს. და ეღირეისაც ისე ეჩვენებოდა, რომ სადღაც შორს, შორს წასულიყო ზარიფა, ლალად, თავისუფლად მირობდა საროზექის გადათოვლილ ველებზე, წკრიალებდა მანდოლინა, უკან იხევდა წყვდიადი, თანდათან ნისლს ერეოდა ქალი, მხოლოდ მანდოლინას ჟღერა ისმოდა, მაგრამ რა გაახსენდებოდა, ბორანლის ასაქცევზეც ცხოვრობს ხალხი, ვისაც უიმისოდ გაუჭირდება, კვლავ უკან, სუფრაზე ბრუნდებოდა ზარიფა და კვლავ მღეროდა და მღეროდა...

მერე აბუტალიფმა აჩვენა ბორანლელებს, როგორ ცეკვავდნენ პარტიზანები ხელიხელგადახვეულნი. მერე ზარიფამ დაუკრა, აბუტალიფმა კი დაამღერა მხიარული სერბიული სიმღერა. ყველანი წრეში დადგნენ, ერთმანეთს მხრებზე ხელი გადახვიეს, ცეკვავდნენ და „ჰოპლა“, „ჰოპლაო...“ დასძახოდნენ.

შემდეგ ისევ იმღერეს, დალიეს, ჭიქების ჭახუნით ერთმანეთს ახალი წელი მიულოცეს. ზოგი წავიდა, ზოგი მოვიდა... ასაქცევის უფროსმა და მისმა ფეხმძიმე ცოლმა ცეკვებამდე დატოვეს სუფრა. ასე გაიარა ღამემ.

ზარიფა გარეთ გავიდა, სუფთა ჰაერზე, აბუტალიფიც უკან გაჰყვა. უქუბალამ შილიფად არავინ გაუშვა, გაოფლიანებული ხართ, გაცივდებითო. ზარიფამ და აბუტალიფმა დააგვიანეს შემობრუნება. ედილეიმ გადანყვიტა წასულიყო და შემოეყვანა ისინი, ლხინს უიმათოდ ლაზათი აკლდა.

- ჩაიცვი, ედილეი, - დაუძახა უქუბალამ. -თორემ გაცივდები.

- ახლავე მოვბრუნდები. - ედილეი გარეთ გავიდა. ცივი, კამკამა ღამე იყო. ირგვლივ მიმოიხედა და დაიძახა,

- აბუტალიფ, ზარიფა!

ხმა არავინ გასცა. სახლის უკნიდან ლაპარაკი შემოესმა. შეყოყმანდა ედილეი, აღარ იცოდა, შინ შებრუნებულიყო თუ, პირიქით, მისულიყო და ისინიც წამოეყვანა. რალაც ამბავი იყო იქა.

- არ მინდოდა შენ დაგენახა, - სლუკუნებდა ზარიფა. მაპატიე. რა ვენა, ძალიან დამიმძიმდა გული. მაპატიე, გეთაყვა

- მესმის, განა არ მესმის, - ამშვიდებდა აბუტალიფი. ყველაფერი მესმის, მარტო მე ვიყო ამ დღეში, მარტო მე მეხებოდეს, არაფერს ვიტყვოდი. ღმერთო ჩემო, ერთ კაცს გინდ უცოცხლია, გინდ არა. ასე აღარც მოვებლაუჭებოდი სიცოცხლეს. - ორივე დადუმდა, აბუტალიფმა ისევ განაგრძო: - მაგრამ ჩვენს შვილებს ხომ მაინც ეშველება... ეს იმედილა მრჩება...

ნელა, ფეხაკრეფით დაიხია უკან ედილეი, მთლიანად ვერ ჩახვდა, რაში იყო საქმე. უხმაუროდ შებრუნდა შინ. შემცივნული ათამაშებდა ბეჭებს. დღესასწაული აღარ ეჩვენა დღესასწაულად, ერი დაკარგოდა ყველაფერს. ახალი წელი ახალი წელია, მაგრამ ნამუსიც კაი საქონელია, ყველაფერს ბოლო უნდა ჰქონდეს.

1953 წლის 5 იანვარს, დილის ათ საათზე ბორალნი-ბურანის ასაქცევზე სამგზავრო მატარებელი ჩამოდგა, თუმცა გზა ხსნილი იყო და შეუჩერებლივ შეეძლო ჩავლა. მატარებელი წუთნახევარს იდგა, ალბათ მეტხანს არც იყო საჭირო. ერთ-ერთი ვაგონის კიბიდან სამი კაცი ჩამოვიდა, სამივეს შავი ქრომის ერთნაირი ჩექმები ეცვა. ჭიქურ სამორიგეო შენობისკენ გასწიეს. აქეთ-იქით არც გაუხედავთ, მტკიცედ, უხმოდ მიაბიჯებდნენ. ესაა, წამით შეჩერდნენ თოვლის დიაცის წინ, უხმოდ დახედეს ფიცარზე მისალოც წარწერას. შეათვალიერეს დიაცის თავზე ჩამოფხატული ყაზანგაპის გაქუცული ძველი მალახაი და სამორიგეოში შევიდნენ.

ცოტა ხნის შემდეგ სამორიგეოს კარიდან ასაქცევის უფროსი აბილოვი გამოვარდა, კინალამ თოვლის დიაცს დაეტაკა, შეიპურთხა და თითქმის სირბილით განაგრძო გზა. ეს კი თავის დღეში არ უქნია. ათიოდე წუთის შემდეგ ქოშინ-ქოშინით დაბრუნდა აბუტალიფ ქუთიბაევის თანხლებით, რომელიც სასწრაფოდ მოეძებნა და სამუშაოდან წამოეყვანა. აბუტალიფი გაფითრებული ჩანდა, ქუდი ხელში ეჭირა. აბილოვი და ის სამორიგეოში შევიდნენ. სულ მალე აბუტალიფი ორი ქრომისჩექმებიანი, ჩამოსული კაცის თანხლებით უკანვე გამოვიდა და თავის ბარაკისკენ გასწია მათთან ერთად, იქიდანაც მალე გამობრუნდნენ რაღაც ქააღდებით. აბუტალიფს ფეხდაფეხ მოსდევდნენ ის კაცები. მერე ყველაფერი მიწყნარდა, არავინ გამოსულა და არავინ შესულა სამორიგეოში.

მომხდარი ამბავი უქუბალამ შეატყობინა ედილეთს. აბილოვის დავალებით მეოთხე კილომეტრზე მიიჭრა სირბილით. იმ დღეს იქ სარემონტო სამუშაოებზე იყვნენ წასულნი. ედილეთი განზე გაიხმო:

- აბუტალიფი დაჰკითხეს.

- ვინ დაკითხა?

- არ ვიცი. ვილაცხები ჩამოვიდნენ, აბილოვმა დამაბარა, თუ არ ჩავაცივდნენ, არ დაგცდეთ, ახალ წელს აბუტალიფსა და ზარიფასთან ერთად რომ შევხვდითო.

- ვითომ რატომაო?

- არ ვიცი, ასე კი დამაბარა შენთან. შემოგიტვალა, ორ საათზე შინ იყავიო. აბუტალიფის თაობაზე შენც უნდა გკითხონ რაღაცაო.

- რა უნდა მკითხონ?

- მე საიდან ვიცი. აბილოვი შეშინებული დამადგა თავზე და ასეა და ასეო, მითხრა. მე კი შენთან გამოვექანდი.

ორ საათზე ისედაც სადილად ბრუნდებოდა შინ ედილეი. ჯერ გზაში და მერე სახლში სულ თავს იმტვრევდა, რა მოხდაო, პასუხი კი ვერ მოეძებნა. ვითომ წარსულის გამო, ტყვეობაში რომ იყო აბუტალიფი? კი მაგრამ, რა ხანია შემოწმდა და გაირკვა ყველაფერი. მეტი რა ბრალი ჰქონდა ნეტა? გუნება მოეშხამა, შიშმა აიტანა ედილეი. ორიოდე კოვზი ვერმიშელის სუპი შეხვრიპა და თეფში განზე გადგა. საათს დახედა. ორს ხუთი წუთი აკლდა. რახან ორზე დაიბარეს, მაშასადამე, ორზე უნდა იყოს. სამორიგეოს წინ აბილოვი დახვდა, საოცრად მობუზული, დათრგუნვილი, წინ და უკან ბოლთას სცემდა.

- რა მოხდა?

- ძალიან ცუდი ამბავი, ედიქე, - აბილოვმა შიშით შეხედა, ტუჩები აუთრთოლდა. - ქუთიბაევი დაიჭირეს.

- რისთვის?

- რალაც აკრძალული ნაწერები უნახეს. განა არა, მთელი საღამოები იჭდა და რალაცას წერდა, ყველამ გაიგო. ყველაფერი მაგ წერამ უქნა.

- ეგ ხომ თავის ბიჭებისთვის წერდა.

- მე არ ვიცი, ვისთვის წერდა. არაფერი არ ვიცი. შედი, შენ გელოდებიან.

ასაქცევის უფროსის კაბინეტში ედილეთს დაახლოებით მისი ხნის კაცი დახვდა, ოცდაათიოდე ან ცოტა უფრო ნაკლები წლისა. ჩასხმული კაცი იყო, დიდი თავი და მოკლედ შეკრეტილი თმა ჰქონდა. რალაცას კითხულობდა, დაძახული, ხორციანი, დაჩვრეტილი ცხვირი გაოფლიანებოდა. მძიმე, მაღალი შუბლი შეეჭმუნა. ედილეთს შესვლისას და მერეც, როცა ლაპარაკობდნენ, ცხვირსახოციტ წარამარა იმშრალეებდა ცხვირს. წინ „ყაზბეგის“ კოლოფი ედო. კარებში მდგარ ედილეთს დანახვაზე გრძელი პაპიროსი ამოიღო, თითებში შეატრიალა, გააბოლა. სონლუღით კრიალა, მოყვითალო თვალები ჰქონდა.

- დაჯექი, - უთხრა მოკლედ. ედილეთი მაგიდის წინ ტაბურეტზე დაჯდა.

- აი, ეჭვი რომ არ გქონდეს, - თქვა სონლუღისთვალებამ, სამოქალაქო კიტელის გულის ჯიბიდან რალაც ყავისფერი წიგნაკი ამოიღო, გადაშალა და მაშინვე შეინახა. თან რალაც ჩაიბურტყუნა, თუმცა. „თანსიქბაევი“ თუ „თისიქბაევი“, ედილეთი კარგად ვერ გაარჩია.

- გასაგებია? - ჰკითხა სონლუღისთვალებამ.

- გასაგებია, - აბა სხვა რა უნდა ეთქვა ედილეთს.

- მაშინ საქმეს შევუდგეთ, როგორც მითხრეს, შენ ქუთიბაევის დიდი ძმაკაცი ყოფილხარ?

- გინდაც ეგრე იყოს, მერე რა?

- გინდაც ეგრე იყოს, - გაიმეორა სონლუღისთვალებამ და ნათვამი დაარტყა, თითქოს ნათქვამის აზრს კარგად უნდა ჩასწვდესო, - გინდაც ეგრე იყოს. დავუშვათ. გასაგებია. - უცებ მოულოდნელად ჩაიციინა და შუშასავით გამჭვირვალე თვალებში

წინასწარი სიამის გრძნობა გაუკრთა. - მაშასადამე, ჩემო კარგო, ვწერთ და ვწერთ?

- რას ვწერთ? - დაიბნა ედილეი.

- მეც სწორედ ეგ მინდა გავიგო.

- არ მესმის, რაზეა ლაპარაკი.

- ნუთუ? აბა დაფიქრდი! ჰა?

- არა, არ მესმის.

- რასა სწერს ქუთიბაევი?

- არ ვიცი.

- არ იცი? ყველამ იცის, შენ კი არ იცი?

- ვიცი, რომ რალაცას წერს, მაგრამ რას, საიდან უნდა ვიცოდე. რა ჩემი საქმეა? კაცს თუ წერა უნდა, გაუშვი, წეროს. ვის რა ესაქმება?

- როგორ თუ რა ესაქმება? - გაკვირვებით შეტოვდა სონლულისთვალეობა და ტყვიასავით გამბურღავი გუგები მიაჩერა. - მაშასადამე, ვისაც რა მოესურვება, ის უნდა წეროს? ასე დაგარწმუნა?

- არაფერიც არ დამარწმუნა.

სონლულისთვალეობას ყურში არ შეუშვია მისი პასუხი, ისე იყო აღშფოთებული:

- მტრის აგიტაციაც ამას ჰქვია! ის კი არ გიფიქრია, რა იქნება, ყველამ რომ ჯღაბნა დაიწყოს? არ გიფიქრია, ჰა? მერე ადგეს და რაც თავში მოუვა, ის ილაპარაკოს? ასეა ხომ, შენი აზრით? საიდან გაქვს ეს უცხო აზრები? არა, ჩემო ძვირფასო, ჩვენ ამას ვერ დავუშვებთ ასეთი კონტრრევოლუცია არავის გაუვა!

ედილეი შეწუხებული, დათრგუნული ჩუმად უსმენდა სიტყვების ამ ნიაღვარს. გაოცდა კიდევ, ირგვლივ რომ არაფერი შეიცვალა, თითქოს არც არაფერი მომხდარიყოს. ფანჯრიდან და-

ინახა, როგორ ჩაიგრიალა ტაშკენტის მატარებელმა. წამით თვალწინ დაუდგა: თავის საქმეებზე მიემგზავრება ამ მატარებლით ხალხი. ჩაისა თუ არაყს სვამენ, ერთმანეთს ებაასებიან და არავის ენაღვლება, რომ ამ დროს ბორანლი-ბურანში ედილეი, კაცმა არ იცის, საიდან გამომტყვრალ ამ სონლულისთვალელებას წინ ზის. გამწარებით მოუნდა გამოვარდნილიყო სამორიგეოდან, მიმავალ მატარებელს დასწეოდა და თუნდაც გადასაკარგავში გაჰყოლოდა, ოღონდ ამწუთს აქ არ მჯდარიყო.

- ჰა, რას იტყვი? ჩახვდი, რას გეკითხები? - განაგრძო სონლულისთვალელებამ.

- ჩახვდი, ჩახვდი, - მიუგო ედილეიმ, - ოღონდ ეს მინდა გავიგო. ის თავისი შვილებისთვის წერდა მოგონებებს, რა გადახდა თავს, ვთქვათ, ფრონტზე, ტყვეობაში, პარტიზანობის დროს. რაა აქ ცუდი?

- შვილებისათვის! - შეჰყვირა იმ კაცმა. - მაგას ვინ დაიჭერებს! აბა ვინა სწერს შვილებისთვის, რომლებსაც ჯერ, მგონი, კბილებიც არ მოუცვლიათ! ეგ ზღაპრები სხვას მოუყევი! აი, როგორ მოქმედებს გამოცდილი მტერი! გადმოიხვეწა ამ მივარდნილ ადგილას, სადაც ირგვლივ კაცი არაა, ვერავინ უთვალთვალეებს, და მოგონებების წერა დაფიწყო აქ!

- რას იზამ, თუკი ასე მოუნდა კაცს, - თქვა ედილეიმ, - მოუნდა ყველაფერი პირადად ეთქვა, თავისი ეთქვა, თავისი აზრები გამოეთქვა, რომ მის შვილებს, როცა წამოიზრდებიან, წაეკითხათ.

- თავისი ეთქვაო! ეს რას ნიშნავს? - საყვედურით გააქნია თავი სონლულისთვალელებამ და - ამოიოხრა. - რა თავისი აზრები აქვს, რა პირადი სათქმელი? საკუთარი შეხედულება ხომ არა? არავითარი პირადი სათქმელი არ არსებობს, რაც ქალაქდზე დაიწერება, უკვე პირადი აღარ არის. კალმით დაწერილს ნატა-

ხიც ველარ ამოკვეთს. ყველამ რომ კალმით თავისი აზრი გამოთქვას, კაი დახლი დაგვიდგება. აგერ მისი ეგრეთ წოდებული „პარტიზანული რვეულები“, აგერ ქვესათაურად სწერია - „იუგოსლავიაში გატარებული დღეები“, აი, ესენი! - სონლულისთვალე-ბამ მაგიდაზე დაყარა მუშამბისყდიანი სქელი საერთო რვეულები. - ეს რასა ჰგავს! შენ ძმაკაცი გინდა დაიხსნა. ის კი ჩვენ უკვე გამოვიჭირეთ!

- რაში გამოიჭირეთ?

სონლულისთვალეობა ისევ შეტოვდა სკამზე და ისევ უეცარი ღიმილით, წინასწარი სიამისა და ნიშნისმოგების იერით დაუხამხამებლად მიაჩერა ედიღეის მოკრიალებული შუშა თვალე-ბი.

- ეს ჩვენ ვიცით, რაშიაც გამოვიჭირეთ, - ნეტარებით და ზარ-ზეიმით დამარცვლა თითოეული სიტყვა: - ეს ჩვენი საქმეა ყველას ვერ მოვახსენებთ.

- რახან ასეა, რას იზამ, - დაბნევით წაილაპარაკა ედიღეიმ.

- ეს მტრული მოგონებები ამაოდ არ ჩაუვლის, - თქვა სონლულისთვალეობამ და გამალებით დაიწყო რაღაცის წერა. - მე მეგონა, ჩვენი კაცი იყავი, მეტი ჭკუა გქონდა. მოწინავე მუშაა. ყოფილი ფრონტელი, დაგვეხმარება-მეთქი, მტერი ვამხილოთ.

ედიღეი აიქოჩრა, ხმადაბლა, მაგრამ მკაფიოდ, მტკიცედ წაილაპარაკა:

- მე ხელს არაფერს მოვანერ, ახლავე მითქვამს.

სონლულისთვალეობამ გამანადგურებელი მზერა ესროლა:

- არც გვჭირდება შენი ხელმონერა. ხომ არ გგონია, თუ ხელს არ მოანერ, საქმე ჩაიშლება? ძალიან ცდები, მასალა საკმაოდ გვაქვს, შენი ხელმონერის გარეშეც სასტიკ პასუხს მოვთხოვთ.

გაჩუმდა ედილეი, დამცირების მწვავე გრძობამ აიტანა, და-
უცარიელდა სული. არალის ზღვა რომ აზვირთდება, ისე იმ-
ძლავრა თანდათან აღშფოთებამ, ვერა და ვერ შერიგებოდა
იმას, რაც ხდებოდა. ანაზღად სურვილმა მოუარა - ცოფიანი
ძალლივით წაეხრჩო ეს სონლულისთვალეზა, ძალა დიახაც ეყო-
ფოდა. ის ფაშისტი ხომ საკუთარი ხელით დაახრჩო, რადგან
სხვა გზა არ დარჩენოდა. ძარღვიანი, მაგარი კისერი ჰქონდა და
მანც მოერია. როცა პოზიციაზე გამაგრებულ მტერს შეუტეეს,
ფლანგიდან შემოუარეს, სანგარში ხელყუმბარები ისროლეს,
ხოლო გასასვლელელები ავტომატების ჯერით დაცხრილეს, ხაზი
თითქმის განმინდეს და ბრძოლით განაგრძეს გზა, სანგარში
უეცრივ პირისპირ შეეტაკა ედილეი იმ ფაშისტს. ეტყოზა, მეტყვი-
ამფრქვევე იყო. მანამ არ წავიდა, ვინემ ტყვიამფრქვევი არ და-
ცალა. კი ჯობდა ტყვედ ჩაეგდო, ასეც გაუელვა თავში ედილეის,
მაგრამ იმან მოასწრო და დანა ამართა, თავში უნდა ჩაერთყა
ედილეისთვის. მაშინ კასკიანი თავი აძგერა სახეში.. ორივენი
ძირს გაგორდნენ, ჰოდა, სხვა რალა დარჩენოდა, ორივე ხელი
ყელში წაუჭირა. ფაშისტი იკლაკნებოდა, ხროტინებდა, თითებს
აფათურებდა, ხელიდან გაგდებული დანა რომ ეპოვა. ყოველ
წამს ელოდა ედილეი, დანას როდის დასცემდნენ ზურგში, ამი-
ტომაც არაადამიანური, მხეცური ძალითა და ღმუილით უჭერდა
თითებს კბილებდაკრეჭილ, გაშავებულ მტერს ხრტილიან კი-
სერში. მაშინლა გახსნა დაკრუნჩხული თითები, როცა მტერი და-
ახრჩო და შარდის მძაფრი სუნი ეცა. იმავე წუთს გული აერია,
საკუთარ წარწყევში ამოსვრილმა, თვალეზდაბინდულმა ხოხვა-
ხოხვით, კვნესით განაგრძო გზა. ეს ამბავი არავისთვის უამბნია
არც მაშინ და არც შემდეგ. მხოლოდ ხანდახან ესიზმრებოდა
კოშმარივით, მეორე დღეს ადგილი ვერ მოენახა, სიცოცხლე
აღარ უნდოდა. ზიზლით, ძრწოლვით გაიხსენა ახლაც ეს ამბავი

ედილეიმ. გრძნობდა, სონლულისთვალეება ეშმაკობით, ჭკუით ჭაბნიდა და აღელდა, გული მოუვიდა. ვინემ ის წერდა, ედილეი ცდილობდა სონლულისთვალეებას მტკიცებაში სუსტი ადგილი მოეძებნა. მისი ნათქვამიდან ერთმა გააკვირვა ედილეი, ალოგიკური, საოცრად შეუსაბამო ეჩვენა: როგორ შეიძლება ადამიანს „მტრული მოგონებანი“ დააბრალო? ვის გაუგია მოგონებანი მტრული ან არამტრული იყოს - ეს ხომ წარსულში მომხდარი ამბავია, ის, რაც აღარაა, რაც ნამყოს ეკუთვნის. მაშასადამე. ადამიანი იმას იგონებს, რაც სინამდვილეში იყო,

- მე მინდა ვიცოდე, - ედილეის აღელვებისაგან ყელი გაუშრა, მაგრამ თავს სძლია, რომ ეს სიტყვები მშვიდადაც კი ეთქვა. - აი, შენ ამბობ.. - დაე, მიხვდეს სონლულისთვალეება, რომ ედილეის არც სალაქუცო და არც საშიში არაფერი აქვს - საროზეზე შორს სადღა გადაკარგავენ! იმიტომაც მიმართა შენობით, - მტრული მოგონებებიო. ეს როგორ გავიგო? განა შეიძლება მოგონებები მტრული თუ არატრული იყოს? ჩემი აზრით, კაცი იმას იგონებს, რაც მოხდა და როგორც მოხდა ოდესღაც, რაც დიდი ხანია წარსულს ჩაბარდა. ან იქნებ კარგი უნდა მოვიგონოთ მართო, ცუდი კი დავიწყებას მივცეთ? ასე არასოდეს ყოფილა, მაშასადამე, სიზმარი რომ ნახო, ის სიზმარი უნდა მოიგონო თუ არა? ვთქვათ და, ცუდი სიზმარი ნახო, ვისმე არ ეჭაშნიკოს შენი სიზმარი ?

- აი, თურმე ვინ ყოფილხარ! ჰმ, ეშმაკმა დალახვროს! - გაცდა სონლულისთვალეება. - მსჯელობა, კამათი გყვარებია. აქაურ ფილოსოფოსად მოგაქვს თავი. ბატონი ბრძანდები, ვიკამათოთ, სონლულისთვალეება დადუმდა, თითქოს ნახტომისთვის მოემზადა, - ცხოვრებაში შეიძლება ყველაფერი მოხდეს ისტორიული თვალსაზრისით. მაგრამ მერე რა! - მთავარია, ის მოიგონო, ზეპირად და მით უმეტეს წერილობით წარსული ისე

დახატო, როგორც ახლაა ჩვენთვის საჭირო, როგორც ამჟამად დრო მოითხოვს. ხოლო რაც ჩვენ ხელს არ გვაძლევს, არც უნდა მოვიგონო, ამას თუ არ მისდიე, მაშასადამე, მტერი ხარ ჩვენი.

- მაგაზე ვერ დაგეთანხმები, - უთხრა ედილეიმ, - ეგრე არ შეიძლება იყოს.

- შენ არც არავინ გეკითხება თანხმობას, სიტყვამ მოიტანა და იმიტომ ვთქვი. მკითხე და ჩემი კეთილი გულით გიპასუხე. ისე კი სულაც არ მევალება შენთან სჯა-ბაასი გავაბა. აბა, საქმეზე გადავიდეთ. მითხარი, გულახდილად რომ გელაპარაკებოდა, ვთქვათ, ერთად რომ სვამდით, ინგლისური სახელები არ უხსენებია შენთან?

- ეგ რა საჭიროა? - გულწრფელად გაოცდა ედილეი.

- აი, რატომ. - სონღულისთვალეებამ აბუღალიფის „პარტიზანული რვეულებიდან“ ერთი გადაშალა და წითელი ფანქრით ხაზგასმული ადგილი წაიკითხა: - „27 სექტემბერს ჩვენ ნაწილში ინგლისელების მისია ჩამოვიდა - პოლკოვნიკი და ორი მაიორი. ჩვენ საზეიმო მარშით ჩავიარეთ მათ წინ, ისინი მოგვესალმნენ. მერე მეთაურების კარავში საერთო სუფრა გაიშალა. იქ რამდენიმე უცხოელი პარტიზანიც მოგვიწვიეს, იუგოსლავთა შორის ვინც ვიყავით. პოლკოვნიკი გამაცნეს და მანაც დიდი თავაზით ჩამომართვა ხელი, თარჯიმნის პირით წვრილად გამომკითხა, საიდან ვიყავ და აქ როგორ მოვხვდი. მეც მოკლედ ვუამბე. ღვინო დამისხეს და ერთად შევსვით. მერე დიდხანს ვისაუბრეთ კიდევ. მომეწონა ინგლისელები, უბრალო, გულახდილი ხალხი ყოფილა. პოლკოვნიკმა თქვა, ბედი ანუ, როგორც გამოთქვა, განგების ძალა დაგვეხმარა, მთელი ევროპა რომ ფაშიზმის წინააღმდეგ გაერთიანდა. უამისოდ ჰიტლერთან ომი გაჭირდებოდა ან იქნებ დაქსაქსული ერებისთვის უფრო ტრაგიკულად დამთავრებულიყო“ და ა. შ. - სონღულისთვალეებამ რვეული

განზე გადადო. პაპიროსს მოუკიდა, ერთხანს იყუჩა, ნაფაზი ნაფაზზე დაარტყა, და მერე განაგრძო: - მაშასადამე, ქუთიბაევს არ უთქვამს ინგლისელ პოლკოვნიკისათვის, სტალინის გენიის გარეშე გამარჯვებას ვერ მივალწევდით, რამდენიც არ უნდა ეპარტიზანთ ევროპაში და რაც არ უნდა ექნათო. მაშასადამე, ამხანაგ სტალინზე არ უფიქრია, არც გახსენებია ამხანაგი სტალინი! ჩახვდი ახლა?

- იქნებ კიდევაც უთხრა, - გამოესარჩლა აბუტალიფს ედილეი. - მაგრამ დანერა დაავინყდა.

- ეს საიდან ჩანს? ვერ დაამტკიცებ! უფრო მეტიც, ჩვენ შევამოწმეთ ქუთიბაევს ჩვენებანი. ორმოცდახუთში რომ მიუცია საკონტროლო კომისიისთვის იუგოსლავიის პარტიზანული შენაერთიდან დაბრუნებისას. იქ ინგლისელთა მისია ნახსენებიც არა ჰყავს მაშასადამე, აქ მთლად წმინდად არაა საქმე. ვინ დაუდგება თავდებად, რომ ინგლისელთა დაზვერვასთან არ ჰქონდა კავშირი!

გული ჩანყდა და დაუმძიმდა ედილეის. ვერ მიმხვდარიყო, რა უნდოდა, საით უმიზნებდა სონლულისთვალება.

- აბა, მოიგონე, ქუთიბაევს რამე ხომ არ უთქვამს, ინგლისელებიდან ვინმე ხომ არ დაუსახელებია? ჩვენ უნდა ვიცოდეთ, ვინ იყო იმ ინგლისელთა მისიაში.

- რა სახელები აქვთ მათ?

- მაგალითად, ჯონი, კლარკი, სმიტი, ჯეკი...

- ჩემს სიცოცხლეში არ გამიგია.

ჩაფიქრდა, მოიუშამა სონლულისთვალება, ეტყობა, ედილეის დაკითხვამ მაინცდამაინც ვერ დააკმაყოფილა. ცოტა ხნის შემდეგ შემპარავად ჰკითხა:

- რა, აქ სკოლა-ინტერნატი გახსნა, ბავშვებს ასწავლიდა?

- ამას თუ სკოლა ჰქვია! - უნებლიეთ გაცვინა ედიღეის. - მისი ორი ბიჭი და ჩემი ორი გოგო, ესაა და ეს მთელი სკოლა. უფროსები ხუთი წლისა, უმცროსები კი სამისა არიან. ირგვლივ უდაბნოა, რა ქნან გოგო-ბიჭებმა. ამიტომაც ამეცადინებენ, არ-თობენ ბავშვებს. ეგა და მისი ცოლი ხომ მასწავლებლები არიან. უკითხავენ, ახატინებენ, წერას, ანგარიშს ასწავლიან. ესაა და ეს სკოლა.

- რა სიმღერებს მღეროდნენ?

- ყველანაირს, საბავშვო რაცაა. აღარც მახსოვს.

- რას ასწავლიდა? რას წერდნენ?

- ასოებს, ჩვეულებრივ სიტყვებს.

- მაგალითად, რა სიტყვები იყო?

- რა უნდა ყოფილიყო! ველარც მომიგონია.

- აი, ამას წერდნენ! - სონღულისთვალეებამ ქალაღდებიდან ხელით ეწერა: „ჩვენი სახლი“, - ხედავ, პირველი სიტყვა, რასაც ბავშვი წერს - „ჩვენი სახლია“, რატომ „ჩვენი გამარჯვება“ არა გაიხსენე, რა სიტყვა უნდა ეკეროს ახლა ყველას პირზე? რა და „ჩვენი გამარჯვება“, ხომ კი? იმას კი რატომ არ მოუვიდა თავში? გამარჯვება და სტალინი ერთმანეთისაგან განუყოფელია.

შეკრთა დაიბნა ედიღეი. ისე დამცირებულად იგრძნო თავი. ისე შეებრალა აბუტალიფი და ზარიფა, ამდენ ძალასა და დროს რომ არ იშურებდნენ პატარა, უგუნური ბაღლებისათვის, ბრავს ველარ სძლია და გაბედულად შეუტია:

- რაღაი ასეა, მაშინ პირველად „ჩვენი ლენინი“ უნდა და-იწეროს. რაც უნდა იყოს, ლენინი მაინც პირველ ადგილზე დგას

სონღულისთვალეებს სუნთქვაც კი შეეკრა, იმდენად მო-ულოდნელი იყო მისთვის ეს სიტყვები, ერთხანა ნაფაზს ნაფაზზე არტყამდა. მერე წამოდგა, ალბათ გავლა-გამოვლა მოუნდა, მაგრამ ამ პატარა ოთახში რა გავლა-გამოვლა შეიძლებოდა.

- ვამბობთ სტალინს, ვგულისხმონთ ლენინს! - წარმოთქვა მოკლედ და მკაფიოდ. მერე ისე მოითქვა სული, თითქოს ბევრი ერბინოს, - კარგი, ჩავთვალოთ, რომ ეს ლაპარაკი არ ყოფილა, - თქვა შერიგების კილოზე და დაჯდა. აუმღვრეველი, შეშასავით გამჭვირვალე მოყვითალო სონლულის თვალები კვლავ მკაფიოდ იმზირებოდნენ გაქვავებულ სახეზე.

- ჩვენ გვითხრეს, რომ ქუთიბაევი წინააღმდეგი ყოფილა ბავშვების ინტერნატში სწავლებისა. რას იტყვი? ამ საუბარს თურმე შენც დასწრებიხარ.

- ვინ გითხრათ? საიდან მოიტანეთ? - გაოცდა ედილეი და მყის თავში გაუელვა: აბილოვი ეტყოდა, იმან დაასმინა, ვინაიდან ისიც ესწრებოდა ამ საუბარს.

ედილეის პასუხმა ახლა მართლა გააბრაზა სონლულისთვალება:

- გამიგონე, მე უკვე გითხარი: ვინ თქვა, საიდან გავიგეთ - ეს ჩვენი საქმეა. ანგარიშს ჩვენ არავის ვაბარებთ. კარგად დაიხსომე. აბა გადმოალაგე, რა თქვა?

- რა თქვა? უნდა მოვიგონო. ჰოო, მაშასადამე, ჩვენს ძველ მუშას, ყაზანგაპს ბიჭი ჰყავს, ქუმბელის ინტერნატში სწავლობს. ბიჭი, გასაგებია, ცელქობს, იტყუება ხანდახან. პირველ სექტემბერს ისევ უნდა გაეგზავნათ საბითუანი სასწავლებლად. მამამ აქლემით წაიყვანა. დედამ კი, ყაზანგაპის ცოლმა ბუქეიმ ტირილი და ჩივილი დაიწყო - დავილუპე, რაც ინტერნატში წავიდა, თითქოს გაუცხოვდა, გაგარეულდაო. გული აღარ მოუწევს შინ. დედა, მამა, ოჯახი ისე აღარ უყვარსო. რას იზამ, გაუნათლებელი ქალია. ესეცაა, შვილს თუ გინდა ასწავლო, ნება-უნებლიეთ შორს უნდა იყოლიო შენგან.

- კარგი, კარგი, - შეანწყვეტინა სონლულისთვალებამ. - ქუთიბაევა რაღა თქვა ამ დროს ?

- ეგეც ჩვენთან იყო. ასე თქვა, დედის გული ცუდს მაშინვე გრძნობსო, იმიტომ რომ ინტერნატი ბავშვის გაგზავნა კაი ცხოვრებით არ ხდებაო. ინტერნატი ასე ვთქვათ, შვილს გართმევს, არა, კი არ გართმევს, დედ-მამას აშორებს ყმანვილსო. ეს ძალიან მძიმე საკითხიაო. ყველასათვის მძიმე, მაგრამ რას იზამ, როცა სხვა გზა არ არისო. მე მესმის მისი. ჩვენც გვეზრდება შვილები. ახლავე გული მტკივა, როგორ იქნება, რა გამოვა, რა თქმა უნდა, ცუდია...

- ეგ მერე იყოს, - შეაჩერა სონლულისთვალებამ, - მაშასადამე, ასე თქვა, საბჭოთა ინტერნატი არ ვარგაო?

- „საბჭოთა“ იმას არ უთქვამს. უბრალოდ, ინტერნატიო, თქვა. ჩვენი ინტერნატი ქუმბელშია. არ ვარგა-მეთქი, ეს მე ვთქვი ახლა.

- ამას მნიშვნელობა არა აქვს. ქუმბელიც საბჭოთა კავშირშია.

- როგორ არა აქვს მნიშვნელობა! - აღშფოთდა ედილეი, იგრძნო, სონლულისთვალება თავგზას უბნევდა, მახეს უგებდა. - კაცს რატომ უნდა მიაწერო ის, რაც არ უთქვამს? მეც ეგრე ვფიქრობ. სხვაგან რომ მეცხოვრა, არც მე გავეუშვებდი შვილებს ინტერნატში. დიახ, მეც ასე ვფიქრობ. რა, გამოდის?..

- იფიქრე, იფიქრე! - წაილაპარაკა სონლულისთვალებამ და ლაპარაკი შეწყვიტა. ცოტა ხნის მერე ისევ განაგრძო. - ჰოო, მაშასადამე, დასკვნა გავაკეთოთ. გამოდის, რომ ის კოლეექტიური აღზრდის წინააღმდეგია, ხომ?

- სულაც არაა წინააღმდეგი! - ვერ მოითმინა ედილეიმ. - ცილს ტყუილად რად სწამებთ ადამიანს! ასე როგორ იქნება?

- მორჩი, მორჩი, შეწყვიტე ლაპარაკი, - ხელი აუქნია სონლულისთვალებამ, საჭიროდ არ მიიჩნია ახსნა-განმარტება, - ახლა ის მითხარი, ეს რა რვეულია, „დონენბაი ჩიტი“ რომ აწერი?

ქუთიბაევი ამტკიცებს, ყაზანგაპისა და ნაწილობრივ შენი ნათქვამით ჩაუწერია. ასეა მართლა?

- ზუსტად ეგრეა. - გამოცოცხლდა ედიღეი, - აქაური, სარო-ზექული ლეგენდაა. აქედან არც ისე შორს ნაიმანების სასაფლაოა, ოდესღაც მართო მათი იყო, ახლა კი ყველასია, ანაბეითი ჰქვია. იქ მარხია ნაიმან-ანა, მანქურთმა შვილმა რომ მოჰკლა.."

- კმარა, წავიკითხავთ, ვნახავთ. რა იმალება ამ ჩიტის მიღმა, - სონლულისთვალება თან რვეულს ფურცლაგდა, თან ხმამალლა ამბობდა, რასაც ფიქრობდა, - დონენბაი ჩიტი, ჰმ, უკეთესს ვერ მოიგონებ. ადამიანის სახელი დაურქმევია. ეგეც მწერალი მყავს რაღა, მუხტარ აუეზოვი ვითომ, ფეოდალური წარსულის მწერალი. მაშ, მაშ. დონენბაი ჩიტიო, ჰმ. გგონია, ვერ გამოვარკვევთ... დამიწყო აქ ჩუმ-ჩუმად წერა, ყმაწვილებისთვის. ეს კი რაა? ესეც, შენი აზრით, ყმაწვილებისათვისაა? - ცხვირთან მიუტანა სონლულისთვალებამ კიდევ ერთი მუშამბისყდიანი რვეული ედიღეის.

- რაზე ამბობთ? - ვერ მიხვდა ედიღეი.

- რაზე? შენ უნდა იცოდდე. აგერ აწერია: „რაიმალ-ალას სიტყვა თავის ძმა აბდილხანისადმი“.

- ჰო, ეგეც ლეგენდაა, - დაიწყო ედიღეიმ. - თქმულება. მოხუცებმა იციან ეგ ამბავი...

- ნუ გეშინია, მეც ვიცი, - შეანწყვეტინა სონლულისთვალებამ. - ყური მომიკრავს. გამოტვინებული ბებერი ცხრამეტი წლის გოგოს შეიყვარებს. მერე და რა არის აქ კარგი? ეგ ქუთიბაევი მართო მტერი კი არაა, გარყვნილი ზნისაც ყოფილა. აბა უყურე, რა წვრილად ჩაუწერია მთელი ეს მარაზმი.

ედილეი განითლდა, მაგრამ სირცხვილით არა, წყრომით აევსო გული. ამაზე მეტი უსამართლობა აბუტალიფის მიმართ არ იქნებოდა. ძლივს შეიკავა თავი:

- მე არ ვიცი, შენ რისი უფროსი ხარ ან ვისი, მაგრამ მის სინდისს ამ მხრივ ნუ შეეხები. ღმერთმა ქნას, ყველა მაგისტანა ქმარი და მამა იყოს. - აქ ყოველი კაცი გეტყვის, ვინც არის და რაც არის. ჩვენ აქ თითებზე დავითვლებით, ისე რომ ერთმანეთისა ყველაფერი ვიცით.

- კარგი, კარგი, დანყნარდი, - უთხრა სონლულისთვალეებამ, - ყველას ტვინი დაგიბნელათ მაგან. მტერი მუდამაც თავს იკატუნებს, ნილაბს იფარებს. ჩვენ კი ამ ნილაბს ჩამოვხსნით მაგას. მორჩა, შეგიძლია წახვიდე.

ედილეი წამოდგა, ქუდი დაიხურა, ფეხი აითრია.

- რას უზამთ ახლა? რა მოელის? ნუთუ ამ რალაც წაწერების გამო ჩასვამთ კაცს?

სონლულისთვალეება შეტოკდა, წამოიწია.

- გამიგონე, კიდევ გიმეორებ: ეს შენი საქმე არაა! მტერი რატომ უნდა დაიჭირო, როგორ მოექცე, რა სასჯელი დაადო - ჩვენ თვითონ ვიცით! თავს ტყუილად ნუ აიტკივებ. წადი, შენს გზას დაადექ. გასწი მეთქი!

გვიანლამ, ბორანლი-ბურანის ასაქცევებზე ერთხელ კიდევ გაჩერდა სამგზავრო მატარებელი, ოლონდ საპირისპირო მხარეს მიმავალი. არც ახლა მდგარა დიდხანს, სამიოდე წუთზე მეტს.

მატარებელს პირველ ლიანდაგზე იმ ბნელ ღამეში ის სამი ქრომისჩექმებიანი კაცი ელოდა. აბუტალიფ ქუთიბავეი მიჰყავდათ, ზურგებით ჩამოფარებოდნენ აბუტალიფს განზე მდგომ ბორანლელეებისაგან. ესენი იყვნენ ზარიფა, მისი ბიჭები, ედილეი, უქუბალა და კიდევ ასაქცევის უფროსი აბილოვი, წინ და უკან

რომ დარბოდა არარა კაცუნასავით და გულისამრევად ფაციფუ-
ცობდა - მატარებელი ნახევარი საათით იგვიანებდა. მაგრამ რა
მისი ბრალი იყო, ვერ დაეტეოდა თავისთვის? ყაზანგაპი, ვინც
აბუტალიფის სახლში აღმოჩენილ იმ უკუღმართი ლეგენდების
გამო, ასევე დაჰკითხეს, ამ დროს ისართან იდგა: თავისი ხელით
უნდა გადაეყვანა და გაეტარებინა მატარებელი იმ ლიანდაგზე,
აბუტალიფს რომ წაიყვანდა საროზექიდან შორს. ბუქეი ედიღეის
გოგობებთან დარჩა შინ.

იმ სამ ჩექმიან კაცს, აბუტალიფი თავიანთი ზურგებით რომ
განეცალკევებინათ, საყელოები აენიათ და დაძაბულად დუმ-
დნენ. აბუტალიფის გამცილებელი ბორანლელეებიც ჩუმად იდ-
გნენ.

ქარი ქროდა, ქვემოდან ბერავდა შრიალ-შრიალით და
ოდნავ გასაგონი ზუზუნით. ეტყობა, ქარბუქს ეპირებოდა. ჟივდე-
ბოდა, იძაბებოდა წყვდიადი საროზექის თვალგაუტან ცაზე.
მჭმუნვარედ, ცივად, უცხოოდ ანათებდა მთვარე, ფერმილეულ,
ეულ ლაქად ჩანდა. ყინვა ლოყებს სუსხავდა.

ზარიფა უხმოდ იცრემლებოდა. ფუთა ეჭირა აბუტალიფის
გასატანებელი ტანსაცმლითა და საჭმლით. უქუბალას ოხშივარი
ამოსდიოდა პირიდან, ეტყობა, მძიმედ ოხრავდა, ქურქის ქვეშ
დაული შეეფარებინა. როგორც ჩანს, რალაცას გრძნობდა ბიჭი
და შეშინებული დუმდა, უქუბალა დეიდას ეხუტებოდა. ყველაზე
დიდ გასაჭირში ედიღეი იყო - ერმექი ეჭირა ხელში და ქარისგან
იფარავდა. პანია ვერაფერს მიმხვდარიყო.

- მამუკი, მამუკი! - ეძახდა იგი მამას. - აქ მო, ჩვენთან, ჩვენც
წამოგყვებით!

მისი ხმის გაგონებაზე აბუტალიფი კრთებოდა, უნებურად
შემოტრიალება უნდოდა, შვილს გაპასუხებოდა, მაგრამ ის სამი
ნებას არ აძლევდა. ბოლოს ერთმა ველარ მოითმინა.

- აქ ნუ დგახართ! გესმით? წადით აქედან, მერე მოდით, ბოლოს.

რა გზა იყო, უკან მიდგნენ ბორანლელები.

აგერ, შორიდან მოანათა ორთქლმავლის ბღღვიალა შუქმა. ყველა შეტოკდა, ამოძრავდა ადგილზე. ზარიფამ ველარ მოითმინა და ხმამაღლა ასლუკუნდა. ატირდა უქუბალაც. მოდიოდა მატარებელი და განშორება მოჰქონდა თან. მისმა შუქმა გაჰკვეთა სქელი, სუსხიანი წყვილი. მრისხანედ ახლოვდებოდა, ბურუსიდან ნელნელა იკვეთებოდა რახრახითა და გრიალით მისი ვეება ტანი. რაც უფრო ახლოვდებოდა, ზევით და ზევით იწევდა ორთქლმავლის ბღღვიალა შუქი. სინათლის ზოლში უფრო და უფრო გარკვევით ჩანდა რელსებს შუა ქარისგან აყენებული მტვერი, უფრო და უფრო გარკვევით და შემაშინებლად ისმოდა მრუდმხარებისა და დგუშების ქანცმილეული დგანდგარი, აჰა, გამოჩნდა მატარებელიც...

- მამუკი, მამუკი! შეხე, მატარებელი მოდის! - ყვიროდა ერმეტი და გაკვირვებული, მამა რატომ ხმას არ მცემსო, ისევ ჩუმდებოდა. მერე ისევ აყვირდებოდა, იქნებ ახლა მაინც გავაგონოო; - მამუკი, მამუკი!

ასაქცევის აწრიალებული უფროსი იმ სამს მიადგა:

- საფოსტო ვაგონი მატარებლის თავშია, თუ შეიძლება, წინ წამობრძანდით, აგერ იქ.

ყველანი იმ მხარეს გაემართნენ საკმაოდ სწრაფად. მატარებელი უკვე ახლოვდებოდა. წინ სონლულისთვალება მიაბიჭებდა პორტფელით ხელში, თავს არ ატრიალებდა, მის უკან მიმავალ აბუტალიფს სონლულისთვალებას ორი ბეჭებგანიერი თანაშემწე მისდევდა, ცოტა მოშორებით ზარიფა მიიჩქაროდა, უქუბალას დაულისთვის ჩაველო ხელი და ზარიფას მიჰყვებოდა. ედილეი განზე მიდიოდა, ცოტა უკან, ერმეტი მკლავზე ესვა. თავს

ებრძოდა, ქალებსა და ბავშვებთან არ ატირებულობო, ყელში ბურთივით გაჩხეროდა რაღაც.

- შენ ხომ ჭკვიანი ბიჭი ხარ, ერმეე? შენ ხომ ჭკვიანი ხარ და არ იტირებ, ხომ? - უაზროდ ბუტბუტებდა იგი და გულში იკრავედა პანისას.

ამასობაში მატარებელმა თანდათან შეანელა სვლა და გაჩერებას მიუახლოვდა. როცა ორთქლმავალი ედიღეისა და ერმეეს გაუსწორდა და ცოტაზე კიდევაც გაასწრო, შიშინით გამოუშვა ორთქლი. მკვახედ დასტვინა კონდუქტორმა.

- ნუ გეშინია, ნუ გეშინია, - უთხრა ედიღემ შიშით შემხტარ ბიჭს. - ნურაფრის გეშინია, ვინემ ჩემთან ხარ. მე კი მუდამ შენთან ვინები.

მატარებელი ხრჭიალ-ღრჭიალით გაჩერდა. თოვლის მტვერით შეთრთვილული ვაგონები, ყინულის თხელ ფენით დაბრმავებული ფანჯრებით, ადგილს მიეყინა. ირგვლივ სიჩუმე დადგა, მაგრამ ორთქლმავალმა მაშინვე ისევ შიშინით გამოაბოლქვა ორთქლი, ისევ უნდა განეგრძო გზა. საფოსტო ვაგონი საბაგაჟოს შემდეგ იყო, ფანჯრები ხარიხით ჰქონდა აჭედილი, კარი შუაში დატანებული. შიგნიდან გამოღებული კარიდან ქალმა და კაცმა გამოიხედეს. ორივეს საფოსტო უწყების ქუდები ეხურათ, დაბამბული შარვლები და ქურთუკები ეცვათ. ქალს, ეტყობა, უფროსს, ფარანი ეჭირა. ზონზრონა იყო, დიდი მკერდი ჰქონდა.

- თქვენა ხართ? - თქვა ქალმა და ფარანი თავთან ისე დაიჭირა, შუქი ყველას დასცემოდა. - გელით, ადგილი მზადაა.

სონლულისთვალეობა თავისი ვეება პორტფელით პირველი ავიდა ვაგონში.

- აბა, სწრაფად, სწრაფად, დაუჩქარეთ! - აწრიალდა მაშინვე ის ორი.

- მე მალე დავბრუნდები, აქ რაღაც გაუგებრობაა! - ჩქარ-ჩქარა იძახდა აბუტალიფი. - მალე დავბრუნდები, მელოდეთ!

უქუბალამ ვეღარ მოითმინა, ხმამაღლა ატირდა, როცა აბუტალიფმა შვილები გულში ჩაიკრა. კოცნიდა და შეშინებულ, დაბნეულ ბიჭებს რაღაცას ჩასჩურჩულებდა. ორთქლმავალი კი წასასვლელად ემზადებოდა. ამ სურათს ხელის ფარანი ანათებდა. უეცრივ ვაგონების გასწვრივ ელექტროობასავით გასხლტა ყურისა და სულის გამაყრუებელი სასტვენის ხმა.

- აბა, ჩქარა, ჩქარა, ადი ვაგონში! - კიბისკენ წაათრია იმ ორმა აბუტალიფი.

ედილფი და აბუტალიფი სულ ბოლოს გადაეხვივნენ ერთმანეთს, სველი, გაუპარსავი ლოყა ლოყას მიადეს. მთელი გულით, არსებით, გონებით ესმოდათ ყველაფერი.

- ზღვაზე მოუყევი! - ჩასჩურჩულა აბუტალიფმა.

ეს იყო მისი უკანასკნელი სიტყვები. მიხვდა ედილფი, მამა თხოვდა, ჩემს ბიჭებს არალის ზღვაზე უამბეო.

- აბა, გეყოფათ აქ, ადი, ადი ზევით, ადი ჩქარა! - გააშორეს ისინი.

აბუტალიფი იმ ორმა მხრებით შეაგდო ვაგონში. ახლალა მიხვდნენ ბიჭები, მამას რომ შორდებოდნენ. ორივე ერთად ატირდა, ერთად იყვირეს:

- მამუკი! მამა! მამუკი! მამა!

ედილფი ერმექით ხელში ვაგონისკენ გაიჭრა.

- სად მოდიხარ? სად? რას შვრები! - გაათურებით ჰკრა ფარნიანმა ქალმა მკერდში ხელი, უშველებელი მხრებით ჩამოეფარა ვაგონის კარს.

არავინ იცოდა, რომ იმ წუთას ედილფი მზად იყო აბუტალიფის ნაცვლად თვითონ წასულიყო, ოღონდაც გზაში მოეხრჩო ის სონღულისთვალეობა, ისე დაუსერა გული ბავშვების კვილმა.

- აქ ნუ დგახართ! წადით, წადით აქედან! - ღრიალებდა, ის ფარნიანი ქალი. პირიდან თამბაქოსა და ხახვის მძაფრი სუნი ამოსდიოდა.

ზარიფას გაახსენდა, ფუთა რომ ხელში შერჩა.

- ეს გადაეცით, აქ საჭმელია! - შეაგლო ფუთა ვაგონში.

საფოსტო ვაგონის კარი მიიკეტა. ხმაური მიწყდა. ორთქლმავალმა დაჰკივლა, ადგილიდან ხრჭიალ-ღრჭიალით დაიძრა და ნელნელა უმატა სვლას.

უნებლიეთ დაიძრნენ ბორანლელებიც. ვაგონის ყრუდ დახშულ კარს გასდიეს. პირველი უქუბალა მოეგო გონს, ზარიფას ხელი სტაცა, გულში ჩაიკრა, არ გაუშვა.

- არ წახვიდე, დაულ აქ დადექ! დედას ჩაჰკიდე ხელი! - ხმა-მალლა დაუძახა ბიჭს თანდათან აჩქარებული ბორბლების რახ-რახში.

ედილეიც ერმეჩიანად სირბილით გაჰყვა ცოტაზე მატარებელს. მაშინლა გაჩერდა, როცა ბოლო ვაგონმა ჩაუარა. აგერ მიიმალა მატარებელი, თანდათან მიწყდა ბორბლების ხმაური, ნელ-ნელა გაქრა შუქიც.. უკანასკნელად დაჰკივლა ორთქლმავალმა...

გამობრუნდა უკან ედილეი, დიდხანს ვერა და ვერ დააწყნარა ატირებული ბიჭი...

შუალამემდე დარეტიანებული იჯდა ღუმელთან. მაშინლა გაახსენდა აბილოვი და ნელა წამოდგა, ჩაცმას შეუდგა. უქუბალა უმალ მიუხვდა და ქმარს ხელი სტაცა.

- სად მიდიხარ? ხელი არ ახლო, თითის დაკარება არ გაბედო ცოლი ფეხმძიმედ ჰყავს. შენ ვინ გკითხავს? რით დაუმტკიცებ?

- ნუ გეშინია, - დინჯად უთხრა ედილეიმ, - ხელს არ ვახლებ, მაგრამ იცოდეს, რომ მისთვის ჯობია გაგვეცალოს, სხვაგან წა-

ვიდეს. პირობას გაძლევ, ღერი თმა არ დააკლდება. დამიჯერე!
- ხელი გამოსტაცა ცოლს და გარეთ გავიდა.

აბილოვის ფანჯრებიდან შუქი გამოდიოდა. მაშასადამე, არ ეძინათ.

დათოვლილ ბილიკს ჭრიჭინი გაჰქონდა ფეხქვეშ. ედილეი ცივ კარს მიადგა, დააკაკუნა, კარი აბილოვმა გააღო. ედილეი რომ დაინახა, დაფრთხა.

- ოჰო, ედიქე, შემო, შემო, - უთხრა და ფერდაკარგული უკან მიდგა.

ედილეი უხმოდ შევიდა. ყინვის ოხშივარი შეიტანა. ზღურ-ბლზე დადგა, კარი მიხურა.

- რატომ დააობლე ის უბედურები? - ნაძალადევი სიმშვიდით ჰკითხა მან.

აბილოვი მუხლებზე დაეცა, ხოხვა-ხოხვით მივიდა ედილეისთან, ტყაპუჭის კალთებზე მოებლაუჭა.

- ღმერთმანი, მე არაფერ შუაში არა ვარ, ედიქე! აი, ჩემს ცოლს არ ეღირსოს მოლოგინება! - დაიფიცა მან და შიშით გარინდულ ცოლისკენ მიიხედა. მერე ჩქარ-ჩქარა, ნაწყვეტ-ნაწყვეტ განაგრძო: - ღმერთმანი, მე არა, ედიქე, ამას როგორ ვიზამდი: ეს იმ რევიზორის ბრალია! აბა მოიგონე, სულ მეკითხებოდა და მეკითხებოდა, რას სწერს და რატომ სწერსო. ამ რევიზორმა ქნა ყველაფერი. ამას მე როგორ ვიკადრებდი! აი, იმას არ მოელოგინოს, თუ ვტყუი! წელან მატარებელთან აღარ ვიცოდი, სად წავსულიყავ, ლამის მიწაში ჩავმძვრალიყავ. ოღონდ არ მეცქირა მაგ რევიზორმა სული ამომართვა შეკითხვებით, ყველაფერს იძიებდა, აბა მე რა ვიცოდი... რომ მცოდნოდა...

- კაი, გეყოფა, - შეანწყვეტინა ედილეიმ, - ადე, ადამიანურად ვილაპარაკოთ. აგერ შენი ცოლის წინ. ღმერთმა მშვიდობით მოალოგინოს. მაგრამ შენთვის ხომ სულ ერთია, სადაც იქნები,

ჩვენ კი იქნებ სიკვდილამდე აქ დავრჩეთ. ისე რომ დაფიქრდი.
ალბათ გიჯობს შემდეგ სადმე სხვა სამუშაოზე გადახვიდე. მე ასე
გირჩევ. მორჩა და გათავდა. ამაზე ნულა ვილაპარაკებთ. ეს მინ-
დოდა მეთქვა, სხვა არაფერი...

ედილეი გამოვიდა და კარი გამოიხურა.

თავი 9.

წყნარ ოკეანეში, ალეუტის კუნძულების სამხრეთით, შუადღე უკვე კარგა ხანია გადასულიყო. კვლავ დაქროდა ქარიშხალი, ოღონდ მთელი ძალით არა, კვლავ ზვირთი ზვირთზე მიგორავდა. მთელ თვალსაწიერზე, დასალიერიდან დასალიერამდე, ტორტმანებდა და მოძრაობდა თვალუწვდენელი წყლის სტიქიონი. ნელა ირწეოდა ტალღებზე ავიოსანი „კონვენცია“. ზუსტად ერთნაირი ვანძილით დაშორებული საჰაერო გზით როგორც სან-ფრანცისკოს, ისე ვლადივოსტოკს. საერთაშორისო სამეცნიერო პროგრამის ყველა განყოფილება გემზე დაძაბული იყო, სამოქმედოდ გამზადებული.

ამ დროისათვის ავიოსნის ქიმზე უკვე დასასრულს უახლოვდებოდა განსაკუთრებულ რწმუნებათა მქონე კომისიების სასწრაფო სხდომა იმ საგანგებო ვითარების გასარკვევად, რაიც მნათობი მპყრობელის სისტემაში მიწისმილმიერ ცივილიზაციის აღმოჩენამ წარმოშვა. უცხოპლანეტელებთან ერთად დაუკითხავად გამგზავრებული 1-2 და 2-1 პარიტეტ-კოსმონავტები კვლავ ტყისგულეთის პლანეტაზე იმყოფებოდნენ. ისინი უკვე სამჯერ იყვნენ გაფრთხილებულნი ორბიტალურ სადგურ „პარიტეტის“ რადიოკავშირით მართვის საერთო ცენტრის მიერ, არამც და არამც არაფერი მოემოქმედათ საერთო ცენტრის საგანგებო მითითებამდე.

მართვის საერთო ცენტრის ეს კატეგორიული მოთხოვნები არა მარტო შეშფოთებამ გამოიწვია, არამედ იმ მეტისმეტად გართულებულმა, თანდათან გამწვავებულმა ვითარებამ, ორივე მხარეს შორის თანდათან გაზრდილმა იმ უთანხმოებამ, რის შე-

დეგადაც მოსალოდნელი იყო ურთიერთთანამშრომლობის სრული ჩაშლა. უფრო მეტიც - აშკარა კონფრონტაცია. ის, რაც ამ ცოტა ხნის წინ ორივე სახელმწიფოს აახლოებდა, რაც წამყვან სახელმწიფოთა ინტეგრირებული სამეცნიერო-ტექნიკური ძლიერების ინტერესებიდან გამომდინარეობდა - პროგრამა „დემიურგი“ მისდათავად ჩრდილში მოექცა და მაშინვე დაკარგა თავისი წინანდელი მნიშვნელობა იმ სუპერპრობლემის წინაშე, მიწისმილმიერი ცივილიზაციის აღმოჩენის შედეგად რომ წარმოიშვა. კომისიის წევრებს ნათლად ესმოდათ: ეს გაუგონარი აღმოჩენა, რაც არც ერთ სხვა აღმოჩენას არ შეედრებოდა, კარდინალური გამოცდა გახლდათ მსოფლიოს თანამედროვე თანურთიერთობის საფუძვლებისა, ყოველივე იმისა, რაც იქადაგებოდა, ინერგებოდა და მუშავდებოდა თაობათა შეგნებაში საუკუნეების მანძილზე - გამოცდა მისი არსებობის წეს-კანონების მთელი ერთობლიობისა. განა ვის შეეძლო ეკისრა ასეთი ნაბიჯის გადადგმა ან ვინ იქნებოდა იმის თავმდები, რომ თვით დედამიწას საშიშროება არ მოელოდა?

როგორც მუდამ ხდება ხოლმე ისტორიის გადამწყვეტ წუთებში, ახლაც მთელი ძალით იჩინა თავი დედამიწაზე ორ სხვადასხვა საზოგადო პოლიტიკურ სისტემათა შორის არსებულმა ძირეულმა წინააღმდეგობებმა.

გაცხარებულ კამათად იქცა საკითხის ირგვლივ გამართული ბჭობა. აზრთა სხვადასხვაობამ შეურიგებელი ხასიათი მიიღო. სულ ადვილი მოსალოდნელი იყო ისეთი შეჯახება-უთანხმოებანი, რომელთაც შეიძლება გარდაუვალი ომი გამოეწვია. ამიტომაც ყოველი მხარე ცდილობდა მეტისმეტად არ გაემწვა-ვებინა საქმე, რადგან ამბების ასეთი განვითარება საყოველთაო საფრთხეს შექმნიდა. ყველაზე დიდ შემაკავებელ ძალად ის ამბავი აღმოჩნდა, რომ არავის სურდა, უფრო სწორად, ყველას

ეშინოდა იმ გარემოებისა, რა მოხდებოდა სტიქიურად დედამიწელთა შეგნებაში, თუკი ახალი ცივილიზაციის მოულოდნელი აღმოჩენის ამბავი საყოველთაოდ ცნობილი გახდებოდა... არავინ უწყოდა და ვერც ვერავინ იტყოდა წინასწარ, რა შედეგი მოჰყვებოდა საქმის ასეთ დაბოლოებას.

გონიერებამ მაინც სძლია ყველაფერს, ორივე მხარე ბოლოს და ბოლოს შეთანხმდა. ეს იყო იძულებითი, მკაცრად გაწონასწორებული შეთანხმება. ამასთან დაკავშირებით „პარიტეტის“ ორბიტალურ სადგურზე მართვის საერთო ცენტრმა კოდირებული რადიოგრამა გაგზავნა ასეთი შინაარსის:

„1-2 და 2-1 კოსმონავტ კონტროლიორებს! გევალებათ „პარიტეტის“ საბორტო სისტემის დახმარებით დაუკავშირდეთ რადიოთი 1-2 და 2-1 პარიტეტ-კოსმონავტებს, რომლებიც მზისმილმიერ გალაქტიკაში, ეგრეთწოდებულ მნათობ „მპყრობელის“ სისტემის ტყისგულეთის პლანეტაზე იმყოფებიან. აუცილებელია სასწრაფოდ ემცნოთ მათ, რომ ორმხრივ კომისიათა დასკვნის საფუძველზე, რომლებმაც 1-2 და 2-1 პარიტეტ-კოსმონავტების მიერ აღმოჩენილ მინისმილმიერ ცივილიზაციაზე ინფორმაცია შეისწავლეს, მართვის საერთო ცენტრმა გადაწყვეტილება მიიღო და ეს გადაწყვეტილება ხელახლა განხილვას არ ექვემდებარება:

1) არამცაა არამც არ დაიშვება 1-2 და 2-1 პარიტეტ-კოსმონავტების დაბრუნება „პარიტეტის“ ორბიტალურ სადგურზე და შემდგომ დედამიწაზე, როგორც დედამიწისეული ცივილიზაციისათვის არასასურველი პირებისა.

2) გამოეცხადოს ტყისგულეთად წოდებულ პლანეტის მცხოვრებთ, რომ ჩვენ უარს ვამბობთ ყოველნაირ კავშირზე მათთან, რამეთუ ეს კავშირი ვერ შეუთავსდება დედამიწაზე მყოფ ადამიანთა საზოგადოების ისტორიულ გამოცდილებას,

მათ საჭირობოროტო ინტერესებს, კაცობრიობის თანამედროვე განვითარების თავისებურებებს.

3) გაფრთხილებულ იქნან ყოფილი 1-2 და 2-1 პარიტეტ-კოსმონავტები, აგრეთვე მათთან დაკავშირებული უცხოპლანეტელები, არამც და არამც არ შეეცადონ დედამიწელებთან კავშირის დამყარებას, მით უფრო დედამიწის ირგვლივ სფეროებში შემოჭრას, როგორც ეს უცხო პლანეტელებმა ჩაიდინეს, როცა „პარიტეტის“ ორბიტალურ სადგურს ეწვივნენ.

4) დედამიწის ირგვლივ მდებარე კოსმიური სივრცის იზოლაციის უზრუნველსაყოფად უცხოპლანეტური წარმოშობის მფრინავ აპარატების შესაძლებელ შემოჭრისაგან მართვის საერთო ცენტრი აცხადებს, რომ სასწრაფოდ იქნას დანესებული საგანგებო ტრანსკოსმიური რეჟიმი ოპერაცია „სალტეს“ სახელწოდებით, რომელიც დააპროგრამებს მოცემულ ორბიტაზე ბარაჟირებულ საბრძოლო რაკეტა-რობოტების სერია, ბირთვულ-ლაზერული გამოხივებით რომ შეძლებენ კოსმოსში დედამიწას მიახლოებულ ყველა საგნის განადგურებას.

5) ეცნობოს ყოფილი პარიტეტ-კოსმონავტებს, რომლებიც თვითნებურად დაუკავშირდნენ უცხოპლანეტელ არსებებს, რომ უშიშროებისა და დედამიწელთა გეოპოლიტიკური სტრუქტურის ჩამოყალიბებულ სტაბილობის შენარჩუნების მიზნით მათთან დაკავშირების ყველა შესაძლებლობა გამორიცხულია. შემდგომ კი მიღებულ იქნება ყველა ზომები მომხდარი შემთხვევის დასაიდუმლოებისა და კონტაქტების დაუშვებლობისათვის. ამ მიზნით სადგური „პარიტეტი“ დაუყოვნებლივ შეიცვლის ორბიტას, ხოლო რადიოკავშირის არხები ხელახლა იქნება კოდირებული.

6) ერთხელ კიდევ იქნას გაფრთხილებული უცხოპლანეტელები, რომ დედამიწის ირგვლივ „სალტეს“ ზონასთან მიახლოება საშიშროებას წარმოადგენს ყველასათვის.

მართვის საერთო ცენტრი. ავიოსან „კონვენციის“ ქიმი“.

ამ დასაცავ ღონისძიებათა მიღების შედეგად მართვის საერთო ცენტრი იძულებული გახდა გაურკვეველი დროით მთლიანად შეეჩერებინა პლანეტა „იქსის“ ასათვისებლად შემუშავებული პროგრამა „დემიურგი“. ორბიტალური სადგური „პარიტეტი“ უნდა გადასულიყო ბრუნვის სხვა პარამეტრებზე და გამოყენებული ყოფილიყო მიმდინარე კოსმიური დაკვირვებებისთვის. კოპერატიული სამეცნიერო-კვლევითი ავიოსანი „კონვენცია“ კი გადანყვეტილების მიხედვით. ნეიტრალურ ფინეთს გადაეცემოდა შესანახად. შორეულ კოსმოსში სისტემა „სალტეს“ გაშვების შემდეგ ყველა პარიტეტული სამსახური, ყველა დამხმარე დაწესებულება უნდა დაშლილიყო, ყველა სამეცნიერო და საადმინისტრაციო მუშაკს, სასტიკი გაფრთხილების შედეგად, წერილობითი პირობა უნდა დაედო, სიკვდილამდე არამც და არამც არ გაამხელდა იმ მიზეზს, რამაც მართვის საერთო ცენტრს მოქმედების არე შეაკვეციანა.

ფართო საზოგადოებას კი ემცნობოდა, რომ პროგრამა „დემიურგის“ მუშაობა გაურკვეველი დროით იქნა შეჩერებული, რამეთუ აუცილებელი შეიქნა პლანეტა „იქსზე“ კაპიტალური კვლევა-ძიების და კორექციის ჩატარება.

წყნარ ოკეანეში, ალეუტის კუნძულების სამხრეთით დღე უკვე იწურებოდა. ამინდს შედარებით არა უშავდა. მაგრამ ოკეანეში ღელვა მაინც თანდათან მატულობდა. უკვე ისმოდა აქაფებულის ტალღების ხმაური. ავიოსანზე ავიოფრთის მომსახურენი დაძაბული ელოდნენ იმ წუთს, როცა სხდომა დამთავრდებოდა და განსაკუთრებულ რწმუნებათა მქონე კომისიები თვითმფრინავებთან გამოვიდოდნენ. აგერ კიდევაც გამოვიდნენ, ერთმა-

ნეთს დაემშვიდობნენ, ნაწილი ერთი თვითმფრინავისკენ გაემართა, ნაწილი - მეორისკენ.

რწევის მიუხედავად, თვითმფრინავები მშვენივრად აფრინდნენ, ერთმა ლაინერმა სან-ფრანცისკოსკენ აიღო გეზი, მეორე საპირდაპირო მიმართულებით - ვლადივოსტოკისკენ გააფრინდა.

და ტრიალებდა დედამიწა თვის წრესა ზედა, და გარს უვლიდნენ ქარნი ზენანი და ტრიალებდა დედამიწა... ვით პანანა ქვიშის მარცვალი ამ განუზომელ ამ უსასრულო სამყაროში, სადაც ასეთი მარცვლების რიცხვი უამრავი და უთვალავია. მაგრამ მხოლოდ აქ დედამიწის პლანეტაზე იყვნენ, ცხოვრობდნენ ადამიანები, როგორც შეეძლოთ და ემარჯვებოდათ; ცნობისწადილით ატანილებმა ბევრჯერ სცადეს იმის გარკვევა, არის თუ არა სადმე სხვაგან მათი მსგავსი არსებანი. იყო დავა, იყო კამათი, ნაირ-ნაირი ჰიპოტეზები. გაფრინდნენ მთვარეზედაც, გაგზავნეს სხვა ციურ სხეულებზეც ავტომატური მონყობილობანი, მაგრამ ყოველ ცდას მწარე იმედგაცრუება მოსდევდა, ყოველი ცდა არწმუნებდათ, რომ მზის სისტემის ირგვლივ მდებარე სამყაროში არავინაა მათი მსგავსნი, არსად არ არის სიცოცხლის ნიშანწყალი. მერე ავინყდებოდათ ეს ამბები, იმიტომ რომ საამისოდ აღარ ეცალათ, იმიტომ რომ არცთუ ადვილი იყო ცხოვრება, ერთმანეთთან მშვიდობით ყოფნა და მორიგება. იმიტომ რომ არცთუ ადვილად იზოვებოდა პური არსობისა... ბევრი იმასაც ფიქრობდა, ეს არააო ჩვენი საქმე. და ტრიალებდა, ტრიალებდა დედამიწა ანაბარა თავის თავისა...

ძალზე სუსხიანი და ბურუსიანი იყო მთელი ის იანვრის თვე. ან ქარს საიდან მოჰქონდა ასეთი სუსხი საროზვექში! ყინულს და-

ეფარა მატარებლების ჭიჭირაქები, ყინვას გათეთრებინა ვაგონებიც. უცნაური სანახავი იყო, როცა შავი ნავთობსასხმელი ცისტერნები ასაქცევზე თეთრად დათოვლილნი, შეჭირხლულნი ჩამოდგებოდნენ. ადგილიდან დაძვრაც ეძნელებოდათ მატარებლებს. შეწყვილული ორთქლმავლები ისეთი ძალითა და ღრჭი-ალალით აგლეჯდნენ ლიანდაგებზე მიყინულ ბორბლებს, ეს ხმა კარგა შორს ისმოდა ჰაერში. ღამლამობით ბორანლელ ბავშვებს ბევრჯერ შიშით გაჰღვიძებიათ ამ გრიალზე.

თოვლის ხიანებაც აიმართა ლიანდაგებზე. ერთმანეთს მიეწყო ყველაფერი. ქარი სულ გაგიჟდა, სულ აიწყვიტა თავი. კარგი ნავარდო მიეცა საროზექში! არ იცოდი, რომელი მხრიდან შემოგიტევდა ბუქი. ბორანლელების აზრით, განგებ რკინიგზაზე ახვეტდა და ახვეტდა ქარი თოვლის ნამქერებს. სულ პატარა ღრიჭო კმაროდა, ზედ დაცხრომოდა. ბუქი დაეყენებინა და თოვლით აევსო ლიანდაგები.

ედილეი, ყაზანგაპი და კიდეც სამიოდე მუშა რკინიგზის ხაზის ერთი ბოლოდან მეორეში გარბოდნენ, ხან აქ, ხან იქ და ხან ისევ ძველ ადგილზე წმენდნენ თოვლისაგან ლიანდაგებს. აქლემებს შეუბამდნენ სათრეველას და თოვლის ზედა მძიმე ფენას მიხვეტდნენ ხოლმე გზისპირებზე, დანარჩენი ხელით გაჰქონდათ. არ ზოგავდა ედილეი ყარანარსაც. უხაროდა, ამით მაინც ქანცს გავაცლი, მოეთოკავ, იქნება აღარ იგიჟოსო. მასავით ღონიერ აქემს შეუწყვილა, მათრახით მირეკავდა, თვითონ კი განივ ფიცარზე იდგა და იმით გაჰქონდა ნამქერები. სხვა საშუალება მაშინ არ გააჩნდათ. იძახდნენ, ქარხნებმა უკვე გამოუშვეს საგანგებო თოვლის საწმენდი ლოკომოტივები, ნამქერებს ისინი განგანზე მიხვეტავენო. დაჰპირდნენ კიდეც, მალე გამოგიგზავნით ასეთ მანქანებსო, მაგრამ ჯერჯერობით დაპირება დაპირებად რჩებოდა.

თუ მთელი ორი თვე ზაფხულის სიცხემ ლამის ყველას სიქა გააცალა, ამ ყინვიანი ჰაერის შესუნთქვა კიდევ უფრო მტანჯველი გამოდგა - გეგონებოდა, საცაა ფილტვებს გაგლეჯსო. მაგრამ მატარებლები მაინც მიდი-მოდიოდნენ და შენი საქმე მაინც უნდა გეკეთებინა. ედილეის ჯაგარმა დაუფარა სახე; იმ ზამთარს პირველად იელვა შიგ აქა-იქ ჭალარამ. უძილობისგან თვალები დასიებოდა, სახე ქვად და რკინად ქცეოდა, სარკეში ჩახედვისა ეშინოდა. დღედაღამ ტყაპუჭი ეცვა, ზემოდან კიდევ ბრეზენტის კაპიუშონიანი ლაბადა, ფეხებზე თექები.

მაგრამ რა საქმეც არ უნდა ჰქონოდა, რა ვაივავლახშიც არ უნდა ყოფილიყო, აბუტალიფ ქუთიბაევის ამბავი ედილეის თავიდან არ შორდებოდა. ძალიან ატკინა ამ ამბავმა გული. ისა და ყაზანგაპი ხშირად იმტვრევდნენ თავს - რანაირად მოხდა ეს ყველაფერიან რით დამთავრდებაო. ყაზანგაპი მეტწილად დუმდა, წარბშეჭმუხნილი, დაძაბული. ფიქრობდა თავისას.

- ყოველთვის ასე იყო, - თქვა ერთხელაც, - ვინემ გაარკვევენ და გაარჩევენ... ტყუილად კი არ უთქვამთ ძველად: „ხანი ღმერთი კი არაა. განა ყოველთვის იცის, რას იქმიან მისი ხელქვეითნი, არც მისმა ხელქვეითებმა იციან, ბაზარზე ხარკს ვინ კრეფსო“. მუდამაც ასე იყო.

- ნეტა რას ამბობ! გამომიჩნდა რაღა ბრძენი, - უკმაყოფილოდ დასცინა ედილეიმ, - რა ხანია ეგ შენი ხანები დაიფრინეს! საქმე ეს არაა!

- აბა რაა? - დინჯად ჰკითხა ყაზანგაპმა.

- რაა, რაა! - ბრაზით წაიბუზღუნა ედილეიმ, მაგრამ პასუხი ვერ მოძებნა. ვერც შემდგომ მოუნახა ტვინში ხიწვივით ჩარჩენილ ამ კითხვას პასუხი.

უბედურებას ცალად არ უყვარს სიარული. გაცივდა, დიდი სიციხე მისცა ქუთიბაევეების უფროს ბიჭს, დაუღს, სულ აბოღებდა, ყელი სტკიოდა და ხველა ახრჩობდა. ზარიფა იძახდა, ანგინა სტირსო, და აბებს აყლაპებდა. მაგრამ მთელი დღე ბავშვებთან ვინ გააჩერებდა, როცა მელსრედ მუშაობდა, ცხოვრება ხომ უნდოდათ - ხან ლამით, ხან დღისით მორიგეობდა. ისევ უქუბალამ იტვირთა ოთხ ბავშვზე ზრუნვა, იცოდა, რა გამოუვალი მდგომარეობა შეექმნა აბუტალიფის ოჯახს. ეხმარებოდა ედიღეიც, როგორც შეეძლო. დილაადრიან ქვანახშირს მიუტანდა ხოლმე ფარდულიდან ბარაკში, თუ დრო ჰქონდა, ღუმელსაც უნთებდა ზარიფას. ქვანახშირის დანთებასაც ოსტატობა უნდა. ვედრონახევარ ნახშირს ერთად ჩაჰყრიდა ხოლმე ღუმელში, რომ ბაღლებს მთელი დღე სითბო არ მოჰკლებოდა, შემასაც ჩეხდა ცეცხლის გასაჩაღებლად. სულაც არ ემძიმებოდა ეს საქმეები, გინდ შემის ჩეხა, გინდ წყლის მოტანა თუ სხვა... ძნელი სხვა რამ იყო. ძალზე უჭირდა აბუტალიფის ბიჭებისთვის თვალის გასწორება. მათ კითხვებზე პასუხი. წამება იყო პირდაპირ. უფროსი ავად იყო და იწვა, თან ხასიათიც უფრო თავშეკავებული ჰქონდა. პატარა ერმეჩი კი, დედის პირწავარდნილი ასლი, დიდ გასაჭირში აგდებდა. დილით რომ ნახშირს მოიტანდა და ღუმელს აანთებდა, ედიღეი ცდილობდა ბავშვები არ გაეღვიძებინა და შეუმჩნეველად წასულიყო, მაგრამ ხშირად ვერ ახერხებდა, თმახუჭუჭა ერმეჩი მაშინვე გამოაჭყეტდა ხოლმე თვალებს.

- ხომ ჩამოვა დღეს მამუკი, ძია ედიღეი? - პირველად ამას ჰკითხავდა და პერანგისამარა, ფეხშიშველი მისკენ მორბოდა. თვალეში იმედი უბრწყინავდა, რომ ძია ედიღეი კის ეტყოდა და მამაც უთუოდ დაუბრუნდებოდა. ედიღეი ილღიაში ამოიდებდა ბიჭის გამდარ თბილ სხეულს და ისევ ლოგინში ჩაანვენდა.

- დღეს არ ვიცი, ჩამოვა თუ არა შენი მამუკი, ერმეე, - ეტყოდა ხოლმე, როგორც დიდს, - მაგრამ სადგურიდან უთუოდ გვაცნობებენ, რომელი მატარებლით დაბრუნდება. ხომ იცი, ჩვენთან სამგზავრო მატარებლები არ ჩერდება, თუკი გზის ყველაზე უფროსმა დისპეტჩერმა არ ბრძანა. ჩემი აზრით, ამ დღეებში უნდა გვაცნობონ. მაშინ მე, შენ და დაული, თუკი იმ დროისთვის გამოკეთდა, ერთად დავხვდებით მატარებელს.

- ჰოდა, ჩვენც ვეტყვით, მამუკი, აქა ვართ-თქო, ხომ კი? - ედიღეის მონაგონს ფრთას ასხამდა ბიჭი.

- აბა როგორ! ასეც ვეტყვით, - ვითომ რიხით კვერს უკრაფდა ედიღეი.

მაგრამ საზრიანი ბიჭის გაცურება არცთუ იოლი იყო.

- ძია ედიღეი, იქნებ მაშინდელივით სატვირთო მატარებელს გავყვეთ იმ ყველაზე უფროს დისპეტჩერთან და ვუთხრათ, მამუკი რომ ჩამოვა, ის მატარებელი გააჩერე-თქო.

ედიღეის ახალი ტყუილი უნდა მოეგონებინა.

- მაშინ ზაფხული იყო, თბილოდა. ახლა კი სატვირთოს როგორ გავყვეთ, როცა ასე ცივა? ხედავ, ფანჯრებიც კი გაყინა. გზაშივე გავიყინებით. არა, ეს ძალიან საშიშია.

ბიჭი დაღონებით დადუმდებოდა.

- შენ იწეე, მე კი დაულს დავხედავ, - მოიმიზებებდა ედიღეი და ავადმყოფთან მივიდოდა, ბიჭს გახურებულ შუბლზე მძიმე, დაკორძილ ხელს დაადებდა... ისიც ძლივს გაახელდა თვალებს, სუსტად გაიღიმებდა სიცხისაგან დამსკდარი ტუჩებით.. არა და არ ჩამოდიოდა სიცხე. - არ გადაიხადო, დაულო, ოფლი გაქვს გესმის? უარესად გაცივდები, შენ კი ტაშტი მიუტანე ხოლმე, ერმეე ფისი რომ მოუნდება, გაიგე? რომ არ წამოდგეს. დედა მალე მოვა მორიგეობიდან. უქუბალა დეიდაც ახლავე შემოგაკითხავთ, საქმელს გაჭმევთ, ხოლო დაული რომ გამოკეთდება,

ჩვენთან მოირბნეთ, საულებსა და შარაფათს ეთამაშებით. მე კი უნდა წავიდე. სამუშაო მაქვს, ხომ ხედავთ, რა თოვლი დადო, მატარებლები ვეღარ ივლიან, - წასვლისას ეუბნებოდა ედილეი ბიჭებს.

მაგრამ ერმექს ასე ადვილად ვინ გააჩერებდა.

- ძია ედილეი, - ეტყოდა უკვე ზღურბლზე მდგარ ედილეის, - თუ ბევრი თოვლი იქნა, როცა მამუკის მატარებელი მოვა, მეც წამოვალ თოვლის გასაწმენდად. პატარა ნიჩაბი ხომ მაქვს.

გულდამძიმებული წამოვიდოდა ხოლმე მათი სახლიდან ედილეი ბრაზის, უმწეობისა და სიბრალეულის გრძნობა გულს უწეწკავდა. მთელ ქვეყანაზე ბოროტდებოდა მაშინ. ჯავრს ისევ თოვლზე, ქარზე, ნამქერებსა და აქლემებზე იყრიდა, იმათაც აღარ ინდობდა საქმეში. თვითონაც გამხეცვებული მუშაობდა, თითქოსდა საროზექისეულ ქარბუქისთვის კისრის მოგრეხა მართოს შეეძლო..

ასე გადიოდა დღეები, ასე მიჰყვებოდა დღე დღეს წყლის წუთებივით, ნელ-ნელა, გამოზომილად რომ ცვივა. გაიარა იანვარმაც და ყინვაც ცოტაოდენ მოტყდა, აბუტალიფისა კი არაფერი ისმოდა. რა არ იფიქრეს ედილეიმ და ყაზანგაპმა - ხან ასე სჭიდნენ, ხან ისე. მათი აზრით, მალე უნდა გამოეშვათ აბუტალიფი, აბა ისეთი საშინელი რა ჩაიდინა - თავისთვის წერდა რაღაცებს, სხვისთვის ხომ არა. აიმედებდნენ ზარიფასაც, სულით რომ არ დაცემულიყო ქალი. ზარიფამაც კარგად იცოდა, რომ შვილების გულისთვის ქვა და რკინად უნდა ქცეულიყო. მართლაც ქვა და რკინა გახდა. გული ჩაიხურა, ხმას არ იღებდა. ოღონდ თვალებში უელავდა შიში, ვინ იცის, სადამდე ეყოფოდა ძალა და მოთმინება.

ერთ დღეს სამუშაოდან თავისუფალი იყო ბურანელი ედილეი. გადანყვიტა ტრამალში წასულიყო და ენახა, აქლემების

ჯოგი როგორ სძოვდა იქა, რაც მთავარია, ყარანარი როგორ იქცეოდა. ვინმე ხომ არ დაასახიჩრა ჯოგში: ჭკუაზე თუ მოვიდა, თუ დაცხრა და დაშოშმინდა. შორი არ იყო და თხილამურებით გასწია იქით. დროზე დაბრუნდა. დააპირა ყაზანგაპისთვის ეცნობებინა, ყველაფერი რიგზეაო. აქლემები მელიკუდას ლარტაფში სძოვდნენ. თოვლი იქ თითქმის აღარ იყო, ქარი არ აჩერებდა, იმიტომაც ნავროტი კარგად ჩანდა და შესაშფოთებელი არაფერი იყო. მაგრამ მაინც ჯერ შინისკენ გასწია, თხილამურებს დაეტოვებო. კარიდან უფროსმა გოგომ, საულემ გამოხედა.

- დედა ტირის! - უთხრა შეშინებულმა და მიიმალა.

ედილეიმ თხილამურები დაყარა და შეშფოთებული გაეჩქარა შინისკენ. უქუბალა ისე ხმამაღლა ზღუქუნებდა, ედილეს სუნთქვა შეეკრა.

- რა იყო, რა მოხდა?

- წყეულიმც იყოს ყველაფერი ამ წყეულ ქვეყანაზე, - ქვითინით წამოიძახა უქუბალამ.

ასეთ დღეში ცოლი არასოდეს ენახა ედილეს. უქუბალა მაგარი, ჭკუადამჭდარი ქალი იყო.

- შენი, შენი ბრალია ყველაფერი!

- ჩემი რა ბრალია? - სახტად დარჩა ედილეი.

- ზღაპრებით რომ ატყუებდი საწყალ ბავშვებს. წელან, აი, სულ ახლახანს, სამგზავრო მატარებელი ჩამოდგა, შემხვედრი უნდა გაეშვა და იმიტომ გაჩერდა. ნეტა რაღა აქ შეხვდნენ ერთმანეთს? ბუტალიფის ბიჭებმა კი რომ დაინახეს, სამგზავრო მატარებელი ჩამოდგაო, ყვირილით გაცვივდნენ მატარებლისკენ: „მამა, მამუკი, ჩვენი მამუკი სადაა!“ მამუკი ჩამოვიდა!“ მე უკან გავვეკიდე. ისინი კი ხან ერთ ვაგონთან მიირბენდნენ, ხან მეორესთან, გაჰკვივიან : „მამა, მამუკი! ჩვენი მამუკი სადაა!“ მეგონა, მატარებლის ქვეშ ჩავარდებიან-მეთქი. ისინი კი მირბიან

და მირბიან მატარებლის გასწვრივ, მამას ეძახიან! ერთი კარიც არ გაიღო. არადა, გრძელი მატარებელი იყო, ჩაგმანულ-ჩაკეტილი. ვინემ მე დავეწიე, ვინემ პატარა დავიჭირე, ვინემ დიდს ვტაცე ხელი, მატარებელი დაიძრა და წავიდა. ისინი ხელიდან მისხლტებიან: „იქ ჩვენი მამუკია, ჩამოსვლა ვერ მოასწრო!“ ატეხეს ღრიალი. გული გადამიქანდა. მეგონა, ჭკუაზე შევცდებოდი, ისე ღრიალებდნენ და ტიროდნენ ბიჭები. ერმექი ვერაფრით ვერ გავაჩერეთ! წადი ახლავე და დააწყნარე. გასწი-მეთქი! ეს შენ უთხარი მაგათ, სამგზავრო მატარებელი რომ ჩერდება, მამაც ჩამოვაო, ერთი გენახა, რა დაემართათ, როცა მატარებელი წავიდა, მამა კი არ გამოჩნდა! ერთი შენი თვალით გენახა! ან რატომაა ასე მოწყობილი ეს ქვეყანა, ასე რად უყვარს მამას შვილი, შვილს კი მამა? ასე რად უნდა დაიტანჯოს ადამიანი?

წამება იყო ედიღეთვის ქუთიბაევებთან მისვლა. მხოლოდ ამ ერთს ევედრებოდა ღმერთს, შემინდე და მაპატიე ეს უნებლიე ტყუილი ამ პატარა მიამიტ სულთა წინაშეო. ღმერთმა ხომ იცის, ბოროტებით არ მოსვლია. ახლა რა უთხრას, რა პასუხი გასცეს ბიჭებს?

მისი გამოჩენა და, ტირილით თვალებდასიებული, სახეშეცვლილი ბიჭების ხელახლა აღრიალება ერთი იყო. მაშინვე მიცვივდნენ ძია ედიღეთს ზღუქუნ-ზღუქუნით, ერთმანეთს არ აცლიდნენ, ისე უხსნიდნენ, რომ ჩამომდგარი მატარებლიდან მამამ ჩამოსვლა ვერ მოასწრო და ძია ედიღეიმ ახლავე უნდა გააჩერებინოს ის მატარებელი...

- სალინდიმ, პაპიკამდი! სალინდიმ, სალინდიმ!¹⁶ - ყვიროდა ერმექი და იმედით, ნდობით, მწუხარებით საფსე თვალებით შესცივინებდა ედიღეთს.

¹⁶ გული გამისკდება, მოვკვდები დარდ

- ახლავე ყველაფერს გავიგებ. დანყნარდით, დამშვიდდით, ნუ ტირით, - აჩუმებდა, აშოშმინებდა ტირილით გულამომჭდარ ბიჭებს ედიღეი. თვითონაც ძლივს იკავებდა თავს არ ატირებულყო, სახეზე არაფერი დამჩნეოდა, ბავშვების თვალში უმწეო, უძლური არ გამოჩენილიყო. - ახლავე წავალ, ერთად წავალთ! - „სად წავალთ? ვისთან? რა ექნა? როგორ მოვიქცე?“ - ფიქრობდა თან გულში. - ახლა ჩვენ გარეთ გავალთ და იქ მოვიფიქრებთ, მოვითათბირებთ, - ბურტყუნებდა ედიღეი, თუმცა რას პირდებოდა, თვითონაც არ იცოდა.

ზარიფა ლოგინზე უძრავად დამხობილიყო, თავი ბალიშში ჩაერგო.

- ზარიფა, ზარიფა! - მხარზე შეახო ხელი ედიღეიმ. ზარიფას თავი არ აუღია.

- ჩვენ ახლა წავალთ, ცოტა გავივლ-გამოვივლით, მერე ჩვენთან შევალთ, - უთხრა ედიღეიმ, - მე და ბიჭები წავალთ.

ამის მეტი ვერაფერი მოიგონა ბიჭების დასამშვიდებლად: იქნებ გაერთონ, დარდი გადაიყარონ ამასობაში და მეც რაღაცა მოვიფიქროო ერმექი ზურგზე შეისვა, დაულს ხელი ჩაჰკიდა და ასე უმიზნოდ გაჰყვნენ რკინიგზის ლიანდაგს. სხვისი უბედურება თავის დღეში ასე ახლოს არ მიუტანია გულთან ედიღეის. ერმექი ზურგზე ეჭდა და სუკუნ-სილუკუნით, მწუხარედ სუნთქავდა კისერში, პანია, დარდით გულმოკლული არსება ისეთი ნდობით ჩაკვროდა და ჩაჭიდებოდა მხრებზე, მეორე ასეთსავე პატარა არსებას ისე ნდობით ჩაეკიდებინა მისთვის ხელი, ედიღეის გული დაუნვა მათმა საცოდაობამ, ლამის ხმამაღლა ებღავლა სიბრაღეულით.

ასე მიჰყვებოდნენ ისინი რკინიგზას ამ უკაცრიელ საროზექში. მხოლოდ მატარებლები მიგრიალებდნენ ხან აქეთ, ხან იქით... მიდიოდნენ და მიდიოდნენ რახრახით.

სხვა რა გზა იყო. ახლაც ტყუილები მოუჩმასხა ედიღეიმ ბიჭებს. უთხრა, შეცდითო, ის მატარებელი შემთხვევით გაჩერდა ჩვენს ასაქცევზე. თორემ სულ სხვა მხარეს მიდიოდა. თქვენი მამუკი კი სულ სხვა მხრიდან უნდა ჩამოვიდესო. მაგრამ ალბათ ასე მალე ვერ ჩამოვა, იმიტომ რომ სადღაც, რომელიღაც ზღვაზე მეზღვაურო, გაგზავნეს. ჰოდა, როგორც კი გემი შორეული მგზავრობიდან დაბრუნდება, მამუკიც მაშინვე ჩამოვა. ჩვენ კი უნდა დავუცადოთო. ედიღეის ფიქრით, ეს ტყუილი ცოტა დაამშვიდებდა ბიჭებს, ვინემ სიცრუე სიმართლედ არ იქცეოდა. ხოლო აბუტალიფი რომ მართლა დაბრუნდებოდა, ედიღეის ეჭვი არ ეპარებოდა. გავა დრო, გაარკვევენ ყველაფერს და, როგორც კი გაათავისუფლებენ, აბუტალიფი წამსაც არ დაახანებს, შვილების ესოდენ მოყვარული მამა წამსაც არ დაკარგავს ზედმეტად... იმიტომაც თხზავდა ამ ტყუილებს ედიღეი... აბუტალიფის ამბავი რომ იცოდა, კარგად გრძნობდა, რად უღირდა ამ კაცს ოჯახთან განშორება. სხვას იქნებ არც ისე მწარედ განეცადა, მისი ნებისდა დამოუკიდებლად, ოჯახთან დროებითი დაცილება, იმ იმედით, შინ მალე დავბრუნდებიო. აბუტალიფისთვის კი, ედიღეი დარწმუნებული იყო ამაზე დიდი სასჯელი არ არსებობდა: იმიტომაც ეშინოდა ედიღეის გაუძლებს თუ არა, ვინემ საქმე გაირჩევა და გადაწყდებაო..

ამასობაში ბარიფამ უკვე რამდენიმე წერილი გაგზავნა სათანადო დაწესებულებებში თავისი ქმრის საქმის თაობაზე და ისიც ითხოვა თუ ქმრის ნახვა შეიძლება, მაცნობეთო, ჯერჯერობით პასუხი არ ჩანდა. ყაზანგაპი და ედიღეი დიდი ფიქრის და თავისმტვრევის შემდეგ პასუხის დაგვიანებას მეტწილად ბორან-ლი-ბურანში პირდაპირი საფოსტო ხაზის უქონლობას აბრალებდნენ. წერილები ან სხვისთვის უნდა გაეტანებინათ, ან თვითონ წაეღოთ ქუმბელის სადგურზე ფოსტასაც ქუმბელიდან ამ წესით

აგზავნიდნენ ანუ სხვებს ჩამოჰქონდათ. ასეთი წესი კი, მოგეხსენებათ, ყველაზე სწრაფი როდია წერილის მისაღებად.

ასეც მოხდა ერთ დღეს...

თებერვლის ბოლოს ყაზანგაპი ქუმბელში გაემგზავრა ინტერნატში მყოფი საბითუანის მოსანახულებლად. აქლემით წავიდა. ზამთარში სატვირთო მატარებელში კაცი გაიყინება. ვაგონში ვერ შეხვალ, აკრძალულია, ღია ბაქანზე კი ქარი უბედურად უბერავს. ხოლო აქლემით თუ გაემგზავრები, თან თბილად ჩაიცვამ, არხეინად შეგიძლია ერთ დღეში ჩახვიდე და ჩამოხვიდე, თან სხვა საქმეებიც მოაგვარო.

ყაზანგაპი იმავე საღამოს დაბრუნდა. ვინემ აქლემიდან ჩამოვიდოდა, უკუნებობა შეატყო ედილეიმ ყაზანგაპს. იფიქრა, ალბათ ბიჭმა რაღაც ოხრობა ჩაიდინა ინტერნატში, თანაც აქეთ-იქით გზობისას აქლემზე ჭიყჭიყმა დაღალაო.

- კარგად მოიარე? - შეეხმიანა ედილეი.

- არა უშავს, - ყრუდ წაილაპარაკა ყაზანგაპმა, თან საპალნეს ხსნიდა. მერე მოტრიალდა და მცირეოდენი სიჩუმის შემდეგ ჰკითხა: - შინ იქნები?

- ჰო.

- საქმე მაქვს, ახლავე მოვალ.

- მოდი.

ყაზანგაპს დიდხანს არ დაუყოვნებია. ბუქეიც თან მოჰყვა. პირველი თვითონ შემოვიდა, მერე ბუქეი. ორივე ძალიან შეწუხებული ჩანდა. ყაზანგაპი დაღლილი იყურებოდა, კისერი კიდევ უფრო დაგრძელებოდა, მხრები, ულვაშები ჩამოჰყროდა. სქელი ბუქეიც ისე ქოშინებდა, თითქოს გულის ფრიალი ავარდნია და სუნთქვა უჭირსო.

- ხომ არ გიჩხუბიათ და შესარიგებლად ხომ არ მოსულხართ? - გაეცინა უქუბალას. - დაბრძანდით.

- ნეტამც ეგრე ყოფილიყო, - გაგუდული ხმით თქვა ბუქეიმ, სული ჯერაც ვერ ამოეთქვა.

ყაზანგაპმა ირგვლივ მიმოიხედა.

- შენი გოგოები სად არიან?

- ზარიფასთან, ბიჭებს ეთამაშებიან, - მიუგო ედილეიმ, - რად იკითხე?

- ცუდი ამბავი მოვიტანე, - წაილაპარაკა ყაზანგაპმა და ედილის და უქუბალას შეხედა. - ბავშვებმა სჯობია ჯერ არ იცოდნენ. დიდი უბედურება მოხდა. ჩვენი აბუტალიფი აღარაა!

- რას ამბობ! - შეხტა ედილეი, უქუბალამ კი ერთი შეჰკვივლა, პირზე ხელი მიიჭირა და მიტკალივით გათეთრდა.

- მოკვდა, აღარაა! საცოდავი ბალები, საწყალი ობლები! - ხმაჩახლეჩით გააბა მოთქმა ბუქეიმ.

- როგორ თუ მოკვდა? - ყაზანგაპს ახლოს მიუჩოჩდა ედილეი, ყურებს არ უჯეროდა.

- ასეთი ქალაღი მოსულა სადგურზე.

ანაზად ყველანი დადუმდნენ, ერთმანეთს მიაჩერდნენ.

- ვაიმე, რა უბედურება მოხდა! ვაიმე, რა უბედურება! - დაიკვნესა უქუბალამ და თავზე იტაცა ხელები, ხან აქეთ გადაქანდებოდა, ხან იქით..

- ქალაღი სადაა? - ამოთქვა ბოლოს ედილეიმ.

- ქალაღი იქაა, სადგურში. - დაიწყო მოყოლა ყაზანგაპმა. მოკლედ, ვიყავი ინტერნატში, მერე ვიფიქრე, სადგურის მოსაცდელ დარბაზში რომ პატარა მალაზიას, იქ შევივლი-მეთქი. ბუქეიმ საპონი დამაბარა. კარს მივადექი თუ არა, სადგურის უფროსი ჩერნოვი შემომხვდა. მივესალმეთ, რამდენი ხანია ვიცნობთ ერთმანეთს. მითხრა: „კიდევ კარგი, შემხვდი, წამო კაბინეტში, წერილია მოსული, ბორანლი-ბურანში ჩაიტან ბარემ“. კაბინეტი გააღო და შემეყვანა. მერე მაგიდიდან კონვერტი აიღო,

ზედ დაბეჭდილი ასოები ჩანდა. „აბუტალიფ ქუთიბაევი თქვენთან მუშაობდა?“ - მკითხა. ჩვენთან-მეთქი. რა იყო? - „აგერ მესამე დღეა მოვიდა, მაგრამ ვერავის გამოვატანეთ ბორანლი-ბურანში. აჰა, წაიღე და მის ცოლს გადაეცი. პასუხი შემოუთვალეს შეკითხვაზე. თურმე მომკვდარა, როგორც აქ სწერია, უცხო სიტყვა მითხრა. ინფარქტისაგანო, თქვა. ეს ინფარქტი რაღაა-მეთქი, ვკითხე. გული გაუსკდაო, მიპასუხა. მაშ, გული გახეთქია თურმე. სადაც ვიჭექი, იქვე გავშემძლი. ჯერ არც კი დავიჯერე. ხელში ავიღე ქალალდი, იქ ნათქვამია: სადგურ ქუმბელის უფროსს. გადაეცით ბორანლი-ბურანის ასაქცევებზე ოფიციალური პასუხი ამა და ამ მოქალაქეს მისი შეკითხვის თაობაზე - შემდეგ კი სწერია, რომ გამოძიებაში მყოფი აბუტალიფ ქუთიბაევი, ასე და ასე, გულის შეტევით გარდაიცვალაო. ასე იყო ნათქვამი. დავყურებ ქალალდს და არ ვიცი, რა ვქნა. „მაშ, ასეა საქმე, - ხელები გაშალა ჩერნოვმა, - ჰოდა, წაიღე და ცოლს მიეცი“. მე ვუთხარი: - არა, ჩვენთან ასე არაა-მეთქი წესად. ამ შავ ამბავს მე ვერ მივიტან. პატარა შვილები ჰყავს, როგორ უნდა მოეუკლა გული, ვერა, ამას ვერ ვიზამ-მეთქი. ჩვენ, ბორანლელები, ჯერ მოვილაპარაკებთ და მერე გადავწყვეტთ. ან რომელიმე ჩვენთაგანი ჩამოვა საგანგებოდ ამ ქალალდისათვის და ჩამოიტანს, როგორც ასეთი მძიმე ამბავი ჩამოაქვთ ხოლმე, კაცი მოკვდა, ჩიტი ხომ არა, ანდა მისი ცოლი ზარიფა ქუთიბაევა თვითონ ჩამოვა და თქვენ მიეცით. თქვენ აუხსენით და უამბეთ, რაც მოხდა და როგორც მოხდა. ჩერნოვმა კი მითხრა: „შენი საქმეა, როგორც გინდა, ისე მოიქეცი. ოღონდაც მე რა უნდა ავუხსნა და ვუამბო. დანვრილებით რა იყო, მე რა ვიცი, ჩემი საქმეა ეს ქალალდი დანიშნულების მიხედვით გადავცე, მორჩა და გათავდა“. უკაცრავად ვეუბნები, მაგრამ ეს ქალალდი ჯერჯერობით მაინც თქვენთან დარჩეს, სიტყვით კი გადავცემ და იქ, ადგილზე მოვი-

ლაპარაკებთ-მეთქი. „შენი საქმეა, შენი საქმისა შენ უკეთ იცი“, მითხრა. ასე წამოვედი იქიდან. მთელი გზა მოვერეკებოდი აქლემს. გული მენიწვებოდა: როგორ მოვიქცეთ? რა პირით ვუთხრათ? ან ვინ ეტყვის-მეთქი იმათ...

ყაზანგაპი დადუმდა. თითქოს მთა გადმოემხო თავზე, ისე მოიხარა და მოიკუზა ედიღეი.

- რა ექნათ ახლა? - ჩაილაპარაკა ყაზანგაპმა, მაგრამ პასუხი მისთვის არავის გაუცია.

- ასედაც ვიცოდი, - მწუხარედ გააქნია თავი ედიღეიმ. - შვილების დაშორებას ვერ გაუძლებდა. ყველაზე მეტად ეს მაშინებდა. ვერ აიტანა უიმათობა. დარდზე საშინელი კი არაფერია, მისი ბიჭებიც ისე დარდობენ მამა - ველარ ვუყურებ. სხვანაირი კაცი რომ ყოფილიყო, ვთქვათ, რომ კიდევაც მიესაჯათ, თუმცა არ ვიცი კი, რისთვის, ერთი ორი წელი იქნებოდა ციხეში და დაბრუნდებოდა. გერმანელების ტყვეობაში, საკონცენტრაციო ბანაკებში განა ცოტა იტანჯა, არც პარტიზანობის ხანს დაკლებია წვალეზა, ამდენი წელი იომა უცხო მხარეში და მაინც არ გატყდა იმიტომ რომ მარტო იყო, ოჯახი არ ჰყავდა. ახლა კი ასე ვთქვათ, სისხლ-ხორციანად მოგლიჯეს მისთვის ყველაზე უფირფასესს, თავის შვილებს, ჰოდა, ველარც გადაიტანა...

- ჰოო, მეც ეგრე მგონია, - დაემოწმა ყაზანგაპი. - არ მჭეროდა, რომ განშორებას შეეძლო კაცი მოეკლა. თორემ ჯერ სულ ახალგაზრდა იყო, ჭკვიანი, წიგნიერი, დაიცდიდა, ვინემ გაარჩევდნენ მის საქმეს და გამოუშვებდნენ. აკი დამნაშავე არ იყო არაფერში. გონებით, რა თქმა უნდა ესმოდა, მაგრამ გულმა ვერ გაუძლო. უყვარდა, ძალიან უყვარდა თავისი ბიჭები, მისდა საუბედუროდ...

დიდხანს ისხდნენ და ბჭობდნენ, რა ექნათ, როგორ შეემზადებინათ ზარიფა ამ ამბისათვის. მაგრამ რამდენიც არ უნდა

ეფიქრათ და ემტვრიათ თავი, იმას მაინც არაფერი ეშველებოდა, - რომ ოჯახმა მამა დაკარგა შვილები ობლებად დარჩნენ, ზარიფა კი ქვრივად, ამას ვერც ვერაფერს მიუმატებდი და ვერც დააკლებდი. ბოლო-ბოლო ისევ უქუბალამ განსაჯა ყველაზე გონივრულად:

- დაე, თვითონ წავიდეს ზარიფა და თვითონ მიიღოს ის ქალაღი. იქ სჯობია ეს მეხი დაეცეს, ვინემ აქ, შვილების გვერდით, ჯერ სადგურზე და მერე გზაში დრო ექნება იფიქროს, როგორ მოიქცეს. ახლავე უთხრას შვილებს თუ არა. იქნებ დაიცადოს, ვინემ წამოიზრდებიან და მამა ცოტათი მაინც მიაგინყდებათ. ახლა მაინც ძნელია თქმა...

- სწორს ამბობ, - კვერი დაუკრა ედიღეიმ. - დედაა და თვითონ უნდა გადანყვიტოს, უთხრას თუ არა ბიჭებს აბუტალიფის სიკვდილი. მე პირადად ვერ შევძლებ... - ედიღეიმ ველარ გააგრძელა ენა ვერ დაიმორჩილა. სიბრალეულის გრძნობამ ყელში წაუჭირა და ჩაახველა, რომ არავის შეემჩნია. როცა ყველა ამ აზრზე შეთანხმდა, უქუბალამ ყაზანგაპსაც ურჩია

- ზარიფას უნდა უთხრათ, ყაზაქე, რომ სადგურის უფროსთან მის სახელზე რაღაც წერილია მოსული, მისი შეკითხვების პასუხად. მაგრამ უფროსმა ითხოვა თვითონ ჩამოვიდეს, ასეა საჭიროო. ეს ერთი, მეორე კიდევ, - განაგრძო მან, - ზარიფას მართო გაშვება ამისთანა დღეს არ შეიძლება. აქ მათ არც ნათესავები ჰყავთ არც ახლობლები. მწუხარების დროს კი ყველაზე საშინელი - მარტობაა. შენ უნდა გაჰყვე, ედიღეი, იმ დროს მასთან უნდა იყო. რა იცი, რა მოუვა ამ უბედურების გაგებისას. უთხარი, მეც მაქვს-თქო სადგურში საქმე, და ერთად წადით. ბიჭები კი ჩემთან დარჩებიან.

- ეგრე იყოს, - დაეთანხმა ცოლის მოსაზრებას ედილეი, - ხვალ აბილოვს ვეტყვი, ზარიფა სადგურის საავადმყოფოში უნდა წავიყვანო და რომელიმე მატარებელი გააჩერე-მეთქი.

ასეც გადანყდა, მაგრამ მხოლოდ ორი დღის შემდეგლა გაჰყვნენ მიმავალ მატარებელს, რომელიც ასაქცევის უფროსის თხოვნით გაჩერდა ბორანლი-ბურანში. ეს იყო 5 მარტი და ეს დღე სამი დღემჩიოდ დაამახსოვრდა ბურანელ ედილეის.

საერთო ვაგონში უამრავი ხალხი იყო, ოჯახებიან ბავშვებიანად მიემგზავრებოდნენ. იდგა სამგზავრო ალიაქოთი ჰყარდა იქაურობა რახის სუნით, იყო გაუთავებელი წინ და უკან სიარული, დარეტიანებამდე კარტის თამაში. ქალების ხმადაბლა ჩურჩული თავიანთ მძიმე ყოფაზე, თუ ვისი ქმარი ლოთობს, ვინ ვის გაეყარა, ვინ დაქორწინდა, ვის ვინ მოუკვდა... მიდიოდნენ შორ გზაზე და თან მიჰყვებოდათ ყველაფერი, რაც მათ ყოველდღიურ ყოფას შეადგენდა... თავიანთი გასაჭირითა და მწუხარებით მცირე ხნით მათ დაემგზავრნენ ზარიფა და ბურანელი ედილეიც.

რად უნდა თქმა, რომ ზარიფა ვერ იყო გუნებაზე. მთელი გზა დაღონებული, შეშფოთებული იჯდა, ხმა არ ამოუღია, ალბათ იმაზე ფიქრობდა, რა პასუხი დახვდებოდა სადგურის უფროსთან. ედილეიც მეტწილად დუმდა.

მაგრამ არიან ქვეყნად გულისხმიერი, გულმტკივნეული ადამიანები, ვის თვალსაც სხვისი მწუხარება არ გამოეპარება, ზარიფა რომ ადგა და ტამბურში გავიდა ფანჯარასთან დასადგომად, პირდაპირ მჭადარმა მოხუცმა რუსის ქალმა ედილეის მიაპყრო ოდესლაც ცისფერი, ახლა კი სიბერით გამოცრიატებული კეთილი თვალები და ჰკითხა:

- ავად ხომ არაა, შვილო, შენი ცოლი?

ედილეი შეკრთა კიდევაც.

- ცოლი კი არა, ჩემი დაა, დედი. საავადმყოფოში მიმყავს.

- ეტყობა, იმიტომაც წუხს სანყალი. რალაც ძალიან სტკივა ისეთი გატანჯული თვალები აქვს. ალბათ გულში ეშინია, საავადმყოფოში უსაშველო რამ სენი არ აღმომიჩინონო. ეჰ, რა ვუთხრა ჩვენს წუთისოფელს! არ გაგაჩენს ღმერთი - ქვეყანას ვერ ნახავ, გაგაჩენს და - დარდსა და უბედურებას არ გამოგილევს! ასეა, ასე, მაგრამ ღმერთი მოწყალეა, ჯერ კიდევ ახალგაზრდაა, იქნებ არც არაფერი გაუჭირვოს, - ამბობდა მოხუცი, რომელიც გუმანით მიხვედრილიყო, რა შეშფოთება და ნალველი ეუფლებოდა სადგურთან მიახლოებისას ზარიფას.

ქუმბელამდე საათნახევარი სავალი იყო. სად გაიარეს, რა ადგილები გაიარეს იმ დღეს, მატარებლის მგზავრებისათვის სულ ერთი იყო. მხოლოდ იმას კითხულობდნენ, რომელ სადგურში შევდივართო. დიდი სარობეჩი კი ჯერაც თოვლის საბანში იყო გახვეული, მღუმარე, უკაცრიელი და უკიდევანოდ გადაშვილი. მაგრამ რალაც-რალაც ნიშნებით უკვე იგრძნობოდა, რომ ზამთარს უკან დაეხია. ფერდობზე აქა-იქ შავად იმზირებოდა ლილოები, ხევებს დამჩნეოდათ უსწორმასწორო ნაპირები, მარტის მოახლოებით გამოღვიძებული თბილი ნოტიო ქარის წყალობით, თითქოს ყველგან ჩაფუშულიყო თოვლი. მაგრამ მზეს კვლავაც მჭიდროდ ეხვია დაბლა ჩამოსული, თვალის შესამჩნევადაც კი განწყალეებული ლევა ღრუბლები. ზამთარს ჯერ კიდევ ედგა სული - შეიძლება ჭყაპი თოვლი წამოსულიყო ან უკანასკნელად მოექნია კუდი ქარბუქს...

ედილეის ფეხი არ მოუცვლია, ხან იმ გულისხმიერ მოხუც ქალს ელაპარაკებოდა, ხან ფანჯარაში იმზირებოდა, ზარიფასთან არ მისულა. დაე, იდგეს. მარტო ვაგონის სარკმელთან, იფიქროს თავის ამბავზე. იქნებ შინაგანმა წინათგრძნობამ რა-

ღაც უკარნახოს. იქნებ გაიხსენოს ის დღე, როცა შარშან, შემოდგომის დამდეგს ყველანი ერთად, მთელი ოჯახით, ქუმბელში გამგზავრნენ ნესვებსა და საზამთროებზე. რა ბედნიერები იყვნენ, რა დაუფინყარი დღესასწაული იყო ის დღე ბალღებისათვის. თითქოს სულ ახლახან მოხდა ეს ამბავი. ისა და აბუტალიფი მაშინ ვაგონის ღია კართან ისხდნენ, ქიქინა ნიაგზე, ლაპარაკობდნენ ათას რამეზე, იქვე ტრიალებდნენ ბალღები, უკან გაცურებულ მიდამოს უყურებდნენ. ბარიფა და უქუბალაც რაღაცაზე გულითადად მუსაიფობდნენ ერთმანეთში. მერე მალაზიები მოიარეს, გაიხიერნეს სადგურის ბაღში, ნახეს კინო, სადალაქოშიც შევიდნენ, ბავშვებმა ნაყინი ჭამეს. მაგრამ ყველაზე სასაცილო და თან სავალალო ის ამბავი იყო, როცა ერმექი ვერა და ვერ დაიყოლიეს თმის გაკრეჭაზე. რატომღაც ძალიან ეშინოდა საპარსი მანქანის მიკარებისა. ისიც მოაგონდა ედიღეის, როგორ გამოჩნდა ამ დროს სადალაქოს კარში აბუტალიფი, როგორ გაქანდა ბიჭუნა მისკენ, როგორ ჩაიკრა აბუტალიფმა გულში შვილი, თითქოს იცავსო, როგორ უთხრა დალაქს, ცოტა დაგვაცადეთ, გამბედაობას მოვიკრებთ და შემდეგ ჩამოსვლაზე მოგაკითხავთო. პატარა ერმექი კი დღემდე გაუკრეჭავი შავი კულულებით დარბის, ოღონდ მამა აღარა ჰყავს..

რამ მოჰკლა აბუტალიფი, ვინემ მისი საქმე გაირკვეოდა, ისევ ამის ახსნას, ამის გარკვევას ცდილობდა ბურანელი ედიღეი. ერთადერთი დასკვნა, მისი ფიქრით, ისევ ეს იყო - შვილებზე დარდმა გაუხეთქა გული, შვილებთან განშორებას ვერ გაუძლო. იმ მწარე ფიქრმა, რომ მისი ბიჭები, რომელთა გარეშე სიცოცხლე კი არა სუნთქვა არ შეეძლო, მისგან მონყვეტილნი, ბედის ანაბარა დარჩნენ უკაცრიელი, უწყლო საროზექის რომელიღაც ასაქცევზე, მხოლოდ ამან მოუსწრაფა სიცოცხლე...

ამაზე ფიქრობდა ედილეი, როცა სადგურის პატარა ბაღში ზარიფას უცდიდა, რომელიც სადგურის უფროსთან წასულიყო ქალაქლების მისაღებად. დათქმული ჰქონდათ, ედილეი აქ, ამ სკამზე დაელოდებოდა.

უკვე შუადღე იყო, მაგრამ ამინდს ცუდი პირი უჩანდა. ცა ისევ ჩამობურულიყო. ზემოდან ხან თითქოს თოვლი, ხან თითქოს წვიმის წვეთები ცვიოდა. ტრამალის ნოტიო ქარი ქროდა, გამდნარი თოვლის სუნი დაიკრავდა უკვე. ედილეის მუდამ უყვარდა სადგურში ტრიალი, იქ გამეფებული ფაციფუცი და ალიაქოთი, მეტადრე, როცა შორს არ მიემგზავრები, არაფერი გაწუხებს. აქ კი შეხედავ მატარებელს, უცქერი, როგორ მირბი-მორბიან მგზავრები ბაქანზე, თითქოსდა კინოში იყო: აგერ - ჩამოდგა მატარებელი, აგერ წავიდა - მორჩა, აღარ არის. ახლა კი შემცივნულივით, მიუსაფარივით იჯდა, აღარაფერი აინტერესებდა, უკვირდა, რა გაუცხოებული იერი აქვთ ადამიანებს, ერთმანეთისაგან ვერ გაარჩევ, გულგრილნი, დაღლილნი ჩანან, ერთმანეთს დაშორებულნი... თანაც სადგურის მოედანზე რადიოდან ჩახრინნული მუსიკა ისმოდა, ერთფეროვანი, მწუხარე და ჭმუნვისმომგვრელი. ნეტა რა მუსიკაა? რატომღაც არც დიქტორების მედიდური, ზვიადი ხმა ისმის. მარტო მუსიკას უკრავენ და უკრავენ!..

აგერ ოც წუთზე მეტია, რაც ზარიფა სადგურის შენობაში მიიმალა. ედილეი შიშმა შეიპყრო.. კი, მართალია, შეთანხმდნენ, რომ სწორედ ამ სკამზე დაუცდიდა ზარიფას ედილეი, სადაც მაშინ აბუტალიფსა და ბავშვებთან ერთად ისხდნენ და ნაყინს შეეჭვოდნენ, მაგრამ მაინც გადაწყვიტა მიეკითხა ზარიფასათვის, გაეგო, რა მოხდა იქ.

იმავე წუთს კარებში მოჰკრა თვალი ზარიფას და უნებლიეთ შეკრთა, ისე ეულად, ისე უცხოდ გამოიყურებოდა ზარიფა სადგურში შემავალ თუ გამომავალ ხალხში. სახეზე მკვდრისფერი ედო, აქეთიქით არ იხედებოდა, მთვარეულივით მოდიოდა, არავის და არაფერს ეჯახებოდა, თითქოს მის ირგვლივ სიცარიელე, უდაბნო სუფევდა, ბრმასავით აენია თავი მალლა, მჭმუნვარედ, ტუჩები მაგრად მოეკუმა. ედიღეი წამოდგა. იმდენად საშინელი იყო ამ თითქოს სიზმარში, სხვა სამყაროში მყოფი, თვალვებდაცარიელეებული ქალის მოახლოება, ასე ეგონა, მთელი საუკუნე გავიდა იმ გაუსაძლის, იმ ცივ და ბნელით მოცულ მოლოდინში, ვინემ ზარიფა მოვიდოდა. მოკუმულ პირს გახსნიდა და ეტყოდა:

- შენ უკვე იცოდი? - ხელში ის სქელი კონვერტი ეჭირა, რომელზედაც, ყაზანგაპის თქმით, ბეჭდური ასოები ეწერა.

ედიღეიმ ნელა დახარა თავი. ზარიფა სკამზე დაეშვა, თავპირზე ისე მიიჭირა ხელები, თითქოს ეშინია, თავის ქალა არ გამისკდესო. ნაწილ-ნაწილ არ დამეშალოსო, და მწარედ აქვითინდა, დარდსა და ტკივილს მთელი არსებით მინებდა, სიმწრისაგან მუჭად ქცეული ძაგძაგებდა, უფრო და უფრო ითრევდა უსაზღვრო მწუხარების ზღვა. ედიღეი კი გვერდით ეჭდა და მაშინდელივით, როცა აბუტალიფი წაიყვანეს, მზად იყო აბუტალიფის მაგივრად თვითონ წასულიყო, მას დასტყდომოდა ყველანაირი წამება, ოღონდ დაეცვა და დაეფარა ეს ქალი, აეშორებინა მისთვის ტანჯვა, თუმცა იცოდა კია, რომ ვერც ნუგეშს სცემდა და ვერც ვერაფრით დაამშვიდებდა, ვინემ უბედურების პირველი ტალღა თავისით არ გადაივლიდა.

ასე ისხდნენ სადგურის პატარა ბაღში, ზარიფა ისევ ტიროდა, მწარედ სლუკუნებდა. არც აუხედავს, ისე მოისროლა ის ავბედითი ქალალდი თავის დაჭმუჭნულ კონვერტიანად. ვილას სჭი-

როდა ახლა ეს ქალაღდი, როცა აბუტალიფი აღარ იყო? მაგრამ ედიღეიმ ჳიბეში ჩაიღლო კონვერტი. მერე ცხვირსახოცი ამოაძვრინა, ძალით გააშლეღვინა თითები აქვითინებულ ზარიფას და თვალები მოანმენღინა. მაგრამ არც ამან გასჭრა.

რადიო კი, თითქოს იცისო, გაუთავებლიფ გაჭიანურებულ სამგლოღიარო ჳანგებს აფრქვევღდა. მარტის ნოტიო ლეღა ცა დაბღა ჩამოსულიყო, ქარი გამძაფრებით ბერავღდა. გამვლეღ-გამომვლეღლნი ცერად გამოხეღდაღდნენ ხოღმე ზარიფასა და ედიღეის, რა თქმა უნღა, გულში ფიქრობღდნენ: აბა უყურე, ჩხუბი მოსვღიათ, აღბათ ძალიან ანყენინაო ამ კაცმა. მაგრამ თურმე ყვეღა ასე როღდი ფიქრობღდა..

- იტირეთ, იტირეთ... იტირეთ, ჩემო კარგებო, მოესმა ედიღეის თანაგრძნობით სავსე ხმა, - დავკარგეთ მშობელი მამა! რა გვეშვეღება ახღა?

ედიღეიმ თავი ასწია. ქალმა ჩაუარა გვერღით, რუხი მაზარა ეცვღა, ყავარჯნებს მიათრეღდა. ცალი ფეხი თეძომღე ჳქონღდა მოკვეთიღი. ედიღეი იცნობღდა ამ ქალს. ნაფრონტალი იყო, ახღა საღგურის ბიღეთების საღაროში მუშაობღდა. ნამტირაღევ სახეზე ცრემლები ღვარად ჩამოსღიოღდა. „იტირეთ, იტირეთ, რა გვეშვეღება ახღა?“ - იძახღდა და თან ყავარჯნებს ყრუღ მიაკაკუნებღდა, მხრები არაბუნებრივად აენღია. გაღაღგამღა ყავარჯნებს და მერე ცალ ფეხს წააფრატუნებღდა; ზეღ გაცვეთიღი საღღათური ჩექმა ეცვღა..

მაშინღა ჩახვღა მისი ნათქვამის აზრს ედიღეი, როცა საღგურის შესასვლეღთან შექუჩული ხაღხი დაინახა. თავი უკან გაღაეღღოთ და კეღელს უყურებღდნენ. კეღელზე კიბე მიეღგათ და კარის ზემოთ რამღენიმე კაცი სტალინის ღიდ სურათს ჳკიღებღდა, სამგლოღიარო ჩარჩოში ჩასმულს.

მიტომაც ისმოდა თურმე რადიოდან მჭმუნვარე მუსიკა. სხვა დროს ედილეიც წამოდგებოდა და იმ ხალხს შეუერთდებოდა, გაიგებდა, რა დაემართა ამ დიდ კაცს, ურომლისოდაც ქვეყნიერების ჩარხის ტრიალი ვერავის წარმოედგინა. მაგრამ ახლა თავისი დარდი, ეყოფოდა და ხმა არ გაიღო. არც ზარიფას ჰქონდა არავისი და არაფრის თავი...

მატარებლები კი მოდიოდნენ და მოდიოდნენ, რაც უნდა მომხდარიყო, მათ სვლას ვერაფერი შეაჩერებდა. ნახევარი საათის შემდეგ შორით სამგზავრო ასმეჩვიდმეტე მატარებელი ჩამოდგებოდა. როგორც სხვა ყველა სამგზავრო, არც ის ჩერდებოდა ბორანლი-ბურანისთანა ასაქცევზე - განრიგი ასეთი იყო. კაციშვილი ვერ იფიქრებდა, რომ ამჯერად ასმეჩვიდმეტეს ბორანლი-ბურანზე გაჩერება მოუხდებოდა, როგორც ეს მტკიცედ და დინჯად გადანწყვიტა თავის გულში ედილეიმ.

- ჩვენ მალე უნდა დავბრუნდეთ, ნახევარი საათის შემდეგ, უთხრა მან ზარიფას. - ახლავე გმართებს მოფიქრება, როგორ მოიქცე - უთხრა შვილებს მამის სიკვდილი თუ ჯერ მოითმინო. მე ვერც დაგამშვიდებ და ვერც ვერაფერს გიკარნახებ. შენ თვითონ უნდა გადანწყვიტო ყველაფერი. ახლა შენ იმათი მამაც ხარ და დედაც. მაგრამ ეს ყველაფერი გზაშივე უნდა მოიფიქრო, თუ გადანწყვეტ, ბიჭებს არაფერი უთხრა, თავს სძლიე, ბავშვებმა ცრემლი არ დაგინახონ. მაგრამ შესძლებ კი, გეყოფა ძალა? ჩვენც უნდა ვიცოდეთ, მათთან როგორ მოვიქცეთ. გაიგე? ამაშია საქმე.

- კი, ყველაფერი მესმის, - სლუკუნით უთხრა ზარიფამ. - ვინემ ჩავალთ, აზრს მოვიკრებ, გეტყვი, რაც უნდა ვქნათ. კი, ახლავე ახლავე შევიკავებ თავს. მე ახლავე...

მატარებელში იგივე ამბავი იყო, რაც აქეთ გზობას. თამბაქოს ბოლი იდგა ყველგან. ადამიანების გროვა კვლავაც კილით კიდედღე სერავდა ამ ვეებერთელა ქვეყანას.

ზარიფა და ედილეი კუპირებულ ვაგონში მოხვდნენ. აქ უფრო ცოტა ხალხი იყო. გასავალში ფანჯარასთან მიდგნენ, რომ თავის საქმეზე ელაპარაკათ და არც სხვებისთვის შეეშალათ ხელი. ედილეი ასაკეც სკამზე იჯდა, ზარიფა გვერდით ედგა და ფანჯარაში იყურებოდა. აქ მირჩვენიაო, უთხრა ასე, როცა ედილეიმ სკამი შესთავაზა. თავს დამტყდარ უბედურებას უძალიანდებოდა ქალი, აზრის მოკრებას ლამობდა. ფანჯარაში იყურებოდა და ფიქრობდა, როგორ წარემაროა, დასაწყისში მაინც, თავისი ცხოვრება, იგი ხომ ახლა ქვრივი იყო, თუ წინათ იმედი ჰქონდა, ეს ყველაფერი ერთ მშვენიერ დღეს საზარელი სიზმარივით გაქრება, აბუტალიფი აღრე თუ გვიან დაბრუნდება, ხომ არ შეიძლება ეს გაუგებრობა მართლა და ლეხსმართლა არ გამოირკვეს, მთელი ოჯახი კვლავ ერთად იქნება, დანარჩენი კი როგორმე მოგვარდეს - რაღაცას იღონებენ, სიძნელის მიუხედავად, როგორმე გაუძლებენ გაჭირვებას და ბიჭებს დაზრდიან, ახლა ეს იმედი გაქრა. ამიტომაც საფიქრალი ბევრი ჰქონდა..

იგივე ფიქრებში იყო ბურანელი ედილეი, ვინაიდან ამ ოჯახის ბედი მასაც აწუხებდა. ასე იყო და რა ექნა, მაგრამ ახლა ყველაზე მეტად მართებდა თავშეკავება და სიღინჯე, ზარიფაც რომ ცოტაოდენ გაემხნეებინა. ამიტომაც არ აჩქარებდა და სწორადაც მოიქცა. ზარიფამ ტირილით რომ იჯერა გული, თვითონ დაიწყო სლუკუნ-სლუკუნით, ნაწყვეტ-ნაწყვეტ, ქვითინს გულში იკლავდა:

- ბიჭებს ჯერჯერობით დავეშალავ, მამა რომ აღარ ჰყავთ, ახლა არ შემოძლია თქმა. მეტადრე ერმექს ვერ ვეტყვი... ღმერთო, რა საშინელებაა, შვილი რომ ასე მიეჩვევა მამას... როგორ

დავუკარგო იმედი ბიჭებს, როცა ამით ცოცხლობენ... ყოველ-
დღე, ყოველ წუთს მოვლიან... ალბათ შემდეგში უნდა წავიდეთ
აქედან, სხვაგან დავსახლდეთ... ოღონდაც ცოტათი მოიზარ-
დონ. ერმეჩისა ძალიან მეშინია, ცოტა უფრო დიდი რომ იქნე-
ბა... მაშინ ვეტყვი, თუმცა ალბათ თვითონაც მიხვდებიან ამასო-
ბაში... ახლა კი არა, ძალა არ მეყოფა... ისევ მე... მივწერ მაგის
და-ძმასაც და ჩემსასაც, ახლა რაღასი შეეშინდებათ? იმედია, შე-
მეხმიანებიან, ხელს შემინწყობენ, აქედან რომ წავიდე... შემდეგ
კი ვნახოთ, რა იქნება... ოღონდაც აბუტალიფის შვილები წამო-
მაზრდევინა, რაღაი თვითონ აღარაა..

ასე სჯიდა ზარიფა. უხმოდ უსმენდა ბურანელი ედიღეი, ეს-
მოდა მისი ყოველი სიტყვის აზრი, თუმცა დანამდვილებით იცო-
და, რომ ეს მხოლოდ მცირედი, მხოლოდ ზედაპირული ნაწილი
იყო იმისა, რამაც ქარბორბალასავით გაურბინა და იქნებ ახლაც
უტრიალებს თავში. განა ასეთ ღროს ყველაფერს იტყვის კაცი.
იმიტომაც მოკლედ უთხრა, ბევრი არ გაუგრძელებია თვითონაც:

- მართალი ხარ, ზარიფა... შენს ბიჭებს რომ არ ვიცნობდე,
დავეჭვდებოდი. მაგრამ შენს ადგილზე ვერც მე გავბედავდი
თქმას, ცოტა უნდა დაიცადო, ხოლო ვინემ ნათესავები მოგან-
ვდიან ხმას, ჩვენი იმედი გქონდეს. როგორც ვიყავით აქამდე,
ახლაც ისე ვიქნებით. იმუშავე, როგორც აქამდე მუშაობდი. შენი
შვილები ისევ ჩვენთან იქნებიან. ხომ იცი, უქუბალა თავის შვი-
ლებში არ არჩევს მათ. დანარჩენი კი ვნახოთ, როგორც მოენ-
ყობა...

ესეც თქვა იმ საუბრისას მძიმე ოხვრით ზარიფამ:

- თურმე როგორ ყოფილა ეს ცხოვრება მოწყობილი. რა
საშინელი, რა ბრძნული და ერთიმეორისაგან გამომდინარეა
ყველაფერი. სასრული, საწყისი, გაგრძელება.. ბიჭები რომ არა,
ღმერთმანი, თავს არ ვიცოცხლებდი, ედიღეი. ამაზე უკან არ და-

ვიხევდი. რად მინდა სიცოცხლე? მაგრამ შვილებს რა ვუყო. იძულებული ვარ მათ გამო ვიცოცხლო. ესაა ხსნა და ესაა გაგრძელება სიცოცხლისა, მწარე, მძიმე, მაგრამ მაინც გაგრძელება... ის არ მაშინებს ახლა. სიმართლეს რომ გაიგებენ, ამას მაინც ვერ გავექცევი, როგორც ის, შემდეგ რა იქნება. ის, რაც მათ მამას დაემართა, მოუშუშებელ იარად დარჩება. რასაც არ გააკეთებენ, სკოლაში წავლენ, მუშაობას დაიწყებენ თუ საზოგადოების თვალში რაღაცით, თავის გამოჩენას დააპირებენ, ამ გვარის პატრონებს ყველაფერი მოეხაზებათ... ჰოდა, ამაზე რომ ვფიქრობ, ასე მგონია, რაღაც გადაულახავი კედელია ჩვენ წინ აღმართული. მე და აბუტალიფი ამაზე ლაპარაკს გავუბრუნდით. მე იმას ვზოგავდი, ის მე. მწამდა, მის ხელში ჩვენი ბიჭები სრულყოფილი ადამიანები გაიზრდებიან-მეთქი. ეს იყო ჩვენი უბედურების, ჩვენი გაჭირვების წამალი... ახლა კი აღარ ვიცი... ის ყველაფერს მიაღწევდა. შვილებისთვის უნდოდა ჩაედგა თავისი სული, მათ არსებაში გარდაქმნილიყო. იმიტომაც მოკვდა, შვილებს რომ მოწყვიტეს...

ედილეი მთელი გულისყურით უსმენდა. ზარიფამ რომ გული გადმოუშალა, თავისი ხვაშიადი არ დაუშალა, მასაც სულითა და გულით მოუნდა რამეთი მაინც ეშველა, დახმარებოდა, დაეცვა ქალი, მაგრამ გრძნობდა თავის უძლურებას და ეს გრძნობა ყრუ იდუმალ ბრაზს იწვევდა მის გულში.

მალე ბორანლი-ბურანის ასაქცევიც გამოჩნდებოდა. ამ ადგილებში, ამ გადასარბენზე მუშაობდა ბურანელი ედილეი მრავალი წელი და მრავალი ზამთარი...

- აბა მოემზადე, - უთხრა ზარიფას. - უკვე ჩავდივართ. მაშ, ასე გადაწყდა ბიჭებს არაფერს ვეტყვით. კეთილი, ასეც გვეცოდინება. შენც ისე მოიქეც, არაფერი შეგეტყოს. ახლა კი მოემზადე და დამბურაში გადი. კართან გაჩერდი, როგორც კი მატარე-

ბელი გაჩერდება. არხეინად ჩადი ვაგონიდან და იმ დამიცადე, მეც ჩამოვალ და ერთად წავალთ.

- რას აპირებ ?

- არაფერს. ეს მე მომანდებოდა. ბოლოს და ბოლოს იმის უფლება მაინცა გაქვს, მატარებლიდან ჩახვიდე.

ასმეჩვიდმეტე სამგზავრო მატარებელს, როგორც ყოველთვის, ასაქცევებზე შეუჩერებელივ უნდა ჩაევილო, ოღონდაც შექნიშნათან შეანელა სვლა. იმ წუთას, როცა ბორანლი-ბურანში შეგრიალდა, მატარებელმა ღრჯიალ-ღრჯიალით დაამუხრუჭა და გაჩერდა. ყველაშიშით წამოიჭრა ადგილებიდან. გაისმა ყვირილი და სტვენა:

- რა მოხდა?

- სდექ-ონკანი ჩამოგლიჯეს?

- ვინ?

- სად?

- კუბირებულ ვაგონში.

ამასობაში ედილეიმ ზარიფას კარი გაუღო და ბაქანზე ჩაუშვა, თვითონ კი ვაგონის გამყოლისა და კონდუქტორის შემოვარდნას დაუცადა დამბურაში.

- შეჩერდი! ვინ ჩამოგლიჯა სდექ-ონკანი?

- მე, - მიუგო ბურანელმა ედილეიმ.

- ვინა ხარ? რა უფლებით?

- საჭირო იყო.

- საჭირო? სასამართლო ხომ არ მოგნატრებია?

- არაფერიც. დასწერეთ ოქმი, რომელიც, გნებავთ, სასამართლოში, გნებავთ, სადმე სხვაგან გადააგზავნეთ - აი, ჩემი. საბუთები - რომ ყოფილმა ფრონტელმა, ლიანდაგის მუშა ედილეი ქანგელდინმა სდექ-ონკანი ჩამოსწია და მატარებელი ბო-

რანლი-ბურანზე გააჩერა ამხანაგი სტალინის სიკვდილის დღეს გლოვის ნიშნად.

- რა თქვი? განა სტალინი მოკვდა?

- დიახ, რადიოთი გადმოსცეს. უნდა უსმინოთ ხოლმე.

- მაშინ სხვა საქმეა, უცბად შეცბენ და ედილეი აღარ დაა-
ყოვნეს, - რაკი ასეა, ჩადი.

რამდენიმე წუთის შემდეგ ასმეჩვიდმეტე მატარებელმა გზა განაგრძო.

მატარებლები კი აღმოსავლეთიდან დასავლეთით, ხოლო დასავლეთიდან აღმოსავლეთით კვლავ ისევე მიგრიალებდნენ.

რკინიგზის გაღმა-გამოღმა ისევ ის ათადან-ნაბადან ხელუხ-
ლები უკაცრიელი სივრცე-სარი-ოზექი გადაჭიმულიყო, ყვითელ
ტრამალთა შუაგულ მინები.

სარი-ოზექი-1-ის კოსმოდრომი მაშინ ჯერ კიდევ არ არსე-
ბობდა ამ მხარეში. შესაძლოა მომავალი კოსმიური გაფრენების
შემქმნელთა ფიქრები ისახებოდა მხოლოდ.

მატარებლები კი აღმოსავლეთიდან დასავლეთით, ხოლო დასავლეთიდან აღმოსავლეთით კვლავ ისევე მიგრიალებდნენ.

ორმოცდაცამეტის ზაფხული და შემოდგომა ყველაზე მწა-
რე ხანა იყო ბურანელი ედილეის ცხოვრებაში. არც მერმე და
არც მანამდე არანაირ თოვლის ნამქერებს, არანაირ საროზე-
ქულ პაპანაქებას თუ უწყლობას, არანაირ სხვა გასაჭირსა და
უბედურებას, თვით ომსაც კი, თუმცა კენიგსბერგამდე მისული შე-
იძლება ათასჯერ მოეკლათ, დაეჭრათ თუ დაესახიჩრებინათ, იმ-

დენი ტანჯვა, მწუხარება არ მოუტანია ედიღეისთვის, როგორც იმ დღეებს.

ელიზაროვმა ერთხელ უამბო ბურანელ ედიღეის, რა ინვესს მენყერს, რა მიზეზი იმ აუშორებელი ძვრებისა, როცა ნელინელ ჩამოიძხოება მთის კალთები, ზოგჯერ მთელი მთაც გვერდზე გადაიქცევა და დედამინის თვალით უხილავ სიზრქეს გააპობს. ხალხს ძრწოლა იტანს - ეს რა საფრთხე ჰქონიათ თურმე ფეხქვეშ და არ კი იცოდნენ. მენყერი იმიტომაც არის ასე საშიში, რომ უბედურება შეუმჩნევლად გეპარება, დღითიდღე გი-ახლოვდება. მინისქვეშა წყლები ნელ-ნელა ხრავს და თხრის შიგნიდან ქანების ძირს და საკმარისია დედამინა ოდნავ შეინძრეს, სადმე ახლოს მეხი გავარდეს ან თავსხმა წვიმამ წამოუძინოს, რომ მთა დაიძრეს და ძირს ჩამოცოცდეს. მენყერს ვერა ძალა ვერ შეაჩერებს და შეაკვებს, მაშინ როცა ჩვეულებრივი ზვაფი უეცრივ და ერთბაშად მოსკდება ხოლმე...

დაახლოებით ასეთი რამ შეიძლება მოუვიდეს ადამიანსაც, თუ კი იგი მარტო დარჩა გადაულახავ დაბრკოლებათა პირისპირ. ადამიანი ბორგავს, გულს ასკდება, სხვას კი ვერაფერს ეუბნება რადგან იცის, რომ ამქვეყნად ვერვინ უშველის და ვერვინ გაუგებს. მას ეშინია, მას ძრწოლა იტანს, უბედურება კი ახლოვდება და ახლოვდება...

ეს ძვრა პირველად მაშინ შეიგრძნო ცხადად ედიღეიმ, როცა ქუმბელში ზარიფასთან ერთად მგზავრობის ორი თვის თავზე ხელახლა მოუწია იქ საქმეებზე წასვლა და ზარიფას დაპირდა, რომ ფოსტაშიაც შეივლიდა და ნახავდა, წერილი თუ იყო მის სახელზე მოსული. ხოლო თუ არ იყო, სამ ტელეგრამას გაგვზავნიდა იმ სამ მისამართზე, რომლებიც ქალმა მისცა. აქამდე არც ერთ წერილზე პასუხი არ მოსვლია ნათესავებისაგან. ზარიფას უნდოდა მარტო ის გაერკვია, მიიღეს თუ არა ნათესა-

ვებმა მისი წერილები, ასეც სწერდა დეპეშებში - დაბეჭითებით გთხოვთ მაცნობოთ, მიიღეთ თუ არა წერილები, პასუხი აუცილებელი არაა, ან ჰო ან არა შემოთვალეთო, როგორც ჩანს, დაძმებს ფოსტითაც კი არ სურდათ აბუტალიფის ოჯახთან რამე საერთო ჰქონოდათ.

ბურანელი ყარანარით დილითვე გაემგზავრა ედილეი, რომ სალამოს უკან დაბრუნებულიყო. თუ მარტო მიდიოდა, თან ტვირთიც არ ჰქონდა, ყველა ნაცნობ მემანქანეს სიხარულით მიჰყავდა ხოლმე და საათნახევარში უკვე ქუმბელში იყო. მაგრამ აბუტალიფის ბიჭების გამო ახლა ერიდებოდა რომელიმე ჩამოვლილ მატარებელს გამოჰყოლოდა. დიდიცა და პატარაც ახლაც ყოველდღე ელოდნენ რკინიგზაზე მამის ჩამოსვლას. თამაშობდნენ, ლაპარაკობდნენ, გამოცანებს ხსნიდნენ თუ ხატავდნენ, მათი ბავშვური ცხოვრების არსს მამის მოლოდინი შეადგენდა. რალა თქმა უნდა, იმხანად ედილეის სიტყვა ყველაზე სარწმუნო იყო მათთვის, რადგან სწამდათ, ძია ედილემ ყველაფერი იცის და ყველაფერში დაგვეხმარებაო.

ედილეიმაც იცოდა, რომ უმისოდ ასაქცევზე კიდევ უფრო გაუჭირდებოდათ, ობლობას კიდევ უფრო მეტად იგრძნობენ ბიჭები. ამიტომაც თავისუფალ დროს სულ მათთან იყო, სულ მათ ართობდა, რომ მამის ჩამოსვლის ფუჭი იმედი ნელ-ნელა გაექარვებინა პატარებისთვის. ახსოვდა, აბუტალიფმა რომ ანდერძით დაუბარა, ბიჭებს არალის ზღვის ამბები მოუყვიო, და ედილეიც იხსენებდა თავის სიყრმისა თუ მეთევზედ ყოფნის ახალ-ახალ წვრილმანს, არალის ზღვის ნამდვილსა თუ ტყუილ ამბებს. ცდილობდა პატარებისთვის გასაგებად ეამბნა და მუდამ უკვირდა მათი ნიჭი და საზრიანობა, მესხიერება და გრძნობიერება. მამის ხელი ეტყობოდათ ბიჭებს ყველაფერში და ეს საოცარ სიამეს ჰგვრიდა ედილეის. მუდამ ისე ჰყვებოდა, რომ ყვე-

ლაზე პატარა ერმექისთვისაც ყოფილიყო გასაგები. მაგრამ პატარა ტოლს არ უგდებდა უფროს ძმას. მისი ოთხი მსმენელიდან - ორივე ოჯახის ბავშვებიდან - ედიღეისთვის ერმექი ყველაზე მახლობელი იყო, თუმცა ცდილობდა კი არ დაემჩნია. ერმექი იყო მისი ყველაზე ერთგული მსმენელი და მისი მონაცემების ყველაზე კარგი განმმარტებელი. რაზედაც არ უნდა ყოფილიყო ლაპარაკი, ამბავი იყო ეს თუ საინტერესო შემთხვევა, ერმექი ყველაფერს მამას უკავშირებდა. მამა იყო დამსწრე მისთვის ყველაგან და ყველაფრისა. მაგალითად, ედიღეი მოჰყვებოდა:

- არალის ზღვის ნაპირებზე ისეთი ტბებია, თითქმის მთლიანად ლელიანი თაა დაფარული. სწორედ ამ ლელიანში იმალებიან ხოლმე თოფიანი მონადირენი. აი, დადგა გაზაფხული და იხვებიც არალის ზღვაზე მოფრინავენ. მთელი ზამთარი ხომ ისინი სხვა ზღვებზე იყვნენ, სადაც უფრო თბილოდა. ხოლო როგორც კი არალზე ყინული დადნა, საჩქაროდ აქეთ გამოფრინდნენ გუნდ-გუნდად, ისე ძალიან მოენატრათ აქაურობა, ისე ძალიან მოუნდათ იცურაონ აქაურ წყლებში, გზის ჭუჭყი ჩამოიცილონ, იყურყუმალონ. აი, თანდათან მოუახლოვდნენ ნაპირს, ნელ-ნელა ძირს დაეშვნენ, და უცბად ლელიანიდან ბახბახ! - კვამლი და ცეცხლი გამოიჭრა! მონადირეები ესვრიან თოფებს. იხვები ყიყინით ცვივიან წყალში. სხვები კი შიშისაგან შუა ზღვაში გაფრინდნენ, აღარ იციან, სად დაიბუდონ ახლა. ტალღებზე დაფრინდნენ, ყატყატებენ, ნაპირთან მოახლოებას ვერ ბედავენ, არადა, მიჩვეულნი არიან ნაპირზე ცურვას.

- ძია ედიღეი, ერთი იხვი ხომ მაშინვე გაფრინდა უკან, საიდანაც მოფრინდა?

- რატომ უნდა გაფრენილიყო?

იმიტომ რომ ჩემი მამუკია იქ მებღვაურად, დიდი გემით დაცურავს იქა. აკი შენ თვითონ გვითხარი ასე, ძია ედიღეი.

-სწორია, სწორია, აბა როგორ, - იხსენებდა შემცბარი ედილი, - მერე რა მოხდა?

- ის იხვი მიფრინდა და ჩემს მამუკის უთხრა, მონადირეები ლელიანში ჩასაფრებულან და იხვებს გვესვრიანო. საცხოვრებელი ბინა აღარსად გვაქვსო!

-კი, კი, შენ მართალს ამბობ.

- ჩემმა მამუკიმ კი უთხრა იმ იხვს, მე მალე ჩამოვალო, ასაქცევზე მე ორი ბიჭი მყავსო - დაული და ერმეჩი, კიდეც იქ არისო ძია ედილი. როცა ჩამოვალო, ყველანი მოვემზადებით, არალის ზღვაზე წავალთ და ლელიანიდან იმ მონადირეებს გავყრით, იხვებს რომ ესვრიანო. იხვებიც ამის შემდეგ ბედნიერად იცხოვრებენ არალის ზღვაზე... წყალში იცურავენ და აი, ასე იყურყუმალავენ...

მოსაყოლი რომ გამოეღეოდა, ბურანელი ედილი კენჭებით მკითხაობას გამართავდა ხოლმე. ახლა მუდამ ჯიბეში ეყარა ორმოცდაერთი თხილისოდენა კენჭი. მკითხაობის ამ ძველისძველ ხერხს თავის რთული სიმბოლიკა და ძველებური ტერმინოლოგია ჰქონდა. ედილი კენჭებს გაშლიდა და თან იძახდა, აბა პათიოს ნად და პირდაპირ მითხარით, ცოცხალია თუ არა ერთი კაცი, სახელად აბუტალიფი, სად არის, მალე თუ მოუწევს დიდ გზაზე სიარული, რა ახატია სახეზე და რა აქვს გულშიო. განაბული ბიჭები გაფაციცებით დაჰყურებდნენ, როგორ დალაგდებოდა კენჭები. ერთხელ რაღაც ჩურჩული მოესმა ედილის ფეხაკრეფით წავიდა იქით და აბუტალიფის ბიჭები შერჩა ხელში. თურმე ერმეჩი მკითხაობდა კენჭებზე, ედილივით შლიდა კენჭებს, მერე აიღებდა ერთს, შუბლსა და ტუჩებთან მიიტანდა და ყველას სათითაოდ ეფიცებოდა – მე შენც მიყვარხარ. შენც ძალიან ჭკვიანი, ძალიან კარგი კენჭი ხარ. აბა არ შეცდე, არ ნაბორძიკდე, პათიოსნად და პირდაპირ თქვი, როგორც ძია

ედილვის კენჭები ამბობენ. - მერე უფროს ძმას მიუბრუნდა და აუხსნა, ზუსტად ისე, როგორც ედილვი უხსნიდა ხოლმე, თუ რას მოასწავებდა კენჭების განლაგება. - ნახე, დაულ, ურიგო სურათი არ გამოვიდა, დიახაც, დიახაც არაა ურიგო. აი, ეს გზაა. გზა ცოტა ნისლიანია, რალაც ნისლი ჩანს. მაგრამ ეს არაფერია, ძია ედილვი ამბობს, ეს რალაც დაბრკოლებათაა გზაში. არც უამისობა იქნება. მამას წამოსვლა უნდა. აგერ, უნაგირზე უნდა დაჯდეს, მაგრამ მოსართავი მოეშვა ცოტაზე. ხომ ხედავ, მოსართავი მოჭიმული არაა. მაგრამ კი უნდა მოიჭიმოს. მაშასადამე, რალაც აბრკოლებს ისევ მამას, დაულ, უნდა მოვითმინოთ კიდეც, ახლა კი ვნახოთ, რა აქვს მარცხენა ნეკნზე და რა მარჯვენაზე. არა, ნეკნები მთელი ჰქონია. ეს კარგია. შუბლზე კი რა ჩანს? შუბლი მოღუშული ჩანს. იმიტომ რომ ჩვენი ედარდება, დაულ გულზე ხომ ხედავ ამ კენჭს, გულზე მწუხარება და ნალველი აწევს - იმიტომ რომ სახლი ძალიან მოენატრა. გზა მალე თუ ელის? მალე ელის. მაგრამ უკანა ფლოქვზე ერთი ნალი მორყევია ცხენს. მაშასადამე, დაჯდება უნდა, ჩვენც ისევ ცოტა უნდა მოვითმინოთ. ხურჯინში კი რა უწყვია? ოჰო, ბაზარში ნაყიდები უწყვია! ახლა ვნახოთ - ვარსკვლავები თუ მშვიდობით მგზავრობას უწინასწარმეტყველებენ? ხომ ხედავ ამ ვარსკვლავს - ეს ოქროს კადონია, იქიდან კი ნაკვალევი მოდის. თუმცა არც ისე ნათლად ამჩნევია. მაშასადამე, მალე ახსნის ცხენს და გზას გაუდგება...

გულაჩუყებული, შეწუხებული და თან გაოცებული ედილვი შეუმჩნევლად გაეცალა იქაურობას. იმ დღიდან კენჭებზე მკითხაობას თავს არიდებდა.

მაგრამ ბავშვი მაინც ბავშვია, შეიძლება რალაცით დაამშვიდო, დააიმედო, თუნდაც ცოდვა დაიდო და მოატყუო დროებით. მაგრამ კიდეც ერთი დარდი და ფიქრი ჩაუსახლდა გულში ბურანელ ედილვის. იმ ვითარებასა და ერთმანეთზე მიწყობილ

ამბებს იგი უთუოდ უნდა წარმოეშვა, მეწყერივით ისიც ოდესმე უნდა დაძრულიყო და ედიღეი ვერა ძალით შეაჩერებდა...

ანუხებდა, ძალზე ანუხებდა ზარიფას ამბავი, მერე რა, რომ ჩვეულებრივ ყოფაცხოვრებისეული ამბების გარდა სხვა არაფერზე უსაუბრიათ, მერე რა, რომ ზარიფას არასოდეს საამისო საბაბი მიუცია, ედიღეი მაინც გამუდმებით მასზე ფიქრობდა, მაგრამ ეს მარტო სიბრალოეული და თანაგრძნობა, მარტო შეცოდება არ იყო იმის მნახველისა და მოწმის, რა მეხი დაატყდა ქალს, მაშინ სალაპარაკოც არ იქნებოდა. ედიღეი სიყვარულით ფიქრობდა ამ ქალზე, მასზე ფიქრი არ შორდებოდა, მთელი არსებით ეწადა ზარიფასთვის ისეთი ადამიანი გამხდარიყო, ვისაც ყველაფერში მიენდობოდა ქალი, რაც კი ცხოვრებაში მოუხდებოდა. ედიღეი ბედნიერი იქნებოდა, რომ გაეგო, ზარიფაც ასევე ფიქრობს, ზარიფასაც ბურანელი ედიღეი მის ყველაზე ერთგულ და მოსიყვარულე ადამიანად მიაჩნია.

არადა, რა საწამებელი იყო ისე დაეჭირა თავი, ვითომ ზარიფასადმი განსაკუთრებულს არაფერს გრძნობს, ვითომ მათ შორის სხვა რამ არც შეიძლება და არც უნდა მოხდეს...

ამ ფიქრებში იყო მთელი გზა ქუმბელამდე. იტანჯებოდა, ხან რას ფიქრობდა და ხან რას. წამდაუნუმ ეცვლებოდა განწყობა. ხან ეგონა, მალე დღესასწაული დაუდგებოდა, ხან ეგონა, ავადმყოფობა არ აცდებოდა. ამ განწყობაზე მყოფს ზოგჯერ ისე ეგონა, თითქოს კვლავაც ზღვაზე იყო. ზღვაზე ადამიანი მუდამ სულ სხვანაირად გრძნობს თავს, ვინემ მინაზე, გინდაც ირგვლივ სიმშვიდე სუფევდეს და საფრთხე არსაიდან გემუქრობდეს. რარიგ გაშლილი არ უნდა იყოს ზღვა, რარიგ სასიამოვნო ტალღების გაპობა, გინდაც საჭირო საქმეზე, რარიგ ლამაზი წყლის ზედაპირზე ასარკული დაისი თუ აისი, სულ ერთია, მაინც ნაპირს უნდა დაუბრუნდე, მაინც ნაპირს უნდა მიადგე, სულ მუდამ ზღვაში

ვერ იქნები. ნაპირზე კი ადამიანს სხვა ცხოვრება ელის. ზღვა დროებითი, ხმელეთი კი სამუდამო საყუდელია. ხოლო თუ ნაპირზე მიდგომა შეგაშინებს, კუნძული უნდა მოძებნო, იქ გადახვიდე და იცოდე, რომ აქაა შენი ადგილი, აქ უნდა იყო მუდამ. ედილეიმ კიდევ წარმოიდგინა, როგორ აღმოაჩენს ასეთ კუნძულს, წაიყვანს ზარიფას შვილებიანად და იქ იცხოვრებს. ბიჭებს მიაჩვენებს ზღვასა და თვითონაც ბედნიერად, დაუჩივლელად გაატარებს თავის დღეებს ამ კუნძულზე, ოღონდაც კი იცოდეს, რომ ყოველ წუთს ნახავს ზარიფას, რომ მისთვის ყველაზე სასურველი, ყველაზე საჭირო, ახლობელი ადამიანია...

მაგრამ მაშინვე შერცხვა ამ სურვილისა და განითლდა კიდევ თუმცა ირგვლივ ასეულ კილომეტრზე ადამიანის ჭაჭანება არ იყო. ლანირაკივით ოცნებებს აჰყვა, კუნძულზე გაქცევა მოინდომა, ვითომ რატომ, რისი გულისთვის? რა უფლება აქვს იმ კაცს, ვისაც ცოლ-შვილი ჰყავს, ვინც საქმეს ადგია, რკინიგზაზე მუშაობს, დაბოლოს საროზიქში ცხოვრობს, რომელსაც თავისდა შეუმჩნევლად მთელი არსებით შეესისხლხორცა... ან რაში ჭირდება იგი ზარიფას, მერე რა, რომ ქალს ასე უჭირს, რატომ იფიქრა, ზარიფას შეიძლება შევეყვარდეო? კიდევ ჰო, ბიჭებზე რომ თქვას, ბიჭები თვითონაც თავს ურჩევნია და იმათაც უყვართ ძია ედილეი. ზარიფა კი რატომ ინდომებს ამას?! ან განა თვითონ აქვს ამის ნება, როცა ცხოვრებამ დიდი ხანია მიუჩინა თავისი ადგილი და ამ ადგილს თავისი დღე და მოსწრება ალბათ ვეღარ შეიცვლის...

ნაცნობ ბილიკს მიჰყვებოდა ბურანელი ყარანარი, რომლითაც ბევრჯერ უვლია. იცოდა, კიდევ რამდენი სავალი ჰქონდა, და დაუცაცხანებლად მიჩინდრიკობდა ხამუშ-ხამუში ბლავილითა და კუთვა-კუთვით, მარდად კეცავდა საროზიქის უზომელ სივრცეს, გაზაფხულის სუნდაკრულ ფერდობებს, ხევებს, გვერდს

უვლიდა ოდესღაც მარილიან ახლა კი დამშრალ ტბას. ედილეი კი თავის წუხილს, თავის დარდებს მისცემოდა... იმდენად მოეცვა გრძნობათა ჭიდილს, ისეთ გაუსაძლის ნალველს შეეპყრო, საროზექის განუზომელ სივრცეშიც კი მის სულს საყუდელი ვერ მოენახა...

ამ განწყობით ჩავიდა ქუმბელში. უნდოდა, როგორ არ უნდოდა, ზარიფას რომ ბოლოს და ბოლოს ნათესავებიდან თავის წერილებზე პასუხი მიეღო, მაგრამ იმის გაფიქრებაზე, ნათესავებმა შეიძლება დაობლებულ ოჯახს ჩამოაკითხონ წასაყვანად ან თავისთან გამოიძახონო, ედილეის მთლად ეძმარებოდა გუნება. ფოსტაში სარკმელს რომ მიადგა, სადაც „მოკითხვამდე“ ეწერა და ისევ უპასუხეს, ზარიფა ქუთიბაევას სახელზე წერილები არ მოსულაო, თავისდა მოულოდნელად სიხარულმა აიტანა, გაუგებარმა, უკეთურმა, უსინდისო ფიქრმაც კი გაუელვა, კარგია რომ არ მოსულაო. შემდეგ კეთილსინდისიერად შეასრულა ზარიფას დავალება - სამი დეპეშა გაგზავნა სამ მისამართზე. საღამოს კი შინ დაბრუნდა...

ამასობაში გაზაფხული გაფხულმა შესცვალა გადაყვითლდა, გადახუნდა საროზექი. ყვითელი ტრამალი ისევ ყვითელი გახდა. ჰაერი გახურდა, პაპანაქება ახლოვდებოდა. ქუთიბაევების ნათესავებისაგან ბაიბური არ ისმოდა. არავინ გამოხმაურებია არც წერილსა და არც დეპეშას. მატარებლები კი კვლავ გრიალით მიჰპროდნენ ბორანლი-ბურანის ასაქცევზე და ცხოვრებაც თავის ღინებას მიჰყვებოდა...

აღარც ზარიფა ელოდა უკვე პასუხს, მიხვდა, ნათესავების იმედი არ უნდა ჰქონდეს, აღარ ღირს წერილებით საშველად ხმობა... ქალი უხმო სასოწარკვეთამ შეიპყრო, - სად წავიდეს, რა ქნას ახლა... როგორ უთხრას შვილებს მამის ამბავი, რითი და-

ინყოს, დანგრეულ ცხოვრებას რა უშველოს? პასუხს კი ჯერჯერობით ვერ პოულობდა.

იქნებ ზარიფაზე ნაკლებ არ განიცდიდა მისი ოჯახის ამბავს ედილეი... ბორანლი-ბურანშიც ყველანი შეწუხებული იყვნენ ამ ამბით, მაგრამ ედილეიმ ხომ იცოდა, ამ ოჯახის უბედურება რად იქცა პირადად მისთვის. თავისი თავი ველარ განეყო მათგან, ამ ოჯახის ბედი ასულდგმულებდა ყოველდღე. ისიც ასევე დაძაბული ელოდა, რა იქნებოდა მათ თავს, ისიც უხმო სასონარკვეთილებით ფიქრობდა - როგორ ეცხოვრათ ზარიფასა და მის შვილებს. მაგრამ ამასთან გამუდმებით არ ასვენებდა, გამუდმებით ტანჯავდა ის ფიქრი: რა უყოს თავის თავს, როგორ მოერიოს, როგორ ჩაიკლას გულში ის გრძნობა, ამ ქალისკენ რომ იზიდავს? მაგრამ პასუხი ვერც ამაზე ეპოვა... ყველა-ყველა და თუ ცხოვრებაში ასეთ რასმე გადაეყრებოდა, არ ეგონა...

ბევრჯერ დააპირა ედილეიმ, ბევრჯერ გადანყვიტა გამოუტყდეს ქალს, პირდაპირ, დაუფარავად უთხრას, როგორ უყვარს ზარიფა, როგორ უნდა მისი საწუხარი, მისი გასაჭირი თვითონ იკისროს, რომ ვერ წარმოუდგენია მათ გარეშე არსებობა, მაგრამ რანაირად უთხრას? რა პირით? გაუგებს კია ზარიფა? იმის თავი აქვს გაუბედურებულ, მარტოხელა ქალს, ედილეის სიტყვას უსმინოს! ან ლამაზი კი იქნება? დღედაღამ ამაზე ფიქრობდა ედილეი, ეს უძმარავდა გუნებას, საქციელს უკარგავდა. ოჰ, როგორ უჭირდა გარეგნულად არაფერი დაემჩნია ხალხში.

მაგრამ ერთხელ მაინც ვერ სძლია თავს, მაინც გაამჟღავნა თავი. გადასარბენის შემოვლის შემდეგ უკან ბრუნდებოდა. შორიდან დაინახა, ზარიფა რომ ვედროებით ცისტერნისკენ წავიდა. რალაც ძალამ ხელი ჰკრა და მისკენ უბიძგა. განა იმიტომ, ვედროების წამოღებაში შეშველებოდა, ამ საბაბით ესარგებლა. თითქმის ყოველ მეორე დღეს, ზოგჯერ ყოველდღეც კი ერთად

მუშაობდნენ რკინიგზაზე, შეეძლოთ რამდენიც სურდათ ელაპარაკათ, არა, სწორედ იმ წუთს აიტანა ედილეი დაუძლეველმა სურვილმა მისულიყო და ის ეთქვა, რაიც სულს ველარ დაეტია. ცხელ გულზე კიდევ იფიქრა, იქნება ასეც სჯობდესო – გაუშვი, ვერ გაუგოს ზარიფამ, გაუშვი, ხელი კრას, სამაგიეროდ გული გაუნელდება, დაუმზვიდდება ედილეთს. ზარიფას არ გაუგია მისი მიახლოება. ზურგით იდგა, ცისტერნის ონკანი მოეშვა. ერთი ვედრო უკვე გაეფსო და განზე გაედგა, მეორეც გავსებულიყო და წყალი ბუყბუყით გადმოდიოდა, ირგვლივ გუბე დგებოდა. ზარიფა კი თითქოს ვერაფერს ამჩნევდა, ცისტერნას მიყრდნობოდა და თავი ჩაეჩინდრა. ჩითის კაბაში იყო, შარშან ზაფხულს იმ თქეშის დროს რომ ეცვა. საფეთქლებზე და ყურს უკან კულულები უჩანდა - ერმეციც ხომ მასავით თმახუჭუჭა იყო - სახე გაღოდა, კისერი განწვრილებოდა, მხარი ჩამოგდებოდა, ხელი თეძოზე დაცურებოდა. იქნებ წყლის თქრიალმა მონუსხა, სემირეჩიეს მთის ნაკადულები და არხები მოაგონა ან მწარე ფიქრები მოერია იმ წუთს, ამან წაიღო მისი გონება? ღმერთმა იცის. მაგრამ ედილეთს კი გული შეეკუმშა მის დანახვაზე. ისე საოცრად ახლობელი იყო მისთვის ამ ქალის ყველაფერი. ისე მოუნდა მიფერებოდა ახლავე, ამ წუთს, დაეცვა, დაეფარა იმისგან, რაც ქალს ლოდინით დასწოლოდა. მაგრამ ვაი რომ არ შეეძლო. ედილეთიმ მხოლოდ უხმოდ დაკეტა ონკანი, თქრიალით წამოსული წყალი შეაჩერა. ზარიფამ ისე შეხედა, თითქოს არ გაკვირვებია, თითქოს აქ კი არა, სადღაც შორს, ძალიან შორს იყო ამ ადგილიდან.

- რა იყო? რა მოგივიდა? - თანაგრძნობით ჰკითხა ედილეთიმ. ხმა არ გაუღია ზარიფას, მხოლოდ ოდნავ გადაჰკრა ღიმმა, ოდნავ გაუნათდა თვალები, წარბები გაურკვეველად აზიდა. არაფერი, ჩემთვის ვფიქრობდი, თითქოს თქვა ამით...

- ვერა ხარ კარგად? - გაუმეორა ისევ ედილეიმ.

- ვერა ვარ, - მძიმედ ამოიოხრა ქალმა.

ედილეი დაიბნა, მხრები აიჩეჩა.

- ასე რად იწამებ თავს? - სიბრაღულით უსაყვედურა ქალს, თუმცა სულ სხვა რამის თქმას აპირებდა, - რამდენ ხანს შეიძლება ასე? ამით რას უშველი, ჩვენც გვიმძიმს (მეც მიმძიმსო - უნდოდა ეთქვა,) ამ დღეში რომ ხარ, ბიჭებიც ცოდვები არიან, გაიგე, ასე არ შეიძლება, რაღაც უნდა ილონო, - ამბობდა და ცდილობდა ისეთი სიტყვები შეერჩია, ქალს ეგრძნო, ედილეი რომ ყველაზე მეტად განიცდის მის ამბავს, ყველაზე მეტად უყვარს იგი. - აბა თვითონ დაფიქრდი. არ გწერენ წერილს და ნუ გწერენ, ღმერთმა კარგად ამყოფოთ, უიმათოდაც არ დავიღუპებით, ჩვენ ხომ (მეო - უნდოდა ეთქვა) შენთან ვართ ყოველთვის. ოღონდ სულით ნუ დაეცემი, იმუშავე, გამაგრდი. ბიჭებს აქაც წამოზრდი, ჩვენთან (ჩემთანო - უნდოდა ეთქვა). ნელ-ნელა მოგვარდება ყველაფერი. რად უნდა წახვიდე სხვაგან? ჩვენ აქ ყველანი ერთი ოჯახივით ვართ. მე კი თვითონაც იცი, შენი ბიჭების უნახაობა ერთი დღეც არ შემიძლია. - ედილეი დადუმდა. რაც თქვა, იმაზე მეტის თქმა უკვე აღარ შეიძლებოდა.

- მესმის, ყველაფერი მესმის, ედიქე, - მიუგო ბარიფამ, მადლობის მეტი რა მეთქმის. ვიცი, გაჭირვებაში დამეხმარებით, მაგრამ აქედან კი უნდა წავიდეთ, ბავშვებმა უნდა დაივინყონ, რა იყო და როგორ იყო, მაშინ ვეტყვი ყველაფერს. თვითონაც იცი, ასე დიდხანს ვერ გაგრძელდება.. ჰოდა, ვფიქრობ, რა ვქნა, რა გზას და ვადგე...

- ეგ კი მართალია, - იძულებული გახდა ედილეი კვერი დაეკრა, - ოღონდ ნუ იჩქარებ. იფიქრე კიდევ. ამ პაწიებით სად უნდა წახვიდე, რას გაახერხებ? რომ გავიფიქრებ, უთქვენოდ აქ როგორ უნდა ვიყო, თავზარი მეცემა...

მართლაც ძალიან აშინებდა ზარიფას და მისი ბიჭების ბედი ედილეის, იმიტომაც ხვალინდელ დღეებ შორს აღარ იყურებოდა, თუმცა თვითონაც იცოდა, ასე დიდხანს ვერ გაგრძელდება. გაიარა რამდენიმე დღემ ამ ლაპარაკიდან და ერთმა შემთხვევამ თავიან-ფეხიანად გასცა ედილეი. თუმცა კი ბევრი ინანა და განიცადა შემდეგ, თავისთვის ვერ ეპატიებინა, ეს როგორ მომივიდაო.

ბევრმა თვემ ჩაიარა იმ დღის აქეთ, როცა ქუმბელში იყვნენ ყველანი ერთად და ერმექმა თმა არ გააპარსინა პარიკმახერს. ახლაც გაუხოტრაფი დადიოდა ბიჭი, გრუმად ეყარა შავი კულულები და ძალიანაც შვენოდა, მაგრამ თმა კი აქამდე უნდა გადაეპარსათ ამ პატარა ლაჩრისთვის. ედილეი წარამარა ფუშფუშა თავზე კოცნიდა ბიჭუნას, ცხვირს ჩაყოფდა, მისი თმის სუნით ტკბებოდა, მაგრამ თმა უკვე მხრებამდე ჩამოზრდოდა ერმექს და თამაშსა და სირბილში უშლიდა. ბიჭს ვერა და ვერ გაეგო, რა საჭირო იყო თმის გაკრეჭა, ვერ მიჩვეოდა ამ აზრს, ეუცხოებოდა, იმიტომაც არავის იკარებდა ახლოს, კიდევ ყაზანგაპმა მოახერხა და დაიყოლია, შეაშინა თიკნებს არ უყვართ გრძელთმიანები, გირქეენო.

თურმე ნუ იტყვი - მსოფლიო ტრაგედია დატრიალებულა ის დღეს. მერე მოუყვა ზარიფა, გაკრეჭა კი დაფიწყეთ, მაგრამ დამთავრება გაგვიჭირდაო. აღარ ვიცოდით, რა გვექნა! ტირილი ატეხა ერმექმა, ხელიდან გვისხლტებოდა ყველას. ისევ ყაზანგაპმა იხმარა ძალა, ფეხებში მოიმწყვდია და ისე გაკრიჭაო. მთელი ასაქცევი გადააქეხა თურმე ერმექის ღრიალმა. გაკრეჭა რომ მოათავეს გულკეთილმა ბუქეიმ პანჩას დასაწყნარებლად სარკე მიაჩეჩა ხელში, აბა ჩაიხედე, რა ლამაზი ბიჭი გახდით. ჩაიხედა ბიჭმა, თავი ველარ იცნო და უარესად აღრიალდა. ასე

აღრიალებული მოჰყავდა ზარიფას ყაზანგაპის ეზოდან, როცა ბილიკზე ედილეი შეხვდათ.

გადახოტრილ ერმექს ველარ იცნობდა კაცი. წვრილი კისერი გაშიშვლებოდა, გაპარტენილი ყურები უჩანდა. ტირილ-ტირილით დაუსხლტა დედას ხელიდან და ედილეის მივარდა:

- ძია ედილეი, ნახე, რა მიყვეს?

ვინმეს რომ ეთქვა ედილეისათვის, ასეთ დღეში ჩავარდებიო, არამც არ დაიჭერებდა. ბიჭუნა ხელში აიტაცა და გულში ჩაიკრა, ასე ეგონა, თითქოს მის თავზე მოხდა ეს უბედურება, ის იყო უმწეო, მან მიაშურა სხვას ჩივილით და ნდობით. კოცნიდა ეუბნებოდა, თვითონაც არ იცოდა, რას:

- დანყნარდი, ჩემო ძვირფასო! ნუ ტირი. მე არავის დავაჩაგვრინებ შენს თავს, მე შენთვის მამა ვიქნები, მამასავით მეყვარები, ოლონდაც ნუ ტირი! - მაგრამ გამტკნარებულ და გაქვავებულ ზარიფას დანახვაზე მიხვდა, აკრძალულ ზღვარს რომ გადააბიჯა, და დაიბნა, სასწრაფოდ გაეცალა ბავშვიანად, შემცბარი ერთსა და იმავეს ბურტყუნებდა: - ნუ ტირი! აბა ნახე, რა ვუყო იმ ყაზანგაპს! მე ვუჩვენებ სეირს მაგ ყაზანგაპს, დამაცადოს ერთი აი, ნახავ, რას ვუზამ!..

რამდენიმე დღე აღარ გაჰკარებია ედილეი ზარიფას და შეამჩნია, რომ ზარიფაც ერიდებოდა. ნანობდა ბურანელი ედილეი, რომ ისე სულელურად გათქვა თავი, სიმშვიდე დაურღვია ყოვლად უდანაშაულო ქალს, ვისაც უამისოდაც საზრუნავი და საჭაგრებელი არ აკლდა. თავისთვის ვერ ეპატიებინა ედილეის. მრავალი წელი, თუმცა წლები კი არა, სიცოცხლის უკანასკნელ ამოსუნუნთქვამდე ემახსოვრება ედილეის ის წუთი, როცა უმწეო, ნაწყენი ბიჭუნა ჩაიკრა გულში, როცა სინაზემ და სიმწარემ შეუძრა სული და როცა ზარიფას ჰკრა თვალი, ამ სურათით გაოგნებული რომ შეჰყურებდა და უტყვი კივილი ედგა თვალებში.

გაიყუჩა, გაილურსა რამდენიმე ხანს ბურანელი ედილეი, გულში ჩახშული მთელი გრძნობა მის შვილებზე გადაიტანა სხვა ვერაფერი ელონა. ყოველი მოცალეობის წამს მათ ართობდა, უყვებოდა და უყვებოდა ზღვაზე, ზოგს იმეორებდა და ზოგ ახალს იხსენებდა. ზღვაზე ლაპარაკს არაფერი ერჩივნათ ბიჭებს. ჰყვებოდა თოლიებზე, თევზებზე, მძლევარ ფრინველებზე და არალის კუნძულებზე, სადაც სხვაგან გადაშენებული იშვიათი ნადირი შემორჩენოდა. მაგრამ ამ ამბებზე ლაპარაკისას უფრო ხშირად, უფრო დაჟინებით ახსენდებოდა ედილეის საკუთარი ცხოვრების ამბავი არალის ზღვაზე, მხოლოდ ამას არ უყვებოდა ბიჭებს, ეს საიათო საქმე არ იყო. ეს ამბავი მხოლოდ ორმა იცოდა, მან და უქუბალამ, მაგრამ ერთმანეთშიაც სიტყვა არ დაუძრავთ არასოდეს ამაზე, ვინაიდან ეს ამბავი მათ გარდაცვლილ პირმშოს შეეხებოდა. ცოცხალი რომ ყოფილიყო მათი ბიჭი, ახლა ბორანლელ გოგობიჭობაზე უფროსი იქნებოდა, ყაზანგაპის საბითუანზეც ორი წლით დიდი. გგონია, დაიბადება და დიდხანს, დიდხანს იცოცხლებს, ისე დიდხანს, წარმოდგენაც კი ძნელია, თორემ მაშინ ვინღა გააჩენს შვილებს?..

როცა ახალგაზრდა იყო და მეთევზეობდა - ომი ცოტა ხნის მერე დაიწყო მხოლოდ - მან და უქუბალამ საოცარი რამ განიცადეს. ასეთი განცდა ალბათ სიცოცხლეში ერთხელ თუ ეწვევა ადამიანს და არასოდეს გამეორდება.

ცოლის შერთვის შემდეგ ედილეის სული მიუდიოდა, როდის დაბრუნდებოდა ზღვიდან შინ, იმიტომ რომ უქუბალა უყვარდა, იმიტომ რომ იცოდა, უქუბალა ელოდა. უქუბალა ყველაზე სასურველი ქალი იყო მისთვის ამქვეყნად. მხოლოდ მასზე ფიქრობდა, მხოლოდ უქუბალასთან დაბრუნების სურვილს შეეპყრო იგი. ზოგჯერ კიდევაც ეგონა, მარტოდენ იმიტომ არსებობს, რომ

სულ მასზე იფიქროს, შეინოვოს და დაიგროვოს ზღვისა და მთის მთელი მადლი, რომ ცოლს მოუტანოს, რომელიც ელის, ვინაიდან ეს ბედნიერებას ანიჭებდა ორივეს, ეს იყო ბედნიერების გულისგული - სხვა დანარჩენი, გარეგნული, მხოლოდ ავსებდა, ამდიდრებდა მათ ბედნიერებას, მათ ნეტარებას იმით, რაიც მზისა და ზღვისაგან მიმადლებოდა ედიღეის. ხოლო როცა უქუბალამ იგრძნო, მის თავს რაღაც იყო, როცა იგრძნო, მალე დედა ვიქნებიო, ერთმანეთის ნახვის ნატვრას მომავალი პირმშოს ნატვრაც მიემატა. ეს მათი ცხოვრების უღრუბლო ხანა იყო.

გვიან შემოდგომაზე, უკვე ზამთრის პირს, უქუბალას ყავისფერი ლაქები დააჩნდა სახეზე და მუცელიც წამოეზარდა, უკვე კარგად დაეტყო. ერთხელ ქმარს ჰკითხა, თუ გინახავს ალთინ მექრეო. გამიგონია კი, მაგრამ თვალით არ მინახავსო, ედიღეიმ უთხრა, ეს ძალიან იშვიათი თევზიაო, თართების ოჯახისა, საკმაოდ დიდიც, მაგრამ მის თავიდათავ ღირსებას სილამამზე შეადგენს, ტანი მოლურჯო და დანინწკლული აქვს, თხემი, ფართლები და ზურგზე ჩაყოლებული, ხრტილოვანი სავარცხელი - ბაჯაღლო ოქროსფერი, გასაოცრად ბრჭყვიალაო. იმიტომაც შეარქვეს ალთინ მექრე, ოქროს მექრეო.

მეორედ უქუბალამ უთხრა, სიზმარში ოქროს მექრე ვნახეო. თევზი თურმე ირგვლივ დაცურავდა, უქუბალას კი მისი დაჭერა უნდოდა. დაჭერა და მერე გაშვება, ოღონდაც ჯერ ხელი შეეელო, ეგრძნო მისი ოქროს სხეული. ისე მოენადინა იმ თევზის გულში ჩაკვრა, რომ გაედევნა კიდეც. მაგრამ თევზი ვერა და ვერ დაიჭირა. დიდხანს ველარ დამშვიდდა გამოღვიძების შემდეგ უქუბალა, რაღაც უცნაურად დაწყდა გული, თითქოსდა რაღაც დიდი მიზნისთვის ვერ მიეღწიოს მართლა. გაეცინა საკუთარ თავზე, მაგრამ ვაი რომ ცხადშიაც ისევე საოცრად ეწადა იმ ოქროს თევზის დაჭერა.

ედილეი მიუხვდა ამას, ზღვიდან ბადის ამოტანისასაც ამაზე ფიქრობდა. მერე აღმოჩნდა, თურმე სწორად აუხსნია ცოლის სიზმრისეული და მერე ცხადშიაც გამოყოლილი ნატვრა. მაშასადამე ედილეიმ უთუოდ უნდა დაიჭიროს ოქროს მექრე. რადგან ეს ფეხმძიმე უქუბალას თალგაქი¹⁷ იყო. ორსულობისას ბევრი ქალი განიცდის ამ თალგაქს, დაუკმაყოფილებლობის გრძნობას, ზოგს მჟავე მოენატრება, ზოგს მწარე თუ ცხარე, ზოგს რომელიმე გარეული ცხოველისა და ფრინველის შემწვარი ხორცი მოუნდება სულის სიმწარით. ედილეის არ გაკვირვებია ცოლის თალგაქი. მეთევზის ცოლს სწორედაც ის უნდა მონატრებოდა, რაიც მისი ქმრის ხელობასთან იყო დაკავშირებული. ღმერთსაც დაუდგენია, რომ ცხადში ენახა და ხელში დაეჭირა ეს დიდი ოქროს თევზი. ედილეის ყური ჰქონდა მოკრული, თუ ფეხმძიმე ქალს თალგამი არ შეუსრულე, დედის მუცელში მყოფ ბავშვს შეიძლება რალაც დაუშავდესო.

უქუბალამ ხმამალლა ვერც გაბედა თავის თალგაქი ეთქვა, იმდენად უჩვეულო იყო იგი.

ამასობაში არალის ზღვაზე უკვე საცაა დამთავრდებოდა თევზის ჭერის დიდი სეზონი - ივლისიდან ნოემბრამდე რომ გრძელდებოდა. ზამთარი უკვე კარზე იყო მომდგარი. არტელი საზამთრო თევზაობისთვის ემზადებოდა, როცა ათასნახევარ კილომეტრზე გადაჭიმული. არალი სქელი ცინულით დაიფარება და ვეებერთელა ცინულების ჩეხვა მოუხდებათ ტყვიებით დამძიმებული ბადეების შიგ ჩასაშვებად, მერე კი ერთი ცინულჭრილიდან მეორემდე უღელში შებმულ აქლემებით მათი გათრევა. გამ-

¹⁷ ფეხმძიმე ქალის მონატრება რალაც საჭმლისა და ამ ნატვრას ასრულება (მიზეზობა).

წევის ძალის პირობაზე ხომ აქლემს ვერავინ შეედრება ტრამალზე.. მაგრამ გინდ ზამთარში და გინდ ზაფხულში რამდენი ძვირფასი თუ უბრალო თევზი არ დაუჭერია ედილეის არტელს, ოქროს მექრე ჯერ არ მოხვედრია ბადეში. ამ თევზს ანკესით ან ნემსკავით თუ დაიჭერდა კაცი და დიდ ვაჟკაცობადაც ეთვლებოდა ყველა მეთევზეს. ყველა ამას გაიძახოდა ხოლმე შემდეგ, ამა და ამ კაცს ბედმა უღიმა და ოქროს მექრე დაიჭირაო.

იმ დილას ადრინად წავიდა ედილეი, ცოლს დაუბარა, ვინემ არალი ჯერ არ გაყინულა, თევზს დავიჭერ სახლისთვისო. უქუბალა წინა ღამეს ბევრი ეხვენა:

- რად მიდიხარ ამ სიცივეში, განა თევზი გვაკლია?

მაგრამ ედილეიმ უკან არ დაიხია:

- არ გვაკლია, მაგრამ შენ არ თქვი, საღინ დეიდა ჩანვაო. ჭერების ან მურწას ცხელი წვნიანი მისწრება იქნება მისთვის. მოხუც ქალს ვინ დაუჭერს თევზს?

ამ საბაბით გასწია დილაადრიან ედილეიმ ოქროს მექრეს და საჭერად, წინასწარ მოამზადა ანკესები და ნავის ცხვირზე დაანყო თვითონაც თბილად ჩაიცვა, ზემოდან კაპიუშონიანი საწვიმარიც მოისხა და ასე შეეცურდა ზღვაში.

ღრუბლიანი დღე იყო, ცვალებადი, შემოდგომა ზამთარს შორის რომ იცის ხოლმე. მიაცურებდა გვერდულად ნავს ედილეი, ნიჩბებს უსვამდა და ღია ზღვისკენ მისრიალებდა. მისი ვარაუდით იქ უნდა ყოფილიყო ოქროს მექრეს ქარავანი. ცხადია, ბედის საქმე იყო ყველაფერი, ვინაიდან ზღვის თევზის ანკესით დაჭერა ყველა ნადირობაზე ძნელი რამაა. მინაზე, რაც უნდა იყოს, მონადირე და მისი მსხვერპლი ერთ გარემოში არიან, მონადირეს შეუძლია ნადირს ხან მალვით დაედევნოს, ხან ჩაუსაფრდეს, ხან თავს დაესხას. წყლის ქვეშ კი მონადირე ამას ვერ მოახერხებს. ჩაუშვებს ანკესს და უნდა ეცადოს, როდის გამოჩ-

ნდება თევზი, ხოლო თუ გამოჩნდა მიეტანება თუ არა სატყუ-
არას.

ედილეის გულში დიდი იმედი ჰქონდა, ბედი რომ გაუღიმებ-
და, ის ხომ ზღვაში მარტო თევზის საჭერად არ გასულა, რო-
გორც სხვა დროს, არამედ ფეხმძიმე ცოლის გულთმისნურმა
სურვილმა წამოიყვანა.

ამ ფიქრით მიაცურებდა ნავს. ღონიერი და ჯანიანი იყო
ახალგაზრდა ედილეი, ნიჩბებს ძალოვნად, დაუღლეოდ უსვამ-
და შუა ზღვისკენ მიაცურებდა ნავს დაკლაკნილ, ატორტმანებულ
ტალღებზე. ასეთ ტალღებს არალელი მეთევზეები იირექ-ტოლ-
კუნებს - გვერდელა ტალღებს ეძახდნენ. იირექ-ტოლკუნები ქა-
რიშხლის მომასწავებელია, თუმცა თავისთავად საშიში არ არის,
გაბედულად შეგიძლია შეღრმავდე ზღვაში.

თანდათან დაპატარავდა თიხიანი ციცაბო ფლატე, ქვიანი
აქაფებული ნაპირი. უფრო და უფრო გაურკვეველად ჩანდა იგი,
ბოლოს ბუნდოვან ხაზად იქცა. დროდადრო ამ ხაზსაც ველარ
ხედავდი. ღრუბლები უმოძრაოდ განრთხმულიყვნენ ცაზე, ქვე-
მთ ქარი დაფართავებდა, აზვირთებულ ტალღებს ქეჩოს ულო-
კავდა.

ორიოდე საათის შემდეგ ედილეიმ ნავი გააჩერა, ნიჩბები
ამოიღო, ლუზა ჩაუშვა და ანკესების გამართვას შეუდგა. ორი კო-
ჭი თოკი ჰქონდა, ზედ ისეთი მონყობილობა - მისივე ნაკეთები,
ანკესს რა სიღრმეზეც უნდოდა, იმდენს ჩაუშვებდა. ერთი კიჩოზე
დააყენა, საძირავმობმული თოკი ასიოდე მეტრის სიღრმეზე ჩა-
უშვა, ოცი მეტრი კიდევ მარაგად შემოინახა. მეორეც ასევე და-
აყენა ნავის ცხვირზე. თვითონ კი ნიჩბები მოიმარჯვა, რათა ნავი
ქარსა და დინებას თავის ნებაზე არ ეტრიალა. რაც მთავარია,
ნემსკავის ძეები ერთმანეთს არ გადახლართოდა.

მისი ვარაუდით, სწორედ ამ ადგილებში უნდა ყოფილიყო ეს იშვიათი თევზი, მტკიცებით ვერ დაამტკიცებდა, მაგრამ ალ-ლო კი უკარნახებდა, უთუოდ აქ უნდა გამოჩნდესო, დიახ, დიახ, უთუოდ აქ უნდა გამოჩენილიყო ის თევზი, უიმისოდ შინ ვერ დაბრუნდებოდა. სათამაშოდ ხომ არ უნდა, მისი ცხოვრების დიდზე დიდ ამბავს წყვეტს ეს თევზი.

რამდენიმე ხნის შემდეგ თევზიც მიეტანა ნემსკავს, მაგრამ ეს ის თევზი არ იყო, მას რომ უნდოდა. პირველად ჭერეხი დაიჭირა. ანკესი რომ ამოჰქონდა, იცოდა ედილეიმ, რომ ოქროს მექრე არ იქნებოდა, არ შეიძლება ანკესს ოქროს მექრე მაშინვე მოდებოდა. მაშინ ხომ ამქვეყნად ცხოვრება სულ იოლი და უხალისო რამ იქნებოდა. არა უშავს, ედილეი მოიცდის, გაიჭირვებს. მერე ნემსკავს ვეება მურწა მოედო. იმას თევზი არ ჯობდა არალის ზღვაში. ისიც დარტყმით დაარეტიანა და ნავის ფსკერზე დააგდო. ავადმყოფ სალინ დეიდის წვნიანისათვის საკმარისზე მეტიც იყო. კიდევ ტარანი დაიჭირა – არალის კაპარჭინა. ნეტა აქ საიდან მოხვდა? ის ხომ ჩვეულებრივ ზედაპირს ეტანება. ჯანდაბას, თავის თავს დააბრალოს, ამის შემდეგ კარგა ხანს ლოდინი მოუხდა, დრო ძალიან გაჭიანურდა. „არა, რამდენიც არ უნდა დამჭირდეს, მოვიცდი, უთხრა თავს ედილეიმ, - არ მითქვამს, მაგრამ უქუბალამ იცის, რომ ოქროს მექრეს დასაჭერად წამოვედი. ვერ დავიჭერ, ბავშვი დედის მუცელში დაიტანჯება. ეს მას უნდა, დედამისმა რომ ნახოს და ხელში დაიჭიროს ოქროს მექრე, თუმცა რად უნდა, კაცმა არ იცის. დედასაც იგივე სწყურია, მე კი მამა ვარ და ნატვრა უნდა შევუსრულო ორივეს“.

გაანცებული იირექ-ტოლკუნები ნავს ატრიალებდნენ. იმიტომაც ჰქვიათ გვერდულა ტალღები, არასწორად რომ ტორტმანებენ. გაიყინა უმოძრაობისაგან ედილეი, და მაინც თვალს არ ამორებდა ბანრის კოჭებს - ხომ არ შეირხა ბანარი,

ხომ არ გაცურდა ნემსკავის ძუა, პატარა ორთითაზე გადადებულნი. არა, არც ნავის ცხვირზე, არც კიჩოზე არავითარი ნიშანი არ იყო ამისა. მაგრამ ედილი იმედს არ კარგავდა. იცოდა, სჯეროდა, რომ ოქროს მექრე მოვიდოდა. ოღონდაც კი ცოტათი დაეცლია ზღვას - რალაც მეტად დაბზრიალდნენ იირექ-ტოლკუნები. ნეტა რას მოასწავებს? არა, ქარიშხალი ასე მალე არ ამოვარდება, საღამოს ან ღამით შეიძლება ამოვარდეს, აიყალყოს ალაბაშები - ჭრელთავა ღრიალა ტალღები. მაშინ კი აბუყბუყდება მრისხანედ არალი, კიდით კიდემდე თეთრი ქაფით დაიფარება. ვერავინ გაბედავს ამ დროს ზღვაში გასვლას. მაგრამ ჯერჯერობით კიდევ არა უშავს, ჯერ კიდევ აქვს დრო...

აბუზული, შეციებული იჯდა ედილი, აქეთ-იქით იხედებოდა და თავის თევზს ელოდა ზღვაში. „რალას აყოვნებ მართლა და მართლა, რისი გეშინია? ეუბნებოდა გულში თევზს, - დარდი ნუ გაქვს, ხომ გითხარი, ისევ ზღვაში გაგიშვებ-მეთქი. ამბობ, ასეთი რამ არ ხდებაო? შენ წარმოიდგინე - ხდება ხოლმე. საჭმელად ხომ არ მინდიხარ, საჭმელიცა და თევზი თავსაყრელი მაქვს შინ. აგერ ნავის ფსკერზეც სამი თევზი მიგდია. საჭმლის გულისთვის დაგელოდები განა, ოქროს მექრეე! პირმშოს ველით. შენ კი ამას წინ დაესიზმრე ჩემს ცოლს, მას აქეთ მოსვენება დაკარგა, კი არაფერს მეუბნება, მაგრამ ხომ ვამჩნევ. ვერ გეტყვი, რატომ, მაგრამ ჩემმა ცოლმა უთუოდ უნდა გნახოს და ხელში დაგიჭიროს, სიტყვას გაძღვე, მაშინვე ისევ გაგიშვა ზღვაში. ყველაფერი იმის ბრალია, რომ სულ სხვანაირი თევზი ხარ. თხემი და კუდი ოქროსი გაქვს. ფარფლებიც და ზურგიც ოქროსფრად გიბრჭყვიალებს. ჩვენიც გაიგე. ჩემს ცოლს სწყურია ცხადში გნახოს, ხელი შეგახოს, რომ იგრძნოს, როგორი ხარ ხელშეხებით, ოქროს მექრეე, ნუ გგონია, თევზი რომ ხარ, ჩვენთან საერთო არა გაქვს რა. თევზი კი ხარ, მაგრამ მას დასავით, ძმასავით

ენატრები, მანამდე უნდა გნახოს, ვინემ ბავშვი გაჩნდება. ეამება მუცელში ბავშვსაც. მაშ, ასეა საქმე, უნდა დამიხსნა, ჩემო კარგო ოქროს მექრე, უნდა მოხვიდე. არ განწყენინებ. სიტყვას გაძლევ. მე რომ ავი ზრახვა მქონდეს გულში, თავად იგრძნობდი. ანკესებზე - ანკესი კი ორია, რომელიც გინდა ამოირჩიე - ხორცის დიდი ნაჭერი ჩამოვაცვი, ოდნავად სუნი დაჰკრავს, მაგრამ შორიდან რომ მოგიტყუოს იმიტომ ვქენი ასე. ჰო, მოდი, ცუდი რამ გულში არც გაივლო. ნემსკავით რომ მომეტყუებინე, ეს უპატიოსნო საქციელი იქნებოდა, თუმცა ნემსკავი უფრო მალე მოგიტყუებდა. მაგრამ როგორ უნდა გეცხოვრა ამ გადაყლაპული რკინით ზღვაში, როცა გაგიშვებდი? ეს მოტყუება იქნებოდა. მე კი ნამუსიანად გთავაზობ ანკესს. ცოტაზე ტუჩი გაგეჭრება, სხვა არაფერი. ნუ გეშინია, თან დიდი გუდა მაქვს წამოღებული. შიგნყალს ჩავასხამ, იქ ცოტა ხანს მოგიხდება ყოფნა, მერე კი ისევ ზღვაში გაცურავ. იცოდე, უშენოდ ფეხს არ მოვიცვლი აქედან. დრო კი არ იცდის. ვერა გრძნობ, როგორ იყალყება ტალღები და ქარიც ფრთებსა შლის. განა შენ გინდა ჩემი პირმშო ობლად, უმამოდ დარჩეს? იფიქრე, მიშველე რამე...”

უკვე ბინდი ჩამოდიოდა საზამთროდ მომზადებულ მტრედისკერ სივრცეზე. ნავი ხან ტალღათა ქეჩოზე მოექცეოდა, ხან ზვირთებში იმალებოდა და ასე მიიწეოდა ნაპირისაკენ. უჭირდა სვლა, ფურთუნს ებრძოდა. ზღვა უკვე ხმაურობდა, ნელინელ ქაფდებოდა, ტორტმან-ტორტმანით ქარიშხლისთვის ძალას იკრებდა, გაყინულ შხეფებს თავპირში აფრქვევდა ედილეის, სიცივემ და წყალმა ხელები დაუსივა.

უქუბალა ნაპირზე დაწრიალებდა, რა ხანია შეშინებული ელოდა ქმარს. მეთევზის ცოლობა რომ გადაწყვიტა, ტრამალელმა შესაქონლე ნათესავეებმა უთხრეს: ვიდრე დათანხმდებოდე, ჯერ დაფიქრდი, იცოდე, სატანჯველად სწირავ თავს,

ზღვაზე თხოვდები, ბევრჯერ მოგიხდება ცრემლების ღვრა ზღვის ნაპირზე, ზღვის ხვეწნა და მუდარაო. უქუბალამ მაინც არ უთხრა უარი ედილეის. როგორც ჩემი ქმარი, მეც ისე ვიქნებო...

ასეც გამოვიდა, მაგრამ ამჯერად არტელთან ერთად კი არა, მართო იყო წასული ედილეი. უკვე ღამდებოდა, ზღვა ღელავდა და შფოთავდა.

მაგრამ აჰა, ფურთუნში გაკრთა ნიჩბები და ნავიც გამოჩნდა ტალღებზე. უქუბალა ნაპირს მიადგა და იქ დაელოდა ედილეის. თავშალი ეხვია, მუცელი უკვე კარგა დიდზე წამოზრდოდა. ზვირ-თცემამ ძლიერი მოქნევით გამოაგდო ნავი ნაპირზე. ედილეი მაშინვე წყალში ჩახტა და ნავი გამოათრია ქვიშაზე, მერეღა გაიმართა წელში, ერთიანად მარილიან წყალში ამოლუმპული. უქუბალა მივიდა და ხელი მოხვია სველ კისერზე. ლაბადა ყინვისგან გაშეშებულიყო.

- თვალები დამაწყდა შენს ცდაში. ასე რად დაგაგვიანდა?
- მთელი დღე არ გამოჩნდა, სულ ბოლოს მოცურდა.
- შენ რა, ოქროს მექრეს დასაჭერად იყავი?
- კი, ხვეწნით დავიყოლიე, როგორც იქნა. აბა მოდი და და-

ხედე.

ტყავის მძიმე გუდა წყლით იყო სავსე. ედილეიმ პირი მოხსნა გუდას, წყალი გადმოაქცია და ოქროს მექრეც წყალს გადმოჰყვა ქვიშაზე. ვეება, მძლავრი, ლამაზი თევზი იყო. გამწარებით აატლაშუნა ოქროს კუდი, დაიგრიხა, ახტა და დახტა, ირგვლივ სველი ქვიშის ბუქი დააყენა, ვარდისფერი პირი განივრად დაალო, თავი კი ზღვისკენ მიიქცია, ისევ მშობლურ სტიქიონში ეწადა დაბრუნება. უცებ წამით გაირინდა თევზი, უმოძრაო, მრგვალი, კრიალა თვალებით მოათვალიერა ის სამყარო, სადაც უეცრად მოხვდა. ზამთრის დღის ამ ბინდბუნდიან ჟამსაც კი უჩვეულო სინათლე მოხვდა თავზე, მისკენ დახრილი ადამიანე-

ბის ელვარე თვალეზი დანინახა, ნაპირის კიდე და შორს, ძალიან შორს, მეჩხერ ღრუბლებს მიღმა, დასალიერზე მისთვის მეტის-მეტად კაშკაშა დაისი. სული შეუგუბდა თევზს, ახტა, ასხმარტალ-და ხელახლა, წყლისკენ გაიწია. ედიღეიმ ლაყუჩებით ასწია თევზი.

- აჰა, დაიჭი, - უთხრა უქუბალას.

ბავშვივით ჩამოართვა უქუბალამ თევზი, ორივე ხელით გულზე მიიკრა. იგრძნო თევზის ზამბარასავით მოქნილი ტანი, მისი ძალა

- რა მკვრივია! - შესძახა ქალმა, - ნაკოდალივით მძიმე! ზღვის სუნი ასდის! თან რა ლამაზია! ჰა, წაიღე, ედიღეი, ძალიან, ძალიან გამახარე, ნატვრა ამისრულე. ახლა კი ჩქარა გაუშვი ზღვაში...

ზღვისკენ წაიყვანა ოქროს მექრე ედიღეიმ, მუხლებამდე შეტოპა წყალში, ხელი გაუშვა, შიგ ჩააცურა თევზი. ვინემ ჩაცურ-დებოდა, მექ ლურჯ ჰაერში წამით იელვა თევზის ოქროდ შეფე-რილმა ზურგმა, იელვა, წყალი გაკვეთა და სიღრმეში მიიმალა...

ღამით კი დიდი ქარიშხალი ამოვარდა ზღვაზე. კედელს მიღმა, ხრამის ძირას ღმუოდა და ღრიალებდა ზღვა. ერთხელ კიდევ იწამა ედიღეიმ: იირექ-ტოლკუნები მართლა ქარიშხალს მოასწავებენო. შუალამე იყო, ბურანში რომ ჩაესმა ზვირთების ცემა ედიღეის, უნებლიეთ ოქროს მექრე მოაგონდა. რა დღეშია ახლა მისი თევზი? თუმცა დიდ სიღრმეზე ზღვა ალბათ ასე არ ზანზარებს. იმ უკუნ სიბნელეში იქნებ თევზიც აყურადებს, ერთი-მეორეზე როგორ გადადის ტალღები. ბედნიერად გაეღიმა ედიღეის და ვინემ დაიძინებდა, ცოლს ფერდზე მიადო ხელი. იგრძნო, ბავშვი როგორ ინძრეოდა დედის მუცელში, აქ ვარო, ამცნობდა მისი პირმშო. ამანაც ბედნიერი ღიმილი მოჰგვარა ედიღეის და უზრუნველად დაიძინა.

აბა რა იცოდა, ერთი წელიც არ გაივლიდა, ომი ატყდებოდა, ყველაფერი თავდაყირა დადგებოდა, ზღვას სამუდამოდ მიტოვებდა და მოსაგონრადლა ექნებოდა. მეტადრე მძიმე დღეებში...

მატარებლები ამ მხარეში აღმოსავლეთიდან დასავლეთით, ხოლო დასავლეთიდან აღმოსავლეთით მიგრიალებდნენ...

რკინიგზის გაღმა-გამოღმა ამ მხარეში ვეებერთელა უკაცრიელი სივრცე - სარი-ობექი, ყვითელ ტრამალთა შუაგული მიწები გადაჭიმულიყო...

ბურანელი ედილესათვის იმ საშინელ ორმოცდაცამეტ წელს ნაადრევად დადგა ზამთარი. საროზექში ეს ჯერ არავის მოსწრებია. ოქტომბრის ბოლოს უკვე თოვლი იდო, სიცივემ დაიჭირა. კიდევ კარგი, მოასწრო და ქუმბელიდან კარტოფილი ჩამოუტანა ოჯახსა და ზარიფას. თითქოსდა გულმა უგრძნო, უკანასკნელად აქლემით გაემგზავრა, შეეშინდა სამგზავრო მატარებლით წამოეღო, ღია დამბურაში დაზრებოდა კარტოფილი, დამზრალი კი აბა რაღად ვარგოდა, ამიტომ ბურანელი ყარანარით წავიდა, ორი უზარმაზარი ტომარა გადაჰკიდა იქ ყარანარს, თვითონ ვერც მოერეოდა, ხალხი რომ არ მიშველებოდა, ერთი - ერთ მხარეს, მეორე მეორე მხარეს, ზემოდან კიდევ ქეჩა დააფარა და ქვემოდანაც შემოუკეცა, ქარმა არ დააზროსო, თვითონ კი ამ ტომრებს შუა ჩატდა და არხეინად გასწია ბორანლი-ბურანისაკენ. გეგონებოდა სპილოზე იჯდა. ასეც გაივლო გუნებაში ედილემ. აქამდე საჯდომ სპილოზე წარმოდგენა არ ჰქონ-

და არავის. იმ შემოდგომაზე სადგურში პირველად აჩვენეს ინდური ფილმი. დიდ-პატარიანად მთელი ქუმბელი მიანყდა ამ უჩვეულო კინოს უჩვეულო ქვეყნისა. გაუთავებელი ცეკვა-სიმღერებისგარდა სპილოებიც უჩვენეს იმ სურათში. სპილოებით მიდიოდა ვეფხვებზე სანადიროდ ჯუნგლებში ხალხი. ედილეიმაც ნახა ის სურათი. ასაქცევის უფროსი და ედილეი პროფკავშირების გაერთიანებულ თათბირზე დელეგატებად იყვნენ გაგზავნილნი ბორანლი-ბურანიდან. თათბირის შემდეგ დეპოს კლუბში ეს ინდური ფილმი აჩვენეს მონაწილეთ. იქიდან დაიწყო ყველაფერი, კინოდან რომ გამოვიდნენ, ლაპარაკი გააბეს რკინიგზელებმა, უკვირდათ, ინდოეთში რომ ხალხი სპილოებით დადიოდა. ვილაყამ კი ხმამაღლა გამოაცხადა:

- ნეტა რა გიკვირთ მაგ სპილოების, ედილეის ბურანელი ყარანარი სპილოზე რა ნაკლებია? დაადე ტვირთი და სპილოსავით წაიღებს!

- ეგეც მართალია, გაიცინეს ირგვლივ.

- სპილო რა არის! - მიატანა კიდეც სხვამ. - სპილო მართო ცხელ ქვეყნებში ცხოვრობს. აბა ერთი სარობეჭში ჩამოიყვანე ზამთარში. ფეხებს გაფშიკავს ეგ შენი სპილო, ყარანართან ეგ სად მივა!

- მოიხედე, ედილეი ბურანელო, რა იქნება ვითომ მაგ შენს ყარანარს ისეთივე კოშკი დაადგა, როგორც ინდოეთში სპილოებს ადგამენ? იქაური მდიდარივით ისეირნებ აქეთ-იქით!

ედილეიმ ჩაიცინა. მართალია, მეგობრები ეხუმრებოდნენ, მაგრამ მაინც ძალზე ეამა გულში თავის სახელოვან ათანზე ასეთი სიტყვები...

სამაგიეროდ შავ დღეში ჩააგლო იმ ზამთარს ედილეი ამ ყარანარმა, ბევრი განცდა და დარდი შეხვდა მისი წყალობით...

მაგრამ ეს მერე იყო, როცა ყინვები დაიჭირა. ხოლო იმ დღეს ედიღეის გზაში მოუსწრო პირველმა თოვლმა. მანამდე რამდენჯერმე წამოვიდა თოვლი, მაგრამ მაშინვე დადნა. აქ კი წამოუშინა და მერე რანაირად! საროზეცის მთელი ცა ბნელმა დაფარა, ქარი დატრიალდა. სქლად, მძიმე-მძიმედ, ბზრიალ-ბზრიალით ცვიოდა თოვლის ფანტელები. არ ციოდა, მაგრამ ატყაპდა მიწა და უსიამო შეიქნა გარემო. თავიდათავი ის იყო, აღარაფერი ჩანდა თოვლში. რა უნდა ექნა? საროზეცში სად გინდა შეათარო თავი კაცმა! სხვა რა გზა იყო, ბურანელი ყარანარის ძალასა და ალღოს უნდა მინდობოდა. მას უნდა მიეყვანა შინ. ედიღეიმ თავის ანდეს მიანება ყარანარი, თვითონ კი საყელო აიწია, ქუდი ჩამოიფხატა. კაპიუშონიც ჩამოიფარა. მოთმინებააღჭურვილი ამაოდ ცდილობდა აქეთ-იქით რაღაც დაენახა, მაგრამ ყველაფერს თოვლის თვალგაუტანი ფარდა ფარავდა... ყარანარი კი ისევ ისე მიჩინდრიკებდა ამ ორომტრიალში, ნაბიჯიც არ შეუნელებია. ალბათ გრძნობდა, რომ მისი პატრონი პატრონობას ველარ გასწევდა ახლა, იმიტომაც გალურსულა საპალნეებზე და კრინტს არა სძრავს. მართლა დიდი ღონე ჰქონდა ყარანარს, ამ ტვირთით რომ თოვლში მირბოდა საროზეცის ტრამალზე. ძლიერად სუნთქავდა, ცხელი ბული ამოდიოდა პირიდან, ნადირივით ბლაოდა და ბრდღვინავდა, ხან მგზავრულ ბუზუნს გააბამდა, და მთარღვევდა დაუცხრომლად და შეუჩერებელივ მისკენ ფრენით წამოსულ თოვლს...

რა გასაკვირია, მეტისმეტი გრძელი ეჩვენა ის გზა ედიღეის. „ნეტა ჩქარა მივალწვედეთ“, ფიქრობდა და თვალწინ ედგა, როგორ შევიდოდა სახლში, სადაც ალბათ უკვე შფოთავენ, ამ ავდარში რამე უბედურება არ შეემთხვასო. უქუბალა შემინებული იქნება, მაგრამ ხმამაღლა არ იტყვის, ისეთი ქალი არაა რაც ფიქრში აქვს, ენას ათქმევინოს. იქნება ზარიფაც ფიქრობს, რა

მოუვიდა ედილეთის? მაგრამ ის მით უმეტეს არ დაძრავს კრინტს. ახლა თავს არიდებს და მასთან მარტო ლაპარაკს გაუბრძის. მაინც რად გაუბრძის, რა მოხდა მაშინ ასეთი? ედილეთის ხომ არც სიტყვით, არც საქციელთ არ მიუცია არავითარი საბაბი, აქ რაღაც სხვა იმალებაო, ეფიქრა. ყველაფერი ისევ ისე იყო. უბრალოდ, როცა ბედმა ერთმანეთს დაამგზავრათ ცხოვრებაში, თითქოს მიმოიხედეს, სწორ გზას ვადგივართ თუ არაო... და ისევ გზა განაგრძეს. მორჩა და გათავდა, ხოლო ედილეთი რა დღეშია ამ დროს, ეს მისი საქმეა, მისი უბედურება... ალბათ ასე ეწერა ბედის წიგნში, რომ ორ ცეცხლშუა მოხვედრილიყო. ამიტომ ნურავის შეაწუხებს მისი ამბავი, თავად იცის, რა უყოს თავს, თავის გატანჯულ სულს. ვისი რა საქმეა, უჭირს თუ ულხინს, ან მომავალი რას უქადის! პატარა ბავშვი ხომ არაა, როგორმე თვითონ გაარკვევს, თვითონ გახსნის იმ კვანძს, მისივე წყალობით რომ უფრო და უფრო მაგრად ისკვნება...

მწარე, გამოუვალი, საშინელი ფიქრები იყო, აგერ ზამთარიც დადგა სარობეექში. ედილეთის კი კვლავინდებურად არც ზარიფას დაგინყება ძალუძს და არც უქუბალაზე ხელის აღება, ფიქრშიაც კი. მისდა საუბედუროდ, ორივე ერთად საჭიროა მისთვის. ალბათ ისინიც ამჩნევენ, იმათაც იციან ეს და იმიტომაც არ ცდილობენ ამბავთა მსვლელობა დააჩქარონ, დაეხმარონ ედილეთის ჩქარა დაადგეს რაღაც გზას. გარეგნულად ისევ ისეა ყველაფერი - ქალებს შორის სიმშვიდე სუფევს, ოთხივე ბავშვი ერთი ოჯახის შვილებივით იზრდებიან, სულ ერთად თამაშობენ - ოჯახში, ხან - მეორეში... ასე გამოხდა ზაფხული და ასე გაიარა შემოდგომა...

ობლად, მიუსაფრად გრძნობდა თავს ბურანელი ედილეთი ამ თოვლაში მარტოდმარტო. ქარი ერეკებოდა თოვლს, არა სულიერის ჭაჭანება არ იყო ირგვლივ, ყარანარი წარამარა თავიდან

იბერტყავდა გუნდ-გუნდა თოვლს და ბღღვინვითა და ყვირილით აღვიძებდა გამეფებულ მღუმარებას. ძალიან ცუდ გუნებაზე იყო მისი პატრონი ამ მგზავრობისას ვერა გაეწყო რა თავის თავთან, ვერ ეპოვა სიმშვიდე, უცილობლად ან ერთი გზა უნდა აერჩია ან მეორე, ვერც ის გადაეწყვიტა, გულახდილად გამოტყდომოდა ზარიფას, ვერც ის, უქუბალაზე აელო ხელი. ისევ თავის თავს აგინებდა, უკანასკნელი სიტყვებით ლანძღავდა: „შე პირუტყვო შენა! შენც ჰაივანი ხარ და შენი აქლემიც! ვიგინდარავ! ძაღლო! ტუტუცო!“ - და კიდევ ათას რასმე იძახდა, დედას იგინებოდა, საკუთარ თავს ამათრახებდა, აშინებდა, შეურაცხყოფდა, რომ გონს მოგებულიყო, წერტილი დაესვა ყველაფრისათვის... მაგრამ არა შველოდა რა.. მენყერსა ჰგავდა, ადგილიდან დაძრულს... ერთადერთ ნუგეშად ბიჭები ჰყავდა, როგორიც იყო, ისეთ ძია ედიღეზი იყო. ედიღეზი ყაბულს იყენებდა, განსაკუთრებულ პრობლემებს არ უყენებდნენ. რითი დახმარებოდა, რა მოეტანა, შინ რა ეკირკიმელა მათთვის - ედიღეზისთვის ეს დიდი სიამოვნება იყო მუდამ, ახლაც საზამთროდ კარტოფილი მიჰქონდა მათთვის ორი ტომარა. შეშაც მოუმარაგა...

ბავშვებზე ფიქრი ერთადერთი თავშესაფარი იყო მისთვის, აქ თავის თავს არ ღალატობდა. თვალწინ ედგა, როგორ ჩავიდოდა ბორანლი-ბურანში, როგორ გამოცვივდებოდნენ ბიჭები შინიდან, გაიგებდნენ თუ არა მის ჩამოსვლას, ამ თოვაში უკან ვერც შერეკავდი. მოჰყვებოდნენ ხტუნვა-ხტუნვას: „ძია ედიღეზი ჩამოვიდა ყარანარით, კარტოფილი ჩამოიტანა!“ - როგორ მკაცრად უბრძანებს აქლემს, დანეჭიო, თოვლით დაფარული როგორ ჩამოძვრება თვითონ ყარანარიდან. თოვლს ჩამოიბერტყავს, მოასწრებს და ბიჭებსაც თავზე ხელს გადაუსვამს, მერე კარტოფილის ტომრებს გადმოიღებს, თან თვალს გააპარებს, ზარიფა ხომ არ გამოჩნდაო, შინ თუაო. ედიღეზი ისეთს არაფერს

ეტყვის, არც ზარიფა იტყვის რამეს, მაგრამ შეხედავს ზარიფას და ამითაც კმაყოფილი იქნება - ხოლო თუ ისევ კვნესა დაუნყო გულმა, თუ ნალველმა დარია კვლავაც ხელი, რას იზამ, ამას ვერ გაექცევი. ბიჭები კი იქვე იქნებიან, იქვე იტრიალებენ, ხან მისკენ გამოიქცევიან, ძია ედიღეის მოვეხმაროთო, მიუხედავად შიშისა, აქლემმა არ გვიბღღინოსო. ეს კი ყველა წამებასა და ტანჯვას აუნაზღაურებს ედიღეის...

გულში უკვე ემზადებოდა აბუტალიფის ბიჭებთან შესახვედრად, წინასწარ ფიქრობდა: ახალი რა ეამბნა ამ თავის გაუმძლარი მსმენელებისათვის, როგორც თვითონ ეძახდა. ისევ არალის ზღვაზე? ყველაზე მეტად ხომ ბიჭებს ზღვის ამბები უყვართ, ზღვაზე მომხდარი შემთხვევები, რომელსაც მერე თავისებურად ალამაზებენ, თავისებურად ავსებენ, უთუოდ მამას ხდიან მათ მონაწილედ და თავისდა შეუგრძნობლად, კავშირს არ სწყვეტენ მამასთან, მის ხსოვნას ინარჩუნებენ... ოღონდაც შემოეღია ამბები რაც კი იცოდა თუ გაეგონა ზღვის თაობაზე, ყველაფერი მრავალჯერ ჰქონდა მოყოლილი და გამეორებული, გარდა ოქროს მექრეს ამბისა. ეს კი როგორ მოუყვეს? როგორ აუხსნას, როცა მხოლოდ მან იცის, ამ ძველი ამბის უკან რა იდგა.

ასე მოჰყვებოდა თოვლში, მთელი გზა ფიქრებსა და ეჭვებში გაატარა... მთელი გზა არ შეწყვეტილა თოვა.

იმ დღიდან დაიწყო ზამთარი საროზეჟში, სუსხიანი და ნაადრევი ზამთარი. პირველი დღეებიდანვე მოუჭირა ყინვამ და ბურანელმა ყარანარმაც ისევ აიწყვიტა თავი, ისევ გააფთრდა, ისევ იფეთქა მასში მამრულმა ძალამ. უკვე ვერავინ და ვერაფერი შეაკავებდა, ვერ ხელყოფდა მის თავისუფლებას. პატრონსაც კი უკან უნდა დაეხია, თუ უნდოდა თავი ხიფათში არ ჩაეგდო...

თოვლის წამოსვლიდან მესამე დღეს საროზეჟს ყინვიანმა ქარბუქმა გადაუქროლა. ამ ქარბუქის მერე მაშინვე ყინვის ჯანლი

ჩამონვა ოხშივრის დარად ტრამალზე. ამ სიცივეში შორიდან გესმოდა ყოველი ნაბიჯი, ყოველი ჩქამი, ყოველი შრიალი, გესმოდა საოცრად მკაფიოდ და ნათლად. გადასარბენზე მატარებლების გრიალი მრავალი კილომეტრის იქიდან აღწევდა. როცა განთიადზე ედიღეის ძილში ჩაესმა ბურანელი ყარანარის გამაყრუებელი ღრიალი საჩხეხეში, გაიგონა ღრჭიალ-ღრჭიალით როგორ ამტვრევდა სახლის უკან მესერს, მიხვდა, რა უბედურებაც ეწვია ხელახლა მის სახლს. სწრაფად ჩაიცვა, სიბნელეში გარეთ გავიდა, საჩხეხეს მიადგა და ისე დაუღრიალა ყარანარს, ყინვამ მთელი ყრონტი აუნვა:

- შენ რას სჩადიხარ! ქვეყანა იქცევა ისევ? ისევ შენსას მოჰყევ? ისევ ჩემი სისხლი გინდა დალიო! ჰაი, შე ჰაივანო! გაჩუმი! ხმა ჩაინყვიტე-მეთქი, გესმის. რალაც ძალიან ადრე დამინყე წელს ეგ ამბები. ხალხი არ გააცინო!

მაგრამ ტყუილად ხარჯავდა ედიღეი სიტყვებს. ვნებით გაგიჟებული აქლემი ყურადღებასაც არ აქცევდა. ის თავისას ითხოვდა, ბლადდა, ფრუტუნებდა, კბილებს საზარლად აკრაჭუნებდა, საჩხეხეს ამტვრევდა.

- მაშ, სუნი იკარ? - ახლა ყვედრებაზე გადავიდა პატრონი. ოჰო, გასაგებია, ახლავე დაუყოვნებლივ გინდა გაიქცე, ჯოგს მიაშურო, სუნი იკარ, რომელიღაც ქაიმანჩა¹⁸ ახუნტრუცდაო! ეჰე! ან ნეტა ღმერთმა ასე რად დაგინესათ აქლემების ჯილაგს, რომ წელიწადში მხოლოდ ერთხელ გაგონდებათ ის, რაც ყოველდღე შეგიძლიათ აურზაურისა და აყალმაყალის გარეშე აკეთოთ? მაშინ ვინ იტყოდა რამეს, ვისი რა საქმე იყო! არა, დაიქცა ქვეყანა და ესაა..

¹⁸ ახალგაზრდა ჯამა აქლემი

მშვენივრად იცოდა ბურანელმა ედიღემ, რომ ვერაფერს გააწყობდა, მაგრამ იხტიბარს არ იტეხდა. სხვა რა გზა დარჩენოდა, ტყუილუბრალთა ყვირილს რა აზრი ჰქონდა, - გაალო ისევ საჩხე. ვერ მოასწრო კაცის სიმაღლე მძიმე, ჯაჭვზე დაკეტილი ხერგული ჭიშკრის გაღება, ყარანარი ისე სწრაფად გამოვარდა, ლამის ედიღე არ წააქცია. გააფთრებული ღრიალითა და ბრდღვინვა-ბრდღვინვით გაიჭრა ტრამალში. აყლანცულ ფეხებს განივრად მიიქნევდა, შავ, მკვრივ კუმებს აძიგძიგებდა, წამიც და მის მიერვე აყენებულ თოვლის კორიანტელში თვალს მიეფარა.

- ფუჰ შენი! - მიაფურთხა უკან პატრონმა და გაბრაზებულმა დაუმატა: - წადი, გაიქეც, ჩერჩეტო, არ დაგავიანდეს!

სამუშაოზე დილით უნდა წასულიყო ედიღე. იმიტომაც შეურიგდა ყარანარის ამბოხს. ცოდნოდა, რით დამთავრდებოდა ყველაფერი, როგორ გაუშვებდა - ჭიპზედაც რომ გამსკდარიყო, არამე და არამც არ გაატანინებდა თავისას. მაგრამ მის გარდა ვინ გაუმკლავდებოდა შინ გაცოფებულ ათანს? ასემც უქნია, ჯანდაბაში წასულა. იმედი ჰქონდა, თავისუფლად გაინავარდებს და სისხლი დაუცხრება, დანყნარდებაო...

შუადღისას კი ყაზანგაპი დაადგა თავზე, თანამგრძობელი ღიმილით უთხრა:

- ვერაა კარგად, ბაი, შენი საქმე, ეს წუთია საძოვარზე ვიყავი, შენი ყარანარი, ჩემი აზრით, შორ გზას დაადგა. აქაური ქაიმიანჩები, როგორც ჩანს, აღარ იკმარა.

- სადმე გაშპა თუ? შენ ნუ მემასხრები, მართლა მითხარი.

- რა არი აქ სამამსხრო? ავი გეუბნები, სხვა ჯოგებს მიაშურამეთქი. რალაც იყნოსა პირუტყვმა. სანახავად წავედი, როგორაამეთქი იქ საქმე. დიდ ხევს რომ გავცდი, ვხედავ, ვილაც მორბის ტრამალში, მიწას აზანზარებს - ყარანარია თურმე. თვალეები

გადმოუკარკლავს, ბლავის, რაც შეუძლია, ლორწვო ჩამოსდის პირიდან. ორთქლმავალივით მოქშეის. უკან კორიანტელი რჩება ბუქივით. ვიფიქრე, აქ არ გადამთელოს-მეთქი. ისე ჩამიქროლა გვერდით, თითქოს ვერც შემამჩნია. მაღაყუმდიჩაფის მხარეს გაიქცა. იქ, ხრამის ძირას ჩვენზე დიდი ჯოგებია გაშვებული, აქ ახლა აღარ აინტერესებს. ახლა ფრთები აქვს გაშლილი, მონიფა ყმანვილი.

ედილეი მართლა შეწუხდა. იცოდა, რამდენი უსიამოვნება და დავიდარაბა შეხვდებოდა.

- კაი კაი, დანყნარდი. იქაც აღმოჩნდება მამალი ათანები, შავ დღეს დააყრიან, კუდამოძუებული დაბრუნდება ნაცემი ძალივით. სად წავა, - დაამშვიდა ყაზანგაპმა.

მეორე დღიდან კი უკვე მოდიოდა და მოდიოდა, როგორც ფრონტიდან, ბურანელი ყარანარის საგმირო საქმეებზე ცინცხალ-ცინცხალი ამბები. სურათი საკმაოდ უნუგეშო გახლდათ. ბორანლი-ბურანზე მატარებელი არ გაჩერებულა, მემანქანეს, მეცეცხლურსა თუ გამყოლს მაშინვე არ ჩაეკაკლათ ედილეისთვის, როგორ აწიოკებდა სხვა სადგურებსა და ასაქცევებზე მყოფ აქლემთა ჯოგებს ყარანარი. თურმე მაღაყუმდიჩაფის ასაქცევზე ყარანარს ორი ათანი სიკვდილის პირამდე მიუყვანია წიხლების - ცემით და ტრამალში გაუტაცნია ოთხი დედალი. პატრონებს ძლივს წაურთმევიათ თავიანთი ჯამა აქლემები, ჰაერში უსვრიათ თოფები. მეორე ადგილას ყარანარს ჯამა აქლემიდან ჩამოუგდია პატრონი. იმ ყეყჩმა თურმე ორი საათი უცადა, იფიქრა, გულს მოიჭერებს ათანი და ჩემს ჯამას უკან დამიბრუნებსო, თუმცა მის ჯამას სულაც არ უფიქრია ამ თავხედის მოშორება. ბოლოს, როცა პატრონი თავის ჯამას მიუახლოვდა იმ განზრახვით, შევკდები და შინ დავბრუნდებიო, ყარანარი მხეცივით ებდღვნა და იფრინა - ალბათ კიდევაც გაქელავდა, პატრონს რომ

არ ემარჯვა, ღრმა ნაღვარევი არ ჩამხტარიყო და, ცოცხალ-
მკვდარი, თაგვივით არ გატრუნულიყო იქა. როცა გონს მოვიდა
და ხევ-ხევ იმ ადგილს შორს გასცილდა, სადაც ბურანელ ყარა-
ნარს შეხვდა, გახარებული გაეჩქარა შინ, კიდეც კარგი, ცოცხა-
ლი გადავრჩიო.

საროზეჯის ზეპირი ტელეფონით სხვა ამბებიც ბლომად მო-
დიოდა ყარანარის მძვინვარე ლაშქრობის თაობაზე. მაგრამ
ყველაზე შემაშფოთებელი და მრისხანე ცნობა წერილობით მო-
ვიდა აქ-მოინაქის ასაქცევიდან. აბა, უყურე, სად გაუტეგია ამ
ქაჯს, სადგურ ქუმბელს იქით! იქიდან გამოეგზავნა თავისი უსტა-
რი ვინმე კოსპანს. აი, რა ეწერა ამ ღირსშესანიშნავ ბარათში:

„სალემ, პატივცემულო ედილეი-ალა! მართალია, საროზე-
ჯი ცნობილი კაცი ხარ, მაგრამ უსიამო ამბები მაინც უნდა გამ-
ცნო. მე მეგონა, კაი მაგარი ვაჟკაცი იყავი, მეტი ძალა გქონდა.
ასე როგორ გააქსუე ეს ავაზაკი ყარანარი? შენგან ამას არ მო-
ველოდით. აქ დიდი შიში გვაჭამა ყველას. დაგვისახიჩრა ათანე-
ბი, სამი ყველაზე კარგი ჯამა მოგეტაცა და წაიყვანა. თან მართო
კი არ მობრძანდა, შეკაზმული ჯამაც მოიყოლია, ეტყობა, მისი
პატრონი გზაში ჩამოაგდო, თორემ უნაგირით რად გვესტუმრე-
ბოდა ეს უცხო ჯამა აქლემი. ჰოდა, წაასხა ის ოთხი ჯამა ტრა-
მალში და ახლოს არავის გვიშვებს. არც ადამიანებს და არც პი-
რუტყვს. რას ჰგავს ეს ამბავი? ერთმა ჩვენმა ახალგაზრდა ათან-
მა უკვე შენი ჭირი წაიღო, ნეკნები აღმოაჩნდა ჩამტვრეული. ვი-
ფიქრე, სროლით მაინც დავაშინებ ყარანარს, მოვაშორებ-მეთქი
იმ ჩვენს ჯამა აქლემებს, გაგიგონია! არაფრისაც არ უშინია. მზა-
დაა ყველა ცოცხლად დაგლიჯოს და შეჭამოს, ოღონდაც საქმე-
ში ხელი არ შეეშალოს. არც ჭამს, არც სვამს, დღედაღამ მძვინ-
ვარებს, მიწა ზანზარებს მაგის წყალობით. გული აგერევა, ისე
გამხეცებით იქცევა. თან ისე ბლავის, გეგონება, ქვეყანა იქცევაო,

მთელი ტრამალი გადააყრუა. დაგვეტანჯა ხალხი! მე მგონი, ასე წელი შეუსვენებლივ გააგრძელებს ამ საქმეს. ეგეთი ღვთის პირისაგან შეჩვენებული არავინ მინახავს. ჩვენს დაბაში ყველა შეშინებულია, ქალები, და ბავშვები შორს ვეღარ წასულან. ამიტომ გთხოვ, დაუყოვნებლივ ჩამოხვიდე და ეგ შენი ყარანარი წაიყვანო. გაფრთხილებ, ერთი დღის შემდეგ არ ჩამოსულხარ და ეგ ღვთის რისხვა არ მოგიშორებია ჩვენთვის, ნულა გაგვინაწყენდები, ედილეი-ალა. მე ისეთი თოფი მაქვს, დიდ დათვისაც კი გააგორებს. მოწმეებს დავისწრებ, მაგ წყეულს თავს გავუხვრეტ და საქმეს მოვრჩები. ტყავს კი სატვირთო მატარებლით გამოგიგზავნი, იმას არ მიფხედავ, ბურანელი ყარანარი რომ ბრძანდება. იცოდე, ჩემი სიტყვა სიტყვაა. ჩამოდი, ვინემ გვიან არაა.

შენი აქ-მოინაქელი ინი¹⁹ კოსპანი“.

აი, რა ამბები დაატრიალა ყარანარმა, რა ვუყოთ, რომ წერილს ვილაც უხიაკი იწერებოდა, მუქარა სახუმარო არ იყო. ითათბირეს ედილეიმ და ყაზანგაპმა და გადაწყვიტეს, რომ ედილეი დაუყოვნებლივ გაემგზავრებოდა აქ-მოინაქის ასაქცევზე.

მაგრამ თქმა ადვილია, შენ საქმე თქვი. ჯერ აქ-მოინაქამდე ჩაალწიე, მერე ყარანარი დაიჭირე ტრამალში და შემდეგ ამ ყინვებში უკან დაბრუნდი. იქნებ ქარბუქიც ატყდეს გზაში. რა თქმა უნდა, ყველაფერს სჯობდა თბილად ჩაეცვა ედილეის, სატვირთოთი გამგზავრებულიყო აქ-მოინაქში, იქიდან კი აქლემით წამოსულიყო. მაგრამ, ვინ იცის, რა სიშორეზე ჰყავს გატაცებული თავისი ჰარემი ყარანარს, თანაც, წერილზე ეტყობა, აქ-მოინაქელები ისე არიან გაცეცხლებულნი, შეიძლება აქლემიც არ ათ-

¹⁹ უმცროსი ძმა, ნათესავი თუ თვისტომი

ხოვონ და უცხო მხარეში ფეხით მოუწიოს ყარანარის დევნა იმ თოვლის ნამქერებში ედილეის.

დილას გაუდგა გზას ედილეი. უქუბალამ საგზალი მოუმზადა. ედილეიმ თბილად ჩაიცვა, დაბამულ შარვალსა და ქურთუკზე ტყაპუტი მოისხა, ფეხზე თექის ჩექმები ჩაიცვა, თავზე მელიის სამყურა ქუდი დაიხურა, აღარა მხრიდან არ დაუბერავდა ქარი - მთელი თავ-კისერი ბენვით ჰქონდა დაფარული - ხელებზე თბილი ხელჯაგები წამოიცვა. აქლემს რომ უნაგირს ადგამდა, აბუტალიფის ბიჭებმაც მოირბინეს. დაულმა ხელით ნაქსოვი შარფი გაუნოდა:

- ძია ედილეი, დედამ თქვა, კისერი არ გაუცივდესო.
- კისერი კი არა, ყელი-თქო, დაულ.

გახარებულმა ედილეიმ ბიჭები ჩაიხუტა, დაკოცნა; ისე აუჩუყდა გული, ხმა ვეღარ დაძრა. ბიჭივით ცას ეწია სიხარულით - ზარიფამ პირველად გამოიჩინა ასეთი ყურადღება.

- დედას უთხარით, - დააბარა ბიჭებს წასვლის წინ. - მალე მოვბრუნდები. ღმერთმა ქნას, იქნებ ხვალეც დავბრუნდე. ერთ წუთს ზედმეტს არ გავჩერდები, მაშინ ყველა თავს შევიყრით და ჩაის ერთად დავლევთ.

ჰოი, როგორ უნდოდა ბურანელ ედილეის ჩქარა მიეღწია იმ უკუღმართ აქ-მოინაქამდე და ჩქარა მობრუნებულიყო შინ, ზარიფა ენახა, თვალეებში ჩაეხედა მისთვის და დარწმუნებულიყო, ეს შარფი, რომელიც მან ფრთხილად დაკეცა და პიჯაკის უბის ჯიბეში ჩაიღო, შემთხვევით არ მოექსოვა ზარიფას. როცა გზას გაუდგა და მერეც, როცა სახლს კარგა შორს გასცილდა, ძლივს შეიკავა თავი უკანვე არ გამობრუნებულიყო. ჯანდაბამდიც წასულა ის გაცოფებული ყარანარი, დაე მოჰკლას იმ ვიღაც კოსპანმა და ტყავი გამოუგზავნოს მისი, ბოლოს და ბოლოს რამდენი შეიძლება ელოლიავოს ამ გაველურებულ აქლემს.

დაე, დასაჯოს განგებამ! კი, კი, დასაჯოს! ახია მაგაზე! აი რას ფიქრობდა ცხელ გულზე! მაგრამ შერცხვა, მიხვდა, რომ წმინდანყლის ტუტუცად გამოჩნდება, თავი მოეჭრება ხალხის, უქუბალასა და თვით ზარიფას თვალშიც. მიხვდა და დაცხრა, დაწყნარდა. თავი დაირწმუნა, ერთადერთი გზა მოუთმენლობის მოსათოკავად ადგილზე სწრაფად მისვლა და სწრაფადვე უკან დაბრუნებაა. ამ ფიქრით მიერეკებოდა კიდევ ჯამა აქლემს. საკმაოდ ყინავდა. ქარი თანაბრად, მაგრამ კარგა ძლიერად ბერავდა. ჭირხლით უფარავდა თავ-პირს, მეტადრე მელის ბენვს. ასეთივე თეთრი ჭირხლით იფიფქებოდა ჯამა აქლემის ნასუნთქი, შლეიფივით დაფენოდა კისრიდან ჯიდაომდე. ზამთარი ძალაში შედიოდა. ჯანღმა დაფარა შორეთი. ახლოს თითქოს არაა ჯანღი, გაიხედავ - და დასალიერი ნისლს დაუფარავს. მიდიოდა ედილეი და ნისლიც ადგილს იცვლიდა, იმდენზე იხევდა უკან, რამდენზედაც მგზავრი უახლოვდებოდა. უდაბური და გოროზი იყო ზამთარში საროზეცი, თეთრად გარინდულიყო ამ თოვლსა და ქარში.

ახალგაზრდა ჯამა საკმაოდ ჩქარა მიჩიქჩიქებდა, მხნედ მიარღვევდა ტრამალს. მაგრამ ედილეი მაინც არ იყო კმაყოფილი. აბა ერთი ყარანარით ემგზავრა, მაშინ სულ სხვა იქნებოდა! იმას სუნთქვაც უფრო ძალუმი ჰქონდა და ნაბიჯიც გაცილებით ფართე. ტყუილად კი არ უთქვამთ ძველად:

ის ცხენი ამ ცხენს ნეტა რითი სჯობს?

ნაბიჯითა სჯობს,

ბათირი ბათირს ნეტა რითი სჯობს?

ჭკუით, გონით სჯობს...

გზა შორი იყო და ამ შორ გზაზე ეულად, მარტოს უნდა ევლო. ზარიფას ნაჩუქარი შარფი რომ არა, მართლაც ძალიან და-

იღლებოდა ედიღეი. ხომ თითქოს უბრალო რაღაც იყო, მაგრამ მთელი გზა გრძნობდა უბეში იმ შარფს ედიღეი. ამდენი ეცხოვრა და კი არ ეგონა, საყვარელი ქალისაგან ნაჩუქარ მისთანა წვრილმანს ასე თუ შეეძლო გაეთბო გული. მთელი გზა ამან გააძლებინა. ჩააცურებდა ხელს უბეში, შარფს მოეფერებოდა და ნეტარებით იღიმებოდა. მაგრამ მერე ფიქრმა შეიპყრო. რა ქნას, შემდეგ როგორ მოიქცეს? მართლა ჩიხშია მოქცეული. რა ილონოს? ცოცხალ ადამიანს წინ მიზანი უნდა ჰქონდეს და ამ მიზნის მისაღწევი გზაც იცოდეს. მაგრამ რომ არც ერთი აქვს და არც მეორე, ამის გაფიქრებაზე მწუხარებით ენისლებოდა მზერა ბურანელ ედიღეის, მღუმარე საროზეჩის სუსხიანი ჯანლით მოსილი შორეთის მსგავსად. პასუხს ვერ პოულობდა გულს ასკდებოდა იმედს ჰკარგავდა და კვლავაც ისევ უიმედო ოცნებებს ეძლეოდა.

ხანდახან კი მართლა ზარავდა ეს მღუმარება და მარტობა, რად არგუნა ბედმა ასეთი ხვედრი: რად მოიყვანა საროზეჩში? ან ეს უბედური, ბედისგან დევნილი ოჯახი რად გადმოაგდო ბორანლი-ბურანში? არ მომხდარიყო ეს ყველაფერი - არხეინად იცხოვრებდა ედიღეი. არ გაიტანჯებოდა და განამდებოდა. მაგრამ არა, შეუძლებელი მოინდომა, გაურჩდა სული მისი, არაფრის შესმენა არ უნდა... ამას კიდევ ეს ყარანარიც დაემატა, ეს ღვთის რისხვა, ეს ჭირი და უბედურება. არა, ბედი არ წყალობს ცხოვრებაში, მართლა, მართლა არ წყალობს ბედი...

თითქმის ბინდისას ჩააღწია ედიღეიმ აქ-მოინაქში. მოქანცა ამ შორმა, თანაც ზამთრის გზამ ჯამა აქლეში.

აქ-მოინაქი ისეთივე ასაქცევი იყო, როგორც ბორანლი-ბურანი. ოღონდაც წყალი თავისი ჰქონდათ აქაურებს, ჭისა. თორემ სხვა მხრივ იგივე საროზეჩი იყო.

აქ-მონინაქს რომ მიუახლოვდა, ქუჩის პირას შეხვედრილ ბიჭს ჰკითხა ედილეიმ, კოსპანი სად იქნებაო. თურმე სამუშაოზე ყოფილა კოსპანი, ასაქცევებზე მორიგეობდა. ედილეიმაც იქით მიმართა თავისი გზა. სამორიგეოსთან ის იყო აქლემიდან უნდა ჩამოსულიყო, როცა პარმალზე შუა ტანის, ცქვიტი, ეშმაკურად მოლიმარი კაცი გამოვიდა, თითქოს სხვისი ტყაპუჭი ეცვა, გაცვეთილი თექის ჩექმები, ძველი სამკუთხა ქუდი კინკრიხოზე მოეგდო.

- ოჰო, ედილეი-ალა მობრძანებულა! ჩვენი ძვირფასი ბორანლელი-ალა - ხელად იცნო მან ედილეი და პარმალიდან ჩამოგორდა. - ჩვენ კი გელით და გელით. თავს ვიმტვრევთ ფიქრით, ჩამოვა თუ არ ჩამოვაო.

- ისეთი მუქარის წერილი გამოაგზავნეთ, - ჩაეცინა ედილის, - აბა ერთი ნუ ჩამოსულიყავ.

- მეტი რა ჩარა იყო!.. წერილს რა უშავს, ედილეი-ალა, წერილი ქალაღია. აქ ისეთი დღე გვადგას, თუ ჩქარა არ მოგვაშორე ეგ შენი ყარანარი, ხალხი ალყაში ვართ რალა მოქცეული. ტრამალს ვერ გავკარებთ. შორიდან თუ ვისმეს მოჰკრა თვალი - ცოფიანივით მორბის, მზადაა სახიჩრად გაქციოს! ეს რა ჭირი და ნაცილია! ასეთი ათანი ღმერთმა მტერსაც ნუ შეახვედროს. - კაცი გაჩუმდა, აქლემზე შემჯდარი ედილეი შეათვალიერა და დასძინა: - ეს კი არ ვიცი, რითი მოარჯულებ, ნეტა შიშველი ხელით ხომ არა!

- შიშველით რატომ? აი, ჩემი იარაღი, ედილეიმ ხურჭინიდან ტარზე დახვეული მათრახი ამოიღო.

- მაგ შოლტით?

- აბა ზარბაზნით ხომ არ გინდა აქლემს ვეომო?

- ჩვენ თოფებითაც ვერ გავვიბედავს მიახლოება. რა ვიცი, იქნებ კი გიცნოს პატრონი... თუმცა არა მგონია, ჩინი აქვს და-კარგული...

- ვნახოთ აბა, მიუგო ედილეიმ, დრო რად დავკარგოთ. ალბათ შენა ხარ სწორედ კოსპანი. თუ ასეა, გამიძეხ, მაჩვენე, სადაა, და მერე მე ვიცი.

- ეგ არც ისე ახლოა, - თქვა კოსპანმა და ირგვლივ მიმოიხედა, მერე საათს დააცქერდა. - იცი, რას გეტყვი, ედილეი-ალა, ახლა უკვე გვიანია. სანამ იქ მივალთ, დაგვალამდება. ამ ღამეში კი სად წახვალ მერე? არა, ასე არ გამოვა. შენისთანა კაცი, ედილეი-ალა, ყოველთვის როდი ესტუმრება ადამიანს. უნდა ჩვენსა წამოხვიდე. დილას კი, რაც გინდა, ის ჰქენი, ნება შენია.

საქმის ასე შეტრიალებას ედილეი არ მოელოდა. მისი ანგარიშით, თუ დღესვე მოახერხებდა ყარანარის დაჭერას, ამ ღამესვე ჩავიდოდა ქუმბელში, იქ, სადგურზე ნაცნობებთან გაათევედა ღამეს და დილაუთენია შინისკენ გასწევდა. კოსპანმა რომ შეატყო, ედილეი დღესვე აპირებს უკან გაბრუნებასო, ქვა აავლო და თავი შეუშვირა.

- ეგ არც იფიქრო ედილეი-ალა, წერილზე სხვა გამოსავალი არ გვქონდა. სიცოცხლე გავვიმწარა მაგ შენმა აქლემმა. ახლა კი არამც და არამც არ გავიშვებ. ღმერთმა ნუ ქნას რამე დაგემართოს ამ ზამთრის ღამეს უდაბურ ტრამალში, ხომ პირშავად დავრჩი მთელი საროზექის წინაშე. არა, უნდა დარჩე, დილას კი შენი ნებაა. აგერ ჩემი სახლი, განაპირას დგას, კიდე საათნახევარი მიკლია მორიგეობის გათავებამდე. ჩემი სახლი შენად იგულე, მოეწყვე, როგორც გინდა. ჯამა აქლემი საჩხეში შეიყვანე. საჭმელიც იქაა. წყალი ჩვენი გვაქვს, სულო და გულო, რამდენიც გინდა.

მალე დაბნელდა ზამთრის დღე. კოსპანი და მისი ოჯახი საოცარი ხალხი გამოდგა. კოსპანის მოხუცმა დედამ, ცოლმა, ხუთი წლის ბიჭმა (უფროსი გოგონა თურმე ქუმბელის ინტერნატში სწავლობდა) და თვითონ კოსპანმა აღარ იცოდნენ, რითი ესამოენებინათ სტუმრისათვის. სახლი გაღუმღუმებული იყო, იდგა ერთი ფაციფუცი, სამზარეულოში საზამთროდ დაკლული საქონლის ხორცი იხარშებოდა. მანამდე კი ჩაი შესვეს. კოსპანის მოხუცი დედა ფიალაში თავისი ხელით უსხამდა ჩაის ედიღეის და ეკითხებოდა ოჯახის, შვილების, ცხოვრების, ამინდის ამბებს, საიდან იყო წარმოშობით, რომელი გვარისა და ტომისა. თავის მხრივაც მოჰყვა, როდის და რატომ ჩამოვიდნენ აქ-მოინაქის ასაქცევზე. ედიღეი ხალისით პასუხობდა, უქებდა ერბოს, რომელშიც ცხელ-ცხელ ლავაშის ნაჭრებს ანობდა და ისე გიახლებოდათ, ძროხის ერბო საროზექში იშვიათი ხილი არისო, იძახდა, ცხვრის, თხის, აქლემის ერბოც კარგია, მაგრამ ძროხისა ყველას სჯობიაო. ეს ერბო თურმე ნათესავებს გამოუგზავნიათ კოსპანის ოჯახისათვის ურალიდან. ედიღეი მაღიანად მიერთმევდა ერბოში ჩანობილ ლავაშს, ირწმუნებოდა, ასე მგონია, მინდვრის ბალახის სუნი მომდისო, და ისე მოინადირა მოხუცი ქალის გული ამ სიტყვებით, რომ ისიც მოჰყვა თავისი მშობლიური მხარის - იაიკციხის²⁰ მინების, იქაური ბალახის, ტყეებისა და მდინარეების ამბავს...

ამასობაში ასაქცევის უფროსი ერლეფესიც მოვიდა. იგი კოსპანს დაეპატიჟა ედიღეის საპატივსაცემოდ. ერლეფესის მოსვლის შემდეგ, რა თქმა უნდა, ლაპარაკი სამსახურის, ტრანსპორტის, თოვლის ნამქერების თაობაზე ჩამოვარდა. ედიღეი ადრევეც იცნობდა ერლეფესს - დიდი ხანია აქ მუშაობდა რკი-

²⁰ ასე ეძახდნენ ყაზახები წინათ მდინარე ურალს

ნიგბაზე - ახლა კი უფრო ახლოს გაეცნო. ერლეფესი ედილეიზე უფროსი იყო. აქ-მოინაქის ასაქცევის უფროსად ომის დამთავრების შემდეგ დაენიშნათ და, ეტყობა, ხალხის პატივისცემაც მოეხვეჭა.

გარეთ უკვე ღამე იდგა. ბორანლი-ბურანივით აქაც წამდაუნუმ მიგრიალეზდენ მატარებლები, ზრიალებდა ფანჯრები, დარაბებში სტვენდა ქარი. და თუმცა აქაც საროზეფის რკინიგზა გადიოდა, მაინც ადგილიცა და ხალხიც სხვა იყო. აქ ედილეი სტუმარი გახლდათ, იმ შეთი ყარანარის გამო ჩამოსული, მაგრამ მაინც სტუმარი, რომელსაც პატივით შეხვდნენ.

ერლეფესის მოსვლის შემდეგ ედილეიმ კიდევ უკეთ იგრძნო თავი. იგი ჭკვიანი მოსაუბრე გამოდგა, კარგად იცოდა თურმე ძველი ყაზახური თქმულებები. მალე საუბარი ძველ დროზე გადავიდა, სახელოვან ადამიანებზე, საყოველთაოდ ცნობილ ამბებზე. იმ საღამოს ძალიან მოეწონა ედილეის თავისი აქ-მოინაქელი ახალი მეგობრები, მოეწონა არა მარტო მათი საუბარი, არამედ სტუმართმოყვარეობა და კარგი სასმელ-საჭმელი. შეციებულმა და მგზავრობით დაღლილმა ედილეიმ ნახევარი ჭიქა არაყი შესვა, პატარა, დაბალ მაგიდაზე დაწყობილი კერძებიდან მზეზე გამხმარი ორკუჩი - კოზაკის კუზის ქონი მიატანა, მთელ სხეულში საამო სითბომ დაუარა, სული და გული მოულობო, დაუნყნარა. ოდნავ ბარხოში მოეკიდა ბურანელ ედილეის, გამოცოცხლდა, ღიმი მოეფინა სახეზე. ერლეფესმაც შესვა სტუმრის პატივსაცემად და ისიც გახალისდა. იმიტომაც სთხოვა კოსპანს:

- ღვთის გულისათვის, წადი და ჩემი დომბრა მომიტანე, კოსპან.

- მაგას რა აჭობებს, - მოუწონა ედილეიმ. პატარაობიდანვე მშურდა იმათი, ვინც დომბრაზე უკრავდა.

- დიდი დამკვრელი არა ვარ, ედილეი, მაგრამ შენი ხათრით ზოგ რასმე გავიხსენებ. - ერლეფესმა პიჯაკი გაიხადა და ხალათის სახელოები დაიკაპინა.

ცქვიტი, სიტყვაუხვი კოსპანისაგან განსხვავებით ერლეფესი თავშეკავებული ჩანდა, ზორბა ტანი და ვეება სახე რწმენას გინერგავდა მისას. რა წამს დომბრა ხელში აიღო, დადინჯდა, თითქოს ყოველდღიურობას რალაც მანძილით გაცილდა. ასეა ხოლმე, როცა კაცი თავისი გულის ხვაშიადის გასამჟღავნებლად გაემზადება. დომბრის აწყობისას ერლეფესმა ბრძნული მზერა მიაპყრო ედილეის, ერთხანს უყურა ასე. მის შავ, წამოზიდულ დიდრონ თვალებში სინათლის ათინათი ზღვასავით ირეკლებოდა, ხოლო როცა სიმებს ჩამოჰკრა, როცა მისმა გრძელმა თითებმა აღმა-დაღმა დაურბინა დომბრას, ბგერების მთელი კონა დააფრქვია და იმავე დროს ბგერების ახალ კონათა ნასკვი გაკვანძა, რომელთაც შემდეგ, თემის განვითარებისას, უხვად მოსწყვეტდა სიმებს, მიხვდა ბურანელი ედილეი, რომ არც ისე იოლად დაუჯდებოდა ამ მუსიკის სმენა. რადგან მხოლოდ წამით გაერთო, წამით გადაიყარა თურმე ჯავრი სტუმრად ყოფნისას. დომბრის სიმების პირველმავე ჟღერამ კვლავ დაუბრუნა თავის თავს, კვლავ მწუხარებისა და ვაების მორევში ჩასძირა. რამ აღუძრა ეს გრძნობა? მაშ უკვე ადრევე უწყოდნენ ამ მუსიკის შემქმნელებმა, რა იქნებოდა ბურანელი ედილეის თავს, რა სიძნელებების, რა ტანჯვის გადატანა ეწერა ბედის წიგნში? თორემ საიდან იცოდნენ, რას იგრძნობს იგი, როცა თავის ამბავს მოისმენს ერლეფესის დომბრის ჟღერაში? აღზევდა ედილეის სული, ზეაფრინდა, აკვნესდა, და მყის განიხვნა სამყაროს ყველა ბჭენი, ბჭენი სიხარულის, მწუხარებისა და ფიქრის, გაურკვეველი სურვილებისა და ეჭვების...

მართლა დიდებულად უკრავდა ერლეფესი დომბრაზე, ძველ განცდებს ძველად საცხოვრები ხალხისას აცოცხლებდა სიმები და, ვით კოცონში აბრიალებული შეშა, აალებულ სულს გზას უხსნიდა. ედილეი კი უბეში ჩამალულ შარფს ეფერებოდა, იმ ქალზე ფიქრობდა, ვინც მას უყვარდა, ვისზე ფიქრი მისთვის ნეტარებაც იყო და ტანჯვაც, ვის გარეშეც სიცოცხლე არ შეეძლო, ვინც მუდამ, დაუფიქრებლად, შეუნელებლად, უსაზღვროდ ეყვარებოდა, რადაც უნდა დაჯდომოდა. ამაზე ჟღერდა ერლეფესის ხელში დომბრა ხან ნელიად, ხან აგზნებით, ჰანგი ჰანგს ცვლიდა, და ედილეის სულსაც ნავივით მიაცურებდა ბგერათა ტალღებზე. ფიქრით ისევ არალის ზღვაზე გაჩნდა, გაახსენდა ზღვის უხილავი დინებანი ნაპირების გასწვრივ, რომელთა მიმართულეობას ქალის თმასავით გაშლილი გრძელი და ხშირი წყალმცენარენი გამცნობდა. ოდესღაც უქუბალასაც ასეთი თმა ჰქონდა, მუხლს ქვემოთ სცემდა, როცა უქუბალა ზღვაში ბანაობდა, მის გრძელ თმას წყალი განზე მიაცურებდა, როგორც წყალმცენარეებს ზღვის დინება. ბედნიერად კისკისებდა მაშინ უქუბალა, ლამაზი, შავგვრემანი უქუბალა.

სული გაუნათდა, გულში სინაზე ჩაეღვარა ედილეის დომბრის სმენისას. თუნდაც ამიტომ ღირდა თოვლიან საროზეჟში მთელი დღე მგზავრობა. „კაი ქნა ყარანარმა, აქეთ რომ გამოუტია. - გაივლო გუნებაში, - თავადაც აქ ამოჰყო თავი და მეც მომიტყუა, მაიძულა ჩამოსვლა. ერთხელ მაინც დავიტკბობ სულს დომბრის ჟღერით. აფერუმ, ერლეფეს! რა ოსტატი ყოფილხარ თურმე! მე კი არა მცოდნია...“

უსმენდა ერლეფესს ედილეი და თავისას ფიქრობდა, გარეშე თვალით ლამობდა შეეხედა თავისი ცხოვრებისათვის, ამაღლებულიყო მასზე, ვით ძერა აფრინდება ხოლმე ყრიყინ-ყრიყინით მალლა-მალლა ტრამალიდან, ფრთებგაშლილი ნა-

ვარდობს ჰაერის ნაკადებს მიწებებული და იქიდან დაჰყურებს ქვეყნიერებას. ვეებერთელა ზამთრის საროზი გაცემულია ძირს. იქ, სადაც შეუმჩნევლად უხვევს რკინიგზა, რამდენიმე პატარა სახლი მიყუჟული და სინათლე ციმციმებს - ეს ბორანლი-ბურანია. ერთ-ერთ სახლში უქუბალაა თავისი გოგოებით, ახლა ალბათ სძინავთ უკვე. თუმცა უქუბალას იქნებ არც სძინავს. ალბათ რაღაცას ფიქრობს. გულმა უგრძნო ალბათ რაღაცა. მეორე სახლში კი ზარიფაა თავისი ბიჭებით. ზარიფას დასტურ არ სძინავს. უძძიმს. ძალიან უძძიმს ზარიფას, რა ლაპარაკი უნდა. მომავალშიაც რამდენი გაჭრევა და ჯავრი ელის - ბიჭებმა ხომ მამის ამბავი ჯერ არ იციან, არადა სიმართლე როდემდე გინდა დაუმალო...

ალბათ ახლა, ამ ღამეში იქ მატარებლები მიგრიალებენ შუქის ბრდღვიალით, თოვლის კორიანტელს აყენებენ. რა ბნელი, რა გაუთავებელი ღამე დგას ირგვლივ. იმ ადგილიდან არც ისე შორს, სადაც ახლა ედილეი სტუმრობს და დომბრას უსმენს, წყვდიადში ჩაფლულ ტრამალზე, თოვლსა და ქარში გახელებული ყარანარი ფხიზლობს. იმას ძილისა და მოსვენებისთვის არა სცალია. მაინც როგორაა ეს ბუნება მონყობილი. მთელი წელი ძალას იკრებს ყარანარი, მთელი დღეები გადაბმით საჭმელს იგროვებს, გაუთავებლივ იცოხნება ძლიერი ყბებით, სტომაქიც ამის შესაბამისად აქვს მონყობილი, რომ ჯერ დაუღეჯავი საჭმელი დააგროვოს და მერე ხელმეორედ ღეჭოს და ცოხნოს. ჰოდა, აქლემიც დღედაღამ ცოხნის სიარულის დროსაც და ძილშიაც, რათა ძალა მოაქუჩოს და დაიგროვოს კუბებში. ავი რაც უფრო მკვრივი და მაგარია კუზი, რაც უფრო მეტი ქონია შიგ, მით უფრო ძლიერია მამალი ზამთრის მძუნაობისას; მაშინ არც თოვლის ეშინია და არც სიციცის, არც პატრონისა და მით უმეტეს უცხო ხალხისა, მაშინ მძვინვარებს და ბობოქრობს იგი, დაუც-

ხრომელი ძალით დამთვრალი, მაშინ მეფეა და უფალი, არც დალლა იცის და არც შიში, მისთვის აღარაფერი არსებობს ქვეყნად, არც საჭმელი და არც სასმელი, გარდა ერთისა, დაიცხროს და დაიკმაყოფილოს თვისი დაუძლეველი ჟინი და ვნება. აკი ამად ცოცხლობდა მთელი წელი აკი იმიტომაც იგროვებდა ძალას დღიდან დღემდე. იმ დროს, როცა ბურანელი დიდი სითბოსა და პატივში ზის სტუმრად და დომბრას უსმენს, სადღაც ამ მიდამოში, ნისლიან ღამეში, მთვარის შუქით დაფენილ თოვლზე დაძრწის ახურებული ბურანელი ყარანარი, სისხლის ყივილს მინდობილი. დაჰკანკალებს სასურველ ჯამა აქლემებს, არ აკარებს არც ნადირსა და არც ფრინველს, მთელი ხმით ბლავის და მუქარით ატოკებს შავ ბანჯგვლიან წვერს.

ამაზედაც ფიქრობდა ედიღეი დომბრის სიმების ხმაზე...

მუსიკა დააფრენდა მის ფიქრებს ხან ნამყოში, ხან აწმყოში მერე კვლავ ნამყოში, ხვალინდელ დღესაც სწვდებოდა ფიქრი, უცნაური სურვილი გაეღვიძა გულში - დაეფარა, დაეცვა საფრთხისაგან ყოველივე, რაც მისთვის ძვირფასი იყო, მთელი ეს ქვეყნიერება, რათა უბედურება არავის და არაფერს სწვეოდა: რაღაც გაურკვეველი გრძნობა, რომ დამნაშავეა იმათ წინაშე, ვისაც ბედმა ცხოვრებაში გადაჰყარა, იდუმალი ნაღველით უფსებდა გულს...

- ჰაუ, ედიღეი, - გამოსძახა ერლეფესმა ჩაფიქრებული ღიმილით და მიჩუმებულ სიმებს წელა ჩამოჰკრა თითები. - ვინ იცის, გზამ დაგღალა, მოსვენება გინდა, მე კი დომბრას ვაჟღრიალებ აქა.

- რას ამბობ, ერლიქე, გულწრფელად შეცბა ედიღეი და ხელები გულზე მიიღო, - პირიქით, რა ხანია ასე კარგად არ მიგრძვნიხარ თავი. თავად თუ არ დაღლილხარ, მადლი ჰქენ, დაუკარ.

- მაინც რა გინდა?

- შენ უკეთ იცი, ერლიქე, ოსტატმა თვითონ უწყის, რა უფრო ემარჯვება. რა თქმა უნდა, ძველებური სიმღერები - ისინი უფრო ახლოა სულთან. არ ვიცი, რატომ, და გულში გწვდებიან, გაფიქრებენ.

ერლეფესს ჩაელიმა.

- ჩვენი კოსპანიც ეგრეა, - გადახედა მან უჩვეულოდ გალურსულ კოსპანს. - დომბრის ხმაზე ლამის დნება კაცი, სულ სხვანაირი ხდება. ხომ ასეა, კოსპან? მაგრამ არ კი დაიფიქრო, რომ დღეს სტუმარი გვყავს. ცოტა დაგვისხი.

- ახლავე, - გამოცოცხლდა კოსპანი და ჭიქები ხელახლა შეაფსო.

დალიეს, საჭმელიც მიატანეს. მერე ერლეფესმა ისევ აიღო დომბრა, ისევ ჩამოჰკრა და შეამოწმა, თუ სიმები ხმაშენწყობით უღერსო.

- რახან ძველებური სიმღერები გყვარებია, - უთხრა მან ედილეის, - ერთ ამბავს მოგაგონებ, ედიქე, მოხუცებიდან ბევრმა იცის და ალბათ შენც იცი. თქვენი ყაზანგაპი მშვენივრად ჰყვება, მაგრამ ის ჰყვება, მე კი დავამღერებ დომბრაზე თეატრს გავმართავ შენდა საპატივცემოდ, ედიქე. „სიტყვა, ნათქვამი რაიმალი-ალას მიერ თავის ძმა აბდილხანისადმი“.

ედილეიმ მადლიერად დაუქნია თავი. ჩამოჰკრა სიმებს ერლეფესმა, სიმღერას ესოდენ კარგად ნაცნობი შესავალი წაუძღვარა. და კვლავ აკვნესდა ედილეის სული, რამეთუ ყოველივე, რასაც ეს ამბავი ჰყვებოდა, ამჯერად გასაოცარი კაეშნითა და გრძნობით გაუხმიანდა სულში.

ჟღერდა დომბრა, დაბალი ხმით ბანს აძლევდა ერლეფესი, დასტურ შესაფერისად სახელოვანი ჟირაუ²¹ რაიმალი-ალას მწუხარე ამბისა. სამოცდაათს იყო თურმე გადაცილებული რაიმალი-ალა, როცა ცხრამეტი წლის ასული შეუყვარდა, მოხეტიალე მომღერალი ბეგიმაი. ვარსკვლავივით აკიაფდა იგი აშულის ცხოვრების გზაზე. უფრო სწორად, ბეგიმაის შეუყვარდა რაიმალი-ალა. ბეგიმაი თავისუფალი, თავისნება ასული იყო და, როგორც ეწადა, ისე შეეძლო მოქცევა, მაგრამ ხალხის ხმამ გაჰკიცხა რაიმალი-ალა. მას აქეთ სიყვარულის ამ ამბავს თავისი მომხრეებიც ჰყავს და მტრებიც. გულგრილთ ვერ ნახავ. ერთნი ჰკმობენ და ჰკიცხავენ რაიმალი-ალას, მეორენი თანაუგრძობენ, განიცდიან, მიჯნურის მწარე ნაღველს პირიდან პირში, გვარიდან გვარში გადასცემენ: ასე ცოცხლობს თქმულება რაიმალი-ალაზე. ყველა დროსა და ჟამს ჰყავს რაიმალი-ალას თავისი მკმობელიც და თავისი დამცველიც.

გაიხსენა იმ საღამოს ედიღეიმ, როგორ ლანძღავდა და ღვარძლიანად კილავდა აბუტალიფ ქუთიბაევს ის სონლულის-თვალეზა კაცი, როცა მის ნაწერებში რაიმალი-ალას სიტყვა აღმოჩნდა, თავის ძმა აბდილხანისადმი მიმართული. აბუტალიფი კი პირიქით, დიდად აფასებდა ამ, როგორც თვითონ ეძახდა, პოემას ტრამალელ გოეთებზე: თურმე გერმანელებსაც ჰყოლიათ დიდი და ბრძენი ბერიკაცი, რომელსაც ყმანვილი ქალი შეჰყვარებია. აბუტალიფმა ყაზანგაპის მონაყოლით ჩაინერა ეს სიმღერა იმ იმედით, ჩემი ბიჭები მოიზრდებიან და წაიკითხავენო. აბუტალიფი ამბობდა, არის ისეთი განკერძოებული შემთხვევები, ისეთი განკერძოებული ბედის ადამიანები, საყოველთაოდ ცნობილი რომ ხდებიან, ვინაიდან მათი ცხოვრების გაკვეთილის ფა-

²¹ ტრამალის აშული

სი იმდენად დიდია, ისეთ ბევრ რასმე მოიცავს მათი ამბავი, რომ ერთი ადამიანის განცდილი თითქოს ყველაზე ვრცელდება, ვინც იმ ხანაში ცხოვრობდა და იმათზეც, ვისაც კარგა ხნის მერე მოუწევდა მათ შემდგომ ცხოვრება...

შთაგონებით აულერებდა და დამლეროდა დომბრაზე ერლეფესი, ასაქცევის უფროსი, რომლის მოვალეობას, უპირველეს ყოვლისა, მატარებლების მიმოსვლა შეადგენდა რკინიგზის გარკვეულ უბანზე. თითქოს რა იყო მისთვის ეს ძველისძველი მწუხარე ამბავი, ამბავი უბედური რაიმალი-ალასი, რად უნდა განეცადა ისე, თითქოსდა მის თავს იყო ეს ყველაფერი... თურმე რა ძალა ჰქონია მუსიკასა და ჭეშმარიტ სიმღერას, ფიქრობდა ედილეი, ამ წუთს რომ გითხრან: მოკვდი და ხელახლა დაიბადეო - მაშინვე დათანხმდები... ეჰ, ნეტავი მუდამ გიღვიოდეს სხივნათლიერ სულში ასეთი ცეცხლი, რაიც ყველაზე ცხადად ჩაგაფიქრებს საკუთარ თავზე...

ერთხანს არა და არ დაეძინა ედილის ახალ ადგილზე, თუმცა გარეთაც გაისეირნა სუფთა ჰაერის ჩასაყლაპავად, ლოგინიც მოხერხებული და თბილი გაუშალეს მასპინძლებმა ფანჯარასთან, ყოველ ოჯახში სასტუმროდ შემონახული ქათქათა თეთრეული დაუფინეს. გარედან ესმოდა, როგორ დაზუზუნებდა ქარი, ხან აქეთ, ხან იქით მიგრიალებდნენ მატარებლები... ალიონს ელოდა, რომ გაურჩეული ყარანარი ჭკუაზე მოეყვანა და ადრე გადგომოდა გზას, მალე ჩასულიყო ბორანლი-ბურანში, სადაც ორივე ოჯახის გოგო-ბიჭობა მოელის, იმიტომ რომ ყველა ერთნაირად უყვარს ედილის და იმად ცოცხლობს ამ ქვეყანაზე, მათ არაფერი გაუჭირდეთ.. ფიქრობდა იმაზედაც, როგორ მოდრიკოს, მოარტულოს ყარანარი. მაინც რა ბედი აქვს, აქლემიც კი ისეთი ოჩანი და მძვინვარე შეხვდა, ადამიანები ისე დააფრთხო, ლამის ტყვია ესროლონ და მოკლან... არადა, რო-

გორ უნდა შეაგნებინო პირუტყვს, რაა ცუდი და რა კარგი... ტყუილუბრალოდ კი არ გამოიქცა, ბუნებამ უკარნახა ასე, იმიტომაც არ სცნობს არა დაბრკოლებას, ვინც გზაზე გადაუდგება, ყველას გაქელავს... რა ქნას, რანაირად მოდრიკოს ყარანარი? ალბათ ისევე ჯაჭვზე უნდა დააბას და მთელი ზამთარი საჩხეხეში იყოლოს, თორემ თავს წააგებს ეს ავაზაკი, კოსპანი თუ არა, სხვა ვინმე ესვრის ტყვიას და ვერაფერსაც ვერ იზამ... ბურანში წასულს ჩაესმა ისევე ერლეფესის ხმა, დომბრის ჟღერა და კმაყოფილება იგრძნო, ეს საღამო რომ ამ კაცთან გაატარა, იმ დომბრის წყალობით გაუცოცხლდა და სულში ჩაუსახლდა ოდესღაც, მისდა საუბედუროდ, გამიჯნურებული მგოსანი რაიმალი-აღას ვნებანი და თუმცა საერთო არაფერი ჰქონდათ, რაიმალი-აღას ამბავმა რაღაც შორეული თანხმიერება გამოიწვია მის სულში, ისეთივე ტკივილი აგრძნობინა. ის, რაც ასი წლის წინათ განიცადა რაიმალი-აღამ, ნახმევივით გამეორდა უკაცრიელ სარობეცში მცხოვრები ბურანელი ედილეის სულში. მძიმედ ოხრავდა, ლოგინში ტრიალებდა ედილეი, ვერ გაერკვია, რა ხდებოდა მის თავს წუხდა, დარდობდა, სად წავიდეს, როგორ მოიქცეს შემდეგში?

რა უთხრას ზარიფას და რა პასუხი გასცეს უქუბალას? გამოსავალს ვერ პოულობდა ედილეი, უგზოუკვლოდ აწყდებოდა აქეთ-იქით, გზა ებნეოდა და ძილში უცებ არალის ზღვაზე გაჩნდა... თვალისმომჭრელმა ლაჟვარდმა და ქარმა რეტი დაასხა... როგორც ბავშვობაში, ახლაც გაიჭრა ზღვისკენ, რომ თოლიად წარმოედგინა თავი, მასავით ლაღად ენავარდა ფურთუზზე. საოცრად გახარებული დაჰქროდა ზღვის გაშლილ სივრცეზე და თან განუწყვეტლივ ჩაესმოდა დომბრის ჟღერა, ერლეფესის სიმღერა რაიმალი-აღას სევდიან სიყვარულზე. ხელახლა ესიზმრა, ის ამბავი, როცა ზღვაში ოქროს მექრე გაუშვა. მკვრივი და მოქნილი იყო მექრე, წყლისკენ რომ მიჰყავდა, აშკარად იგ-

რძნო თევზის ცოცხალი სხეული, მისი წყურვილი - დასხლეთო-
და და მშობლიურ სტიქიონს დაბრუნებოდა. ტალღებში მიალა-
ჯებდა, ზღვა მისკენ მოაგორებდა ზვირთებს, ედილეი კი პირში
შესცინოდა ქარს, მერე გაშალა ხელები, ცისარტყელასავით გაი-
ელვა ოქროს მექრემ მუქლურჯ ჰაერში და როდის-როდის ჩას-
რიალდა წყალში... მუსიკა კი ისევ ისმოდა სადღაც შორიდან...
ტიროდა და ბედს უჩიოდა ვიღაცა...

იმ ღამეს სუსხიანი ქარი დაქშუოდა ტრამალზე. ყინვა თან-
დათან ძალას იკრებდა. ოთხი ჯამა აქლემი, ბურანელი ყარანა-
რის მიერ არმეული და გამორევილი, პატარა გორაკის ძირას
ხევში იდგა მოფარებულში. საქარე მხრიდან თოვლი ეყრებო-
დათ, ამიტომაც შექუჩულიყვნენ გასათობბად და ერთმანეთის-
თვის ყელი ყელზე გადაედოთ. მაგრამ მათი შმაგი ბანჯგვლიანი
მეუფე ყარანარი მოსვენებას არ აძლევდათ, გაავებული ბლავი-
ლით დარბოდა, დატრიალებდა მათ ირგვლივ, ეჭვი არ ასვენებ-
და, თუმცა საეჭვო იმ არემარეში, ნისლიდან მზირალი მთვარის
გარდა, არა იყო და არა ჩანდა რა.

ყარანარი ადგილს ვერ პოულობდა, ბუქისაგან კორიანტე-
ლად ამდგარ თოვლზე წიხლსა სცემდა ბრდღვინვა-ბრდღვინ-
ვით ეს ორკუბა შავი ნადირი, გრძელკისერა და თავბანჯგვლი-
ანი. ჰოი, რამდენი ძალა ჰქონია. ახლაც სიამოვნებით გააგრძე-
ლებდა ტრფიალს, ახლაც მზად იყო მოეკლა ჟინი. ამიტომაც
ხან ერთ ჯამას მიადგეოდა, ხან მეორეს, არ ასვენებდა, გულს
უნყალეებდა, კოჭებსა და ბარკლებზე კბენდა, ერთმანეთისთვის
რომ მოეშორებინა. მაგრამ ეს უკვე მეტისმეტი თავხედობა იყო
მისი მხრიდან. ჯამა აქლემებს დღისითაც ეყოთ, დღისით დიახაც
ხალისით უსრულებდნენ ხოშსა და სურვილს, ღამით კი ძილი
ენებათ. ამიტომ თვითონაც მტრულად შებლაოღნენ პასუხად, მის

უადგილო არშიყობას თავს არიდებდნენ და დათმობაზე წასვლას არ აპირებდნენ. ღამით მათ მოსვენება ეწადათ.

ალიონის მოახლოებისას დაცხრა, დაწყნარდა ყარანარიც. თავის ტურფების გვერდით მდგარი, ხამუშ-ხამუშ წამოიბლავლებდა ხოლმე თითქოს ძილში და თვალებს გიჟივით დააცეცებდა. ჯამა აქლემები თოვლზე დანვნიენ, ოთხივე ერთად, კისრები წაიგრძელეს, თავი ჩაქინდეს და გაიყუჩნენ. ცოტა წათვლიმეს. ესიზმრათ კობაკები, ისინი, რომლებიც ჰყავდათ ისინიც, რომლებიც ამ საიდანლაც მოვარდნილი შავი ათანისაგან ეყოლებოდათ, სხვა ათანებს რომ შეეჭიდა მათი გულისთვის და კიდევაც სძლია. ესიზმრათ ზაფხული, სურნელოვანი აბზინდა, კობაკების ნაზი ლამუნი ცურზე. სტკიოდათ ცური, მომავალი რძის წინასწარ შეგრძნებას სადღაც ბნელი სიღრმიდან მოჰქონდა ეს ტკივილი და ნეტარი ჩხვლეთა... ბურანელი ყარანარი კი კვლავ სადარაჯოზე იდგა და ქარი სტვენიით დაქშუოდა მის შავ ბანჯგვლებში...

და ტრიალებდა დედამინა თვის წრესა ზედა, და უვლიდნენ ირგვლივ ქარნი ზენანი. ტრიალებდა იგი მზის გარშემო, ჰოდა, როცა თავისი ღერძის ირგვლივ შემოტრიალდა და იმ გვერდით დადგა, საროზექზე დილა გათენდა, ბურანელმა ყარანარმა ანაზდად მის შორიახლოს ჯამა აქლემზე შემჯდარი ორი კაცი დაინახა. ეს ედილეი და კოსპანი იყვნენ. კოსპანს თან თოფი წაელო.

გაცოფდა, გახელდა ბურანელი ყარანარი, აცახცახდა, აბლავლდა რისხვით - როგორ გაბედეს. ადამიანებმა მის სამფლობელოში ფეხის შემოდგმა, როგორ გაბედეს მის ჯოგთან მიახლოება, ხურაობის დროს მისთვის ხელის შეშლა? ომახიანად, გამძვინვარებით შებლავლა ყარანარმა, გრძელ კისერზე წამოდგმული თავი ააქნია, კბილები ურჩხულივით გააღრჭიალა და საზარელი ხახა დაალო. ორთქლივით ამოუდიოდა ჰაერი

ცხელი პირიდან და შავ ბანჯგვლებზე თეთრ ჭირხლად ეფინებოდა. აგზნებისაგან შარდიც კი გაუშვა ყარანარმა, ფეხები გაფარჩხა და შარდის ნაკადი ქარს შეაშხურა. იმიტომაც უცხად ავარდა ჰაერში შხეფებად ქცეული შარდის სუნი და ედილეისაც მისი გაყინული წვეთები სახეში მოხვდა.

ჩამოხდა ძირს ედილეი, ტყაპუჭი თოვლზე დააგდო, დაბამბულ ქურთუკისა და შარვლის ამარა დარჩენილმა. დახვეული მათრახის გაშლა იწყო.

- ედიქე, რამე რომ იყოს, იცოდე, ვესვრი, - თქვა კოსპანმა და თოფი შემართა.

- არამც და არამც, ჩემი ნუ გეშინია. პატრონი მე ვარ და პასუხსაც მე ვაგებ. თუ შენ გეტაკა, მაშინ ესროლე.

- ეგრე იყოს, - დაეთანხმა კოსპანი, რომელიც აქლემიდან არ ჩამოსულა.

მათრახის ხაფი ტყლაშუნ-ტყლაშუნით თავის ყარანარისკენ გაეშურა ედილეი. მისმა მოახლოებამ მთლად გააგიჟა ყარანარი, ღრიალ-ღრიალითა და დორბლების ყრით გამოიქცა მისკენ. ამასობაში ჯამა აქლემებიც წამოდგნენ და შეშფოთებულებმა დაიწყეს ირგვლივ სირბილი.

ედილეი თოვლს მიაჩვევდა, მათრახს მიატყლაშუნებდა, როგორც სათრეველაში შებმულ აქლემებს მირეკავდა ხოლმე ნამქერების წმენდისას, და შორიდან ხმამაღლა უყვიროდა ყარანარს, იმ იმედით, ეგებ ხმაზე მაინც მიცნოსო:

- ჰეი, ჰეი ყარანარ! ნუ სულელობ! ნუ სულელობ-მეთქი! ეს მე ვარ! ხომ არ დაბრმავდი? მე ვარ-მეთქი!

მაგრამ ყარანარს ყურიც არ გაუბერტყავს მის ყვირილზე. თავბარი დაეცა ედილეის, როცა ბრავისაგან დაელმებული აქლემის მზერა დაიჭირა და დაინახა, როგორ უახლოვდებოდა ეს უშველებელი შავი პირუტყვი ზურგზე მოცახცახე კუბებით. მაშინ

ბენვის ქუდი უფრო დაბლა ჩამოიფხატა ედიღეიმ და მათრახი დაატრიალა. გრძელი იყო მათრახი, შვიდი მეტრი იქნებოდა, მძიმე, გაფისულ ტყავისაგან დანწული. აქლემი ბლავილით მონწევდა მისკენ, რომ კბილები ეტაცა, ძირს დაეგდო და გაეთელა მაგრამ ედიღეი ახლოს არ უშვებდა, მთელი ძალით ატკაცუნებდა მათრახს, ხან უკან იხევდა, ხან ისევ წინ მიიწევდა, თან ყვირილს არ წყვეტდა, რომ პატრონი ეცნო და გონს მოსულიყო ყარანარი. ასე ებრძოდა ერთმანეთს თითოეული თავისი ძალისა და შეძლების მიხედვით და თითოეული თავისებურად მართალი იყო. ედიღეი შესძრა ათანის დაუცხრომელმა ლტოლვამ ბედნიერებისაკენ; ესმოდა, რომ ამ ბედნიერებას ართმევდა აქლემს, მაგრამ სხვა გზა არ დარჩენოდა. ყარანარისთვის თვალი არ ამოეგდო, მარტო ამისლა ეშინოდა ედიღეის, თორემ დანარჩენს ყველაფერს ეშველებოდა. პატრონის სიჭიუტემ ბოლოს და ბოლოს მოტეხა პირუტყვი. მათრახის ტყლაშუნით და ყვირილით, როგორც იყო, მოახერხა ედიღეიმ აქლემთან ახლოს მისვლა. მერე ისკუპა და ზედა ტუჩში ისეთი ძალით ჩააფრინდა, ლამის ჩამოაგლიჯა ლაში. შემდეგ იმარჯვა და წინასწარ მომზადებული საბმელი ჩამოაცვა კიდევ. ყარანარმა დაიბმუვლა, დაიგმინა აუტანელი ტკივილისაგან, გაფართოებულ, უმოძრაო, შიშითა და ტკივილით გაყინულ მის თვალებში თავისი თავი დაინახა ედიღეიმ. დაინახა და კინალამ უკან გახტა, ისე შეზარა საკუთარმა თავმა. არაადამიანურად დაღმეჭილი გაოფლილი პირისახე, ირგვლივ ფეხებით გადათხრილი თოვლი - ეს ყოველივე წამით აისარკვა ყარანარის დაფეთებულ თვალებში. ედიღეიმ კინალამ არ მიატოვა ყველაფერი და უკან არ გაიქცა, ოღონდაც ასე აღარ ეწამებია სრულიად უდანაშაულო პირუტყვი, მაგრამ მაშინვე გონს მოეგო: მას ბორანლი-ბურანში მიელოდნენ და ვერც ყარანარის გარეშე დაბრუნდებოდა, ვინაიდან აქ-მოინაქელი მე-

ზობლები უთუოდ თოფით მოკლავდნენ. ამიტომაც სძლია თავს, მძლავრად შეჰყვირა და აქლემს მუქარა დაუწყო, რომ მიწაზე დაეწვინა და უნაგირი დაედგა. ბურანელი ყარანარი მაინც ურჩობდა, ღრიალებდა და ბრდღვინავდა, დაფჩენილ ხახიდან ცხელ ოხშივარს აფრქვევდა პატრონს, მაგრამ პატრონმა უდრეკობა გამოიჩინა, მაინც აიძულა აქლემი პატრონს დამორჩილებოდა.

- კოსპან, უნაგირი აქეთ გადმოაგდე და ეგ ჯამა აქლემები გორაკს იქით გადარეკე, რომ აღარ დაინახოს! - დაუყვირა ედიღემ კოსპანს.

იმანაც მაშინვე გადაუგდო საჯდომი ჯამა აქლემის უნაგირი და თვითონ ყარანარის ჯოგს გამოუდგა გასარეკად. ამასობაში ედიღემ ყარანარს დაადგა უნაგირი, ხოლო როცა კომსპანმა თოვლზე გადაგდებული ტყაპუჭი მოურბენინა, სწრაფად ჩაიცვა და ხელდახელ შეაჯდა უნაგირდადგმულ და მოთოკილ ყარანარს.

გაცოფებულმა ყარანარმა მაინც სცადა თავის დედლებთან დაბრუნება, თავიც კი გვერდზე მოიქცია, რომ კბილებით სწვდენოდა პატრონს. მაგრამ ედიღემ კარგად იცოდა თავისი საქმე. ყარანარის ბღღვინვის, გაავებული ღრიალისა და განუწყვეტელი ბრაზიანი ღმუილის მიუხედავად ჯიუტად მირეკავდა დათოვლილ ტრამალზე პირუტყვს და მორჯულებას ცდილობდა მისას.

- გაჩუმდი! გეყოფა! - ჩასჩიჩინებდა იგი. - გაჩუმდი-მეთქი! უკან მაინც ვერ დაბრუნდები, სულელო! გგონია, შენტვის ცუდი მინდა? მე რომ არა, ახლა თოფით იქნებოდი ცოფიანი ნადირით გაგორებული. ჰა, რას იტყვი? შენ ხომ მართლა ისე გაცოფდი, მეტი რომ არ შეიძლება! გაცოფდი და დამთხვეულივით იქცევი! თორე აქ რამ მოგაჩანჩალა. საკუთარი ჯამა აქლემები არ გეყო? იცოდე, მივალთ შინ და მორჩა, ამას იქით სხვის ჯოგებში

ტანტალს გამოეთხოვე! ჯაჭვებზე დაგაბამ, ერთ ნაბიჯს შენს ნებაზე ვერ გადადგამ, რახან ასეთი აღმოჩნდი!

საკუთარი თავის გასამართლებლად უფრო იმუქრებოდა ბურანელი ედილეი, თორემ სადაური სამართალი იყო, თავის აქმონინაქელ ჯამა აქლემებს ძალით რომ აცილებდა ყარანარს. თვინიერი პირუტყვი იყოს - ასე კი არ მოექცეოდა! აგერ თავისი საჯდომი ჯამა აქლემი კოსპანს მიუტოვა, რომელიც შეჰპირდა, შემთხვევა მექნება, ბორანლი-ბურანში გამოვატან ვისმეო. მორჩა და გათავდა, ყოველგვარი დავიდარაბის გარეშე დამთავრდა საქმე. ამ წყეულთან კი უსიამოვნებას ვეღარ აუღის.

რამდენიმე ხნის შემდეგ შეურიგდა ბურანელი ყარანარი იმ ამბავს, რომ უნაგირი დაადგეს და იმასაც, რომ ისევ პატრონის ნებას უნდა დამორჩილდეს. ბლავილს უკლო და ნაბიჯს აუჩქარა, მალე უკვე გამალებით მიჩიქჩიქებდა მომართულ მანქანასავით კეცავდა საროზეჯის სივრცეს. ედილეიც დამშვიდდა, მარჯვედ მოკალათდა ორ მკვრივ კუმს შუა, ტყაპუჭი შეიკრა, ქედი მჭიდროდ დაიმაგრა თავზე და უკვე მოუთმენლად ელოდა, როდის მიუახლოვდებოდა ბორანლის მიდამოებს.

მაგრამ შინამდე ჯერ კიდევ კარგა დიდი გზა იყო. ამინდს არა უშავდა, თუმცა ქარიც ქროდა და ცაც ღრუბლიანი იყო. ქარბუქი ახლა არადა, ღამით კი იქნებ ამოვარდეს. კმაყოფილი ბრუნდებოდა ბურანელი ედილეი შინ, ყარანარი რომ დაიჭირა და ჯკუაზე მოიყვანა, მეტადრე კი წუხელ კოსპანთან ასეთი კარგი დრო გაატარა, ერლეფესის დაკვრა და სიმღერა მოისმინა.

ედილეის ფიქრი კვლავ ისევ თავის უკუღმართ ბედს გადასწვდა. ეს რა დღეში ჩავარდა! რა ქნას, როგორ მოახერხოს, არავის ატკინოს გული და თავისი ხვაშიადიც გაამჟღავნოს, პირდაპირ უთხრას - რა ვქნა, ზარიფა, მიყვარხარო. აბუტალიფის შვილებს მამის გვარი თუ ხელს შეუშლის ცხოვრებაში და ზარიფაც

დაყაბულდება, კი, ბატონო, თავის გვარს მისცემს ედიღეი. ბედნიერიც იქნება, თუ მისი გვარი დაულსა და ერმექს გამოადგება, დაე, ამქვეყნად ნურაფერმა დააბრკოლოთ და შეაფერხოთ, დაე, თავისი უნარისა და შეძლების მიხედვით გაუმარჯვოთ ცხოვრებაში. განა ედიღეის თავისი გვარი დაენანება? დიახ, დიახ, ასეთი ფიქრებიც ეწვია გზაში ბურანელ ედიღეის.

დღე უკვე იწურებოდა, ხომ ამდენი იბრძოლა და რისხვის ცეცხლი ჰყარა ყარანარმა, გზას მაინც დაუღლეღად და ნამუსიანად მიუყვებოდა. აგერ გამოჩნდა კიდევ ბორანლი-ბურანის ღარტაფები, ნამქერებით დაფარული ნაცნობი ხრამები, აგერ მალლობიც, წინ, სადაც რკინიგზა უხვევს, ბორანლი-ბურანის ასაქცევია მიყუჟული. საკვამურებიდან ბოლი ამოდის. ნეტა რას იქმიან მისი საყვარელი ოჯახები? აგერ თითქოს ერთი დღით დატოვა მხოლოდ, არადა, ისეთი შიში აქვს, გეგონება, მთელი წელი არ ყოფილა. ძალიან მოენატრა ყველანი - მეტადრე ბაღლები. დაბის დანახვაზე ყარანარმა ნაბიჯს აუჩქარა, გაოფლილი, გახურებული მიდიოდა, ფეხებს განივრად ალაჭებდა, პირიდან ოხშივარი ამოსდიოდა. ვინემ ედიღეი სახლს მიუახლოვდებოდა, ასაქცევზე ორი სატვირთო ჩამოდგა და წავიდა. ერთმა დასაფლეთით გასწია, მეორემ აღმოსავლეთით...

უკანა ეზოში გაჩერდა ედიღეი, ყარანარი რომ ჩაეკეტა საჩეხეში, ჩამოხტა, მიწაში ჩათხრილ პალოზე დამაგრებული სქელი ჯაჭვი წინა ფეხზე მოაბა აქლემს და ასე გაუშვა. „ცოტა გაგრილდება და მერე ავხსნი უნაგირს“, - გადაწყვიტა გულში. რატომღაც ძალიან ჩქარობდა. წელში გაიმართა, ზურგი და ფეხები დაბუჟებოდა, ის იყო საჩეხედან გამოდიოდა, რომ მისმა უფროსმა გოგომ, საულემ მოირბინა. ედიღეი გადაეხვია, აკოცა, თუმცა ტყაპუჭი მოძრაობას უშლიდა.

- გაიყინები, - უთხრა თხლად ჩაცმულ საულეს, - შინ გაიქეც, ახლავე მოვალ.

- მამა, - მიეხუტა ედიღეის შვილი, - დაული და ერმეცი წავიდნენ.

- სად წავიდნენ?

- სულ წავიდნენ, დედასთან ერთად. მატარებელში ჩასხდნენ და წავიდნენ.

- წავიდნენ? როდის წავიდნენ? - თვალებში ჩახედა შვილს ედიღეიმ, ჯერ გონს არ იყო, რაც მოხდა.

- ამ დილით.

- ჰოო! - ხმა ჩაუწყდა ედიღეის. - აბა შინ გაიქეც, - ხელი უშვა საულეს, - მე მერე მოვალ. ჰო, წადი, წადი...

საულე სახლის კუთხეს მიეფარა. ჭიშკარი არ დაუკეტია. ასევე ტყაპუჭიანად გასწია ედიღეიმ ზარიფას ბარაკისკენ. მიდიოდა და არ ეჯერა. იქნებ ბაღს შეეშალა რაღაც. ეს არ შეიძლება მომხდარიყო. მაგრამ პარმალის ატალახიანებული დახვდა. კაუჭს ჩაავლო ხელი, სწრაფად შეალო კარი. ოთახი ცარიელი იყო, უკვე გამოციებული, მონაგვიანებული, ხარახურით მოფანტული, არც ბიჭები და არც ზარიფა ჩანდნენ!

- ეს რა მოხდა? - ნაიჩურჩულა ედიღეიმ სიცარიელეში, ჯერ კიდევ არ უნდოდა იმის დაჯერება, რაც მოხდა. - მაშ წავიდნენ? - წაილაპარაკა გაკვირვებით და მწუხარედ, თუმცა სრულიად აშკარა იყო, რომ აქ აღარავინ ცხოვრობდა.

ასე ცუდად არასოდეს გამხდარა ედიღეი. შუა ოთახში ცივ ღუმელთან იდგა ტყაპუჭიანად, არ იცოდა, რა ექნა, როგორ ეცხოვრა შემდეგ. გულს ვეღარ დაეტია წყენისა და დანაკარგის გრძნობა, ლამის გახეთქილიყო გული. რაფაზე ერმეცის დავიწყებული კენჭები ეყარა, ის ორმოცდაათი კენჭი, რომლითაც მკითხაობდნენ ბიჭები, მამა როდის ჩამოვაო, მამა, რომელიც

ამქვეყნად დიდი ხანია აღარ იყო. იმედისა და სიყვარულის კენჭები. ედილეიმ მობოჭა და ხელში ჩაბლუჭა კენჭები - ამის მეტი აღარაფერი დარჩა მათგან. ახლა კი ველარ შეიმაგრა თავი, კედლისკენ მიბრუნდა, გახურებული სახე ცივ ფიცრებს მიახუტა და მწუხარედ, ყრუდ, უნუგეშოდ აქვითინდა. აკანკალებული ხელიდან თითო-თითოდ უცვიოდა კენჭები, თითები ვერა და ვერ დაემორჩილებინა, კაკაკუკით დაცარიელებული სახლის კუნჭულებისკენ მიგორავდა...

მერე მობრუნდა, ნელ-ნელა ჩამოცურდა კედლიდან და ჩაჯდა. ასე იჯდა ერთხანს, ზურგით კედელზე მიყრდნობილი, ისევ ტყაპუჭსა და ბენვის ქუდში, და მწარედ სლუკუნებდა. ცრემლებს ზარიფას ნაჩუქარი შარფით ინმენდდა...

ასე იჯდა მიტოვებულ ბარაკში და ცდილობდა გაერკვია, რა მოხდა, ალბათ ზარიფა განზრახ გაემგზავრა თავისი ბიჭებით, როცა ედილეი აქ არ იყო. ალბათ ეშინოდა, ედილეი არ გამიშვებო. მართლაც არ გაუშვებდა, არამც და არამც არ გაუშვებდა! რაც არ უნდა მომხდარიყო. თუმცა ახლა უკვე გვიანია მკითხაობა, რა მოხდებოდა და როგორ მოხდებოდა, ის რომ აქ ყოფილიყო. ისინი აქ უკვე აღარ არიან. არაა არც ზარიფა, არც ბიჭები! ედილეი განა მათ მოიშორებდა! ზარიფამ გააკეთა ეს, ედილეს აქ არყოფნისას არჩია წასვლა, გააიოლა საქმე, ის კი აღარ იფიქრა, რა მეხი დაეცემოდა ედილეს დაცარიელებული ბარაკის ნახვისას.

მაგრამ მატარებელი ვილაცამ ხომ გააჩერებინა მისთვის ასაქვევზე! ვინ? რალა თქმა უნდა, ყაზანგაპმა, მის მეტი ამას ვინ იზამდა! ოლონდაც სტოპ-ონკანი არ ჩამოუგლეჯია, როგორც ედილეიმ ჩამოგლიჯა სტალინის სიკვდილის დღეს, უბრალოდ მოელაპარაკა, თხოვა ასაქვევის უფროსს, რომელიმე სამგზავრო მატარებელი გააჩერეო. ეგ ხომ ისეთი ვინმეა. უქუბალამაც

ალბათ თავი გამოიღო, როგორმე ჩქარა გაესტუმრებინა ისინი აქედან! აბა ახლა უყურონ! სისხლი აუდუღდა ედიღეის, ტვინი აუნვა, შურისძიება მოეძალა - ახლავე მოიკრებს ძალას და ყველაფერს და ყოველივეს გააცამტვერებს ამ ღვთის დაწყველილ ბორანლი-ბურანში, ნაფოტსაც არ დატოვებს, მერე კი დაჯდება ყარანარზე და საროზეში გადაიკარგება, შიმშილით და სიცვიით ამოხდება იქ მარტოს სული. ასე იჯდა ამ ცარიელ ბინაში ედიღეი - ღონეგამოცლილი, შეძრული, სულდაცარიელებული მომხდართ. „რატომ წავიდა, სად წავიდა? რატომ წავიდა? სად წავიდა?“ - მხოლოდ ამას ფიქრობდა უაზრო გოცებით.

მერე თავის სახლს მიაშურა. უქუბალამ უხმოდ ჩამოართვა ტყაპუჭი და ქუდი, თექის ჩექმები კუთხეში მიაყუდა. ბურანელ ედიღეის გაქვავებულ, განაცრისფერებულ სახეზე კაცი ვერ ამოიკითხავდა, რას ფიქრობს და რა აქვს გადაწყვეტილი. თვალები გაყინული ჰქონდა, გამოცარიელებული. არაადამიანური ძალა დასჭირდა ედიღეის, თავი რომ შეეკავებინა. ქმრის მოლოდინში უქუბალამ რამდენჯერმე გააცხელა სამოვარი. თუხ-თუხებდა წყალი, მინავლებული ნაკვერჩხლით იყო სავსე სამოვარი.

- ჩაი ცხელია, - წაილაპარაკა უქუბალამ, - ახლა ჩამოვდგი ცეცხლიდან.

ედიღეიმ უხმოდ შეხედა და მდულარე წყლის ხვრეპა განაგრძო. ვერც გრძნობდა, მდულარეს რომ სვამდა. ორივე დაძაბულიყო ლაპარაკის მოლოდინში.

- ზარიფა და ბავშვები გაემგზავრნენ, - ამოთქვა ბოლოს უქუბალამ.

- ვიცი, - თავი არ აუნწევია, ისე ჩაიბურტყუნა ედიღეიმ და ცოტა ხნის მერე, ასევე თავაუნწევლად, იკითხა: - სად გაემგზავრა?

- არ უთქვამს.

ორივე გაჩუმდა. პირს უფუფქავდა ქაფქაფა ჩაი ედილეის და მიუხედავად ამისა მხოლოდ იმაზე ფიქრობდა, ოღონდაც არ აფეთთქდეს, ოღონდაც აქ ყველაფერი არ დალენოს, ბავშვებს გული არ გაუხეთქოს, ოღონდაც უბედურება რამ არ დაატრი-ალოს...

შესვა და ისევ გარეთ გასასვლელად მოემზადა. ჩაიცვა თე-ქის ჩექმები, ტყაპუჭი, დაიხურა ქუდი.

- სად მიდიხარ? - ჰკითხა ცოლმა.

- საქონელს დავხედავ, - მოუგდო სიტყვა კარიდან.

ზამთრის მოკლე დღე უკვე მილეულიყო. სწრაფად, თით-ქმის თვალის დასანახავად ჩამოდიოდა ირგვლივ ბინდი. ყინვას შესამჩნევად მოემატა, ქვენა ქარი უკვე ყალყბე შემდგარიყო, ტალღა-ტალღად იკლაკნებოდა. მოქურხებული შვეიდა საჩეხე-ში ედილეი, ბრაზით დააკვესა თვალები, ყარანარს დაუღრიალა, რომელიც ჯაჭვიდან აწყვეტას ლამობდა:

- შენ მაინც ბლავი! მაინც ველარ გაიძლე გული! აბა ახლა მიიღებ საკადრისს! ნაძირალავ! ახლა ბევრ ლაილაის აღარ გა-გიბამ! ახლა ყველაფერი ფეხებზე მკიდია!

ედილეიმ ღვარძლიანად ჰკრა მუშტი ყარანარს ფერდში, დედა შეაგინა, უნაგირი მოხსნა, შორს მოისროლა და ფეხზე ჯაჭ-ვი ახსნა. მერე სადავეს ჩაჰკიდა ერთი ხელი, მეორეში ტარზე დახვეული მათრახი ჩაბლუჯა და ტრამალისაკენ გასწია, თან წა-ათრია ათანნი, მჭმუნვარედ რომ კუთავდა და ბლაოდა. რამდენ-ჯერმე უკან მოიხედა ედილეიმ, მუქარით შეარხია და ღონივრად ჩამოსწია სადავე ბურანელ ყარანარს, კუთვა და ბლავილი რომ შეენწყვიტა, მაგრამ რალაი არაფერმა გასჭრა, მიაფურთხა და ისევ წინ გაალაჯა, ყურადღებას აღარ აქცევდა აქლემის ბლა-ვილს, ღრმა თოვლს მიაღრვევდა ქვენა ქარის საპირისპიროდ

ნელ-ნელა ჩამობნელებულ ტრამალზე. მძიმედ სუნთქავდა, მაგრამ არ ჩერდებოდა. ასე იარა დიდხანს მოლუპულმა და თავჩაქინდრულმა, ასაქცევის კარგა შორს გორაკის ძირას გააჩერა ყარანარი და უწყალოდ გაუსწორდა. ტყაპუჭი თოვლზე მიაგდო, ავშარის სადავე დაბამბულ ხალათის ზემოთ ქამარზე მიიბა, აქლემი რომ არ გაქცეოდა და თან ხელებიც თავისუფალი ჰქონოდა, მათრახის ტარი ორივე ხელით ჩაბლუჯა და თან ათანს დაუნწყო ცემა ჯავრისა და ბოლმის ამოსაყრელად. გამხეცვებით, დაუნდობლად უზაპუნებდა მათრახს ბურანელ ყარანარს, თან ხრინინით აგინებდა და წყევლიდა:

- ესეც შენ! ესეც შენ! უნამუსო პირუტყვო! ყველაფერი შენი ბრალია? კი, კი, შენი, შენი! შენა ხარ ყველაფერში დამნაშავე. ახლა გაგიშვებ, გაიქეც, სადაც გენებოს, მაგრამ მანამდე კი დაგასახიჩრებ! ესეც შენ! ესეც შენ! გაუმაძღარო პირუტყვო! აღარაფერი გეყო! გარე-გარე მოგინდა წონილი ის კი ამასობაში წავიდა და ბიჭებიც თან წაიყვანა! არც ერთს არ განაღვლებთ, მერა დღეში ვარ! როგორ ვიცხოვრო ამქვეყნად? როგორ გავძლო უმისოდ? თუ თქვენთვის სულ ერთია, ჩემთვისაც სულ ერთია. აჰა, ესეც შენ, ძაღლო!

- ბლაოდა, თავის აწყვეტას ლამობდა ყარანარი, აქეთ-იქით აწყდებოდა, მათრახი რომ აეცდინა. ბოლოს შიშისა და ტკივილისაგან გაგიჟებულმა პატრონი წააქცია და გაიქცა. მირბოდა გასაოცარი ძალით და თოვლზე მორივით მიათრევდა პატრონს, ოღონდაც მოეშორებინა, ოღონდაც თავი აეხსნა და იქ გაქცეულიყო, საიდანაც ძალით გამოაბრუნეს.

- გაჩერდი! გაჩერდი! - უყვიროდა თოვლისგან ლამის გაგუდული ედილეი ათანს.

ქუდი გადასძვრა ედილეის, ნამქერებს უხათქუნებდა თავპირს, მუცელს. თოვლი ეყრებოდა კისერში, უბეში, ხან ცეცხლი-

ვით შანთავდა და ხან ჰყინავდა, მათრახი ხელებში გაბლანდოდა. ვერაფერი გაეხერხებინა ათანის გასაჩერებლად, რომ ავშარის სადავე აეხსნა. ის კი დაფეთებული, გონდაკარგული გარბოდა და პატრონს მიათრევდა, გრძნობდა, რომ გაქცევითლა უშველიდა თავს. კაცმა არ იცის, რით დამთავრდებოდა ყველაფერი, ედიღის რომ რაღაც სასწაულით ღვედი არ მოეშვა, ბალთა არ მოეგლიჯა და ასე არ ეხსნა თავი, თორემ ნამქერებში ჩაიხრჩობოდა. როცა უკვე ავშარის სადავეს მოებლაუჭა, აქლემმა რამდენიმე მეტრზე კიდევ წაათრია და გაჩერდა. პატრონს უკანასკნელი ძალა მოეკრიბა და ისე აკავებდა

- უჰ, შენი! - ბურტყუნებდა გულმოსული, თოვლისგან დასუსხული ედიღე, რომელსაც სუნთქვა ეკვროდა და ბანცალებდა. - ასე ხომ! აჰა, სამაგიეროდ, პირუტყვო! მომწყდი, თვალთაგან დამეკარგე, გაიქეცი, წყეულო, ჩემმა თვალებმა აღარ დაგინახოს! ჭანდაბამდე გზა გქონია! დაიკარგე, მოუსვი აქედან! გაუშვი, მოგკლან, ცოფიანი ძაღლივით გაგაცხებიონ სული! ყველაფერი შენი ბრალია! სულიც გაგძრობია ტრამალში. შენი ჭაჭანება არ იყოს ამ არემარეში! - ყარანარი ბღავილ-ბღავილით მირბოდა აქ-მოინაქისკენ. ედიღე კი მათრახის ცემით მიაცილებდა, გმობდა, წყევლიდა და დედას აგინებდა. შურისგებისა და განშორების დრო მოვიდა. ჰოდა, ედიღეც, დიდხანს ყვირილით მიძახოდა კვალდაკვალ:

- დაიკარგე, ეშმაკის კერძო! გაიქეც! სულიმც გაგიცხია, უძლებო შენა! აგრემც ტყვია უხლიათ შენთვის შუბლში!

შორს და შორს გარბოდა ყარანარი ჩამობნელებულ ტრამალზე და მალე ქარბუქის ბურს შეერია. დროდადრო მისი მკვეთრი, ხმამალალი ბღავილი ისმოდა. ახლა აღბათ მთელი დამე ირბენს ამ ქარბუქში, ვინემ აქ-მოინაქელ ჭამა აქლემებს არ მიაღწევს.

- ფუი! - გადააფურთხა ედილეიმ და უკან გამოჰყვა მისი სხეულით თოვლზე გატანილ კვალს. უქედო, უტყაპუჭო მილასლასებდა სიბნელეში, პირი და ხელები უხურდა, მათრახს მიათრევდა. და უცებ ძალა გამოელაია, ძალამ უმტყუნა ედილეის, თოვლში ჩაიჩოქა, სამად მოიკაკვა, თავზე ხელები წაივლო და ყრუდ, გულამოსკვნით აქვითინდა. ის მარტო, სულ მარტოდმარტო იყო დაჩოქილი შუა სარობეჭში. ზუზუნით დაქშუოდა ქარი, ყალყზე დგებოდა, იფაფრებოდა, ზემოდან ცვიოდა თოვლი. ყოველი ფიფქი, მილიონობით ფიფქი, ჰაერში უხმაუროდ მოშრიალე და მოგლასუნე, თითქოს ჩასჩურჩულებდა, რომ ვერ აიტანს ედილეი განშორების სიმძიმეს, რომ საყვარელი ქალის და იმ პატარა ბიჭების გარეშე, რომელთაც ბევრ მამაზე მეტად მიეჩვია, აზრი არა აქვს მის სიცოცხლეს. სიკვდილი ინატრა იმ წუთს ედილეიმ, მოუნდა აქვე ჩაემარხა იგი თოვლს.

- „არაა, არაა ღმერთი! არც იმას გაეგება ინჩიბინჩი ამ ცხოვრებისა! სხვებისაგან რაღას უნდა ველოდე! არაა, არაა ღმერთი! - უთხრა თავის თავს ამ უკაცრიელ ღამის სიბნელით მოცულ სარობეჭში უსასოო მარტობაში დარჩენილმა. მანამდე ხმამაღლა არასოდეს უთქვამს ასე. არც მაშინ, როცა ელიზაროვი, რომელსაც თავის გულში ღმერთი მუდამ ახსოვდა, არწმუნებდა, მეცნიერების აზრით, ღმერთი არ არსებობსო, არ დაუჯერებია ეს ედილეის. ახლა კი დაიჯერა...

და ტრიალებდა დედამინა თვის წრესა ზედა, და უვლიდნენ ირგვლივ ქარნი ზენანი. ტრიალებდა იგი მზის გარშემო, ტრიალებდა თავისი ღერძის ირგვლივ და თან მიჰყავდა თოვლიან უდაბნოში ჩაჩოქილი კაცი. არა ხელმწიფე, არა იმპერატორი, არა სხვა მეუფე, სახელმწიფოსა და ხელისუფლების დაკარგვით შეძრწუნებული, არ დაიჩოქებდა ამქვეყნად ისეთი სასონარკვე-

თილებით, როგორც ბურანელი ედიღე იყო დაჩოქილი საყვარელ ქალთან განშორების დღეს... და ტრიალებდა დედამიწა...

სამიოდე დღის შემდეგ ყაზანგაპმა საწყობთან გააჩერა ედიღე, სადაც რელსების შესაკეთებელი ნაწილები უნდა მიეღოთ.

- ძალიან გაგარეულდი, ედიღე, - უთხრა თითქოს სხვითა შორის, როცა რკინის ნაწილების შეკვრას საზიდზე აწყობდა. - არ ვიცი, გამირბიხარ, არ ვიცი, პირს მარიდებ. ვერა და ვერ დაგლაპარაკებივარ.

ედიღემ მკვახედ, გააუვებით შეხედა.

- რომ დაგელაპარაკო, ადგილზე მიგახრჩობ, თავადაც იცი!

- ეჭვი არ მეპარება, რომ მეც მიმახრჩობ და კიდევ სხვასაც. მაგრამ ასე რამ განგარისხა?

- თქვენ აიძულეთ წასულიყო! - პირში მიახალა ედიღემ, რაც აწუხებდა და რაც მთელი ეს დღეები მოსვენებას არ აძლევდა.

- იცი, რას გეტყვი, - თავი გადააქნია ყაზანგაპმა და ბრაზმა თუ სირცხვილმა სახე აულანძა. - რალაი ეგეთი რამ გიფიქრია, მაშასადამე, მარტო ჩვენზე კი არა, ამ ქალბედაც ცუდი აზრისა ყოფილხარ. მადლობა თქვი, რომ დიდი ჭკუა აღმოაჩნდა მაგ ქალს, შენ არ გგვანებია. როდესმე თუ გიფიქრია, რით დამთავრდებოდა ეს ყველაფერი? არა, ხომ? მაგან კი იფიქრა და გადაწყვიტა, ვინემ გვიან არაა, აქედან წასულიყო. ჰოდა, როცა მთხოვა, მეც ავდექი და გამგზავრებაში დავეხმარე. არ ჩავეძიე, საით მიდიოდა თავისი შვილებით, არც თვითონ უთქვამს. დაე, განგებამ უწყოდეს მხოლოდ, მეტმა არავინ გაიგე? ისე წავიდა,

არც ერთი სიტყვით არ შეულახავს არც თავისი ღირსება, არც შენი ცოლისა. ადამიანურად გამოეთხოვნენ ერთმანეთს. შენ კი ორივეს წინაშე თავი მიწას უნდა ახალო, რომ გარდაუვალ განსაცდელს აგაცდინეს. უქუბალასთანა ცოლს შენს სიცოცხლეში ვერ მოძებნი. სხვა მაგის ადგილზე ისეთ დღეს დაგანვედა, ყარანარზე უფრო შორს გადაიკარგებოდი.

ხმა არ გაუღია ედიღეის - ან რა უნდა ეპასუხა? კაცმა რომ თქვას, ყაზანგაპი მართალს ამბობდა. თუმცა არა, ვერ ჩასწვდებოდა ყაზანგაპი იმას, რაც მისთვის მიუწვდომელი იყო. იმიტომაც ზიზღით გადააწიტა და დაურიდებლად მიახალა:

- ეგრე იყოს! გავიგე, შენისთანა ბრძენი რასაც ფიქრობს. ალბათ ოცდასამი წელი იმიტომაც დადიხარ აქ შეუნაცვლებლად, კაცი წუნს ვერ მოგინახავს სალოცავი კერპივით, რა იცი შენ ამ ამბების! კაი, კაი დრო არა მაქვს, აქ ვიდგე და გისმინო. - გატრიალდა და წავიდა ედიღეი, აღარ დაუნყო ლაპარაკი.

- შენ იცი, შენი თავის პატრონი შენა ხარ, - მოესმა უკნიდან ამ საუბრის შემდეგ გადანყვიტა ედიღეიმ დაეტოვებინა ეს მოძულეული ბორანლი-ბურანის ასაქცევი. მართლა აღარ გაეძლეებოდა აქ, მოსვენებას ვერ პოულობდა, ვერ დაევიწყა, ვერ მორეოდდა გულისმღრღნელ ნაღველს. ზარიფსა და მისი ბიჭების გარეშე დაცარიელდა, გაუკაცრიელდა მისთვის აქაურობა. ჰოდა, ამ წამებისგან რომ თავი ეხსნა, მაშინ გადანყვიტა ედიღეი ჟანგელდინმა ოფიციალურად მიეცა განცხადება ასაქცევის უფროსისათვის სამსახურიდან განთავისუფლების თაობაზე და ოჯახიანად სადმე გამგზავრებულიყო, სულ ერთია, სად, ოღონდ აქ აღარ ეცხოვრა. მართლა და მართლა მიჭაჭვეული ხომ არაა ამ დაწყვეტილ მიყრუებულ ასაქცევზე, ხომ ცხოვრობს უმრავლესობა სხვა ადგილებში - ქალაქებსა თუ სოფლებში, ერთი საათიც კი არ და თანხმდებოდნენ აქ ცხოვრებას. მან რატომ უნდა გა-

ატაროს თავისი წუთისოფელი სარობეჟში? რა შესცოდა ასეთი? არა, ეყოფა, წავა, ან არალის ზღვას მიაშურებს ან ყარაგანდასა თუ ალმაატაში გასწევს - რამ გამოლია ამქვეყნად ადგილები. მუშა კარგია, ხელი და ფეხი არ აკლია, ჯანს არ უჩივის, თავი ჯერ კიდევ მხრებზე აბია, მიაფურთხებს ყველაფერს და წავა, რა არის აქ თავსამტვრევი და ტვინსაჭყლეტი, ოლონდაც უქუბალას როგორ უთხრას, როგორ დაარწმუნოს, მარტო ეს აფიქრებდა, თორემ დანარჩენს როგორმე მოევლებოდა. ხოლო ვინემ მოიფიქრებდა, ვინემ მარჯვე დროს შეარჩევდა სათქმელად, ამასობაში კვირაც მიილია. და მოულოდნელად ბურანელი ყარანარი, ის ყარანარი, რომელიც მან გააგდო, რათა თავის ნებაზე ეცხოვრა და ეწანწალა, ისევ გამოეცხადა.

სახლის უკან ძაღლის ყეფა მოესმა ედიღის: გაიქცეოდა, დაჰყეფდა და ისევ უკან მორბოდა ძაღლი. გარეთ გავიდა, რა ამბავიაო, და საჩეხეს ახლოს უცხო აქლეში დაინახა, ერთ ადგილზე უცნაურად გახევებულ-გაშეშებული. რომ მიუახლოვდა, მაშინდა იცნო თავისი ყარანარი.

- ეს შენ ხარ? რა გიქნია, სადამდე მისულხარ, ბეჩერა²²? ასე როგორ დაუძღურებულხარ და გაგცლია სიქა! - შესძახა სახტად დარჩენილმა ედიღემ.

ცარიელი ძვალი და ტყავილა იყო ბურანელი ყარანარი. გალუელ კისერზე ვეებერთელა თავი უკანკალებდა, ჩაცვივნილი თვალუები დაღონებით იმზირებოდნენ, ბანჯგვლებიც თითქოს მისი არ იყო, თითქოს სამასხარაოდ მიებათ, მუხლებს ქვემოთ ეკიდა ძენძივით. სადღა იყო ყარანარის ზურგზე ორი კოშკივით ამართული კუბი - ბებრის ძუძუებივით დაჩუტოდა და გვერდზე ჩამოჰკონწიალებოდა ორივე. საჩეხემდეც ვერ მოელწია ათანს,

²² საცოდავი, უბედური, სნეული

სულის მოსათქმელად გაჩერებულიყო, უკანასკნელ სისხლის წვეთამდე გამოეწურა მძუნაობას, უკანასკნელ უჭრედამდე დაცლილიყო ყველაფრისაგან და დაბერტყილ ტომარასავით დაბრუნდა, ძლივას მოფოფხდა შინამდე.

- ჰაი, ჰაი, ჰაი, - გაკვირვებული უვლიდა გარშემო ედიღეი და, ცოტა არ იყოს, ნიშნის მოგებით იძახდა. - აი, სადამდე მისულხარ! ძაღლმაც ვერ გიცნო. ათანი კი იყავი! ვაჰ, ვაჰ! რა პირით მოხვედი ნეტა?! სინდის-ნამუსი რა უყავ! კვერცხები თუ შეგერჩა მაინც, ხომ არ დაგიკარგავს გზაში? ფუჰ, რანაირად ყარხარ! ძალა არ გეყო და ფეხებზე ისხამდი შარდს. მიგყინვია კიდევ უკან! ეს როგორ გაგიუბედურებია თავი!

განძრევის თავი არ ჰქონდა ყარანარს, სადღა იყო მისი ძველი ძალა და მედიდურება. დაღონებული, გასაცოდავებული აყანყალებდა თავს და იმასღა ცდილობდა, არ წაქცეულიყო.

შეეცოდა ედიღეის ათანი. შინ შებრუნდა და სავსე ტაშტით ნარჩევ-ნარჩევი პურის ხორბალი გამოუტანა. ზემოდან ერთი მუჭა მარილი მოაყარა.

- აჰა, ჭამე, - დაუდგა საჭმელი წინ აქლემს. - იქნებ ცოტა მოსულიერდე. მერე წაგიყვან საჩეხეში. დაისვენებ, გონს მოხვალ.

იმავ დღეს თავისი ფეხით მიადგა სახლში ყაზანგაპს და უთხრა:

- აი, რა საქმეზე მოვედი, ყაზანგაპ. არ გაგიკვირდეს, გუშინ ლაპარაკიც არ ინდომა ჩემთან, ასე და ისეო, დღეს კი თავისი ფეხით მომადგაო. დიდი საქმე მაქვს. ყარანარი მინდა დაგიბრუნო და მადლობაც გითხრა, თავის დროზე რომ ძუძუთა მაჩუქე. კარგად მემსახურა ეს ხანი. ამას წინ გავაგდე, მოთმინება გამიწყდა, მაგრამ დღეს კი ისევ მოლასლასდა ჩემთან. ფეხები ძლივს მოათრია. ახლა საჩეხეში წევს. ორიოდე კვირის შემდეგ ადრინ-

დელ ძალას დაიბრუნებს, ისევ ღონივრად იქნება. ოღონდაც ჭამა ჭირდება.

-დაიცა, - გაანწყვეტინა ყაზანგაპმა. - გულში რა ჩავიდვია? ასე უცხად რამ გადაგანწყვეტინა ყარანარის დაბრუნება? მე გთხოვე თუ?

მაშინ გაუმხილა ედილეიმ, რაც ელო გულში. ასე და ასეო, მინდა ოჯახიანად აქედან წავიდეო. მომბეზრდა საროზეჭში, დროა საცხოვრებელი ადგილი შევიცვალო. იქნებ უკეთესად წამივიდეს საქმეო. ყაზანგაპმა ყურადღებით მოუსმინა და ასე უთხრა:

- შენი საქმისა შენ იცი, მაგრამ მგონია, თავადაც არ გესმის რა გინდა: კარგი, ვთქვათ, აქედან წადი, მაგრამ საკუთარ თავს სად გაექცევი. სადაც არ უნდა გადაიკარგო, შენი ჯავრი და სადარდებელი თან წაგყვება, არ მოგშორდება. არა, ედილეი, თუ ჭიგიტი ხარ, აქ მოერიე შენ თავს. აქედან წასვლა კი ვაჟკაცობა არაა. ჰაი, ჰაი, რომ წასვლა ყველას შეუძლია, საკუთარ თავს კი ყველა ვერ მოერევა.

ედილეი არ დათანხმდა, მაგრამ არც შეედავა. ჩაფიქრებული იჯდა და მძიმედ ხვნეშოდა. „იქნებ მართლა წავიდე, სხვა მხარეში გადავიკარგო? - ფიქრობდა იგი. - მაგრამ დავივიწყებ კია? ან რატომ უნდა დავივიწყო? არადა, როგორ ვიცხოვრო მერმე? არ შემიძლია არ ვიფიქრო და ფიქრიც რომ მიმძიმს! თვითონ რა დღეშია ნეტა? სად არის ახლა თავისი პატარებით? ან ჰყავს კი ვინმე, გაუგოს და დაეხმაროს გაჭირვებაში? უქუბლაც რომ იტანჯება, რამდენი დღეა ითმენს ამ ჩემს გაბუებას, გაუცხოებას... რა მისი ბრალია?“

მიხვდა ყაზანგაპი, რაზედაც დაფიქრებულიყო ბურანელი ედილეი. მიხვდა და, მისთვის რომ საქმე გაეადვილებინა, ჩაახველა, ხოლო როცა ედილეიმ თავი ასწია, ასე უთხრა:

- ჩემი დარიგება რად გინდა, ედილეი, თვითონაც კარგად იცი ყველაფერი. კაცმა რომ თქვას, არც შენ ხარ რაიმალ-ალა და არც მე აბდილხანი. რაც მთავარია, ამ ჩვენს კედაროში ას ვერსზე ერთ ხეს ვერ ნახავ, შენი მიბმა შეძლოს კაცმა. თავისუფალი ხარ, როგორც გიჯობდეს, ისე მოიქეც. ოლონდაც ვინემ წასვლას გადაწყვეტდე, კარგად დაფიქრდი.

ყაზანგაპის ეს სიტყვები დიდხანს არ დავიწყებია ედილეის.

თავისი დროისათვის დიდად ცნობილი მომღერალი იყო რაიმალ-ალა, სიყმაწვილითვე სახელგანთქმული. ღმერთმა ერთად დააბერტყა სამი სიკეთე, სამი დიდებული მადლი: პოეტიც იყო, კომპოზიტორი და საკუთარი სიმღერების გასაოცარი შემსრულებელიც, ძალუმი სუნთქვის პატრონი. თავის თანამედროვეებს აოცებდა რაიმალ-ალა. სიმებს ჩამოჰკრავდა თუ არა, უმალ სიმღერაც იღვრებოდა, მსმენელთა თვალწინ იბადებოდა. მეორე დღეს კი ეს სიმღერა პირიდან პირში გადადიოდა, რამეთუ რაიმალ-ალას სიმღერის მსმენელი ჰანგს მაშინვე იმახსოვრებდა, თან მიჰქონდა აულებსა და ქოჩებში. ამ სიმღერას მღეროდნენ იმდროინდელი ჯიგიტები:

ცივი წყლის გემოს მაშინ იგრძნობს კარგი ტაიჭი,
ოდეს მთის წყაროს დაეწაფება.
ოდეს მე შენკენ ცხენით მოვქრევიარ,
ჩამოუხდელად ბაგე ბაგეს რომ შეგანებო,
მაშინ განვიცდი წუთისოფლის მთელ სიტკბობას...

ლამაზად იცვამდა რაიმალ-ალა, სულ ნაირ-ნაირს, ღმერთსაც დაედგინა მისთვის ასე. მეტადრე ძვირფასი ბეწვით შემოვ-

ლებული ქედები უყვარდა, ზამთარ-ზაფხულ-შემოდგომობით სულ სხვადასხვა. მის განუყრელ ჩალისფერ ახალთეკელ ტაიჭ სარალასაც, თურმენებს რომ ერთ ნადიმზე უჩუქებიათ, პატრონზე არანაკლები სახელი და დიდება ჰქონდა. მისი მოხდენილი, მედიდური თამაშ-თამაშა, სიარული ნეტარებას ანიჭებდა ცხენების მოტრფიალეთ. იმიტომაც ამბობდნენ ენაკვიმატნი: რაიმალის მთელი სიმდიდრე დომბრის ხმა და სარალას თამაშ-თამაშა სიარულიაო.

ასედაც იყო. მთელი სიცოცხლე უნაგირზე გაატარა რაიმალი-ალამ, მთელი სიცოცხლე დომბრა არ გაუშვია ხელიდან. ქონება და სიმდიდრე ვერ შეიძინა, სახელი კი დიდი მოიხვეჭა. მათის ბუღბულივით ატარებდა თავის წუთისოფელს, სულ ნადიმებზე, სულ ქეიფსა და ლხინში იყო, ყველგან პატივით და სიყვარულით ეგებებოდნენ. ტაიჭსაც არ აკლდა მოვლა და ჭამა. მაგრამ წელმაგარი, შეძლებული ხალხიდან ბევრს არ უყვარდა რაიმალი, ქარაფშუტულად და უჭკუოდ გაატარა ცხოვრება, მინდვრად მოფშტრიალე ქარივითო. დიახ, ამასაც იძახდნენ რაიმალი-ალას ბურგს უკან.

მაგრამ რაიმალი-ალა რომ წვეულებაზე გაჩნდებოდა, მისი დომბრისა და სიმღერის გაგონებაზე ყველა ილურსებოდა, ყველა მონუსხული მიჩერებოდა ხელებსა, თვალებსა და პირზე, ისინიც კი, ვინც ცხოვრების ყაიდას უწუნებდა. ხელებში იმიტომ, ადამიანის ყველა გრძნობას ახმიანებდა ეს ხელები დომბრაზე; თვალებში იმიტომ - სულისა და ფიქრის მთელ სიძლიერეს აკვესებდა ეს თვალები, პირზე იმიტომ - ლამაზი და ზეშთავგონებული პირსახე ჰქონდა რაიმალის. რომ მღეროდა, ქარიან დღეში წამისწამ ცვალებად ზღვას მოგაგონებდა მისი სახე...

ცოლეები გარბოდნენ მისგან, სასონარკვეთილნი, მოთმინე-ბაგამწყდარნი. მაგრამ ბევრ ქალს კი ღამლამობით ჩუმ-ჩუმად უღვრია ცრემლი მისი გულისთვის, მასზე ოცნებით.

ასე გადიოდა ცხოვრება ქორწილიდან ქორწილზე, ნადი-მიდან ნადიმზე სიმრერებსა და დაკვრაში. და ჰა, შეუმჩნევლად შემოეპარა სიბერე. ჯერ ულვაშებში გაერია ჭალარა, მერე წვე-რიც გაუთეთრდა. ხანი დაეტყო სარალასაც - ხორცი დაყარა, კუდსა და ფაფარზე ძუა დაეკვნიტა. სიარულზელა თუ შეატყობდი ადრინდელ სიჩაუქეს, დაუბამთრდა რაიმალი-ალას, ვით ჭკნობა-შეპარულ ოლედ მდგარ ამაყ ალვას. მაშინ აღმოჩნდა, რომ არ ჰყავს ოჯახი, არა აქვს სახლი, არ აბადია არც ფარა და არც ქონება. მისმა უმცროსმა ძმამ აბდილხანმა შეიკედლა იგი, თუმ-ცალა ახლო ნათესავებში უკმაყოფილება და საყვედური თქვა ძმაზე. მაინც ბრძანა ცალკე კარავი დაედგათ რაიმალი-ალასათ-ვის, ეჭმით და ერეცხათ მისთვის...

სიბერეზე დაიწყო სიმღერა რაიმალი-ალამ, სიკვდილზე ხშირად ფიქრობდა ახლა. დიდებული, მჭმუნვარე სიმღერები იქმნებოდა იმ დღეებში. მისი რიგიც დადგა, მოცალეობის ჟამს მოაზროვნეთა დასაბამიერ ფიქრს მისცემოდა - რად იბადება კა-ცი? წინანდელივით აღარ დადიოდა ნადიმებსა და ქორწილებ-ზე, უფრო ხშირად შინ იჯდა, უფრო ხშირად ნალვლიან ჰანგებს აუღერებდა დომბრაზე, მოგონებებით სულდგმულობდა, უფრო ხშირად და უფრო დიდხნობით იჯდა ხოლმე უხუცესებთან და წუ-თისოფლის ამაოებაზე მსჯელობდა...

ღმერთია მოწმე, მშვიდად დაასრულებდა თავის წუთისო-ფელს რაიმალი-ალა, ერთ ამბავს არ შეეძრა იგი სიცოცხლის ბოლოს.

ერთ დღეს ველარ მოითმინა რაიმალი-ალამ, თავისი ბებე-რი სარალა შეკაზმა და დიდ ლხინზე გასწია დარდების გასაქარ-

ვებლად. ყოველი შემთხვევისათვის დომბრაც თან წაიღო. ძალიან შეეხვეწა და შეემუდარა საპატიო ხალხი, ქორწილზე გვეწვიე, თუ არ იმღერებ, სტუმრად მაინცო. დარბაისელთა წრეში იჭდა, კუმისსა სვამდა, დინჯად ბაასობდა და კეთილ სურვილებს გამოთქვამდა.

გახურებული ლხინი იყო აულში, ყოველი მხრიდან ყმაწვილების სიმღერა და სიცილი მოისმოდა, მათი თამაში და გართობა. ემზადებოდნენ ნეფე-პატარძლის საპატიოდ გამართული დოღისათვის, ტრიალებდნენ მზარეულები კოცონებთან, თავისუფლად დანავარდობდნენ ჯოგები, უბრუნველად დარბოდნენ ძაღლები, მონავარდე ქარს ტრამალიდან აყვავებული ბალახების სურნელი მოჰქონდა... მაგრამ რაიმალი-ალას მთელი გულისყური მეზობელ კარავს მიეჯაჭვა, საიდანაც მუსიკა და სიმღერა მოისმოდა, ყმაწვილ ქალთა სიცილ-კისკისზე ყურებს ცქვეტდა...

გული უკვნესდა, სული უწუხდა ბებერ აშულს, არ იმჩნევდა, მაგრამ ფიქრით კი წარსულში ჰქროდა, იმ დღეებს იგონებდა როცა ჭაბუკი და ლამაზი იყო, როცა თავის ახალგაზრდა რაშს გზებზე დააგელვებდა, როცა გადათქერილი ბალახი სიცილ-ტირილით ხვდებოდა, როცა მზე მისი სიმღერის გაგონებისას შესაგებებლად მოგორავდა, როცა მკერდს ქარი უვსებდა, როცა მისი დომბრის ჟღერა ხალხს გულს უჩქროლებდა, როცა მის სიტყვებს ჰაერში იჭერდნენ, როცა ტანჯვაც ძალუძდა, სიყვარულიც და სინანულიც, როცა უზანგის მოშორება ცრემლებს აღვრევიანებდა... რად, რისთვის იყო ეს ყველაფერი? განა იმისთვის, რომ სინანულს აეგსო გული და მინავლებული ცეცხლივით ნელინელ ჩაფერფლილიყო სიბერეში?

სევდამ მოიცვა რაიმალი-ალა, მეტწილად მდუმარ ფიქრს მისცემოდა. ანაზღად ნაბიჯის ხმა, ლაპარაკი, ფარლულის წკრი-

ალი და კაბის ნაცნობი შრიალი შეესმა კართან. ვილაცამ გარედან ასწია იურტას კარზე ჩამოფარებული ფარდაგი და ზღურბლზე ვილაც ასული გადმოდგა. დომბრა მიეკრა გულზე. გაშლილა სახე ჰქონდა, ცქვიტი, ამაყი მზერა. შვილდივით მოზიდული წარბები, მტკიცე ხასიათს რომ მოწმობდა მისას. ყველაფრით შეემკო გამჩენს ეს შავთვალა - სიმალლით, გარეგნობით. შესამოსელით, თითქოსდა ოსტატის ხელებს გამოეძერწოს იგი. თავი დახარა დარბაისელთა წინაშე, პატიების თხოვნის ნიშნად. დაქალები და რამდენიმე ჯიგითი ახლდა. მაგრამ პირის გაღება ვერაფერს მოასწრო, რომ ასულმა სიმებს ჩამოჰკრა, რაიმალი-აღას მიაპყრო მზერა და მისასალმებელი სიმღერა წამოიწყო:

„ვით მექარაფნე მოწყურებული შორი გზით მოდის წყაროს წყალთან, ასე მოველ მეც. სახელოვანო რაიმალი-აღა, მისალმების სიტყვა რომ გითხრა. ნუ შეგვიწყობი, ხმაურით რომ შემოგეჭერთ, - ქორწილი რისი ქორწილია, თუ ლხინი და მხიარულება არ გაამეფა. ნუ გაიკვირვებ ჩემს სითამამეს, რაიმალი-აღა - ისეთივე გულის კანკალით და ფარული შიშით გავბედე შენთან მოსვლა ჩემი სიმღერით, თითქოს სიყვარულს გიმხედდე ჩემსას. მაპატიე, რაიმალი-აღა, როგორც მამაპაპური თოფია ხოლმე დატენილი თოფისწამალით, მეც სითამამე ისევე მაფსებს. თუმც ლაღად ვცხოვრობ. ნადიმებსა და ქორწილებზე დროს ატარებ, მთელი სიცოცხლე ამ შეხვედრისათვის ვემზადებოდი იმ ფუტკარივით, წვეთ-წვეთობით რომ თაფლს აგროვებს. ვემზადებოდი იმ კოკორივით, ვისაც გაფურჩქენა დანიშნულ დროზე უწერია და ეს დროც დადგა...“

„კი მაგრამ, ვინ ხარ, მშვენიერო უცხო ასულო?“ - კითხვა უნდოდა რაიმალი-აღას, მაგრამ ვერ გაბედა სხვისი სიმღერის შუაზე შეწყვეტა. ეს კია, განცვიფრებული და აღტაცებული მისკენ გადაიხარა. სული შეეძრა, მჩქეფარე სისხლმა გზნებით აუნთო

მთელი სხეული. იმ წუთს, რომ ვინმე დაკვირვებოდა. დაინახავდა, როგორ შეთრთოლდა. როგორ აიქნია ფრთები როგორც სვავმა ცად აფრენისას. თვალები გამოუცოცხლდა და აუელვარდა, მთელი სხეული დაეძაბა, თითქოს ზეციდან ხმა სასურველი შემოესმა. თავი ასწია რაიმალის-აღამ, სულ დაავიწყდა თავისი წლები...

მომღერალი ასული კი განაგრძობდა:

„მაშ, მოისმინე ჩემი ამბავი, დიდო ჟირაუ, რახან გადავწყვიტე და გადავდგი ეს ნაბიჯი, მე სიყრმითგანვე მიყვარდი, ღვთის ნიჭით მომადლებულო მგოსანო რაიმალის-აღა. მე სულ თან გდევდი, რაიმალის-აღა, სადაც არ უნდა წასულიყავ, სადაც არ უნდა გემღერა. ნუ გამკიცხავ, ჩემი ოცნება იყო ისეთი აკინი ვყოფილიყავ, როგორიც შენ იყავ და ახლაცა ხარ, დიდოსტატო რაიმალის-აღავ. უხილავ ჩრდილივით შენს კვალში მავალს არ გამიშვია არც ერთი შენი სიტყვა, შენს ჰანგებს ლოცვასავით ვიმეორებდი, ასე ვსწავლობდი, ასე დავიზებირე, ვით შელოცვანი, შენი ლექსები. მე ვოცნებობდი, მე ღმერთს ვვედრიდი ჩემთვის მოვევლინა დიდი ნიჭი, რომ ერთ ბედნიერ დღეს შემძლებოდა და მოგსალმებოდა, რომ სიყვარულში გამოგტეხოდი, შენი დიდი ხნის მოთაყვანეს მემღერა შენ წინ შექმნილი სიმღერები და, დაე ღმერთმა არ შემრისხოს სითავხედისათვის, ოსტატობაში გაგჯიბრებოდი, დიდოსტატო, გინდაც ძლეული ვყოფილიყავი. ამ დღეზე ისე ვოცნებობდი, რაიმალის-აღა, როგორც ზოგიერთი ქორწილს ინატრებს, მაგრამ მე მაშინ პატარა ვიყავ, შენ კი - ეგზომ დიდს, ეგზომ საყვარელს ყველასათვის, დიდებითა და პატრით მოსილს, განა რა გასაკვირია, ჩემისთანა პატარა გოგო ვერ შეგემჩნია და გამოგრჩენოდა ნადიმებზე შეყრილ ხალხმრავლობაში. მე კი, შენი სიმღერებით დამტკბარსა და მთვრალს, იდუმლად შენზე მეოცნებეს, თუმცა კი სირცხვილით

დამწვარს, დაქალემა მინდოდა ჩქარა, რომ შენ წინ თამამად და გაბედულად წარვმდგარიყავი. მე ფიცი დავდე ჩავწვდომოდი სიტყვის მულამს, ჩავწვდომოდი მუსიკის არსს შენებრ ღრმად და შენნაირი სიმღერა მესწავლა, ჩემო მოძღვარო, რათა შენთან მოვსულიყავი, არ მშინებოდა გამკიცხავ მზერის, მოგსალმებო-დი, სიყვარულში გამოგტყდომოდი და დაუფარავად გამომენვიე. და ჰა, მოვედი. მოვედი და უნდა განმსაჯო. ვინემ გაზრდას, ვინემ დაქალეხას ვესწრაფოდი, დრო ზღაზვნა-ზღაზვნით გადიოდა. და როგორც იქნა ამ გაზაფხულზე ცხრამეტი წელი შემისრულ-და. შენ კი, რაიმალი-ალა, ჩემს ქალწულებრივ წარმოსახვაში ისევ ისა ხარ, ისევ ისეთი, ოლონდ ცოტა გაჭალარავდი. მაგრამ ეს სულაც ხელს არ მიშლის, რომ შეგიყვარო, ისევე, როგორც შემიძლია არ შევიყვარო სხვა უჭალარო. და ჰა, აქა ვარ. ახლა კი მინდა პირდაპირ და აშკარად გითხრა, როგორც ქალს, შე-გიძლია ზურგი მაქციო, ხელი ამალო, მაგრამ ვით აშულს - უფ-ლება არა გაქვს უარი მითხრა, რამეთუ მე აქ მჭევრმეტყველე-ბაში გასაჯობრებლად მოვედი შენთან... მე გინვევ, ოსტატო ჩე-მო, სიტყვა ახლა მხოლოდ შენზეა!“

- კი, მაგრამ ვინ ხარ? სადაური? - შესძახა რაიმალი-ალამ .
ადგილიდან წამოდგა. - ან რა გქვია?

- ბევიმაი მქვია.

- ბევიმაი? აქამდე სად იყავ, ბევიმაი, საიდან გაჩნდი, ბევი-მაი? - უნებურად აღმოხდა რაიმალი-ალას და თავი დალონებით ჩაჰკიდა.

- აკი გითხარი, რაიმალი-ალა, პატარა ვიყავ, ვიზრდებოდი.

- ყველაფერი მესმის, - მიუგო რაიმალი-ალამ. - ეს ერთი არ მესმის მხოლოდ, ვერ გამიგია ჩემი ბედისა! რად მოინდომა ეგზომ მშვენიერი გაეზარდე ჩემი ცხოვრების დაისისათვის, ჩემი ცხოვრების დაზამთრების ხანს? რატომ, რისთვის? რომ მათქმე-

ვინოს, ყველაფერი, რაც წინათ იყო, ყველაფერი ის არ იყო, რომ ამოდ გავლიე დღენი და არ ვიცოდი, ცით მოვლენილი სიხარული და ჯილდო - შენი გაცნობა, სმენა, ხილვა, სატანჯველად გამიხდებოდა? რად შემინყრა ასე სასტიკად ბედი ჩემი?

- სულ ტყუილად დრტვინავ ასე მწარედ, რაიმალი-ალა - უთხრა ბეგიმაიმ. - უკეთუ ბედი ჩემი სახით მოევლინა - ეჭვი არ გქონდეს, რაიმალი-ალა, ჩემი ალერსი, სიმღერა და თავდადებული სიყვარული თუ გაგახარებს, უფრო ძვირფასი ჩემთვის არ რა იქნება. მაგრამ თუ ეჭვებს მაინც ვერ სძლიე, თუ შენკენ კარი გადამიკეტე, მაშინაც კი, შენი უსაზღვროდ მოყვარული, დიდ პატივად ჩავთვლი. ოსტატობაში შეგეჯიბრო, ყაბულსა ვარ ყველანაირ გამოცდაზე!

- აბა რას ამბობ, ბეგიმაი, სიტყვით გამოცდას, ოსტატობაში შეჯიბრებას ნეტა რას ვაქნევ, როცა უფრო საშინელი, სიყვარულში გამოცდა გველის, რაიც იმ წესებს არ ეთანხმება, რითაც ჩვენ ვცხოვრობთ. არა, ბეგიმაი, ვერ შეგპირდები ენამჭევრობაში გაპაექრებას. განა იმიტომ, ძალა არ შემწვეს, განა იმიტომ, სიტყვა მოკვდა, არ ცოცხლობს ჩემში. განა იმიტომ, ხმა ძველებურად აღარ მიჟღერს. ამიტომ არა. მე ძალმიძს მხოლოდ შენით ვიყო აღტაცებული, ბეგიმაი. მე ძალმიძს მხოლოდ შეგიყვარო ჩემდა ჭირად და სავალალოდ, ბეგიმაი, და შეგეჯიბრო მხოლოდ და მხოლოდ სიყვარულში, ბეგიმაი.

რაიმალი-ალამ დომბრა აიღო, ახლებურად ააწყო იგი და დაამღერა სრულიად ახალი სიმღერა, დაამღერა ძველებურად - ხან ჟღერდა იგი, ვით ნიაფი მოშრიალე ბალახებში, ხან ვით ავდარი, მოგრიალე მოლურჯო-მოთეთრო ცაზე. მას აქეთ დარჩა სიმღერა „ბეგიმაი“.

„შენ თუ მწყურვალი შორით მოხველ, რომ წყაროს წყალსა დაეწაფო მე ვით ნიაფი მოვირბენ შენთან და ფეხებში ჩაგივარ-

დები, ბეგიმაი. თუკი ბედისგან მიწერია, ეს დღე უკანასკნელი დღე იყოს ჩემთვის, დღეს არ მოვკვდები, ბეგიმაი. არც არასოდეს არ მოვკვდები, ბეგიმაი, გავცოცხლდები და კვლავ ვიცხოვრებ, ვისულდგმულვებ, ბეგიმაი, რომ უშენოდ არ დავრჩე, ბეგიმაი, როგორც უჩინოდ არ შეიძლება დარჩეს კაცი, ბეგიმაი...”

აი, ასე მღეროდა იგი სიმღერა „ბეგიმას“.

ის დღე ხალხს დიდხანს ჩარჩა ხსოვნაში, ისეთი მითქმა-მოთქმა ატყდა უცბად რაიმალი-ალასი და ბეგიმას გარშემო მაშინ. ხოლო როცა პატარძალი ნეფესთან მიაცილეს, სადღესასწაულო თეთრ კარვებს შორის, სადღესასწაულო ტაიჭებზე ამხედრებულთა შორის სადღესასწაულოდ ჭრელად მორთულ გამცილებელთა ქარავნის თავში რაიმალი-ალა და ბეგიმაი მიჭირითობდნენ კეთილმსურველი სიმღერებით. გვერდი-გვერდით, უზანგ-უზანგ მიაგელვებდნენ ისინი ტაიჭთ, ერთმანეთს მხარს უმშვენებდნენ, ღმერთს მიმართავდნენ, კეთილ ძალთ უხმობდნენ, ახალნაქორწინებულ ბედნიერებას უსურვებდნენ, ღობრაზე, სალამურზე უკრავდნენ. სიმღერებს მღეროდნენ ხან ერთი, ხან მეორე, ხან ერთი, ხან მეორე...

გაოცებული იყო ხალხი, ეს რა სიმღერები გვესმისო, იცინოდა მათ ირგვლივ ხალხი, მიწას ეფინებოდა კოცონთა კვამლი. დაფრინავდნენ ჩიტები. ირგვლივ, მხიარულობდნენ ბავშვები, ორწლიან კვიცებს დააჭენებდნენ.

ველარ ეცნო ბერი აშული რაიმალი-ალა ხალხს. ადრინდელ ვით უღერდა მისი ხმა, ადრინდელივით მოქნილი და ჩაუქი გამხდარიყო, როგორც მწვანე მოღზე დადგმულ თეთრ კარავში მოკიაფე ორი სანთელი, ისე უელვარებდა თვალები. ტაიჭ სარალასაც ამაყად მოეღერა ყელი.

მაგრამ ყველას არ ეჭაშნიკა, არ მოეწონა ეს ამბავი. ზოგ-ზოგი იფურთხებოდა რაიმალი-ალას ცქერისას. ნათესავები და

თვისტომები ბარაქობის გვარიდან აღშფოთებულნი იყვნენ. ბრაზს შეეპყრო ქორწილზე მყოფი ბარაქობები. ეს რასა ჰგავს, სულ შეიშალა სიბერეში რაიმალი-ალა. მის ძმა აბდილხანს მიადგინ და უსაყვედურეს. ასე უთხრეს, თემის უფროსად როგორ ავირჩევთ, მასხრად აგვიგდებს ხალხი არჩევნებზე, როცა ეს ბებერი ქოფაკი რაიმალი-ალა თავსლაფს გვასხამსო? გესმის, როგორ მღერის, როგორ ხვიხვინებს ახალგაზრდა ულაყვიით, ან ის გომბიო რას პასუხობს, ხომ გაიგე? სირცხვილო და თავის მოჭრაფ! ყველას თვალწინ ეკურკურება. ეს კარგს არას მოასწავებს. რას გადაეკიდა ამ გომბიოს, რაში ჭირდება? თუ ჭკუაზე არ მოიყვან, იცოდე, აულეებში ცუდი ხმები დაირხევა...

კარგა ხანია დაბოლმილი იყო აბდილხანი უწესო ძმაზე, გაჭლარავდა და უზნეობას მაინც არ იშლისო. ეგონა კია, სიბერეში მაინც ჭკუაზე მოვა, დადინჯდებაო, გაგიგონია - ბარაქობების მთელ გვარს არცხვენს ახლაც და თავს სჭრის.

ქუსლი ჰკრა თავის ტაიჭს აბდილხანმა, ხალხის გარღვევა მოინდომა და ძმასთან მისვლა. მათრახს უღერდა, გონს მოდი, შინ გასწიო! - ყვირილით ემუქრებოდა. მაგრამ არ ესმოდა, ვერ ამჩნევდა აბდილხანს ტკბილადმუღერი სიმღერებით გართული უფროსი ძმა. უმაღლ განზე მიაგდეს მომღერლების ირგვლივ დასეულმა თაყვანისმცემელმა მხედრებმა აბდილხანი, სიმღერის ყოველ სიტყვას ხარბად რომ იჭერდნენ, აქეთ-იქიდან თავკისერზე მათრახიც გადაუჭირეს, ვინ, ვერც გაარჩია. უკანვე გაქუსლა აბდილხანმა...

სიმღერა კი არ შეწყვეტილა, ყოველ წუთს ახალ-ახალი სიმღერა იზადებოდა. „ოდეს მარალი²³ შეყვარებული დილაო-

²³ გარეული ირემი

ბით ყვირილით უხმობს თავის მიჯნურს, ხევი ნახმევით ეხმაურება და ბანს აძლევენ მთა-გორებიც“, - მღეროდა რაიმალი-ალა.

„ოდეს თეთრ გედთან განშორებული დილის მზეს უცქერს მამალი გედი, მზე მისთვის ირგვლივ შავად ანათებს“, - სიმღერით ეპასუხებოდა ბეგიმაი.

ასე მღეროდა ახალდაქორწინებულთა პატივსაცემად ხან ერთი, ხან - მეორე, ხან - ერთი, ხან - მეორე...

იმ თავდავინწყების ჟამს რაიმალი-ალამ არ უწყოდა, რა დაბოლმილმა გაქუსლა მისმა ძმამ აბდილხანმა, რა შეურაცხყოფილი და შურისძიების წყურვილით მიჰყვა უკან ბარაქბაევთა მთელი გვარი. არ უწყოდა, როგორ შეჰკრეს პირი მისდა სამტროდ და რა სასჯელსაც უმზადებდნენ...

სიმღერები კი არ წყდებოდა - ხან ერთი მღეროდა, ხან - მეორე, ხან - ერთი, ხან - მეორე...

უნაგირზე დახრილი, ავად მოქურუზებული მიქროდა აბდილხანი შინისკენ, თავის აულში. მგლის ხროვასავით მისდევდნენ გვერდიგვერდ ნათესავეები, ცხენებიდან უყვიროდნენ:

- შენი ძმა ჭკუაზე შეირყა! გაგიჟდა! უბედურება გველის! უნდა ვუწამლოთ ჩქარა!

სიმღერები კი არ წყდებოდა - ხან ერთი მღეროდა, ხან - მეორე, ხან - ერთი, ხან - მეორე...

ასე სიმღერ-სიმღერით მიაცილეს მექორწინეთა მაყრიონი დაქმულ ადგილას. გამოთხოვებისას კიდევ იმღერეს კეთილმოსურნე სიმღერები. მერე ხალხს უთხრა რაიმალი-ალამ - ბედნიერი ვარ, რომ ბედმა ამ დალოცვილ დღეს მომასწრო, რომ ჩემი ბადალი აკინი - ნორჩი ბეგიმაი გამომიგზავნა, უთხრა, რომ მართოდენ კაჟის კაჟზე დაკვრით ჩნდება ცეცხლი, ასევე სიტყვის ხელოვნებაში ერთმანეთთან გაპაექრება სრულყოფილსა ხდის აკინს. მაგრამ ყველაზე უფრო ბედნიერი ვარ, რომ ჩემი სიცოც-

ხლის მიწურულს, როგორც დაისზე მთელი ძალით აგიზგიზდება ხოლმე მნათობი დასაბამიდან მომადღებელი ძალით, ისევე ვიგრძენ მეც სიყვარული, ისეთივე ძალით ამევსო სული, არასოდეს რომ არ მიგრძენია და განმიცდია.

- რაიმალი-ალა! - უთხრა პასუხად ბეგიმაიმ. - ახდა ჩემი ოცნება, ამიერიდან მე შენს კვალს ვსდევ, როგორც იტყვი და სადაც იტყვი, ჩემი დომბრით იქ გაგზნდები დაუყოვნებლივ, რათა სიმღერა ჩემი და შენი შევაულო, რათა მიყვარდე და შენც გიყვარდე. ასე გაბარებ მე ჩემსა ბედს დაუფიქრებლად.

სიმღერები კი არ წყდებოდა.

იქვე, მთელი ტრამალელი ხალხის წინ დათქვეს რაიმალი-ალამ და ბეგიმაიმ, რომ ერთი დღის შემდეგ დიდ ბაზრობაზე შეიყრებოდნენ და ყოველი მხრიდან ჩამოსულთათვის იმღერებდნენ.

როგორც კი ხალხი დაიშალა, მთელ იმ მხარეში ხმა გავარდა, რაიმალი-ალა და ბეგიმაი ბაზრობაზე ჩამოვლენ და იმღერებენო. პირიდან პირში გადადიოდა ამბავი.

- ბაზრობაზე!

- ბაზრობაზე შეკაზმეთ ცხენები!

- ბაზრობაზე შეიყარეთ აკინთ სასმენად!

პასუხად კი ექოდ ისმოდა:

- აი, ზეიმიც ეს იქნება!

- აი, სეირიც ეს იქნება!

- ვაი, რა დიდებული რამ იქნება!

- ვაი, სირცხვილო და თავის მოჭრავ!

- ვაჰ, რა კარგია!

- ვაჰ, უსირცხვილობაც ასეთი უნდა!

რაიმალი-ალა და ბეგიმაი შუა გზაზე დასცილდნენ ერთმანეთს:

- მაშ, ბაზრობამდე, ჩემო ძვირფასო ბეგიმანი!
- მაშ, ბაზრობამდე, რაიმალი-ალა!

დღე ილუოდდა. ზაფხულის თეთრი ბინდი მშვიდად ეფინებოდა ვეება ტრამალს. გადამწიფებულიყო უკვე ბალახი, ჭკნობის სურნელს დაიკრავდა, მთებში გრილი სიო ბერავდა წვიმების შემდეგ, მზის ჩასვლის წინ მძიმე-მძიმედ, დაბლა ფრენდნენ ძერანი, გალობდნენ ჩიტნი უშფოთველ მწუხრის სადიდებელს...

- რა სიჩუმეა, რა მადლია! - წაილაპარაკა რაიმალი-ალამ და სარალას ფაფარზე დაუსვა ხელი. - ეჰ, სარალა, ძველო მეგობარო, ეჰ, ჩემო კარგო, ნუთუ სიცოცხლე მართლა ესოდენ მშვენიერია, რომ ცხოვრების დასასრულსაც ესოდენი ძალის სიყვარულს გვმადლის?

სარალა კი გზას მიჰყვებოდა ფრუტუნ-ფრუტუნით, შინისაკენ მიიჩქაროდა, რომ დაესვენა, დღეს ძალიან დაღლილი იყო, მდინარის წყალი მოსწყურებოდა, მინდვრად მთვარის შუქზე ბალახობა მონატრებოდა.

აგერ აულიც გამოჩნდა მდინარის მოსახვევში, კარვებში მხიარულად მოგიბგიბე კოცონები.

ცხენიდან ჩამოხდა რაიმალი-ალა, ცხენი კადონთან დააბა, კარავში არ შესულა, დასასვენებლად გარეთ დაჯდა კერიასთან. მაგრამ ვილაც მიუახლოვდა, მეზობლის ბიჭი იყო ეს ვილაცა.

- რაიმალი-ალა, კარავში გთხოვენ.
- ვინ მთხოვს?
- ჩვენები, ბარაქბაები.

ზღურბლზე გადააბიჯა რაიმალი-ალამ. გვარის უხუცესნი ნანევარწრედ ჩამომსხდარიყვნენ. ცოტა განზე თავის ძმას, აბდილ-

ხანს ჰკრა თვალი. მოლუშული, თავდახრილი იჯდა, თითქოს არ უნდაო მზერა გაუსწოროს ძმას.

- მშვიდობა თქვენდა! - მიესალმა რაიმალი-ალა თვისტომებს. - რამე უბედურება ხომ არ მოხდა?

- შენ გელოდებით, - წარმოთქვა ყველაზე უხუცესმა.

- თუ ასეა, მეც აგერა ვარ, - მიუგო რაიმალი-ალამ, - ოლონდ ადგილს ვეძებ წრეში ჩამოვჯდე.

- დაიცა! კართან დადექ და დაიჩოქე! - გაიგონა ბრძანება.

- ეს რას ნიშნავს? ჯერჯერობით მე ვარ ამ კარვის პატრონი.

- არა, შენ არ ხარ! ჭკუიდან შერყეული ბებერი კარვის პატრონი ვერ იქნება!

- რაზეა ლაპარაკი?

- იმაზე, რომ ამიერიდან ფიცს დადებ, არსად არასოდეს არ იმღერებ, არ იწანწალებ ნადიმ-ნადიმ და თავიდან სამუდამოდ ამოიგდებ იმ გომბიოს, ვისთანაც დღეს თავისმომჭრელ სიმღერებს მღეროდი, დაივიწყე რა ეგ შენი უსირცხვილო ჭალარა წვერი, საკუთარი თავისა და ჩვენი პატივი. ჰოდა, ფიცი მოგვეც, რომ ამას იქით თვალითაც არ ნახავ იმ გომბიოს!

- ტყუილად ხარჯავთ სიტყვებს. ზეგ ბაზრობაზე მე და ის ერთად ვიმღერებთ მთელი ხალხის წინაშე.

ყვირილი ატეხეს თვისტომებმა:

- თავს გვჭრის და ესაა!

- ვინემ გვიან არაა, უარი თქვი.

- მართლა ჭკუიდან გადასულა!

- აბა, გაჩუმდით! - წესრიგი დაამყარა მთავარმა მსახულმა.

- მაშასადამე, ესაა შენი სიტყვა, რაიმალი-ალა?

- მე ვთქვი და გავათავე.

- გესმათ, ბარაქბაების გვარის შთამომავლებო, რა თქვა ჩვენმა თვისტომმა, ამ ურჯულო რაიმალიმ?

- გვესმა.

- მაშ, ყური მიგდეთ, რასაც ვიტყვი. მანამდე კი შენ გეტყვი, უბედურო რაიმალი. მთელი შენი წუთისოფელი ქეიფსა და დროსტარებაში გაატარე, ღარიბ-ღატაკად, ერთი ცხენის ამარა, ნადიმებზე მღეროდი, დომბრას აჟღარუნებდი, ჰამპულა-მანსქარაფოსი იყავი. შენი წუთისოფელი სხვის გართობასა და შექცევას გადააყოლე. ყმანვილი იყავ და ამ უზნეობას იმიტომაც გპატიობდით. ახლა დაბერდი, ახლა სასაცილო ხარ, ჩვენს თვალში არარაობა გახდი. დრო დადგა სიკვდილზე და მორჩილებაზე იფიქრო უკვე. შენ კი სხვა აულების გასართობად და საჭორაოდ იმ გომბიოს გადაეკიდე, ვით ქარაფშუტა და ქერქეტა ბიჭი, გადათელე ადათ-წესები, არც ჩვენ, რჩევას ემორჩილები. ჰოდა, როცა ღმერთი ამისთვის დაგსჯის, შენს თავს დააბრალებ. ჩემი მეორე სიტყვა ეს იქნება. ადექ, აბდილხან, შენ ამის ძმა ხარ, მამითა და დედით ერთი, შენ ხარ ჩვენი იმედი და ნუგეში. მთელი ბარაქბაის გვარის სახელით თემის უფროსად გვინდოდა შენი არჩევა, მაგრამ შენმა ძმამ საბოლოოდ დაჰკარგა გონი, თავად არ იცის, რას სჩადის და როგორ იქცევა, და შეიძლება ამ საქმეში დაგაბრკოლოს. ამიტომ უფლებას გაძლევთ ისე მოიქცე, რომ ჭკუაზე შეშლილმა რაიმალიმ თავი არ მოგვჭრას ხალხში, რომ თვალეებში არაფინ მოგვაფურთხოს და ბარაქბაეები სასაცილოდ არ აგვიგდონ!

- წინასწარმეტყველად და მსაჯულად ჩემად მე არაფის გცნობთ, - სიტყვა დაასწრო აბდილხანს რაიმალი-ალამ, - საბრალისნი ხართ აქ მყოფნი თუ აქ არაჰყოფნი. შემცდარნი თქვენი უბირობით, იმასა სჯით, რაც საერთო ბჭობით არ განისჯება. არ უწყით, სადაა ქვეყნად ჭეშმარიტება და ბედნიერება. განა სამარცხვინოა სიმღერა, როს გემრერება, განა სამარცხვინოა

სიყვარული როს ღმერთისაგან მოგვევლინება? ყველაზე დიდი სიხარული დედამიწაზე მიჯნურთ ხილვავა. ხოლო უკეთუ შეშლილად მარტო მიტომ მთვლით, რომ ვმღერი და უდროო დროს მოსულ სიყვარულს ხელს არა ვკრავ, სიხარულით ვეგებები, მაშინ წავალ, გაგეცლებით. მიწა დიდია, დავტდები სარალაზე და ბეგიმას მივადგები, არადა, ორივენი სხვაგან სადმე გავეშურებთ, რა არის ჩვენმა სიმღერებმა, ჩვენმა საქციელმა არ შეგანუხით.

- ვერსადაც ვერ წაბრძანდები! - წაიხრინინა მრისხანედ აქამდე მდუმარე აბდილხანმა. - აქედან ფეხსაც ვერ გადაადგამ! ვერა ბაზრობაზე ველარ წახვალ, ვინემ არ გინამლებთ და ჭკუაზე არ მოეგები!

ამ სიტყვებით დომბრა გამოსტაცა აკინს მისმა ძმამ.

- აბა, უყურე! - მიწას დაახეთქა და ზედ ისე შედგა ამ ნაზ საკრავს, როგორც ბულა გააფთრებული მწყემსს შეადგება. - ამიერიდან დაგავინწყდება სიმღერა ეი, თქვენ, აბა ერთი ის ჭაგლაგი სარალა აქ მომგვარეთ! - დაიძახა მან.

ეზოში მდგომებმა საჩქაროდ მოაჩიქჩიქეს სარალა.

- უნაგირი მოაძრეთ! აქეთ მომეცით! - აბდილხანმა დამალული ნაჯახი იძრო და ნაკუნ-ნაკუნ აქცია უნაგირი.

- ესეც შენ! ვერსად ვერ წაბრძანდები! ვერა ბაზრობაზე ვერ წაეთრევი! - გაცეცხლებულმა ნაგლეჯებად დაჭრა აღკაზმულობა, უზანგის ღვედები, უზანგები კი ბუჩქებში მოისროლა, ერთი აქეთ და მეორე იქით.

დაფეთდა სარალა, უკანა ფეხებზე ჩაჭდა, ფროთხვინვა მორთო, ლაგამი ლამის დაღრღნა, თითქოს იგრძნო, რაც მოელოდა.

- მაშ, ბაზრობაზე გნებავს წაბრძანება? სარალათი გამგზავრება? მაგასაც ვნახავთ! - ცეცხლებს ჰყრიდა აბდილხანი.

ნათესავეებმა წამსვე წამოაქციეს სარალა, დაწნული ქამან-
დით გაკოჭეს; ღონიერი ხელი ღრჭაში ჩაავლო ტაიჭს აბდილ-
ხანმა, თავი უკან გადაუნია, დანა მოუღერა უმწეო ცხოველს. გამ-
კავებელთა ხელიდან დასხლტომა მოინდომა რაიმალის-აღამ.

- შეჩერდი! არ მოჰკლა ცხენი!

მაგრამ ვერ მოასწრო. შადრევანივით იფეთქა ცხელმა სის-
ხლმა, თვალეებში შეესხა, მზერა დაუბნელდა დღისით, მზისით
რაიმალის-აღას. სარალას ოხშივარადენილ სისხლში ამოთ-
ხვრილი რაიმალის-აღა ბანცალ-ბანცალით წამოდგა ზეზე.

- ტყუილად მოჰკალი! ფეხით წავალ! ხოხვა-ფორთხვით მი-
ვალწევ მაინც! - თქვა დამცირებულმა მგოსანმა და კალთით
მოინმინდა პირისახე.

- ვერც ფეხით წახვალ! - მყის თავი ასწია სარალას გამო-
ლადრულ კისრიდან აბდილხანმა. კბილები დაკრიჭა. - აქედან
ნაბიჭსაც ვერ გადადგამ! - ჩაილაპარაკა ჩუმად და უცბად შეჰ-
ღრიალა: - დაიჭით! ვერა ხედავთ, გაგიჟდა კაცი! გაკოჭეთ, ვინემ
კაცი არ მოუკლავს!

ატყდა ყვირილი, წრიალი, ერთმანეთს ეჯახებოდა ყველა:

- თოკი მოიტა!
- ხელები უკან გაუკარი!
- მაგრად შეჰკარი!
- შეიშალა! ღმერთსა ვფიცავ!
- შეხე, როგორ იყურება!
- ვაჰ, ვაჰ, გონი დაჰკარგა!
- აქ მოათრიეთ, ამ არყის ხესთან!
- აბა ჰე, წავათრიოთ!
- ჩქარა მოიყვა!

მთვარე უკვე კარგა მაღალზე იდგა. სიმშვიდე დასადგურებულიყო ზევით ცაში და ქვევით მიწაზე. ვილაც-ვილაც შამანები მოვიდნენ, კოცონი დაანთეს, გიჟური როკვით შეეცადნენ იმ მაგნე სულთა განდევნას, დიდ აშულს რომ გონი დაუბნელეს.

აშული კი არყის ხეს იყო მიკრული, ზურგს უკან გათოკილი ხელებით.

მერე მოლაც მოვიდა, ყურანიდან ლოცვები წაუკითხა, წესიერ გზაზე დადგომა ურჩია აშულს.

აშული კი არყის ხეს იყო მიკრული, ზურგს უკან გათოკილი ხელებით.

და ამღერდა რაიმალა-ალა, თავის ძმა აბდილხანს მიმართა ასე:

„ილევა ღამე და მიიკრეფს ბინდს უკანასკნელს, კვლავ გათენდება, კვლავ დადგება დღე მომავალი, მაგრამ ჩემთვის კი ამიერიდან ჩაქრა ნათელი. შენ მზე წამართვი, უბედურო ძმაო აბდილხან. შენ გიხარია, შენ ზეიმობ ბოლმით ავსილი, რადგან წამართვი მე სიყვარული, სიცოცხლის ბოლოს ღვთისგან ზეციდან მოვლენილი. ის კი არ იცი, ბედნიერება რომ ჩემთან დარჩა, ვინემ ვსუნთქავ, ვინემ ისევ მიფეთქავს გული. შენ მე შემკარი, შენ მე თოკით მიმაბი ხეზე, მაგრამ ნუ ფიქრობ, მე აქ ვიყო, უბედურო ძმაო აბდილხან. აქ მხოლოდ ხრწნადი ხორცია ჩემი, სული კი, სული, ქარად ქცეული, მიჰქრის, მიფრინავს, სული ჩემი, წვიმად ქცეული, მიწას შეერთვის, წუთით არა ვარ განშორებული ჩემს სატრფოსთან, ვით თმა მისი, ვით სუნთქვა მისი საკუთარი. ალიონზე რომ თვალს გაახელს, ვითარცა ჯიხვი, დავეშვები მთებიდან მისკენ, კლდეზე დავეცდი, ვინემ იურტიდან დილაადრიან გამოვიდოდეს. ცეცხლს რომ დაანთებს, კვამლად ვიქცევი და საკმეველივით შემოვეკმევი. მდინარეზე ფონით მკლავებზე შევეშხეფები. ის რომ იმღერებს, იმ სიმღერად გადავიქცევი...“

მალლა ჩუმად შრიალებდნენ ხის ტოტები განთიადისას.
დღე ისევ დადგა. რაიმალის ჭკუაზე შეცდაო, მეზობლები
ჩამოვიდნენ მის სანახავად, შორს დადგნენ და ცხენებიდან ჩა-
მოუხდელად უთვალთვალეზდნენ.

აშული კი, ხეზე მიკრული, ზურგს უკან გათოკილი ხელებითა
და შემოფლეთილი სამოსელით, იდგა და მღეროდა სიმღერას,
შემდგეში რომ ცნობილი გახდა:

როს შავ მთებიდან დაეშვებიან მომთაბარენი,
თოკი ამხსენი ხელებიდან, ძმაო აბდილხან.
როს ლურჯ მთებიდან დაეშვებიან მომთაბარენი,
თავისუფლება დამიბრუნე, ძმაო აბდილხან.
არ მეგონა და ვერც ვიფიქრებდი, რომ გამკოჭავდი,
რომ შენ მე ხელ-ფეხს დამიბორკავდი.
როს შავ მთებიდან დაეშვებიან მომთაბარენი,
როს ლურჯ მთებიდან დაეშვებიან მომთაბარენი,
თოკი ამხსენი ხელებიდან, ძმაო აბდილხან,
მე ჩემი ნებით ზეცას ავალ..

როს შავ მთებიდან დაეშვებიან მომთაბარენი,
მე ბაზრობაზე ველარ მოვალ, ბეგიმაი,
როს ლურჯ მთებიდან დაეშვებიან მომთაბარენი,
მე ბაზრობაზე ნუ მომელი, ბეგიმაი.
ჩვენ ვერ ვიმღერებთ ბაზრობაზე,
ვერც ცხენი მოვა, ვერც მე მოვალნევე.
როს შავ მთებიდან დაეშვებიან მომთაბარენი,
როს ლურჯ მთებიდან დაეშვებიან მომთაბარენი,
ბაზრობაზე ნულა მომელი, ბეგიმაი,
მე ჩემი ნებით ზეცას ავალ...

აი, როგორ იყო ეს ამბავი...

ახლა, როცა ანა-ბეიითზე ყაზანგაპის ნეშტს უკანასკნელად
მიაცილებდა, სულ ამ ამბავზე ფიქრობდა ბურანელი ედილეი.

თავი 10.

მატარებლები ამ მხარეში აღმოსავლეთიდან დასავლეთით, ხოლო დასავლეთიდან აღმოსავლეთით მიგრიალებდნენ. რკინიგზის გაღმა-გამოღმა უზარმაზარი უკაცრიელი სივრცე - სარი-ობეჩი გადაჭიმულიყო, ყვითელ ტრამალთა შუაგულ მინები...

ამ მხარეში ყველა მანძილი, გრინვიჩის მერიდიანის დარად, რკინიგზასთან მიმარჯვებით ისაზღვრებოდა...

მატარებლები კი აღმოსავლეთიდან დასავლეთით, ხოლო დასავლეთიდან აღმოსავლეთით მიგრიალებდნენ...

კარგა დიდი გზა რომ გაიარეს მალაყუმიდიჩაფის წითელქვიშოვანი ხრამის გასწვრივ, სადაც ოდესღაც ნაიმან-ანა დაწრიალებდა თავის მანქრთი შვილის საძებრად, სამგლოვიარო პროცესია ანა-ბეითის მისადგომებს მიუახლოვდა. ბურანელი ედილეი ხან სარობეჩის თავზე წამომდგარ მზეს ახედავდა, ხან საათს აცქერდებოდა. არა, ჯერჯერობით ყველაფერი ჩინებულად მიდიოდა. ყაზანგაპის დაკრძალვის შემდეგ თავისუფლად მოასწრებდნენ შინ დაბრუნებას და ყაზანგაპის სულის მოხსენიებას. მერე რა, რომ სალამო იქნება, თავიდათავია, იმ დღეს თანხვდეს ალაპი. ვაჰ, საწუთროვ! ყაზანგაპი უკვე ანა-ბეითის მიწაში იქნება, როცა ისინი, შინ მობრუნებულნი, ერთხელ კიდევ კეთილი სიტყვით მოიხსენიებენ მას...

ანა-ბეთის ვაკეზე გამოსულთ, წინ ისევ ედილეი მიუძლოდა ფუნჯებიანი ყაჭრით მორთული ყარანარით, უკან მისაბმელიანი ტრაქტორი მისდევდა, ტრაქტორის კვალდაკვალ ექსკავატორი „ბელარუსი“. წითურა ჟოლბარსი კი გვერდით მირბოდა დამოუკიდებელი იერით და დაუდევრად გადმოგდებული ენით, სწორედ მაღაყუმდიჩაფიდან გამოსვლისას გადააწყდნენ მოულოდნელ დაბრკოლებას - ეკალმავთულის ღობეს.

პირველი ედილეი შეჩერდა - ეს რა ამბავიაო! უზანგებზეც კი შედგა და ჯერ მარჯვნივ გაიხედა, მერე მარცხნივ. სადამდეც თვალი მიუწვდებოდა, გაუვალი ეკლიანი მავთული მიუყვებოდა ტრამალს, ყოველ ხუთ მეტრზე მინაში ჩარჭობილ რკინა-ბეტონის ოთხკუთხა ბოძებზე ჩამოცმული. მკვიდრად და საიმედოდ ნაკეთები იყო ღობე, ვერ გაიგებდი, საიდან იწყებოდა და სად თავდებოდა. იქნებ არც ჰქონდა ბოლო. აქედან გზა აღარ იყო. რა ექნათ, როგორ გაეგრძელებინათ სავალი?

ამასობაში ტრაქტორებიც შეჩერდნენ. კაბინიდან პირველი საბითუანი გამოხტა, მერე აყლაყუდა ედილობაი.

- რაშია საქმე? - ხელი გაიქნია საბითუანმა ღობისაკენ. - სხვაგან ხომ არ მოვხვდით?

- სხვაგან რატომ? სწორედ აქა ვართ, ოღონდაც საიდან გაჩნდა ეს მავთული, დასწყევლოს ღმერთმა!

- განა ადრე არ იყო?

- არა.

- ახლა რა ვქნათ? საით წავიდეთ?

ედილეი დუმდა, თვითონაც არ იცოდა, რა ექნა.

- შენ, ეი! ტრაქტორი გააჩერე! რას არახრახებ! - ბრაზიანად შეუყვირა საბითუანმა კაბინიდან თავგამოყოფილ კალიბეგს.

კალიბეგმა ტრაქტორი გააჩერა. დადუმდა ექსკავატორიც. საოცარი სიჩუმე ჩამოვარდა. ბურანელი ედილეი წარბშეკრული იჯდა თავის ყარანარზე, საბითქანი და აყლაყუდა ედილბაი გვერდით ედგნენ, კალიბეგი და ჟუმბალი კაბინაში ისხდნენ. თეთრ ქეჩაში გახვეული ყაზანგაპი მისაბმელზე ესვენა, გვერდით აიზადას ლოთი ქმარი ეჯდა. წითურა ჟოლბარსს დრო ეხელთა და ტრაქტორის თვალს ფეხანეული მიდგომოდა.

კიდით კიდემდე გადაჭიმულიყო სარობექის დიდი ტრამალი, ოღონდაც ანა-ბეითისაკენ მისავალი გზა აღარსად ჩანდა. ყველა შეცბუნებული იდგა ამ ეკლიანი კედლის წინ.

სიჩუმე აყლაყუდა ედილბაიმ დაარღვია:

- მაშ, აქამდე ღობე აქ არ ყოფილა, ედიქე?

- თავის დღეში არა! პირველად ვხედავ.

- მაშასადამე, შემდეგ შემოულობავთ ზონა. ალბათ კოსმოდრომისთვის, ხომ? გამოთქვა ვარაუდი აყლაყუდა ედილბაიმ.

- ასე გამოდის, თორემ ტყუილად ვინ შეიწუხებდა თავს ტრიალ ტრამალში ასეთი ღობის გადასაჭიმად. ვილაცას მოაფიქრდა ალბათ. ვისაც რა მოუვა თავში, იმას აკეთებს, ეშმაკმა წაიღოს მაგათი თავი! - შეიკურთხა ედილეიმ.

- ეშმაკი რას გვიშველის! ამას სჯობდა, ჯერ გაგვერკვია და მერე წამოვსულიყავით ამ სიშორეზე, - კუშტად წაილაპარაკა საბითქანმა.

დაძაბული სიჩუმე ჩამოვარდა. უსიამოდ გადმოხედა ბურანელმა ედილეიმ გვერდზე მდგარ საბითქანს.

- იცი, რას გეტყვი, ჩემო კარგო, მოთმინება იქონიე, ნუ ფათაფუთობ, - უთხრა დინჯად, - საიდან უნდა გვცოდნოდა, თუკი აქ წინათ ეკლიანი მავთულის ხსენებაც არ იყო.

- მეც მაგას ვამბობ, - წაიბურტყუნა საბითქანმა და ზურგი აქცია.

ისევ გაჩუმდა ყველა. აყლაყუდა ედილბაის ჩაფიქრება და-
ეტყო.

- ახლა რა ვქნათ, ედიქე? როგორ მოვიქცეთ? სხვა გზა თუ
იმ სასაფლაოსკენ?

- უნდა იყოს. რატომ არ უნდა იყოს? ხუთიოდე კილომეტ-
რზეა, აქედან მარჯვნივ, - მიმოიხედა ირგვლივ ედილეიმ. - მო-
დით, იქით წავიდეთ. არ შეიძლება სადმე მისასვლელი გზა არ
იყოს.

- არის კია? - გამომწვევად იკითხა საბითუნმა, ვაითუ არც
იქით იყოს და არც აქეთ!

- არის, არის, - დაარწმუნა ედილეიმ. - ჩასხედით და წავი-
დეთ. დროს ნუ ვკარგავთ.

ისევ დაიძრა პროცესია. ისევ არახრახდნენ ტრაქტორები,
ეკალხლართებს გაჰყვნენ.

შეაწუხა და შეაცბუნა ამ ამბავმა ედილეი. ეს როგორ იქნება,
ბრაზობდა გულში, გადაკეტეს, გადალობეს ირგვლივ მიდამო,
საფლაოსკენ მიმავალი გზა არც მიანიშნეს. ესაა საქმე, ესაა
ცხოვრება! მაგრამ იმედს მაინც არ კარგავდა - არ შეიძლება რა-
ღაც სანიშნო არ იყოს აქ, ამ სამხრეთ მხარეს. ასეც გამოდგა.
პირდაპირ შლაგბაუმს მიაღვინენ.

შლაგბაუმთან მიახლოებისას შეამჩნია ედილეიმ. რა მკვიდ-
რად, საფუძვლიანად იყო ნაგები საგუშაგო; აქეთ-იქით ბეტონის
მონოლითები იდგა, გზის პირზე, შესასვლელთან აგურის სახლი
ჩანდა, ვეებერთელა სამზირი ფანჯრით, ზემოთ, ბანიან სახურავ-
ზე კი ორი პროჟექტორი იდგა, ალბათ ღამეში გასანათებლად.
შლაგბაუმიდან მოასფალტებული გზა მიემართებოდა. შეშფოთ-
და ედილეი. ასე მკვიდრად მონყობილ საგუშაგოს დანახვაზე.

საგუშაგო ოთახიდან ქერა ყმანვილი ჯარისკაცი გამოვიდა,
ავტომატი მხარზე ეკიდა, ლულოთ ქვემოთ. გზადაგზა გიმნასტუ-

რასა და ქედს ისწორებდა. ჭრელი შლაგბაუმის შუა ნაწილთან გაჩერდა გოროზი იერით. თუმცა ედილეი რომ მიუახლოვდა გზის გადამლობავ კადონს, ჯარისკაცი ჯერ მიესალმა, მერე ხელი აუღო და ღია ცისფერი, ჯერ კიდევ ბავშვური თვალები შეანათა.

- გამარჯობათ, ვინ ბრძანდებით? საით მიდიხართ?

- აქაურები ვართ, ჯარისკაცო, - გაეღიმა ედილეს ამ ყმანვილი ბიჭის სიმკაცრეზე. - ჩვენებური კაცი მოგვყავს, მოხუცი, უნდა დავმარხოთ.

- საშვის გარეშე ვერ გაგატარებთ, აკრძალულია, - თავი გადააქნია უარის ნიშნად ჯარისკაცმა, ოდნავ განზე გადგა, ყარანარს გაერიდა, კბილებგადმოყრილი კვლავაც რომ იცოხნებოდა. - ეს დაცული ზონა გახლავთ, - დაუმატა მერე.

- მესმის, განა არ მესმის. მაგრამ ჩვენ ხომ სასაფლაოზე მივდივართ. აქედან შორს არაა. რა მოხდა? დავმარხავთ და უკანვე წამოვალთ. დიდხანს არ დავყოვნდებით.

- არ შემიძლია, ნება არა მაქვს, - მიუგო გუშაგმა.

- გამიგონე, ჩემო კარგო, - ედილეი უნაგირიდან გადმოიხარა, გუშავს რომ მისი ორდენები და მედლები დაენახა. - ჩვენ ხომ გარეშე ხალხი არა ვართ. ბორანლი-ბურანის ასაქცევზე ვცხოვრობთ. ალბათ გაგონილი გაქვს. უცხოები ნუ გეგონებით. დასამარხი გვყავს კაცი, მივალთ სასაფლაოზე და უკანვე წამოვალთ.

- მე კი მესმის, - დაიწყო გუშაგმა და მიაპიტად აიჩეჩა მხრები. მაგრამ ამ დროს რალაც ჭირად საბითუანი მიუახლოვდათ საქმიანი დიდკაცის იერით.

- რა იყო, რა მოხდა? მე საოლქო პროფსაბჭოდან გახლავარ, - განაცხადა მან. - რატომ გვაბრკოლებთ?

- იმიტომ, რომ შესვლა აკრძალულია.

- აკი გითხარით, ამხანაგო გუშაგო, საოლქო პროფსაბჭოდან ვარ-მეთქი.

- ჩემთვის სულ ერთია, საიდანაც უნდა იყო.

- ეს რას ნიშნავს? - სახტად დარჩა საბითუანი.

- იმას, რომ აკრძალული ზონაა.

- მაშინ ამდენი ლაპარაკი რა საჭიროა?

- მერედა, ვინ ლაპარაკობს? აგერ ამ კაცს ვუხსნი, აქლემზე რომ ზის, თქვენ კი არა. პატივი ვეცი და იმიტომ, მინდა გავაგებინო, თორემ უფლებაც არა მაქვს უცხოებს გუშაგად ყოფნის დროს ველაპარაკო.

- მაშასადამე, სასაფლაოზე ვერ გაგვიშვებთ?

- ვერა, ვერც სასაფლაოზე და ვერც სხვაგან სადმე.

- მაშ რაღაა სალაპარაკო, - გაბრაზდა საბითუანი. - ასედაც ვიცოდი! - მიუბრუნდა იგი ედილეის, - თავიდანვე სისულელე იყო! დაიჟინეს, ანა-ბეითი, ანა-ბეითიო! ესეც შენი ანა-ბეითი! - საბითუანმა გადააწიდა და შეურაცხყოფილი იერით განზე გადგა.

ედილეის შერცხვა ყმანვილი გუშაგისა.

- გვაპატიე, შვილო, - უთხრა მამაშვილურად, - ცხადია, სამსახურში ხარ. მაგრამ მიცვალებულს რა ვუყოთ? ხის მორი ხომ არაა, გადავადგოთ და უკან გავტრიალდეთ.

- მესმის, განა არ მესმის, მაგრამ მე რა შემიძლია? რასაც მეტყვიან, ის უნდა შევასრულო. მე კი არა ვარ აქ უფროსი.

- ჰოო, კარგად ყოფილა ჩვენი საქმე, - დაბნევით წაილაპარაკა ედილეიმ. - შენ თვითონ სადაური ხარ?

- ვოლოგდელი ვარ, ბიძაჩემო, - ოზე მოუქცია მახვილი გუშაგმა და რატომღაც თან დარცხვენა და თან სიხარული შეეტყო. არც დაუმაღავს, რარიგ ეამა ეს შეკითხვა.

- მერედა, იმ თქვენს ვოლოგდაშიაც გუშაგები გიდგათ სასაფლაოზე?

- რას ამბობ, ჩვენში როცა გინდა და რამდენიც გინდა, იარე სასაფლაოზე, ვინ დაგიშლის. ეს რა შუაშია? აქ ხომ აკრძალული ზონაა, როგორც ვხედავ, შენც გამსახურია და გიომია ჯარში, ბიძაჩემო. თვითონ იცი ალბათ, რომ ჯარი ჯარია. გინდა არ გინდა, მოვალე ხარ ბრძანება შეასრულო, ვერსად გაექცევი.

- ეს კი ასეა, - დაუდასტურა ედიღეიმ, - ოღონდ ამ მიცვალებულს რაღა ვუყოთ?

ორივე გაჩუმდა. ყმანვილმა გუშაგმა, კარგა დიდი დაფიქრების შემდეგ, დანანებით გადააქნია ქერა თავი.

- არა, არ შემიძლია, ნება არა მაქვს!

- რა გაეწყობა, - წაილაპარაკა თავგზადაბნეულმა ედიღეიმ.

ძალიან უმძიმდა ედიღეის თავის თანამგზავრებთან დაბრუნება, თანდათან უფრო გაგულისებული საბითუანი აყლაყუდა ედიღის მიაღმა ახლა ექსკავატორთან.

- მე რა გითხარით! - ისმოდა მისი გაჭავრებული ხმა, - ამ სიშორეზე არ უნდა წამოვხეტებულყავით! ცრუმორწმუნეები ხართ ყველანი! თავს ისულელებთ და სხვებსაც ასულელებთ. რა მნიშვნელობა აქვს, სად ჩააგდებ მიწაში მიცვალებულს. არა, ბატონო, დაიჟინეს, გინდა თუ არა, ანა-ბეითზე უნდა დავმარხოთო. შენც კარგი ვინმე ხარ - წაბრძანდი, უშენოდ დავასაფლავებთო! მიდით და დაასაფლავეთ ახლა!

აყლაყუდა ედიღბაი უხმოდ გაეცალა საბითუანს და შლაგბაუმს მიუახლოვდა.

- გამიგონე, მეგობარო, - უთხრა მან გუშაგს. - მეც წამსახური ვარ ჯარში და წესებისა მეც რაღაც გამეგება. ტელეფონი არის აქ სადმე?

- რა თქმა უნდა, არის.

- ჰოდა, მიდი და საგუშაგოს უფროსს დაურეკე. მოახსენე, აქაური მცხოვრებლები ითხოვენ, ანა-ბეითის სასაფლაოზე გავვიშვიტო.

- სად? სად? ანა-ბეითზე? - ჩაჰკითხა გუშაგმა.

- ჰო, ანა-ბეითზე. ასე ჰქვია ჩვენს სასაფლაოს. დაურეკე, მეგობარო, სხვა გამოსავალი არაა. დაე პირადად თვითონ გამოითხოვოს ჩვენთვის ნებართვა. ჩვენ კი, დარწმუნებული იყავ, სასაფლაო ოს გარდა აქ არაფერი გვაინტერესებს.

გუშაგი ჩაფიქრდა, შუბლი შეჭმუნა, ფეხი შეინაცვლა.

- ჰო, ჰო, ნუ ყოყმანობ, - უთხრა აყლაყუდა ედილბაიმ, - წესდებას არ გადახვალ. საგუშაგოზე უცხო ხალხი მოვიდა. შენ კი საგუშაგოს უფროსს მოახსენებ ამ ამბავს. მორჩა და გათავდა. მართლა და მართლა, მოვალეც ხარ მოახსენო!

- კარგი, - თავი დაუქნია გუშაგმა. - ახლავე დაფრეკავ. ოღონდაც საგუშაგოს უფროსი სულ საგუშაგოებს უვლის მთელ ზონაში. ზონა კი, ვერა ხედავ, რამოდენაა!

- მეც რომ შემოგყვე, ხომ შეიძლება? - სთხოვა აყლაყუდა ედილბაიმ. - თუ საჭირო იქნება, გიკარნახებ, რა უთხრა და როგორ უთხრა.

- კარგი, წამოდი! - დაეთანხმა გუშაგი.

ორივე საგუშაგოს შენობაში მიიმალა. კარი ღია იყო და ედილუის ესმოდა, როგორ რეკავდა გუშაგი სადღაც, საგუშაგოს უფროსს კითხულობდა, ის კი ვერსად აღმოეჩინათ.

- არა, არა, მე საგუშაგოს უფროსი მინდა! - ისევ და ისევ იძახდა გუშაგი. - პირადად ის... არა, დიდი საქმეა.

ედილუი ღელავდა. სად დაიკარგა საგუშაგოს უფროსი? ბედმა თუ ერთხელ გიმუხთლა, მორჩა, მეორედ ნულარც სცდი!

როგორც იყო, მიაგნეს საგუშაგოს უფროსს.

- ამხანაგო ლეიტენანტო! ამხანაგო ლეიტენანტო! - ხმა აი-
მალლა გუშაგმა, ლელვა დაეტყო. მოახსენა, აქაური მცხოვრებნი
მოვიდნენო ძველ სასაფლაოზე კაცის დასამარხად და რა
ვქნაო? ედილეიმ ყურები ცქვიტა. უფროსი ეტყვის - გაუშვიო, და
მორჩა ყველაფერი! ყოჩაღ, აყლაყუდა ედილბაი! მაინც საზრია-
ნი ბიჭია. მაგრამ ტელეფონზე ლაპარაკი რატომღაც გაჭიანურ-
და. გუშაგი ახლა მხოლოდ პასუხობდა:

- დიახ... რამდენი? ექვსი კაცია. მიცვალებულიანად შვიდი.
ვიღაც მოხუცი მომკვდარა. მათი უფროსი აქლემზე ზის. მისაბმე-
ლიანი ტრაქტორიც ახლავთ, ექსკავატორიც... ასე თქვეს, საფ-
ლავის ამოსათხრელად გვჭირდებაო. რა? მე რაღა ვუთხრა? მა-
შასაღამე, არ შეიძლება? აკრძალულია! მესმის, მესმის!

იმავ წამს აყლაყუდა ედილბაის ხმა გაისმა, ეტყობა, გუშაგს
ყურმილი გამოსტაცა.

- ამხანაგო ლეიტენანტო! ჩვენიც გაიგეთ, ამხანაგო ლეიტე-
ნანტო, ბორანლი-ბურანის ასაქცევიდან ჩამოვსულვართ. ახლა
სადღა წავიდეთ! აქაური ხალხი ვართ, ცუდს არაფერს ჩავი-
დენთ, დავმარხავთ კაცს და მაშინვე გავბრუნდებით. ჰა? რაო?
კი მაგრამ, ასე როგორ იქნება! კარგით, მობრძანდით, თვითონ
დარწმუნდებით! აქ ძველი ფრონტელიც გვყავს, ომში ნამყოფი
მოხუცი. იმას აუხსენით.

დაძმარებული გამოვიდა აყლაყუდა ედილბაი საგუშაგოს
შენობიდან. ასე თქვა, ლეიტენანტი მოვა და ყველაფერს
ადგილზე გადანყვეტსო. გუშაგიც ფეხდაფეხ მოჰყვა და იგივე გა-
იმეორა. გულზე მოშვებოდა გუშაგს, რადგან ამ ამბავს ახლა სა-
გუშაგოს უფროსი გადანყვეტდა. იმიტომაც მშვიდად დააბიჯებდა
წინ და უკან ჭრელი შლაგბაუმის გასწვრივ.

ჩაფიქრდა ბურანელი ედილეი. ვინ წარმოიდგენდა, საქმე
ასე თუ შეტრიალდებოდა? ისევ ლეიტენანტს უნდა დაელოდონ.

ამასობაში ედილეი ჩამოქვეითდა, აქლემი ექსკავატორთან მიიყვანა, ციცხვზე მიაბა და ისევ უკან დაბრუნდა. კალიბეგი და ჟუმგალი რალაცაზე ხმადაბლა მასლაათობდნენ, თან აბოლებდნენ. საბითუანი აღელვებული სცემდა ბოლთას მოშორებით. ყაზანგაპის სიძე, აიზადას ქმარი, ისევ ცხედრის გვერდით იჯდა.

- როგორაა საქმე, ედიქე, გაგვიშვებენ თუ არა? - ჰკითხა მან ედილეის.

- უნდა გაგვიშვან. ახლა თვითონ უფროსი მოვა, ლეიტენანტი. ჯაშუშები ხომ არა ვართ, რომ არ გაგვიშვან! რას ზიხარ, ჩამოდი, გაიარ-გამოიარე, მუხლი გამართე.

უკვე სამი საათი იყო, ანა-ბეითს კი ვერა და ვერ მიაღწიეს, თუმცა არც ისე დიდი გზა დარჩენოდათ.

ედილეი გუშაგთან გამობრუნდა.

- დიდხანს მოგვიხდება, შვილო, შენი უფროსის ცდა? - ჰკითხა.

- არა, ახლავე მოგრიალდება მანქანით. ათი, თხუთმეტი წუთის სავალია იქიდან.

- რას ვიზამთ, მოვუცდით. კარგა ხანია ეს ეკლიანი ღობე დადგეს?

- კარგა ხანია. ჩვენვე დავდგით. მე აქ ერთი წელია ჯარში ვარ. მაშასადამე, ნახევარი წელია, რაც შემოღობეს.

- გასაგებია. მეც არ ვიცოდი, თუ შემოღობილი იყო. იმიტომაც მოხდა ასე. გამოდის, ყველაფერი ჩემი ბრალია, მე ვთქვი, აქ დაგვემარხა მიცვალებული. ანა-ბეითი ჩვენი ძველთაძველი სასაფლაოა. განსვენებული ყაზანგაპი ძალიან კარგი კაცი იყო. ოცდაათი წელი ერთად ვიმუშავეთ ასაქცევზე. მეგონა, ასე ატობებდა.

გუშაგი, ეტყობა, თანაგრძნობით განიმსჭვალა ბურანელი ედიღის მიმართ.

- მისმინე, ბიძაჩემო, - უთხრა საქმიანად, - აი, მოვა საგუშაგოს უფროსი ლეიტენანტი თანსიებაევი და ეგ ყველაფერი უამბეთ. ის რა, კაცია არაა? დაე, ზევით მოახსენოს. ვინ იცის, იქ ნებაც დაგროთონ.

- მადლობ კაი სიტყვისთვის. თორე რა უნდა ვქნათ? როგორა თქვი - თანსიებაევიო? ლეიტენანტის გვარი თანსიებაევია?

- ჰო, თანსიებაევია. აქ დიდი ხანია არაა ჩამოსული. რა იყო? იცნობ? თქვენებურია. მოყვარე ხომ არაა?

- არა, რას ამბობ, ჩაეცინა ედიღის. - თანსიებაევები ჩვენაში იმდენია, რამდენიც თქვენში ივანოვები. უბრალოდ ერთი ამ გვარის კაცი გამახსენდა.

ამ დროს საგუშაგოში ტელეფონმა დარეკა და გუშაგიც იქით გაეჩქარა. ედიღე მარტო დარჩა. ისევ აეჯაგრა წარბები, მოლუშულმა მიმოიხედა, შლაგბაუმის იქით მანქანა ხომ არ გამოჩნდაო, მერე თავი გადააქნია. „ვთქვათ და იმ სონღულისთვალეებს ვაჟი გამოდგა? - გაიფიქრა და თვითონვე შეუკუროთხა თავის თავს გულში. - რა სისულელეს არ იფიქრებ კაცი! ამისთანა გვარის ხალხს რა დათვლის. ის არ იქნება, არ შეიძლება იყოს. იმ თანსიებაევის ოხტში ხომ ბოლოს და ბოლოს მაინც ამოვიდნენ... სიმართლე მაინც იმარჯვებს ქვეყნად! კი, კი! რაც უნდა მოხდეს, სიმართლე მუდამ გაიმარჯვებს...“

ედიღე განზე მიდგა, ცხვირსახოცი ამოიღო და ხელახლა გაიპრიალა ისევ ორდენები, მედლები და დამკვრელის ნიშნები მკერდზე. დაე იმ ლეიტენანტ თანსიებაევს მაშინვე მოხვდეს თვალში.

თავი 11.

სონლულისთვალეზა თანსიქბაევის საქმე კი ასე გახლდათ.

1956 წლის გაზაფხულის დამლევს ქუმბელის დეპოში დიდი მიტინგი გაიმართა. ყველას დაუძახეს, ყველა სადგურსა და ასაქცევიდან შეკრიბეს მაშინ რკინიგზის მუშაკები, იმათ გარდა, ვინც იმ დღეს ხაზზე მუშაობდა. რამდენ შეკრებას არ დასწრებია ბურანელი ედილეი, ის მიტინგი კი არასოდეს დაავიწყდება.

ორთქლმავალშემკეთებელ საამქროში შეიკრიბნენ. ხალხით იყო გაჭედილი იქაურობა, ზოგი სახურავზე ამძვრალიყო და იქ ბრჭენებზე იჯდა, მაგრამ თავიდათავი ის იყო, რა სიტყვებით გამოდიოდნენ! ბერიაზე ყველაფერი ძირისძირობამდე გაცხადდა. შეაჩვენეს წყეული ჯალათი, არავის დასწყევტია გული! მაგარ-მაგარი სიტყვები წარმოთქვეს. საღამომდე გაგრძელდა მიტინგი, დეპოს მუშები თავისით ადიოდნენ ტრიბუნაზე, კაციშვილი არ წასულა მიტინგიდან, თითქოს ყველა ერთ ადგილს მილურსმოდა. საამქროს თაღებქვეშ ისეთი გუგუნე იდგა, ტყეში გეგონებოდა თავი. ვიღაცამ წაილაპარაკა წმინდა რუსულით ედილეს გვერდით: „ქარიშხლის წინ ზღვა რომაა, ისეა სწორედ“. ასედაც იყო. გულს დაგადუგი გაჰქონდა, როგორც იერიშის წინ ფრონტზე, პირი გამშრალი ჰქონდა. მაგრამ ამ ზღვა ხალხში წყალს სად მოძებნიდი. წყლისთვის ვის ეცალა, უნდა მოეთმინა ედილეს. შესვენებაზე დეპოს პარტორგ ჩერნოვთან გააღწია, როგორც იყო. სადგურის ყოფილი უფროსი პრეზიდენტში იჯდა.

- მისმინე, ანდრეი პეტროვიჩ, იქნებ მეც გამოვიდე?
- თუ ძალიან გინდა, გამოდი.

- მინდა ჰქვია! ოღონდ ჯერ რჩევა უნდა გკითხო. გახსოვს, ჩვენს ასაქცევებზე ქუთიბაევი მუშაობდა, აბუტალიფ ქუთიბაევი. აი, რევიზორმა რომ დაასმინა, იუგოსლავიურ მოგონებებს წერსო. აბუტალიფი იქ ომობდა, პარტიზანი იყო. კიდევ სხვა რალაც-რალაცებიც მიაკერა იმ რევიზორმა. მერე ბერიას ხალხი ჩამოვიდა, წაიყვანეს კაცი. იქ კი მოკვდა, დაიღუპა ამის გამო! გახსოვს?

- კი მახსოვს. ცოლი ჩამოვიდა ქალაქის წასაღებად.

- სწორედ, სწორედ. მერე სხვაგან გაემგზავრა მისი ოჯახი. აი, ახლა ვუსმენდი და ვფიქრობდი! იუგოსლავიასთან მეგობრობა გვაქვს - არავითარი უთანხმოება! ჰოდა, რატომ უნდა გაიტანჯონ უდანაშაულო ადამიანები? აბუტალიფის ბიჭები დაიზარდნენ, მალე უკვე სკოლაშიც წავლენ, ხომ უნდა გამოაშკარავდეს ყველაფერი. თორემ ყველა ცხვირში ატაკებს ამ ამბავს. ბაღლები ისედაც დაგჩაგრნენ - უმამოდ დარჩნენ.

- დაიცა, ედილეი, ამაზე გინდა თქვა?

- მაშ.

- ის რევიზორი“ რა გვარის იყო?

- მაგის გაგებას რა უნდა. თუმცა მერე აღარც მინახავს.

- კი მაგრამ, ვისგან გაიგებ? ან გაქვს კია საბუთი, რომ სწორედ იმან დაწერა?

- აბა სხვა ვინ დაწერდა?

- აქ ნაღდი საბუთია საჭირო, ჩემო ძვირფასო ბურანელო ედილეი. ვთქვათ და, ასე არ იყოს? სახუმარო საქმე არაა. იცი, რას გირჩევ, ედილეი. ადექი, დაწერე ყველაფერი და ალმა-ატაში გაგზავნე. დაწერე, როგორ მოხდა, და რესპუბლიკის პარტიის ცკ-ში გაგზავნე. იქ გაარკვევენ ყველაფერს. პარტიამ ამ საქმეს მაგრად მოჰკიდა ხელი, წინ არაფერი დაუდგება. თვითონაც ხედავ.

როგორც ყველა, ბურანელი ედილეიც ყვიროდა მტკიცედ და ხმამაღლა იმ კრებაზე: „დიდება პარტიას! პარტიის ხაზს მხარს ვუჭერთ!“ მიტინგის ბოლოს კი უკანა რიგებში ვილაცამ „ინტერნაციონალი“ წამოიწყო. ჯერ რამდენიმე ხმა აჰყვა, ერთი წუთის შემდეგ კი ყველა ერთი კაცით მღეროდა ამ ყველა დროისა და ყველა ჩაგრული კაცის ჰიმნს. ამდენ ხალხში არასოდეს უმღერია ბურანელ ედილეს. ტალღასავით აიტაცა და თან წარიტანა ამაყმა, ძლიერმა და თან მწარე შეგრძნებამ თავისი ერთობისა ყველა მშრომელთან, ვინც ოფლსა ღვრიდა ამ ქვეყანაზე. კომუნისტების ჰიმნი უფრო და უფრო მძლავრად ისმოდა და გულს გაბედულებით ავსებდა, რომ დაგეცვა და განგემტკიცებინა მრავალთა უფლება მრავალთ, ბედნიერების მოსაპოვებლად. ედილეი, ისეთმა გრძობამ აიტანა, თითქოს არალის ზღვაზე იყო, როგორც ყოველი დიდი აღელვების დროს სჩვეოდა, მისი სული ლალად დაფრენდა თოლიასავით თეთრად აქოჩრილ ფურთუნების - ალაბაშების თავზე.

ასეთი საზეიმო განწყობით დაბრუნდა შინ. ჩაიზე დაწვრილებით უამბო უქუბალას, რაც მიტინგზე მოხდა. ისიც უამბო, თვითონაც რომ დააპირა სიტყვით გამოსვლა და რა უპასუხა ამაზე პარტორგმა ჩერნოვმა. უქუბალა უსმენდა ქმარს, თან ჩაის უსხამდა და ედილეიც ფიალას ფიალაზე სცლიდა.

- რა მოგივიდა, ლამის მთელი სამოვარი გამოსცალე უკვე!
- იცინოდა გაკვირვებული უქუბალა.

- იცი, მიტინგზე რატომღაც საოცრად მომწყურდა, ძალიან ავლელდი და იმიტომ. მაგრამ იმდენი ხალხი იყო, ვერ გაინძროდი. მერე გამოვვარდი, ვიფიქრე, წყალს დავლევ-მეთქი. ამ დროს კი ჩვენკენ მომავალი მატარებელი ჩამოდგა და მეც იქით გავექანდი. ჩვენი ბიჭი გამოდგა, თოგრექ-თამელი ჟადნოსი. იმან დამალევირა წყალი. მაგრამ წყურვილი ვერ მომიკლა.

- ვხედავ, ვხედავ, - წაილაპარაკა უქუბალამ და ისევ ჩაით აუვსო ფიალა. მერე დასძინა: - იცი რა, ედილეი, ეგ კარგია, აბუ-ტალიფის ბიჭები რომ გაგახსენდა. რახან ისე წავიდა საქმე და ასეთი დრო დადგა, ობლებს აღარ დაჩაგრავენ, შენც უნდა გაბედო. წერილი კარგია, მაგრამ ვინემ დაწერ, ვინემ გაგზავნი, ვინემ წაიკითხავენ, დაფიქრდებიან, ამას სჯობს თვითონ გაემგზავრო ალმა-ათაში და ყველაფერი თვითონ უამბო.

- შენი აზრით ალმა-ათაში წავიდე? პირდაპირ დიდ უფროსს მივადგე?

- მერე რა მოხდა? საქმეზე წახვალ, შენი მეგობარი ელიზაროვი რა ხანია გვეპატიუება. მუდამ მისამართს გვითვებს. შენ მაინც წადი: მე აბა ბავშვები, ოჯახი ვის დავუტოვო? შენ კი ნუ გადადებ. ამ წლების მანძილზე ლამის ასი წლის შვებულება დაგიგროვდა. ერთხელ მაინც ისარგებლე, წადი და უფროსებს ყველაფერი უამბე.

ედილეი გააოცა ცოლის ასეთმა გონიერებამ.

- მგონი, შენ ჭკვიანური რაღაც მითხარი. მოფიქრებაა საჭირო.

- ბევრი ფიქრი არ გინდა. რაც უფრო მალე გააკეთებ ამ საქმეს, უკეთესია. აფანასი ივანოვიჩიც დაგეხმარება. სად წახვიდე, ვისთან მიხვიდე, იმას უკეთ ეცოდინება.

- ეგეც სწორია.

- იმიტომაც გეუბნები, არ გადადო-მეთქი. თანაც გაიხედ-გამოიხედავ, სახლისთვის რაღაც-რაღაცებს იყიდი. გოგოები წამოგვეზარდნენ, ხომ არ დაგავიწყდა, საულე შემოდგომაზე სკოლაში რომ მიდის? ინტერნატში გავგზავნით თუ არა? ამაზე არ გიფიქრია?

- როგორ არ მიფიქრია, - ენაზე იკბინა ბურანელმა ედილე-იმ. არ დაიმჩნია, რარიგ გააკვირვა იმ ამბავმა, რომ უფროსი გოგო ისე წამოეზარდა, სკოლაში უნდა წასულიყო.

- ჰოდა, თუ გიფიქრია, - განაგრძო უქუბალამ, - წადი, ხალხს უამბე, იმ წლებში ჩვენ რა განვიცადეთ. დაე ობლებს იმით მაინც დაეხმარონ, მამა გაუმართლონ. მერე კი, თუ დრო დარჩა, გაიარ-გამოიარე, გოგოებისა და ჩემთვის იქნებ რამე ნახო, ზედ-მეტი არ იქნება მეც ხომ უკვე ახალგაზრდა აღარ ვარ, - დასძინა მან რატომღაც და თავშეკავებით ამოიოხრა.

ედილეიმ ცოლს შეხედა. საკვირველია, ადამიანს შეიძლება ყოველდღე ხედავდე და ის ვერ შეამჩნიო, რასაც მერე ერთბაშად შეამჩნევ. რა თქმა უნდა, ახალგაზრდა აღარ იყო უქუბალა, თუმცა სიბერემდე ჯერ ბევრი აკლდა. მაგრამ რაღაც უცხო, ახალი შეამჩნია ცოლს ედილეიმ. მზერა დამძიმებოდა და სამი თუ ოთხი ღერი ჭალარა გარეოდა საფეთქლებზე, მეტი არა, მაგრამ ეს ყოველივე მაინც განვლილსა და განცდილზე მეტყველებდა...

ერთი დღის შემდეგ ედილეი უკვე ქუმბელის სადგურზე იყო. ჰო, ბორანლის ასაქცევიდან ჯერ იქ გაემგზავრა, ალმა-ათის მატარებელზე რომ დამჯდარიყო. არც უნანია ეს ამბავი ედილეის... ასეა თუ ისე, ჯერ ელიზაროვისთვის უნდა გაეგზავნა დეპეშა, ჩამოვდივარო. ეს კი მხოლოდ ქუმბელის სადგურიდან შეიძლებოდა.

შემდეგ მოსკოვ-ალმა-ათას-მატარებელი ჩამოდგა და იმას გაჰყვა ედილეი. კუპირებულ ვაგონში ჰქონდა ადგილი, ზედა თაროზე. ბარგი რომ დაანყო, მაშინვე ღერეფანში გამოვიდა და ფანჯარასთან დადგა, რომ თავისი ასაქცევისათვის გადმოეხედა მატარებლიდან, მერე კი აძვრებოდა ზედა თაროზე და დაიძინებდა, გზაში ორი დღე უნდა ყოფილიყო. მაგრამ მეორე დღეს

უკვე აღარ იცოდა, რა ექნა, უსაქმურობამ შეაწუხა. უკვირდა, ზოგი მუქთახორა რომ ჭამის და ძილის მეტს არაფერს აკეთებდა.

მაგრამ პირველ დღეს, მეტადრე პირველ რამდენიმე საათს საზეიმო და, ცოტა არ იყოს, აფორიაქებულ გუნებაზე იყო. ასე დიდი ხნით ჯერ არ მოშორებია თავის ოჯახს. აღელვებული იდგა ფანჯარასთან, კობტად გამოწყობილი, ახალი ქუდი ეხურა, სადგურის მაღაზიაში ნაყიდი, სუფთა ხალათი ეცვა. ყაზანგაპის ომისდროინდელი, კარგად შენახული კიტელი რამდენიმე დღე შეეხსნა. ყაზანგაპმა ძალათი ჩააცვა ეს კიტელი, უთხრა, ასე აჯობებს, ორდენები და მედლები უნდა გაიკეთო, გალიფე და ოფიცრული, გამძლე ტყავის ქრომის ჩექმები უნდა ჩაიცვაო. ეს ჩექმები ძალიან მოსწონდა ბურანელ ედიღეის, თუმცა იშვიათად კი უწევდა მათი ჩაცმა. მისი აზრით, დარბაისელ კაცს უპირველეს ყოვლისა კარგი ჩექმები და ახალი ქუდი უნდა ჰქონოდა. ედიღეის ერთიჯ ჰქონდა და მეორეჯ.

დერეფანში გამვლელნი რიდით უვლიდნენ გვერდს ვაგონის ფანჯარასთან მდგარ ედიღეის, უკან უხედავდნენ, ისე გამოირჩეოდა ღირსეული იერით, ისეთი მღელვარება ეწერა სახეზე.

მატარებელი კი გამალებით მიჰქროდა ხალვათად გაშლილ გაზაფხულის სარობეჭზე, თითქოსდა ეშურებოდა ჰორიზონტის კამკამა არშიას დასწეოდა, სულ წინ-წინ რომ გარბოდა. ამქვეყნად ორად ორი სტიქიონი არსებობდა - ცა და გაშლილი ტრამალი, რომლებიც ნათელ ზოლად შერთვოდნენ ერთმანეთს შორეთში. იქით მიისწრაფოდა სწორედ მატარებელი.

მაგრამ აგერ ბორანლის მიდამოებიც გამოჩნდა. მიწის ყოველი ნაოჭი თუ ნაკეცი ნაცნობი იყო აქ ედიღეისთვის. ბორანლი-ბურანის მიახლოებისას ცქვიტად ამოძრავდა ედიღეი, ულვაშებში ჩაელიმა, თითქოს რამდენიმე წელია აქ არ ყოფილიყო. აგერ ასაქცევიც. გაიელვა სემაფორმა, სახლებმა, ფარდულებმა,

საწყობთან ხორა-ხორად დანყობილმა რელსებმა და განძე-
ლებმა, გაიღვა წამიერად რკინიგზის ხაზთან მიწებებულმა
ასაქცევმა ამ ვეებერთელა, ამ უკაცრიელ საროზექში. ედიღეიმ
თავის გოგოებსაც შეასწრო თვალი. ეტყობა, ყველა სამგზავრო
მატარებელს ხვდებოდნენ, დასავლეთიდან აღმოსავლეთისკენ
მიმავალთ. ხელებს იქნევდნენ, ხტუნავდნენ საულე და შარაფა-
თი, მხიარულად უცნოდნენ მიმავალ ვაგონებს, ყურადღება
რომ მიექციათ. სასაცილოდ უხტოდათ კიკინები და უბრწყინავ-
დათ თვალები. ედიღეი უნებლიეთ მიეკრა ფანჯარას, ხელი და-
უქნია, საალერსო სიტყვები წაიდუღუნა, მაგრამ ალბათ ან ვერ
დაინახეს ანდა ვერ იცნეს. მაინც გაეხარდა, მისი გოგოები რომ
იდგნენ და უცდიდნენ. მგზავრებიდან არაფინ იცოდა, რომ ეს წუ-
თია მის გოგოებს, მის სახლს, მის ასაქცევს ჩაუარეს! მით უმეტეს
არ იცოდნენ, რომ ასაქცევის სადღაც იქით, აქლემთა ჯოგში მისი
განთქმული ყარანარი დასეირნობდა. შორიდანვე იცნო ედიღე-
იმ, თვალებში სითბო ჩაელვარა.

მერე, რამდენიმე სადგურის შემდეგ ედიღეიმ დაიძინა. კარ-
გა ხანს ტკბილად ეძინა, თვლების რაკრასა და მისი კუპის თა-
ნამგზავრთა ხმადაბალი საუბრის ხმაზე.

მეორე დღეს, ნაშუადღევისას, ალათაუს მთებიც გამოჩნდა
- ჩიმკენთიდან. დანყებული მთელ შვიდმდინარეთის გადაყო-
ლებაზე. ვაჰ, რა მთები იყო, თვალს ვერ მოწყვეტდა კაცი! უყუ-
რებდა ედიღეი მძლეთამძლედ ასვეტილ თოვლიან ქედებს, ალ-
მა-ათამდე რომ გასდევდა რკინიგზას, და ვერ გამძლარიყო მათი
ცქერით. საროზექელი ტრამალელისთვის ეს საოცრება, ეს მა-
რადისობის ჭვრეტა იყო. ეს დიდებული მთები არათუ აღტაცებას
იწვევდა, ფიქრის სურვილსაც ბადებდა. რა კარგი იყო ამ მთების
ცქერა და თან შენტვის ფიქრი. გულში ემზადებოდა იმ ხელ-
მძღვანელ მუშაკებთან შესახვედრად, რომლებმაც განაცხადეს,

წარსულის შეცდომები აღარასოდეს გამეორდებაო. ამიტომაც უნდოდა ეამბნა მათთვის აბუტალიფის ოჯახის მწარე ამბავი. დაე გაარჩიონ, დაე გადაწყვიტონ ახლა, ეს საქმე როგორ გამოასწორონ. თვითონ აბუტალიფს ვერავინ გააცოცხლებს, მაგრამ მის შვილებს მაინც ნუ დაჩაგრავენ, დაე ცხოვრებაში გზა ხსნილი ჰქონდეთ. ამ შემოდგომაზე დაული ალბათ სკოლაში წავა. დაე ისე წავიდეს, საშიში და დასამალი არა ჰქონდეს რა. ნეტა როგორ არიან ახლა? როგორ ცხოვრობენ? როგორაა, რასა იქმს ბარიფა?

გულს უყინავდა, უმძიმებდა მისი მოგონება ედილეთის. თითქოს ამდენ ხანს უნდა დავინწყებოდა, უნდა გადაეხარშა წარსული. ბარიფაც ხომ იმიტომ წავიდა, მასზე ფიქრი ერთბაშად შეეწყვიტა ედილეთის. მაგრამ ღმერთმა უწყის, რა დაავინწყდა და რა არა ედილეთის! დარდობდა ბურანელი ედილეი, გულში იკლავდა გრძნობებს ბედს დამორჩილებული. ან ვისთვის შეეჩვილა, ვინ გაუგებდა? იქნებ ამ ცამდე აყუდებულ თოვლიან მთებისათვის, მაგრამ იმ სიმაღლეზე ატყორცნილთ რა საქმე აქვთ ადამიანის დარდსა და ვარამთან მიწაზე. იმიტომაც არიან დიადი ალათაუს მთები, რომ მოკვდავნი მოვიდნენ და წავიდნენ, ისინი კი იდგნენ და იდგნენ მარად, ბევრი დააფიქროს მათმა ჭკრეტამ, ისინი კი ურყევად დუმდნენ და დუმდნენ...

აბუტალიფმა „რაიმალი-ალას სიტყვა თავის ძმა აბდილხანისადმი“ რომ ჩაინერა, ალბათ ბევრი იფიქრა ამ ჩაწერილ თქმულებაზე და ერთხელ საუბრისას ედილეთის თავისი აზრი გაუზიარა: რაიმალი-ალასა და ბეგიმანისთანა ადამიანებს ცხოვრების გზაზე ერთმანეთისთვის იმდენივე ბედნიერება მოაქვთ, რამდენიც უბედურება, ერთმანეთს სავალალო ტრაგედიაში ითრევენო, რამეთუ ადამიანი სხვების მსჯავრს ვერ გაექცევაო. იმიტომაც მოექცნენო ასე რაიმალი-ალას მისი ახლობლები, მისივე სი-

კეთისათვის, როგორც თვითონ ეგონათო. ეს ჭკვიანური სიტყვები მაშინ ედილეთისთვის მხოლოდ ჭკვიანური სიტყვები იყო, სხვა არაფერი, ვინემ საკუთარ თავზე არ გამოსცადა მათი სიმართლე. ვინემ თვითონ არ განიცადა ტანჯვა. მერე რა, რომ ისა და ზარიფა ამ ამბიდან ისევე შორს იყვნენ, როგორც და დედამინა, მერე რა, რომ მათ შორის არაფერი მომხდარა, გარდა იმისა, ედილეი სულ ზარიფაზე ფიქრობდა და ზარიფა უყვარდა, მაგრამ ზარიფამ პირველმა იღო თავის თავზე მთელი სიმძიმე. თავად გადანყვითა ამ გამოუვალ მდგომარეობას გაქცეოდა და ისე მოკვეთა ერთბაშად ყველაფერი, როგორც ძარღვს გადაუჭერ და შეწყვეტ სისხლის დენას. არ იფიქრა, ედილეი რა დღეში ჩავარდებოდა, რად დაუჭდებოდა ეს მისი გადანყვეტილება, კიდევ კარგი ცოცხალი მაინც დარჩა. ახლაც კი დროდადრო ისე შემოაწვება დარდი, ლამის ქვეყნის დასასრულს გაიქცეს, ოღონდაც ზარიფა ნახოს, მისი ხმა ერთხელ მაინც გაიგონოს...

ისიც მოაგონდა ედილეთის მწარე სიცილით, რარიგ გაუკვირდა, აბუტალიფმა რომ უამბო, გერმანიაში ძალზე ცნობილი კაცი ცხოვრობდა, დიდი პოეტი გოეთეო. ყაზახურად ეს სახელი არცთუ საამოდ ჟღერს, მაგრამ ეს არაა მთავარი. ყველა ხომ იმ სახელს ატარებს, რაიც განგებამ დააბედა. მოხუცი გოეთე სა მოცდაათს იყო გადაცილებული, როცა ყმანვილი ქალი შეუყვარდა და იმ ქალმაც მთელი გულით შეიყვარა პოეტი. ეს ამბავი ყველამ იცოდა, მაგრამ გოეთესთვის არავის შეუკრავს ხელ-ფეხი, გიჟად არავის შეურაცხავს... რაიმალის-აღას კი რა უქნეს! დაამცირეს, გაანადგურეს კაცი, ვითომდა მისივე სიკეთისთვის... ზარიფასაც, მისი აზრით, სიკეთე უნდოდა ედილეთისათვის და ისე მოიქცა, როგორც სინდისმა უკარნახა... იმიტომაც მისგან არ სწყენია ედილეთის. ან კი შეიძლება საყვარელი ადამიანისაგან რამე გენყინოს? უფრო შენს თავზე გენყინება, შენს თავს დასდებ

ბრალს. სჯობს ისევ შენ გაიტანჯო... გინდაც მიგატოვოს, მაშინაც არ უნდა დაივიწყო, მაშინაც უნდა გიყვარდეს იგი.

ასე ფიქრობდა ბურანელი ედილეი გზაში. არ ივინყებდა ზარიფას, უყვარდა იგი, არ ივინყებდა აბუტალიფსა და მის დაობლებულ შვილებს...

ალმა-ათას უახლოვდებოდა, როცა ედილეის ანაზღად თავში გაჰკრა: ვაითუ ელიზაროვი ქალაქში არ იყოს? აბა უყურე! რატომ შინ არ მოაფიქრდა, არც უქუბალას მოჰკონებია. თავისი თავით განსაჯეს. თვითონ რომ სულ სარობეჭში არიან, ყველა ასე ჰგონიათ. არადა, ადვილი შესაძლებელია აფანასი ივანოვიჩი შინ არ დახვდეს. კაცი აკადემიაში მუშაობს, სად არ იწვევენ, მისთანა მეცნიერს საქმეს რა გამოუღევს. იქნებ მივლინებაშია წასული და დიდხანს ვერც ჩამოვიდეს. „ეს რა შეცდომა მომივიდა“, - შფოთავდა ედილეი. მაშინ ისევ ყაზახური გაზეთის რედაქციას უნდა მიაკითხოს. გაზეთის მისამართი ყოველ ნომერში სწერიან. იქ ნაღდად აუხსნიან, სად და ვისთან წავიდეს. გაზეთის მუშაკებს კი ეცოდინებათ, ვის უნდა მიმართოს კაცმა ამ საკითხზე. შინ ყველაფერი უბრალოდ ეგონა - დაჰკრა ფეხი და წამოვიდა. ახლა კი ალმა-ათას მიახლოებისას შფოთმა აიტანა ბურანელი - ტყუილად კი არაა ნათქვამი: უხეირო მონადირე ნადირობაზე შინ ოცნებობსო... ედილეისაც ასე მოუვიდა, ცხადია, ელიზაროვის იმედი ჰქონდა, ელიზაროვი ახლობელი კაცი იყო. დიდი ხნის მეგობარი, ედილეის ოჯახში ბევრჯერ ნამყოფი, აბუტალიფ ქუთიბაევის ამბავი კარგად იცოდა, ის ერთი სიტყვითაც გაიგებდა ყველაფერს. უცხო ხალხს კი როგორ უამბოს, საიდან დაიწყოს, როგორ ილაპარაკოს - სასამართლოზე გამოსულ მოწმესა თუ მომხსენებელივით? მოუსმენენ კია? ან პასუხად რას იტყვიან? შენ ვინა ხარ; აბუტალიფ ქუთიბაევის გამართლებაზე რატომ

იღებ ასე თავს? რა კავშირი გაქვს? მისი ძმა ხარ, მოყვარე თუ ნათესავიო?

ამასობაში მატარებელი უკვე ალმა-ათას გარეუბნებში მიგრიალებდა. მგზავრები დერეფანში გამოლაგებულნიყვნენ. მოემზადა ედილეიც. აგერ სადგურიც გამოჩნდა. დამთავრდა მგზავრობა. ბაქანზე უამრავი ხალხი იდგა, დამხვდურნი თუ მიმავალნი. მატარებელმა სვლა შეანელა. უცებ ფანჯარაში ბურანელმა ედილემ ელიზაროვს ჰკრა თვალი და ბავშვივით გაიხარა. ელიზაროვი გულითადად უქნევდა ქუდს და ვაგონს მოჰყვებოდა. ბედმა გაუმართლა ედილეს! არ ეგონა, ელიზაროვი თუ თვითონ დახვდებოდა. დიდი ხანია არ ენახათ ერთმანეთი, შარშან შემოდგომას აქეთ: არა, არ გამოცვლილა აფანასი ივანოვიჩი, მერე რა რომ ხანშია შესული. ისეთივე მკვირცხლია და ხმელხმელი. ყაზანგაპი არგამაკს ეძახდა, წმინდა სისხლის რაშს. ეს დიდი ქება იყო - არგამაკ აფანასი. ელიზაროვმა იცოდა, ასე რომ ეძახდა ყაზანგაპი, და უარს არ იყო - დაე შენებურად იყოს, ყაზანგაპ! ბებერ არგამაკზედაც მადლობელს ვარო! საროზექში ჩვეულებრივ სამუშაო ტანსაცმლით ჩამოდიოდა, ქირბის ჩექმები ეცვა, ძველი, კარგა ნახმარი ქუდი ეხურა, აქ კი რუხი, ჩინებული კოსტიუმი ეცვა და ჰალსტუხი ეკეთა. ძალზე შვენოდა ეს კოსტიუმი, მეტადრე თმას ეხამებოდა - თმა უკვე ნახევრად გაჭალარავებოდა.

ვინემ მატარებელი გაჩერდებოდა, ელიზაროვი გვერდით მოჰყვებოდა ვაგონს და ედილეს შეჰკლიმოდა. ღია ფერის წამწამები და ნაცრისფერი თვალები ჰქონდა ელიზაროვს, სასურველი სტუმრის ხილვით გამოწვეული სიხარული უბრწყინავდა შიგ. ეამა ედილეს, გულში სითბო ჩაელვარა, წელანდელი ეჭვები მყის გაუქარწყლდა. „საქმე კარგად დაიწყო, - გაეხარდა მას, - ღმერთმა ქნას, კარგადაც დამთავრდეს“.

- ძლივს არ ჩამობრძანდი! როდის-როდის გვაღირსე თავი! გამარჯობა, ედილეი! გამარჯობა, ბურანელო! - მიეხარა ელიზაროვი

მაგრად გადაეხვივნენ ერთმანეთს. უჩვეულო ხალხმრავლობამ და

სიხარულმა ცოტა არ იყოს დააბნია ედილეი. ვინემ სადგურის წინ მოედანზე გამოვიდოდნენ, ელიზაროვმა ყველა მოიკითხა, ყაზანგაპი, უქუბალა, ბუქეი, ბაღლები, ისიც ჰკითხა, ასაქცევის უფროსი ეხლა ვინააო. არც ყარანარი დაფინყებია, სიცილით ჰკითხა:

- როგორ გყავს ბურანელი ყარანარი? ისევ ლომივით ბღღვინავს?

- მაგას რა უჭირს, დადის და ბღღვინავს, - მიუგო ედილეიმ.
- საროზეჟში ლალად გრძნობს თავს. მეტი რა უნდა!

სადგურის გვერდით ახალთახალი შავი კრიალა მანქანა იდგა. ასეთი ედილეის ჯერ არ ენახა. ეს „ზიმი“ იყო - ორმოცდაათიანი წლების საუკეთესო მანქანა.

- ეს კი ჩემი ყარანარია, - იხუმრა ელიზაროვმა და წინა კარი გააღო, - აბა დაბრძანდი, ედილეი, წავიდეთ.

- მანქანას ვინ წაიყვანს?

- მე თვითონ, - ელიზაროვი საჭესთან დაჯდა. - ამ სიბერეში, როგორც ხედავ, მანქანის ტარებაც ვისწავლე. ამერიკელები ვითომ რითი გვჯობიან?

ელიზაროვმა ძრავა ჩართო. ვინემ მანქანას დასძრავდა, სტუმარს ღიმილით გადახედა.

- მაშ, ჩამოხვედი ჩვენთან. ახლავე მითხარი, რამდენი ხნით?

- საქმეზე ჩამოვედი, აფანასი ივანოვიჩი. ვნახოთ, რა გამოვა. თქვენი რჩევა მჭირდება..

- ასედაც ვიცოდი, საქმეზე რომ ჩამოხვიდოდდი, თორემ სხვანაირად ვინ გამოგათრევდა სარობეჯიდან! აბა როგორ! მოდი, ასე შევთანხმდეთ, ედილეი. ახლა ჩვენსა წავალთ, ჩვენთან იცხოვრებ. უარი არ გამაგონო, სასტუმრო არც ახსენო! შენ ჩემი სტუმარი ხარ, როგორც მე ვარ სარობეჯში თქვენი სტუმარი, სიიღინ სიიი ბარ - ასე არ ამბობთ ყაზახები! პატივს პატივი უნდაო!

- ასეა თითქოს, - დაეთანხმა ედილეი.

- მაშასადამე, გადაწყდა. მეც უფრო მოლახენით ვიქნები. ჩემი იუღია მოსკოვში გაემგზავრა ვაჟთან, მეორე შვილიშვილი გვეყოლა. ჰოდა, გახარებული გაქანდა ახალგაზრდებთან.

- უკვე მეორე შვილიშვილი! მომილოცნია! - უთხრა ედილეიმ.

- მაშ, უკვე მეორეა, - წაილაპარაკა ელიზაროვმა და მხრები გაოცებით აიჩეჩა. - ბაბუა რომ გახდები, მაშინ გამიგებ! თუმცა მანამდე ბევრი წყალი ჩაივლის. შენი ხნის რომ ვიყავი, თავში ქარი მიქროდა. თუმცა უცნაური კია, მიუხედავად ასაკის განსხვავებისა, ერთმანეთის კარგად გვესმის. აბა დავიძრათ. მთელი ქალაქი უნდა გავიაროთ. ხედავ, ზემოთ რომ თოვლიანი მთები ჩანს? აი, იქ, მთების ძირას, მედეოში უნდა მივიდეთ. მე მგონი, გიამბე, სახლი ქალაქგარეთ, თითქმის სოფელში მაქვს- მეთქი.

- მახსოვს, აფანასი ივანოვიჩ, ლელის პირას მიდგასო სახლი, ასე თქვით, ნიადაგ წყლის ჩხრიალი მესმისო.

- ახლა თვითონ დარწმუნდები. აბა დავიძრათ. ვინემ სინათლეა, ქალაქი ვნახოთ. იცი, რა ლამაზია. გაზაფხულია. ყველაფერი ჰყვავის.

სადგურიდან პირდაპირ იწყებოდა ქუჩა, თითქოს მთელ ქალაქს ჭრიდა, და მერე თანდათან მაღლობისკენ აღიოდა ალვის ხეებსა და ბალებს შორის. ელიზაროვს ნელა მიჰყავდა მანქანა, ჰყვებოდა, სად რა დაწესებულება იყო, სად რა მაღაზიები, სად

საცხოვრებელი სახლები. შუა ქალაქში გაშლილ დიდ მოედანზე შენობა იდგა, რომელიც სურათის მიხედვით მაშინვე იცნო ედილეიმ - ეს მთავრობის სახლი იყო.

- ჰო, ცკ-აა, - თავი დაუქნია ელიზაროვმა.

რას იფიქრებდნენ, რომ მეორე დღეს აქ მოუხდებოდათ საქმეზე მოსვლა. კიდევ ერთი შენობა იცნო ბურანელმა ედილეიმ, ლარივით გაჭიმულ ქუჩიდან მარცხნივ გადაუხვიეს - ეს ყაზახური ოპერის თეატრი იყო.

ორიოდე უბნის შემდეგ ხელახლა შეუხვიეს მთებისკენ, მედოსკენ მიმავალ გზას აუყვნენ. ქალაქის შუაგული უკან დარჩა. დიდხანს მიჰყვებოდნენ ქუჩას პატარა სახლების, ბაღების, მთიდან მომსკდარ წყალმოდინებულ არხებს შორის, ირგვლივ ჰყვალდა ბაღები.

- რა ლამაზია! - წაილაპარაკა ედილეიმ.

- მიხარია, ამ დროს რომ ჩამოხვედი, - უთხრა ელიზაროვმა, - ალმა-ათას ამ თვეებში არაფერი სჭობია. ზამთარშიც ლამაზია, მაგრამ ახლა გულს გიხარებს კაცს!

- მაშასადამე, კარგ გუნებაზე ხართ, - ელიზაროვის მაგიერ გაიხარა ედილეიმ.

ელიზაროვმა სწრაფად შეავლო წამოზიდული თვალები, თავი დააქნია, წარბები შეიკრა დადინჯებულმა და მერე ისევ ღიმილმა გაუშუქა თვალები, ნაოჭები მოჰყარა თვალის უპეებთან.

- ეს სხვანაირი გაზაფხულია, ედილეი. ბევრი რამ შეცვალა. იმიტომ უფრო გეხალისება კაცს ცხოვრება, თუმცა წლები კი გემატება. გონს მოეგენ, მიიხედ-მოიხედეს. ოდესმე თუ გიავადმყოფია ისე, რომ ცხოვრების გემო ხელახლა გეგრძნოს?

- რაღაც არ მახსოვს, - წრფელად თქვა ედილეიმ. - აი, კონტუზიის შემდეგ კი...

- რა გიჭირს, ბუღალსავით ხარ, - გაეცინა ელიზაროვს. - თუმცა მაგაზე არ მითქვამს. სიტყვამ მოიტანა... ჰოდა, ასე. პირველი სიტყვა თვითონ პარტიამ თქვა. ეს კი ძალიან მესიამოვნა, მერე რა, რომ პირადად მე არ შემეხო. არადა, ისე მიხარია, ისეთი იმედები მომეცა, თითქოს ჭაბუკი ვიყო. ან იქნებ მართლა ვბერდები და იმიტომ? ჰა?

- მეც ამ საქმეზე ვარ ჩამოსული, აფანასი ივანოვიჩი.

- რა საქმეზე? - ვერ მიხვდა ელიზაროვი.

- იქნებ გახსოვთ, აბუტალიფ ქუთიბაევზე რომ გიამბოთ?

- როგორ არ მახსოვს! მშვენივრად მახსოვს. აი, თურმე რა კარგად გაგიჭვრეტია ყველაფერი. ყოჩაღ. აღარ გადადე და ჩამოხვედი.

- მე კი არა ვარ ყოჩაღი, უქუბალამ მიკარნახა. ოღონდ არ ვიცი, საიდან დავიწყო? სად წავიდე?

- საიდან დავიწყო? ეს უნდა მოვიფიქროთ. შინ, ჩაიზე აუჩქარებლად მოვითათბიროთ ყველაფერზე. - ელიზაროვი მცირე ხნით გაჩუმდა და მერე მრავლისმეტყველად დასძინა: - როგორ იცვლება დრო, ედილეი, - რამდენიმე წლის წინათ თავშიაც არ გაგივლიდა ასეთ საქმეზე ჩამოსვლა. ახლა კი არ გეშინია. სინამდვილეში ასედაც უნდა იყოს. ჩვენ ყველამ ასეთ სიმართლეს უნდა მივსდიოთ. არავის არ უნდა ჰქონდეს განსაკუთრებული უფლებანი. მე ასე მესმის.

- თქვენ აქ ყველაფერს უკეთ ამჩნევთ, თანაც მეცნიერი კაცი ბრძანდებით, - გამოთქვა თავისი ვარაუდი ედილეიმაც. - იმ მიტინგზე, ღებოში, ამაზედაც ილაპარაკეს. ჰოდა, მაშინვე აბუტალიფზე ვიფიქრე. დიდი ხანია გული მტკივა ამ ამბის გამო. მიტინგზედაც მინდოდა გამოსვლა. განა მართლ სამართალზეა ლაპარაკი. აბუტალიფს შვილები დარჩა, დაიზარდნენ ბიჭები, უფროსი ამ შემოდგომამზე სკოლაში წავა...

- ახლა თუ იცი, სად არის მისი ოჯახი?
- არ ვიცი, აფანასი ივანოვიჩი, მალე სამი წელი გახდება, რაც წავიდნენ, მას აქეთ არაფერი ვიცით.
- მაგ საქმეს მოვევლება, მოვნახავთ, მოვძებნით. ახლა მთავარია, იურიდიულად რომ ვთქვათ, აბუტალიფის საქმე აღიძრას.
- სწორედ. სწორედ, მაშინვე მოძებნეთ საჭირო სიტყვა. იმიტომაც ჩამოვედი თქვენთან.
- ჩემი აზრით, ტყუილად არ ჩამოსულხარ.

როგორც ფიქრობდა ედილეი, ისეც მოხდა. ძალიან მალე, ედილეის დაბრუნებიდან ზუსტად სამი კვირის თავზე ალმა-ათიდან ქალაქი მოვიდა, სადაც შავით თეთრზე ეწერა, რომ ბორანლი-ბურანის ასაქცევის ყოფილი მუშა, საქმის ძიების დროს გარდაცვლილი აბუტალიფ ქუთიბაევი, მთლიანად რეაბილიტირებულია დანაშაულის უქონლობის გამო. ასეც იყო ნათქვამი! ეს ქალაქი ხმამაღლა უნდა წაეკითხათ იმ კოლექტივში, სადაც ქუთიბაევი მუშაობდა.

ამ საბუთს კვალდაკვალ ელიზაროვის წერილი მოჰყვა. ეს ღირსშესანიშნავი წერილი იყო. ამ წერილს მთელი სიცოცხლე ინახავდა ედილეი ოჯახის სხვა მნიშვნელოვან საბუთებთან ერთად, როგორც იყო შვილების დაბადების, საბრძოლო ჯილდოების, ფრონტზე დაჭრისა და სამუშაო დახასიათებების მონუმობები...

იმ დიდ წერილში ელიზაროვი იუწყებოდა, რომ დიდად კმაყოფილია აბუტალიფის საქმის ასე სწრაფი განხილვით, მისი რეაბილიტაციით, თვით ეს ამბავი დროის კარგ ნიშანს მოასწავებს და, მისივე სიტყვით, საკუთარ თავზე ჩვენს გამარჯვებას ნიშნავს.

შემდეგ იწერებოდა, რომ ედიღეის გამგზავრების მერე კიდევ ერთხელ მიაკითხა იმ დანესებულებებს, სადაც ისა და ედიღეი იყვნენ, და ფრიად საგულისხმო ამბები შეიტყო. ჯერ ერთი, გამომძიებელი თანსიქბაევი სამუშაოდან მოხსნეს, დააქვეითეს, მიღებული ჭილდოები ჩამოართვეს და პასუხისგებაში მისცეს. მეორეც, როგორც მას აცნობეს, აბუტალიფ ქუთიბაევის ოჯახი ამჟამად თურმე პავლოდარში ცხოვრობს (ჰოი, რა შორს ამოუყვითათ თავი!) ბარიფა სკოლაში მასწავლებლობს, იგი გათხოვილია. აი, რა ოფიციალური ცნობები მოვიდა მისი ადგილსამყოფიდან. შენი ეჭვი, ედიღეი, იწერებოდა კიდევ ელიზაროვი, იმ რევიზორის თაობაზე დამტკიცდა საქმის ხელახლა გადასინჯვის შემდეგ - თურმე სწორედ მას დაუსმენია აბუტალიფ ქუთიბაევი. „რად გააკეთა ეს, რამ აიძულა ასეთი ბოროტება ჩაედინა? ბევრი ვიფიქრე ამაზე, გავიხსენე სხვა მსგავსი ამბები, ისიც, რაც შენ მიამბე, ედიღეი, ყოველივე შევანონე და შევეცადე ამეხსნა მისი საქციელის მიზეზი. არა, ჩემთვის ძნელად ასახსნელია, რამ გამოიწვია ასეთი სიძულვილი, აბუტალიფ ქუთიბაევი ხომ მისთვის სრულიად უცხო კაცი იყო. შესაძლებელია სენი, ეპიდემია დავარქვათ ამას. ისტორიის გარკვეულ ხანას რომ მოაქვს. ან იქნებ ასეთი დამლუპველი თვისება ათადან-ბაბიდან ბუდობს ადამიანში - შური, რომელიც სულს აპარტახებს და სასტიკს, დაუნდობელსა ხდის. მაგრამ რა ჰქონდა შესაშური აბუტალიფ ქუთიბაევს? ეს ჩემთვის გამოუცნობი რჩება. რაც შეეხება ანგარიშის სწორების ხერხს, იგი ისეთივე ძველია, როგორც ეს ქვეყანა. თავის დროზე საკმარისი იყო ვინმე დაებზღებინათ, ერეტიკოსი არისო, რომ ბუხარის ბაზრებზე ასეთი კაცი ქვეებით ჩაექოლათ, ევროპაში კი კოცონებზე დაენვათ. ამაზე ჩვენ ბევრი ვილაპარაკეთ, ედიღეი, შენი ჩამოსვლის ხანს. აბუტალიფის საქმის განხილვის დროს

ფაქტების გამორკვევამ კიდევ ერთხელ დამარწმუნა: ჯერ ისევ ბევრი დრო უნდა, რომ ადამიანებში ეს მავნე თვისება პიროვნების სიძულვილი - ამოძირკვოს. თუ რამდენი დრო დასჭირდება - ძნელი სათქმელია. მიუხედავად ამისა, მაინც ვადიდებ სიცოცხლეს, ვინაიდან სამართალი აღუხოცველი და მოუსრველია ამ ქვეყანაზე. მან ამჯერადაც იმძლავრა! თუმც დიდი მსხვერპლის ფასად, მაგრამ მაინც იმძლავრა! ასე იქნება მუდამ, ვინემ ეს ქვეყანა იარსებებს. მე მიხარია, ედილეი, უანგაროდ რომ მიაღწიე სამართალს...”

დიდხანს იყო ამ წერილის შთაბეჭდილების ქვეშ ედილეი. უკვირდა თავის თავისა, როგორ შეცვალა ამ წერილმა, რაღაც შესძინა, თითქოს რაღაცაში გაარკვია. მაშინ იფიქრა პირველად, ალბათ დადგა დრო სიბერისთვის შევემზადო, რომელიც უკვე არც ისე შორიაო...

ელიზაროვის წერილი, ასე ვთქვათ, მიჯნა გამოდგა მისთვის - ზღვარი გაავლო იმას, რაც მანამდე იყო და რაც შემდეგ მოხდა. ყველაფერი, რაც ამ წერილამდე იყო - თითქოს დაშორდა, ბურუსით დაიფარა, თითქოს შორს დარჩა ზღვის ნაპირივით. რაც შემდეგ იყო - მშვიდად მიედინებოდა და ახსენებდა, რომ ცხოვრება დიდხანს, მაგრამ მუდმივად არ გაგრძელდება. თავიდათავია – წერილიდან შეიტყო, ზარიფა უკვე გათხოვილიაო. ამ ამბავმა ერთხელ კიდევ განაცდევინა მძიმე წუთები. თავს მხოლოდ იმით ინუგეშებდა, რომ რაღაცნაირად გული უგრძნობდა, ზარიფა გათხოვდებო, თუმცა არ იცოდა, სად იყო, ბიჭები როგორ იყვნენ და სხვა ხალხში როგორ ეცხოვრებოდა. განსაკუთრებით შინ დაბრუნებისას მწვავედ უთქვამდა ამას გული. საოცარია, რატომ იფიქრა ასე, რად ჩაეჭიდა ეს ფიქრი ტვინში. ცუდ გუნებაზე სულაც არ წამოსულა ედილეი ალმა-ათიდან, პირიქით, ძალიანაც კარგ განწყობაზე იყო. სადაც არ მივიდნენ ისა და

ელიზაროვი, ყველგან თანაგრძნობით, თბილად შეხვდნენ. იმიტომაც აღეძრა რწმენა, რომ მისი განზრახვა სწორი იყო და საქმე კარგად დამთავრდებოდა. ასეც გამოდგა. ედილეთის წასვლის დღეს კი ელიზაროვმა იგი სადგურის რესტორანში დაპატიჟა სადილად. მატარებლის გასვლამდე საკმაოდ დრო იყო დარჩენილი, ისე რომ კარგად მოილხინეს, დალიეს, გულითადად ისაუბრეს დამშვიდობების წინ. იმ საუბრის დროს, როგორც ედილეთი მიხვდა, ელიზაროვმა თავისი ხვაშიადი გაუმჟღავნა. მან, მოსკოველმა კომკავშირელმა, ოციან წლებში თურქმენისტანში ამოჰყო თავი, ბასმაჩებს ებრძოდა თურმე, მერე კი დარჩა და დარჩა აქ, გეოლოგიურ მეცნიერებას გაჰყვა. ელიზაროვის აზრით. მთელი მსოფლიო ტყუილად არ შეჰყურებს იმედის თვალთ ოქტომბრის რევოლუციის წამონაწყებს. თუმცა შეცდომების გამოსწორება ძვირად დაუჯდათ. მაგრამ გაუკვალავ გზაზე წინსვლა ამან ვერ შეაფერხა, რაც ისტორიის დედაარს შეადგენს. ელიზაროვმა ისიც თქვა, წინსვლა ახლა უფრო დაჩქარდება, ამის საწინდარი კი - საზოგადოების თვითგამოსწორება, თვითგანწმენდა არისო. რაკი ჩვენსავე თავს პირში შეგვიძლია ეს ვუთხრათ, მაშასადამე, მომავლის ძალა გავგაჩნიაო, ამტკიცებდა ელიზაროვი. დიახ, ძალიან კარგად ისაუბრეს იმ სადილობის ჟამს ორივემ.

ასეთ განწყობაზე ბრუნდებოდა ბურანელი ედილეთი საროზექში.

ისევ აიშართა ედილეთის თვალწინ ალათაუს თოვლიანი ლურჯი მთები, მთელ შვიდმდინარეთს მიჰყვებოდა მოშორებით მისი მთაგრეხილი. აი, მაშინ, გონების თვალთ რომ გადახედა ალმა-ათაში თავის მგზავრობას, მაშინ მიხვდა, მაშინ უკარნახა გულისთქმამ ედილეთის, ზარიფა ალბათ გათხოვილი იქნებაო.

უყურებდა მთებს, გაზაფხულით გაცისკროვნებულ სივრცეებს ედიღე და ფიქრობდა, ელიზაროვისთანა მართალი სიტყვისა და საქმის ერთგული ხალხი რომ არა, ადამიანს კიდევ უფრო გაუჭირდებოდა ამქვეყნად ცხოვრება. აბუტალიფის საქმის გარკვევის შემდეგ სწრაფად წარმავალი, დაუდგრომელი დროის ცვალებადობაზე ფიქრობდა ედიღე - აბუღალიფს რომ ეცოცხლა, ცილისწამებას მოხსნიდნენ ახლა, გაანთავისუფლებდნენ და იქნებ ბედნიერად ეცხოვრა თავის ბიჭებთან ერთად! დიახ, დიახ, რომ ეცოცხლა! ამით ყველაფერია თქმული. რომ ეცოცხლა, თქმა რად უნდა, ზარიფა უკანასკნელ დღემდე დაელოდებოდა. ამას წყალი არ გაუვა! ასეთ ქალი ქმარს უთუოდ დაუცდიდა. ხოლო როცა აღარავის მოელი, მაშინ მოცდას რა აზრი აქვს, ახალგაზრდა ქალმა მართო რად უნდა იცხოვროს. ხოლო რაკი ასეა საქმე, თუ შესაფერისი ადამიანი შეხვდა, გაპყვება კიდევ ცოლად, რატომაც არა? გუნება მოუშხამა ამ ფიქრებმა ედიღის. შეეცადა სხვა რამეზე გადაეტანა ფიქრი, ამაზე არ ეფიქრა, ფიქრებისთვის ფრთა შეეკვეცა. მაგრამ ვერ შეძლო, ვერა და ამიტომაც ვაგონ-რესტორანს მიაშურა.

ვაგონ-რესტორანში ხალხი ცოტა იყო, არც მონაგვიანებული ჩანდა იქაურობა, ვინაიდან არც ისე დიდი ხანია მგზავრობდნენ. ედიღე მართო მიჯდა ფანჯარასთან. ჯერ ერთი ბოთლი ლუდი გამოართვა, გავერთობიო. დიდი ფანჯრიდან ერთდროულად მთებიც ჩანდა ტრამალებიცა და ცააც. ეს ხასხასა სივრცე, სადაც ერთ მხარეს ყაყაჩოთი გადანითლებული ველები ჩანდა, მეორე მხარეს კი მედიდურად აზიდული თოვლიანი მწვერვალები, სულს ამაღლებდა, აუხდენელი ოცნებებით ავსებდა და მწარე იმედგაცრუებითაც წამლავდა. ჯავრიან გულზე არაყი მოუნდა ედიღის და რამდენიმე ჭიქაც გადაჰკრა, მაგრამ არაფერი უგრძვნია. მაშინ ისევ ლუდი შეუკეთა. იჯდა ასე და ფიქრებს

მისცემოდა. დღე იწურებოდა. გაზაფხულის კამკამა ბინდში რკინიგზის გაღმა-გამოღმა მიქროდნენ სოფლები, ბალები, გზები, ხიდები, ჯოგები თუ ფარები. მაგრამ ედიღეის გულს - არაფერი ეკარებოდა; ხელახლა მოეძალა მწარე ნალველი, გულზე ლოდად დააწვა გაურკვეველი წინათგრძნობა, წარსულს უკვე ჯვარი დაესვაო.

ასე იჭდა დაღამებამდე, ვინემ ვაგონ-რესტორანი ხალხით არ გაიჭედა და თამბაქოს კვამლმა არ გაბურა იქაურობა. უკვირდა ედიღეის - რად არიან ასე უზრუნველად ეს ხალხი, რა წვრილმანებზე ლაპარაკობენ და ღელავენ, რა სიამოვნებას ანიჭებთ არაყის სმა და თამბაქოს ქაჩვა? მამაკაცებს რომ შემოჰყვნენ, იმ ქალების დანახვაც არ გახარებია, მათი სიცილი ყურს ჭრიდა, ბარბაც-ბარბაცით წამოდგა, ოფიციალტი ქალი მოძებნა, აყაყანებულ მაგიდებს შორის აქლოშინებული რომ დარბოდა ლანგრებით, ფული გადაიხადა და თავის კუპესკენ გასწია. მიდიოდა, მატარებელთან ერთად თვითონაც ხანხალებდა და უფრო და უფრო უმძიმებდა გულს სიმარტოვე, უცხოობა, უფრო და უფრო ობლად გრძნობდა თავს...

ნეტა რად უნდოდა სიცოცხლე, ნეტა სად მიდიოდა...

ახლა მისთვის სულ ერთი იყო, საიდან, სად ან რისთვის მიემგზავრებოდა, საით ისწრაფოდა ამ ღამეში ჩქარი მატარებელი, რომელიღაც ტამბურში შედგა, კარის გრილ მინას გახურებული შუბლი მიადო. იდგა ასე, არ იხედებოდა უკან, არ აქცევდა ყურადღებას აქეთ-იქით მოფუსფუსე მგზავრებს.

მატარებელი კი მიდიოდა რაკარუკით, ყანყალ-ყანყალით. ედიღეის შეეძლო კარი გაეღო როგორც ყველა რკინიგზელს, გასაღები მასაც ჰქონდა - კარი გაეღო და ზღურბლზე გადაებიჯებინა... რომელიღაც უდაბურ ადგილას, სადღაც შორს ორი სინათლე კიაფობდა, დიდხანს, დიდხანს ჩანდა მატარებლიდან.

იქნებ ეულად მდგარი სახლის ფანჯრების სინათლე იყო, იქნებ პატარა კოცონები. იქ ალბათ ვილაც ადამიანები იმყოფებოდნენ და იმიტომ ენთო სინათლე. ვინ იყვნენ? ან რატომ იყვნენ? ეჰ, ნეტა ზარიფა და მისი ბიჭები ყოფილიყვნენ! იმწამსვე მატარებლიდან გადახტებოდა ედილეი და მასთან გაიქცეოდა სულმოუთქმელად, ფენებში ჩაუვარდებოდა, მთელ თავის დარდსა და ნაღველს გამოიტირებდა, არც შერცხვებოდა, ისე...

ნელ-ნელა თვალს მოეფარა ტრამალში მოციმციმე ის ორი სინათლე და ბურანელმა ედილეიმაც ამოიგმინა. ასე იდგა ტამბურის კართან ედილეი, ჩუმად სლუკუნებდა, ზედაც არ უყურებდა ვაგონებში ხმაურით მიმომავალ მგზავრებს. სახე ცრემლებით მორწყოდა.. ასე იდგა და შეეძლო კარი გაეღო, შეეძლო ზღურბლზე გადაეხტებინა...

მატარებლები ამ მხარეში აღმოსავლეთიდან დასავლეთით, ხოლო დასავლეთიდან აღმოსავლეთით მიგრი-ალებდნენ...

რკინიგზის გაღმა-გამოღმა ვეებერთელა უკაცრიელი სივრცე - სარი-ობეჩი გადაჭიმულიყო, ყვითელ ტრამალთა შუაგულ მინები.

ამ მხარეში ყველა მანძილი, გრინვიჩის მერიდიანის დარად, რკინიგზასთან მიმარჯვებით ისაზღვრებოდა.

მატარებლები კი აღმოსავლეთიდან დასავლეთით, ხოლო დასავლეთიდან აღმოსავლეთით მიგრი-ალებდნენ...

ვეება ბოლოთეთრა ძერა მოსწყდა ბუდეს მალაყუმდიჩა-ფის ფლატეზე და არემარეს დასათვალიერებლად აფრინდა. ასე უვლიდა იგი დღეში ორჯერ თავის სამფლობელოს - ნაშუადღევამდე და შუადღევის შემდეგ.

მის თვალს არ გამოჰარვია რა ტრამალის ზედაპირზე, არც ღოღვით მიმავალი ხოჭოები და არც ცქაფი ხვლიკები. უხმოდ ფრენდა იგი სარობეჩის თავზე, დინჯად მიიქნევდა ფრთებს, თანდათან მალლა და მალლა მიირწეოდა, რათა დიდზე და შორზე გადმოეხედა ტრამალისათვის, ცაში დაბრუნავდა და ნელ-ნელა უახლოვდებოდა თავის საყვარელ სანადირო ადგილს - დახურულ ზონას. მას აქეთ, რაც ის უშველებელი სივრცე შემოლობეს, პატარ-პატარა ცხოველებისა და სხვადასხვა ფრინველების რიცხვმა საგრძნობლად იმატა, ვინაიდან მელიებსა თუ სხვა მოსუნსულე ნადირს უკვე ველარ გაებდათ თავის ნებაზე აქ ძრომიალი. სამაგიეროდ ძერა აინუნში არ აგდებდა ღობეს. მისთვის სასიკეთოც კი გამოდგა. თუმცა არც სულ მთლად. ამ სამი დღის წინ ზემოდან კურდღლის ბაჭიას რომ ჰკრა თვალი და ისარივით დაეშვა მისკენ, ბაჭიამ მოასწრო და მავთულის ქვეშ შეძვრა, ძერა კი ლამის ზედ წამოეგო მავთულის ეკლებს. ძლივს გაარიდა თავი, გაათრებული მყისვე აიჭრა ზემოთ, ბასრმა ეკლებმა რამდენიმე ბუმბული ააგლიჯა მკერდიდან, თავისთვის რომ გაფრიალდა მერე. მას აქეთ ერიდებოდა ამ საშიშ ღობეს ძერა.

ასე მიფრინავდა მეფური მედიდურებით, ზედმეტად ერთხელ არ მოუქნევია ფრთა, რომ მიწაზე მცხოვრებ არსებათა ყურადღება არ მიექცია. იმ დღეს დილიდანვე - ჯერ პირველი და მერე მეორე შემოფრენისას - ადამიანების რალაც დიდი გამოცოცხლება შეამჩნია კოსმოდრომის ვეება დაბეტონებულ მიწდვრებზე. მანქანები აქეთ-იქით დაგორავდნენ, მეტწილად რაკე-

ტებიანი კონსტრუქციების ირგვლივ დატრიალებდნენ. ეს ცისკენ აღერილი რაკეტები დიდი ხანია განცალკევებით ასვეტილიყვნენ თავიანთ მოედნებზე, ძერა დიდი ხანია უკვე მიეჩვია მათ, მაგრამ დღეს რალაც ხდებოდა იქ - მეტისმეტად ბევრი მანქანა, მეტისმეტად ბევრი ხალხი ირეოდა მათ გარშემო.

არც ის გამოჰპარვია ძერას, რომ წელან ტრამალში აქლემით ჩავლილი კაცი, ორი მორახრახე ტრაქტორი და წითურა ბანჯგვლიანი ძაღლი ახლა ეკლიანი მავთულის გამოღმა იდგნენ, თითქოსდა ვერ გადაელახათ იგი... წითურა ძაღლის უსაქმურმა იერმა ბრაზი მოჰგვარა ძერას, მეტადრე იმან გაალიზიანა, ადამიანებს რომ მიტუზებოდა. მაგრამ ეს ბრაზი არათურით გამოუხატავს, ასე როგორ დაიმდაბლებდა თავს. უბრალოდ, იმ ადგილს დატრიალებდა და გაფაციცებით უთვალთვალებდა, რას ეპირებოდა ეს წითურა ძაღლი, ადამიანების გვერდით რომ იდგა კუდის ქიციინით..

ედიღემ მალლა აიხედა და ცაში მონავარდე ძერა დაინახა. „ბოლოთეთრაა, კარგა დიდი, - გაიფიქრა მან, - ეეჰ, ნეტა ძერა ვიყო, ვინლა შემაჩერებდა მაშინ. გავფრინდებოდი და ანაბეითის ყუმბებებზე²⁴ დავეშვებოდი!..“

ამასობაში მოახლოებული მანქანის ხმა მოისმა გზაზე. „მოდის! - გაეხარდა ბურანელ ედიღეს. - ღმერთმა ქნას, ყველაფერი მოგვარდეს!“ „გაზიკი“ სწრაფად მოგრიალდა შლაგბაუმთან და საგუშაგო შენობის გვერდით ხელდახელ დადგა. გუშაგი მანქანის მოახლოებას ელოდა, მანქანიდან გადმოსულ ყარაულის უფროს ლეიტენანტ თანსიქბაევს ხელი აულო და მოახსენა:

- ამხანაგო ლეიტენანტო, მოგახსენებთ...

²⁴ აკლდამები

მაგრამ ყარაულის უფროსმა გააჩუმა. როცა შუა სიტყვაზე შეწყვეტილმა გუშაგმა ხელი დაბლა დაუშვა, უფროსი შლაგბაუმის გაღმა მდგართ მიუბრუნდა.

- ვინ არიან აქ უცხოები? ვინ მიცდის? თქვენ? – შეეკითხა იგი ბურანელ ედილეთს.

- ბიზ, ბიზგოი ქარაგიმ. ანა-ბეითქე ქეტბეი თური ქალდიკ, კალაი და ბოლსა, ქანდამდეშ, ქარაგიმ²⁵, - უთხრა ედილეთს, თან შეეცადა ორდენ-მედლები ახალგაზრდა ოფიცრისთვის დაენახებინა.

ლეიტენანტ თანსიქბაევზე ედილეთს სიტყვებს არ უმოქმედია, მხოლოდ ჩაახველა. ხოლო როცა ედილეთს ისევ დააპირა ლაპარაკი, ცივად გააფრთხილა.

- ამხანაგო უცნობო, რუსულად მელაპარაკეთ. მე აქ ჩემს მოვალეობას ვასრულებ, - წარბები შეჭმუხნა მარლთვალემა ლეიტენანტმა.

- ეეჰ, უკაცრავად, უკაცრავად. თუ რამე შემცდა, მაპატიე. - ედილეთს ენა ჩაუვარდა, სათქმელი დაავიწყდა.

- ნება მომეცით, ჩვენი სათხოვარი მოგახსენოთ, ამხანაგო ლეიტენანტო, - წამოეშველა აყლაყუდა ედილთბაი მოხუცს.

- მომახსენეთ, ოღონდაც მოკლედ, - გააფრთხილა ყარაულის უფროსმა.

- ერთი წუთით, დაე, განსვენებულის ვაჟიც დაესწროს, - აყლაყუდა ედილთბაი საბითჯანისკენ მიბრუნდა, - საბითჯან, ჰეი, საბითჯან, აბა ერთი აქ მოდი!

²⁵ ეს ჩვენა ვართ, ჩვენ, შვილო, სასაფლაოზე არ გვიშვებენ. რამე გაახერხე, დაგვეხმარე, შვილო.

მაგრამ განზე მობოლთავე საბითუანმა ხელი უსიამოდ აუქ-
ნია:

- თქვენ თვითონ მოილაპარაკეთ.

აყლაყუდა ედილბაი განითლდა.

- აპატიეთ, ამხანაგო ლეიტენანტო, ნაწყენი გახლავთ. ეგ ჩვენი განსვენებული ყაზანგაპის ვაჟია. მისი სიძეც აქაა, აგერ მისაბმელზე ზის.

სიძეს ეგონა, მეძახიანო, და მისაბმელიდან ჩამოძვრა.

- წვრილმანები არ მაინტერესებს, საქმის არსი მითხარით,
- თქვა ყარაულის უფროსმა.

- კეთილი.

- მოკლედ და დალაგებით.

- დიახ, მოკლედ და დალაგებით.

მოჰყვა აყლაყუდა ედილბაი, როგორი იყო - ვინ არიან, სა-
დაურები, აქ რატომ მოვიდნენ. ედილეი ამასობაში ლეიტენანტ
თანსიქბაევს თვალს არ აშორებდა. მიხვდა. აქ სასიკეთო არა-
ფერი გამოვიდოდა - შლაგბაუმის იქით ლეიტენანტი მარტო იმი-
ტომ იდგა, ყასიდად მოესმინა გარეშე პირთა საჩივარი - მიხვდა
და იმედი ჩაუქრა გულში. ყაზანგაპის სიკვდილი, წამოსვლის სამ-
ზადისი, ყველაფერი, რაც ახალგაზრდების დასაყაბულებლად
გააკეთა, ყაზანგაპი ანა-ბეითზე დაგვრძალოთო, მისი ფიქრები,
ის ყოველივე, რაც მისი აზრით, საროზექის ისტორიასთან აკავ-
შირებდა - ერთბაშად არარად აქცია, უნაყოფო, კნინი გახადა
თანსიქბაევს სახემ. სულის სიღრმემდე შეურაცხყოფილი იდგა
ედილეი. სასაცილო და გულსაწყვეტი ეჩვენა საბითუანის ლაჩ-
რული საქციელი, რომელმაც გუშინ, არაყისა და შუბათის სმისას,
ამდენი ილაქლაქა ღმერთებზე ამდენი იყბედა იმაზე, თუ რო-
გორ უგამგებლებს ადამიანებს რადიო, რა არის ბორანლელები
თავისი ცოდნით გაეკვირვებინა, ახლა კი სიტყვის დაძვრაც არ

ინება! სასაცილოდ ეჩვენა ფუნჯებიანი, ნაქარგი ყაჭრით მორთული ბურანელი ყარანარი - ვისთვის ან რისთვის იყო საჭირო ეს ყველაფერი! განა შეეძლო აგრე რიგად მორთული ყარანარის დაფასება ამ უბადრუკ ლეიტენანტ თანსიქბაევს, რომელმაც ან არ ისურვა, ან ვერ გაბედა მშობლიურ ენაზე ლაპარაკი? სასაცილოდ ეჩვენა და გული ეტკინა ყაზანგაპის გაუბედურებული ლოთი სიძის გამოც, რომელსაც მთელი დღე წვეთი არ უღევია, მთელი დღე იმ მისაბმელზე იჯაყჯაყა, მიცვალებულს არ მოშორებია, ახლა კი ჩამოვიდა და გვერდით დაუდგა, ეტყობა, მაინც იმედი ჰქონდა, სასაფლაოსკენ გაგვიშვებენო. სასაცილოდ ეჩვენა და გული ეტკინა თავისი წითურა ჟოლბარსის გამო - ნეტა რად აევიდა მათ, ან ასე მოთმინებით რად ელის, როდის გააგრძელებენ გზას? ძალლი მაინც რამ აიძულა? ან იქნებ სწორედ ძალღმა იგრძნო წინასწარ, რა ცუდ დღეში ჩავარდებოდა პატრონი, იმიტომაც გამოჰყვა, რომ ასეთ დროს პატრონის გვერდით ყოფილიყო. ან რა უთხრას კალიბეგსა და ჟუმბაგალის, რომლებიც ახლა კაბინებში სხედან, რას იფიქრებენ ისინი?

ცხადად გრძნობდა დამცირებული და გუნებააშლილი ედიღეი, თანდათან როგორ ერეოდა აღშფოთება, როგორ უდუღდა ძარღვებში სისხლი. იცოდა თავისი ხასიათი, იცოდა, რა საშიში იყო მისთვის სიბრაზის აყოლა, თავს იკავებდა, გულში იხშობდა წყრომას. არა, არ ჰქონდა უფლება წონასწორობა დაეკარგა, ვინემ მიცვალებული დაუმარხავი ესვენა მისაბმელზე. არ ეკადრება ამ ხნის კაცს აღშფოთება და ხმის ამალღება. ამიტომაც ენას კბილი დააჭირა, ყბის ძარღვები დაძაბა, რათა არც სიტყვით და არც საქციელით არ გაემჟღავნებინა, რა ხდებოდა ამ წუთს მის გულში.

ასედაც იცოდა ედიღეიმ, რომ აყლაყუდა ედილბაის საუბარს ყარაულის უფროსთან საიმედო არაფერი მოჰყვებოდა.

- ვერაფრით დაგეხმარებით. უცხო პირთა შესვლა ზონის ტერიტორიაზე სასტიკად აკრძალულია, - თქვა ბოლოს ლეიტენანტმა.

- ეს ჩვენ არ ვიცოდით. ამხანაგო ლეიტენანტო, თორემ რად, რისი გულისთვის წამოვიდოდით? მაგრამ რალაი ჩამოვედით, სთხოვეთ ზემდგომ უფროსებს, ნება დაგვრთონ კაცი დაგმარხონ. უკან ხომ ვერ წავიყვანთ.

- მე უკვე მოვახსენე და ბრძანებაც მივიღე, არა მიზეზით არავინ შემოუშვას.

- მიზეზიო? - გაოცდა აყლაყუდა ედილბაი. მიზეზი რა შუაშია, ამხანაგო ლეიტენანტო? რა დაგვრჩენია მაგ თქვენ ზონაში? კაცი რომ დასამარხი არ გვყავდეს, ამოდენა გზა, რატომ გამოვივლიდით?

- მე ერთხელ კიდევ გიმეორებთ, გარეშე ამხანაგო, რომ აქ არავის შემოსვლა არ შეიძლება.

- ვინაა აქ გარეშე! - უცებ ამოიღო ხმა აქამდე ჩუმად მდგარმა ყაზანგაპის ლოთმა სიძემ. - ვინაა-მეთქი აქ გარეშე? ჩვენ ვართ გარეშენი? - ყაზანგაპის სიძეს მომჩვარული სახე წამოუჭარხალდა, ტუჩები ჩაუ-ლურჯდა.

- დიახ, დიახ, როდის აქეთ გავხდით გარეშენი? - მხარი აუბა აყლა-ყუდა ედილბაიმაც.

- ეს ჩვენი სასაფლაოა - ყაზანგაპის ლოთ სიძეს ხმა არ აუმაღლებია, ზღვარს რომ არ გადასულიყო. არც რუსული ემარჯვებოდა და ნელა ლაპარაკობდა, სწორად გამოთქმას ლამობდა. - ეს ჩვენი, ჩვენი სასაფლაო არის. უფლება გაქვს სარო-ზექის ხალხი, ჩვენი ხალხი დამარხო. როცა აქ, ძალიან დიდი ხნის წინ, დაიმარხა ნაიმან-ანა, არავინ იცოდა, დახურული ზონა თუ იქნებოდა.

- მე აქ კამათს ვერ გავმართავ - განაცხადა ლეიტენანტმა თანსიქბაევმა. - როგორც ყარაულის უფროსი ამჟამად, კიდეც ერთხელ გიმეორებთ - აკრძალული ზონის ტერიტორიაზე ვერა საბაბითა და მიზეზით ვერც ახლა და ვერც შემდეგ ვერავინ შე-
მოვა.

ყველანი ჩუმად იდგნენ. „ღმერთო. მომთმენინე. ღმერთო, არ გამალანძლინო!“ გულში ამბობდა ბურანელი ედილეი და ცას ცერად ახედა. შორს კამარას კრავდა ისევ ის ძერა. კვლავაც შე-
ნატრა ამ დინჯსა და ძლიერ ფრინველს ედილეიმ. გადაწყვიტა, აღარ ღირდა ბედის ცდა, უნდა მოშორდნენ აქაურობას, მარ-
თლა ძალით ხომ არ შევარდებოდნენ. ედილეიმ ისევ ახედა ძე-
რას და თქვა:

- ჩვენ წავალთ, ამხანაგო ლეიტენანტო, მაგრამ გადაეცი იმ თქვენს გენერალს თუ ვინცა გყავთ - ასე არ შეიძლება-თქო! მე, როგორც ძველ ჯარისკაცს, მითქვამს - ეს სწორი არაა.

- სწორია თუ არა - ზემოდან ნაბრძანების განსჯის უფლება მე არა მაქვს. ხოლო შემდეგში რომ იცოდეთ, დავალეხული მაქვს გადმოგცეთ: ეს სასაფლაო გაუქმებული იქნება.

- ანა-ბეითი? - განცვიფრდა აყლაყუდა ედილბაი.

- დიახ, თუკი ასე ჰქვია.

- რატომ? ნეტა ვის შეუშალა ხელი ამ სასაფლაომ? - აღ-
შფოთდა აყლაყუდა ედილბაი.

- იქ ახალი მიკრორაიონი იქნება.

- სასწაულია და ესაა! - ხელები გაშალა აყლაყუდა ედილ-
ბაიმ. რა, მაგის მეტი ადგილი ვერ ნახეთ, მიწა არ გეყოთ?

- გეგმით ასეა გათვალისწინებული.

- გამიგონე, მამაშენი ვინაა? - ჭიქურ ჰკითხა ბურანელმა ედილეიმ ლეიტენანტ თანსიქბაევს.

ლეიტენანტი გაოცდა.

- რა შუაშია? ან რაში გეკითხებათ?

- იმ შუაშია, რომ ჩვენთვის კი არ უნდა გეთქვა ეს ყველაფერი, იქ უნდა გელაპარაკა, სადაც ჩვენი სასაფლაოს მოსპობა განიზრახეს. ან იქნება შენი მამა-პაპა არ მომკვდარა ან შენ არ მოკვდები არასოდეს?

- ამას არავითარი კავშირი არა აქვს საქმესთან.

- კარგი, მაშინ საქმეზე გადავიდეთ. მაშინ, ამხანაგო ლეიტენანტო, მოდი და იმ თქვენს ყველაზე უფროსს დამაკავშირე, რომ მომისმინოს, მე მოვითხოვ, რომ უფლება მომცენ ჩემი საჩივარი თქვენს ყველაზე მთავარ უფროსს მოვახსენო. გადაეცი, რომ ძველ ფრონტელს, სარობეის მცხოვრებ ედილეი ჟანგელდინს ორიოდ სიტყვა სურს უთხრას!

- არ შემოძლია. მე მხოლოდ მიბრძანეს, როგორ ვიმოქმედო.

- ნეტა რა შეგიძლია? - ისევ ჩაერია ყაზანგაპი ლოთი სიძე და სასონარკვეთით დაუმატა: - ბაზრის მილიციაც კი გჯობია შენ!

- ახლავე შეწყვიტეთ ეს უმსგავსოება! - წელში გასწორდა გაფითრებული ყარაულის უფროსი. - შეწყვიტეთ-მეთქი! მოაშორეთ ეგ კაცი შლაგბაუმს და ტრაქტორებიც წაიყვანეთ, გზა გაათავისუფლეთ!

ედილეიმ და აყლაყუდა ედილბაიმ ხელი სტაცეს ყაზანგაპის ლოთ სიძეს და ტრაქტორებისკენ წაათრიეს. ის კი მანც უკან იხედებოდა და გაჰყვიროდა:

- საგან ჟოლ და ჟეტბეიდი, საგან ჟერ და ჟეტბეიდი, ურდომ სეიდედინ აიზინ!²⁶

²⁶ შენ გზაც არ გყოფნის, მიწაც არ ყოფნის! მომიფურთხებია შენთვის!

აქამდე ჩემად მყოფმა საბითუანმა, მოშორებით მოღუშული რომ სცემდა ბოლთას, ახლა გადანწყვითა თავის გამოჩენა:

- რა იყო? გამოგაბუნძულეს ყველა? ასედაც უნდა ყოფილიყო! თავი მოიკლეს, გამოცვივდნენ, გინდა თუ არა ანაბეითითო! ახლა კი ნაცემი ძაღლებივით ამოიძუეს კუდი!

- ვინაა ნაცემი ძაღლი? - გაქანდა მისკენ სულ მთლად გაცეცხლებული ყაზანგაპის ლოთი სიძე. - თუ ვინმეა ჩვენში ძაღლი, ეს შენა ხარ, ნაძირალავ! რალა შენ და რალა ის, იქ რომ დგას! კიდევ რომ ყოყოჩობ - სახელმწიფო კაცი ვარო! რა კაცი ხარ შენ!

- აბა, აბა, ენა დააყე, ლოთო! - დაულრიალა საბითუანმა, რომ საგუშაგოზედაც გაეგოთ. - მაგათ ადგილზე მე ისე შორს გიკრავდი თავს, შენი ჭაჭანება არ ყოფილიყო ახლომახლო! შენისთანები უნდა მოსპო, საზოგადოებისთვის რა ხეირი ხარ!

ამ სიტყვებით საბითუანმა ზურგი შეაქცია სიძეს, ვითომდა მიმიფურთხებია შენთვისა და ვინც შენ გახლავსო. მერე ერთბაშად დაფაცურდა, დიდგულად და ხმამაღლა უბრძანა ტრაქტორისტებს:

- თქვენ კი რა პირი დაგილიათ? აბა მიდით, ტრაქტორები აამუშავეთ! როგორც მოვედით, ისევე წავალთ! ჭანდაბა და დოზანა! აბა მოატრიალე ტრაქტორი! მეყო, რაც ვისულელე, სხვების ჭკუას აყყევი.

კალიბეგმა ტრაქტორი აამუშავა და ფრთხილად მოატრიალა მისაბმელთან ერთად. ამასობაში ლოთი სიძე ისევ ურიკაში ჩახტა და ისევ მიცვალებულს მიუჭდა გვერდით. ქუმაგალი ბურანელ ედიღეის ელოდა, ექსკავატორის ციცხვზე მიბმულ ყარანარს როდის ახსნისო. საბითუანმა ამის დანახვაზე უფრო ააჩქარა ჟუმაგალი:

- შენ რაღას უდგეხარ? მიდი, აამუშავე! რას უცდი! ჩქარა უკან მიაბრუნე! დასაფლავებაც ამას ჰქვია! ავი თავიდანვე წინა-აღმდეგი ვიყავი! კმარა! შინისკენ მიატრიალე.

ვინემ ბურანელი ედილეი აქლემს ჩააჩოქებდა, ვინემ უნა-გირზე დაჯდებოდა და ისევ წამოაყენებდა ყარანარს - ტრაქტორები წინ წავიდნენ, უკანა გზას დაადგნენ, თავისივე ნაკვალევს გაჰყვნენ, ედილეთს არ დაუცადეს. საბითუანმა ქნა ასე, იჯდა პირ-ველ ტრაქტორში და აჩქარებდა...

ქერა კი ისევ ცაში დანავარდობდა, ძალღს დაჰყურებდა, მისი უაზრო საქციელი აბრაზებდა. ვერ გაეგო, წინ რად არ გაიქცა ძალღი, როცა ტრაქტორები დაიძრნენ, იმ კაცს რად არ მოშორდა, რად დაუცადა, ვინემ აქლემზე შეჯდებოდა, და მერე-ლა გასდია ტუსტუსით.

კვლავ საროზექს გაუყვნენ მალაყუმდიჩათის ხრამისკენ ჯერ ტრაქტორები, მერე აქლემზე შეყუნცული კაცი, უკან კი ნახტომ-ნახტომ მისდევდა წითურა ძალღი. მალაყუმდიჩათის შვერილზე, ერთ მოფარებულ ნალვარევში ქერას ჰქონდა ბუდე. სხვა დროს იცოცხლე, ქერა აფორიაქდებოდა, შემფოთებული კაპკაპს მოჰყვებოდა, არ მოუახლოვდებოდა, მაგრამ თვალს არ მოაცილებდა მოსულებს, ფრთებს უფრო ჩქარა მოუსვამდა, დედა ქერას მოუხმობდა, რომელიც თავის კანონიერ მიწებზე ნადირობდა, მეზობლად, რათა ისიც შემოერთებოდა, თუკი ბუდის დაცვა დასჭირდებოდათ. მაგრამ ახლა ბოლოთეთრა ქერა არ შემფოთებულა - მისი მართვენი რა ხანია მოჩიტულიყვნენ და ბუდე მიეტოვებინათ. ქარვისთვალეზა, ნისკარტკაუჭა პატარა ქერები უკვე დამოუკიდებელ ცხოვრებას შესდგომოდნენ, ფრთები მომაგრებოდათ, თავიანთი სამფლობელოები გაეჩინათ სარო-ზექის მიდამოებში და არცთუ დიდად სიამოვნებდათ, როცა ბებერი ქერა მათ მიდამოს მოაკითხავდა. ქერა თვალს არ აცი-

ლებდა უკან გაბრუნებულ ადამიანებს, რათა არაფერი გამოჰპარვოდა, რაც მისი საუფლოს საზღვრებში ხდებოდა. მეტადრე იმ წითურა, ბანჯგვლიან ძაღლს აკვირდებოდა ცნობისწადილით, ადამიანებს რომ არ შორდებოდა. ნეტა რამ მიაჯაჯვა ამ ხალხს, რატომ თავისით არ ნადირობს, კუდის ქიცინით რად დასდევს იმათ, ვინც თავისი საქმეებით გართულა? ნეტა რას აქნევს ასეთ ყოფას? ძერის ყურადღებას ის ბრჭყვიალა. საგნებიც იქცევდა, აქლემით მიმავალ ადამიანს რომ უჩანდა მკერდზე. იმიტომაც შეამჩნია მაშინვე, იმ აქლემიანმა კაცმა, ტრაქტორების კვალდაკვალ მიმავალმა. ერთბაშად რომ გაუხვია განზე, ხევს გაუყვა ქეშად, ვინემ ტრაქტორები ხევს შემოუვლიდნენ, გზა უყელა მათ და წინ გაუსწრო. კაცი გამალებით მირეკავდა აქლემს, მათრახს იქნევდა, მკერდზე უხტოდა და უწკრიალებდა ის ბრჭყვიალა საგნები, აქლემი მარდად მირბოდა, განივრად, გრძლად ადგამდა ფეხებს, წითურა ძაღლი კი ძუნძულით მისდევდათ...

ასე იყო, ვინემ აქლემიანმა კაცმა ტრაქტორებს არ გაუსწრო და მაღაყუმდიჩაფის კანიონის შესასვლელში გზა არ გადაჭრა. ტრაქტორებმა დაამუხრუჭეს.

- რა იყო? კიდევ რა მოხდა? - თავი გაჰყო კაბინიდან საბითუანმა.

- არაფერი, ძრავები გააჩერეთ, - ბრძანა ბურანელმა ედილიმ. - სალაპარაკო მაქვს.

- რა სალაპარაკო? ნუ გვაყოვნებ, გვეყო სეირნობა, ყელში ამოვიდა!

- ახლა შენ გვაყოვნებ. ყაზანგაპი აქ უნდა დავმარხოთ.

- ნეტა როდემდე უნდა გვაპამპულო! - ანთო საბითუანი და ისედაც მომჩვარული ჰალსტუხი უარესად დაჭმუჭნა. - მე თვითონ დავმარხავ ასაქცევზე, მორჩა და გათავდა!

- გამიგონე, საბითუან! მამაშენი რომაა, არ გედავები, მაგრამ მარტო შენ ხომ არა ხარ ამქვეყნად. ჩვენიც გაიგონე, თუ რა მოხდა საგუშაგოზე, შენი თვალით ნახე და შენი ყურით გაიგონე. ჩვენი ბრალი აქ არაფერია. მაგრამ აბა დაფიქრდი. სად გაგონილა, მიცვალებული სასაფლაოდან უკან მიაბრუნო? ეს თავის დღეში არ მომხდარა. ხომ თავი მოგვეჭრა ყველას. ათადან-ბაბადან ასეთი რამ არავის უქნია.

- ფეხებზედაც არ მკიდია, - მიუგო საბითუანმა.

- ახლა ამბობ ასე. ცხელ გულზე რას არ იტყვი კაცი. ხვალ კი შეგრცხვება. დაფიქრდი, ამ სირცხვილს ვერაფრით ჩამორეცხავ. შინიდან გამოსვენებული მიცვალებული უკან არ შეიძლება მიაბრუნო.

ამასობაში ექსკავატორის კაბინიდან აყლაყუდა ედილბაი ჩამოძვრა, ურიკიდან ლოთი სიძე ჩამოვიდა. ჟუმგალიც გადმოვიდა იმის გასაგებად, რა მოხდაო. ბურანელი ედილეი, ყარანარზე ამხედრებული, შუა გზაზე გაბოგირებულიყო.

- გამიგონეთ, ჯიგიტებო, - თქვა მან. - ადათებს ნუ გადააბიჯებთ, ბუნებას წინ ნუ აღუდგებით! ჯერ არ მომხდარა, მიცვალებული სასაფლაოდან უკან გაბრუნებინოთ. ვინც დასაკრძალავად წამოიყვანეს, უნდა დაიკრძალოს. სხვა გზა არაა! აქ, ამ მალაყუმიდიაზე თქვა ნაიმან-ანამ თავისი დიდი ზარი. დამიჯერეთ მოხუც ედილეის. აქ უნდა დაიმარხოს ყაზანგაპი, აქ უნდა გაითხაროს ჩემი საფლავიც. ღვთის მადლით, თქვენვე დამასაფლავებთ. ამას შემოგეხვეწებით. ახლა კი, ვინემ დრო კიდევ დაგვრჩენია - აგერ იქ, ხრამის თავზე მივაბაროთ მიცვალებული მიწას.

აყლაყუდა ედილბაიმ იმ ადგილს გახედა.

- ჟუმგალი, გავა იქ შენი ექსკავატორი?

- გავა, რატომაც არ გავა. აგერ იმ კიდეზე...
- დაიცა, დაიცა! იმ კიდეზე, რომ ამბობ, მე არ მეკითხები?
- ჩაერია საბითუანი.

- მეტი კითხვა რად გინდა, - მიუგო ჟუმგალიმ, - ვერ გაიგე, ამ კაცმა რა თქვა!

- გამასხრებას თავი გაანებეთ! ეს ადამიანის შეგინებაა! ასაქცევზე დაგბრუნდეთ!

- თუ ეგ განუხებს, შეგინება სწორედ მიცვალებულის სასაფლაოდან შინ მიყვანა იქნება! - უთხრა ჟუმგალიმ. - ისე რომ კარგად დაფიქრდი.

დუმილი ჩამოვარდა.

- რაც გინდა თქვით და, მე კი წავალ და საფლავს ამოვთხრი. ჩემი ვალია, რაც შეიძლება ღრმად გაეჭრა საფლავი. ჯერ კიდევ დროა. სიბნელეში ამას არავინ გააკეთებს. თქვენ კი როგორც გენებოთ, - თქვა ჟუმგალიმ და თავის ექსკავატორისაკენ გასწია, მაშინვე აამუშავა, გზის პირისკენ წაიყვანა, გორაკს ჩაუარა და იქიდან მალაყუმდიჩაფის ხრამზე გადავიდა. მას აყლაცუდა ედილბაიმ მისდია, ბურანელმა ედილეიმაც მათ კვალდაკვალ დასძრა ყარანარი.

- თუ იქით არ წახვალთ, - უთხრა ლოთმა სიძემ კალიბეგს და ხრამზე მიათითა, - იცოდე, ტრაქტორის ქვეშ გავწვები, ხომ იცი, ჩირად არ მიღირსარაფერი, - იგი წინ გადაუდგა ტრაქტორს.

- რა ვქნა, საით წავიდე? - ჰკითხა კალიბეგმა საბითუანს.

- ყველანი ნაძირალეობია და ძალღლები! - ხმამალლა შეიგინა საბითუანმა. - აქ რაღას ზიხარ, მიდი, დაქოქე და იმათ მიჰყევი!

ძერა ახლა ხრამს დაჰყურებდა, სადაც ადამიანები დაფუსფუსებდნენ. ერთი მანქანა ძიგძიგებდა, მიწას თხრიდა და გვერდზე ჰყრიდა ზაზუნასავით. ამასობაში მისაბმელიანი ტრაქტორიც

მოფოფხდა, სადაც შუა ურიკაზე ისევ ისე უძრავად იდო თეთრში გადახვეულ რალაც საგანი და ისევ ის ერთი კაცი ეჭდა გვერდით. წითურა ბანჯგვლიანი ძაღლიც ადამიანებს არ შორდებოდა, თუმცა მეტწილად აქლემის ფეხებთან იწვა.

მიხვდა ძერა, რომ ეს მოსული ხალხი დიდხანს დარჩებოდა ხრამზე, დიდხანს არ მოათავებდნენ მიწის ჩიჩქნას. ამიტომ მოიქნია ფრთები, რამდენიმე დიდი კამარა შეკრა ტრამალის თავზე და დახურული ზონისაკენ გაფრინდა - გზაში წაინადირებდა და თან იმასაც ნახავდა, რა ხდებოდა იქ კოსმოდრომზე.

აგერ უკვე მეორე დღეა კოსმოდრომის მოედნებზე დაძაბულობა გამეფებულიყო. არც დღე, არც ღამე არ წყდებოდა მუშაობა. მთელი კოსმოდრომი ასობით მძლავრ პროექტორს გაეჩახახებინა. დღეზე უფრო მეტი სინათლე იდგა. ათობით მძიმე, მსუბუქი თუ საგანგებო მანქანა, მრავალი მეცნიერი და ინჟინერი ოპერაცია „სალტეს“ განსახორციელებლად მზადებას შედგომოდა.

ანტითანამგზავრები, კოსმოსში მფრინავი აპარატების გასანათებლად გამზადებულნი და ცისკენ დამიზნებულნი, რა ხანია კოსმოდრომის საგანგებო მოედანზე იდგნენ. მაგრამ ოსვ-7-ის ხელშეკრულების მიხედვით მათი გამოყენება განსაკუთრებულ შეთანხმებამდე იყო შეჩერებული, ისევე როგორც ამერიკის მხრიდან გახლდათ შეჩერებული ასეთივე ღონისძიებანი. ახლა კი ტრანსკოსმიური ოპერაცია „სალტეს“ განსახორციელებელ სასწრაფო პროგრამასთან დაკავშირებით უნდა გამოყენებულიყო. ასეთივე რობოტ-რაკეტები ამერიკულ კოსმოდრომ ნევადაზედაც მზადდებოდა ოპერაცია „სალტეს“ დაწყებისას სინქრონული გაფრენისათვის.

საროზექის განედებში სტარტის დრო სალამოს რვა საათს ემთხვეოდა. ზუსტად რვა საათსა და ნოლ-ნოლ წუთზე რაკეტები უნდა აფრენილიყვნენ. თანამიმდევრულად, წუთნახევარი ინტერვალით, შორეულ კოსმოსში საროზექიდან ცხრა ანტითანამგზავრული რაკეტა აიჭრებოდა, რომელთაც დასავლეთ-აღმოსავლეთის სიბრტყეზე მუდმივად მოქმედი სალტე უნდა შეექმნათ დედამიწის სფეროს ირგვლივ უცხოპლანეტელთა მფრინავი აპარატების შემოჭრის წინააღმდეგ. ნევადის რაკეტა-რობოტები ჩრდილოეთ-სამხრეთის სალტეს შეკრავდნენ.

ნაშუადღევს, ზუსტად სამ საათზე, სარი-ოზექ-1-ის კოსმოდრომზე საკონტროლო სისტემა „ხუთწუთიანი“ ჩაერთო. ყოველ ხუთ წუთში არხის ეკრანებსა და ტაბლოებზე სინათლე ენთებოდა ბგერითი დუბლიაჟით: „სტარტამდე ოთხი საათი და ორმოცდათხუთმეტი წუთი დარჩა! სტარტამდე ოთხი საათი და ორმოცდაათი წუთი დარჩა...“ სტარტამდე სამი საათით ადრე სისტემა „წუთიანი“ ჩაირთვებოდა.

ამ დროისათვის ორბიტალურმა სადგურმა „პარიტეტმა“ მოასწრო და შეცვალა კოსმოსში თავისი ადგილმდებარეობის პარამეტრები და ერთდროულად ხელახალი კოდირება გაუკეთა სადგურის საბორტო სისტემების რადიოკავშირის არხებს, რათა 1-2 და 2-1 პარიტეტ-კოსმონავტებთან კავშირის ყოველგვარი შესაძლებლობა გამორიცხულიყო.

ამასობაში კი სამყაროდან, ვით ხმა მღალღებლისა უდაბნოსა შინა, ამაოდ მოდიოდა განუწყვეტელი რადიო-სიგნალები 1-2 და 2-1 პარიტეტ-კოსმონავტებიდან. ისინი სასოწარკვეთით იხვეწებოდნენ არ გაეწყვიტათ მათთან კავშირი, ისინი სადაოდ არ ხდიდნენ მართვის საერთო ცენტრის გადანწყვეტილებას, მაგრამ ითხოვდნენ ხელმეორედ შესწავლილიყო ტყისგულეთის ცივილიზაციასთან კავშირის შესაძლებლობა, ცხადია, უპირველეს

ყოვლისა დედამიწელთა ინტერესებიდან გამომდინარე, თანახმა იყვნენ დაეცადათ და ყველაფერი მოემოქმედათ, რათა ტყის-გულეთის პლანეტაზე მათი ყოფნა სასარგებლო გამომდგარიყო ორივე მხარის საგალაქტიკათაშორისო დამოკიდებულებისათვის, მაგრამ ისინი წინააღმდეგნი იყვნენ ორივე მხრის მიერ წამოყენებული ოპერაცია „სალტისი“ - წინააღმდეგი იყვნენ გლობალური თვითიზოლაციისა, რაც, მათი აზრით, ადამიანთა საზოგადოებას გარდაუვალ ისტორიულ და ტექნოლოგიურ რუტინამდე მიიყვანდა, რომლის დაძლევას ათასეული წლები დასჭირდებოდა... მაგრამ უკვე გვიანი იყო... ამქვეყნად არავის ესმოდა მათი, არავინ უწყობდა, სამყაროს სივრცეში რა უხმოდ ღალადებდნენ მათი ხმები...

ამასობაში სარი-ოზექ-1-ის კოსმოდრომზე უკვე ჩაერთო „წუთიანის“ სისტემა, გარდუვალად რომ ითვლიდა ოპერაცია „სალტის“ სტარტის მოახლოებას...

ძერამ კი ირგვლივ შემოიფრინა და ისევ მალაყუმიდიჩათვის ხრამის თავზე მოექცა. იქ კვლავაც თავის საქმეს აკეთებდა ხალხი - ნიჩბებით მუშაობდნენ. ექსკავატორს უკვე კარგა ბლომა მინა ამოეყარა. ახლა ღრმად ჩაჰქონდა ორმოში ციცხვი და დარჩენილი მინა ამოჰქონდა. მალე კიდევ შეწყვიტა ძიგძიგი და განზე მიდგა. ადამიანები კი ორმოს ფსკერზე ისევ რაღაცას თხრიდნენ. აქლემიც იქვე იყო, ოღონდ წითურა ძალლი არ ჩანდა არსად. ნეტა სად გაქრა? ძერა დაბლა დაეშვა, ხან მარცხნივ, ხან მარჯვნივ ატრიალებდა თავს. ბოლოს და ბოლოს მაინც მიაკვლია ძალლს. მისაბმელი ურიკის თვლებთან გაშოტილიყო. ისვენებდა ან იქნებ თვლემდა კიდევ აინუნშიაც არ აგდებდა ძერას! დღეს რამდენჯერ არ გადაუფრინა ძერამ, ერთხელაც არ აუხედავს ძალლს მალლა. ზაზუნა რაა, ზაზუნაც კი უკანა ფეხებზე შედგება, ჯერ ირგვლივ მიმოატარებს თვალებს და მერე ცას ახედავს,

საფრთხე ხომ არ ჩანსო, ძალლი კი შეჰგუებია ადამიანთა ყოფას და არაფრისაც არ ეშინია, არაფერი არ ანაღვლებს. აბა უყურე, როგორ გაშხლართულა! ძერა წამით გაირინდა, გაიჭინთა და ძაღლის მხარეს ტყვიასავით გაუშვა მომწვანო-მოთეთრო ნაკადი. ესეც შენო!

სახელოზე რაღაც დაეღვენთა ბურანელ ედიღეის ზემოდან. ფრინველის სკორე იყო თურმე. ნეტა საიდან? გადაიბერტყა სახელო და ზემოთ აიხედა. „ისეც ის ბოლოთეთრაა. ეს რამდენჯერ გადაგვიფრინა თავზე. ნეტა რას ნიშნავს? რა უჭირს, ლაღად გრძნობს თავს, და ფრინავს, დანავარდობს ჰაერში“. ფიქრის ძაფი აყლაყუდა ედიღეიმ შეანწყვეტინა, ორმოს ძირიდან ამოსძახა:

- აბა შეხედე, ედიღე! კმარა თუ კიდევ უნდა გავთხარო?

ედიღეი მოღუშვით დაიხარა საფლავის კიდებზე.

- იმ კუთხეში დადექ, - უთხრა აყლაყუდა ედიღეის, - შენ კი, კალიბეგ, ჯერჯერობით ამოდი. მადლობელი ვარ. ჰო, მე მგონი, სიღრმე საკმარისია. ოღონდ ცოტა კიდევ გააფართოვე ქაზანაქი, ედიღეი, უფრო დიდი უნდა იყოს.

ბურანელმა ედიღეიმ პატარა წყლიანი კანისტრა აიღო, ექსკავა— ტორს შემოუარა და, როგორც წესი ითხოვდა, ლოცვის წინ განიბანა. გულზე მოეშვა თითქოს ედიღეის, სული დაუმშვიდა და ცოტაოდენ - მართალია, ანა-ბეიითზე ვერ მოახერხა ყაზანგაპის დაკრძალვა, მაგრამ ასე იყო თუ ისე - სირცხვილი არ ჭამა, განსვენებული დაუსაფლავებელი უკან არ წააჩიქჩიქა. არ დაეუინებინა ედიღეის, ასეც მოხდებოდა. ახლა უნდა ეჩქარათ, ბორანლი-ბურანზე დაბნელებამდე უნდა დაბრუნებულიყვნენ. თორემ იქ ალბათ უკვე მიელიან და, თუ დაიგვიანეს, შეეშინდებათ. აკი თქვეს, ექვსზე გვიან არ დავბრუნდებითო, ქელეხსაც იმ დროისათვის მოამზადებდნენ. მაგრამ უკვე ხუთის ნახევარია. ჯერ და-

მარხვას, მერე გზას, რა სიჩქარითაც არ უნდა იარონ, ორი საათი მაინც მოუნდება. მაგრამ არც ის ვარგა, ხელდახელ ჩააგდონ კაცი მიწაში და ჰაიჰარად დაასაფლავონ. თუ გაჭირდა, გვიანლამ მოიხსენებენ ყაზანგაპს, რას იზამ..

განბანვის შემდეგ ედილეიმ იგრძნო, რომ მზადაა უკანასკნელი წესის ასაგებად. კანისტრას საცობი დაუცო და ისევ საფლავთან დაბრუნდა. დადინჯებული იყურებოდა, წვერ-ულვაშს ისწორებდა.

- ღვთის მონა ყაზანგაპის ძეგ საბითჟან, შენ მარცხნივ დამიდექ, თქვენ ოთხმა კი საფლავის კიდებზე დაასვენეთ მიცვალებული, თავით დასავლეთისაკენ, - თქვა ცოტა არ იყოს საზეიმო ხმით. როცა მისი ნათქვამი შესრულდა, განაგრძო: - ახლა კი ყველა პირით დავდგეთ წმიდათაწმიდა ქაბისაკენ. ხელისგულები გაშალეთ, იფიქრეთ ღმერთზე, რათა სიტყვა და ფიქრი ჩვენი ამწუთიერი ისმინოს.

საკვირველია, მაგრამ არავის ხითხითი თუ ბურტყუნი არ სმენია ზურგს უკან ედილეის და ესიამოვნა. თორემ ხომ შეეძლო ეთქვა ვისმე: მორჩი, ბებერო, თვალებს ნუ გვიხვევ, რომელი მოლაა შენ, გვყავხარ, ამას სჯობია ჩქარა დავმარხოთ მკვდარი და შინ დავბრუნდეთო. უფრო მეტიც: დამარხვის ლოცვა ფეხზე მდგარმა წარმოთქვა და არა მჯდომმა, ვინაიდან გაგებული ჰქონდა მცოდნე ხალხისაგან, არაბულ ქვეყნებში, საიდანაც სჯულს ეზიარენ, სასაფლაოზე ფეხზე მდგარი ლოცულობენო. ასე იყო თუ ისე, ედილეის თავით უფრო ახლოს უნდოდა ყოფილიყო ცასთან.

მაგრამ ვინემ წესს შეუდგებოდა, ჯერ ქვეყნის მარჯვენა და მერე მარცხენა მხარეს ეთაყვანა ედილეი, ასევე ეთაყვანა მიწას, ცასა და გამჩენს, ვინაც ესრეთ ურყევი შექმნა ქვეყნიერება, სადაც ადამიანი შემთხვევით ჩნდება და, როგორც დღე ღამეს

სცვლის მუდამ, ისევე გარდუვლად ქრება. ამ დროს ისევე ბოლო-თეთრა ძერას ჰკრა თვალი ბურანელმა ედილეიმ. იგი ოდნავ არხევდა ფრთებს, ნელ-ნელა, მოზომილად. მაგრამ ძერამ ვერ დაურღვია სულიერი წონასწორობა, პირიქით, უფრო აღაზრდა ზენა ფიქრებისათვის.

მის წინ, საფლავის პირდაღებულ ორმოს კიდებზე, თეთრ ქეჩაში გახვეული ყაზანგაპის ცხედარი ესვენა. ედილეი ხმადაბლა ამბობდა დაკრძალვის ლოცვის სიტყვებს, რომლებიც წინასწარ იყო განწესებული ყველასა და ყოველისათვის ყველა დროსა და ხანაში ქვეყნიერების დასასრულამდე, სიტყვებს, რომლებშიც დასაბამიდან გამოთქმულია განგების ძალა, გარდაუვალი და ერთნაირი ყველა კაცისათვის, ვინც არ უნდა იყოს იგი და რა ხანაშიც არ იცხოვროს, ასევე გარდაუვალი იმათთვისაც, ვინც ჯერ არ გაჩენილა, მაგრამ გაჩენა უწერია, ყოფიერების ამ ყოვლისმომცველ ფორმულებს, შეცნობილთ და ნაანდერძევთ წინასწარმეტყველთაგან და თან ცდილობდა მისი სულიდან და გამოცდილებიდან გამომდინარე საკუთარი ფიქრებით შეევესო ისინი. ამაოდ ხომ არ უცხოვრია ამ ქვეყანაზე.

„უკეთუ შენ მართლა გესმის, ჰოი, უფალო, ჩემი ლოცვები, რომლებსაც მამა-პაპათა კვალდაკვალ დაზეპირებული წიგნებიდან ვიმეორებ, მისმინე მეც. ჩემი ფიქრით, ერთი მეორეს არ დაუშლის

აგერ ახლა ჩვენ აქ ვდგავართ, მალაყუმდიჩაფის ხრამის კიდებზე, ყაზანგაპის ღია საფლავთან, უკაცრიელ და უდაბურ ადგილზე, ვინაიდან ვერ შევძელით იმ სასაფლაოზე მისი დამარხვა, სადაც მან დაგვიბარა. მაღლიდან ძერა დაგვყურებს, როგორ ვდგავართ გაშლილი ხელისგულებით და ყაზანგაპს ვეთხოვებით. ო, დიდო ღმერთო, თუ ხარ მართლა, შეგვინდე და წყალობით მიიბარე მონა შენი ყაზანგაპი. თუ დაიმსახურა, მი-

უჩინე მის სულს, საუკუნო განსასვენებელი. რაც ჩვენზე იყო და-
მოკიდებული, გავაკეთეთ. დანარჩენი უკვე შენზეა! ახლა კი,
რალაი ასეთ წუთს მოგმართე, ყური მომაპყარ, ვინემ ჯერ კიდევ
პირში სული მიდგას და ფიქრი ძალმიძს. ვიცი, ადამიანები
წამდაუნუმ გევედრებიან - შეგვიწყალე, გვიშველე, დაგვიფა-
რეო! მეტისმეტად ბევრს გამოელიან შენგან სწორნი თუ მრუდნი.
კაცისმკვლელსაც გულში უნდა, მის მხარეს იყო. შენ კი სულ
სდუმხარ. რა თქმა უნდა, კაცნი ვართ და გვგონია, მეტადრე, რო-
ცა ძალიან გვიჭირს, რომ მხოლოდ ამიტომ სუფევხარ ბეცად.
ვიცი, რომ გიმძიმს, ვინაიდან ჩვენს მუდარას და ხვეწნას ბოლო
არ უჩანს, შენ კი ერთი ხარ. მე არაფერს გთხოვ, მხოლოდ მინდა
გითხრა ამისთანა წუთს, რასაც ვფიქრობ. დიდად ვნუხვარ და
გული მწყდება, რომ ჩვენი მამაპაპისეული სასაფლაო, სადაც ნა-
იმან-ანა ასვენია, ამიერიდან ჩვენთვის მიუწვდომელია. ამიტო-
მაც მინდა, რომ მეც ამ ადგილზე, ამ მაღაყუმდიჩაფზე მივებარო
მინას, სადაც მან ფეხი დაადგა. დაე, მეც ვინვე ყაზანგაპის გვერ-
დით, ვისაც ახლა მინას ვაბარებთ. და თუ მართალია, რომ სიკ-
ვდილის მერე სული ჩემი რალაცაში უნდა ჩასახლდეს, ჭიანჭვე-
ლად არ მინდა ყოფნა, მინდა ბოლოთეთრა ძერად ვიქცე, რათა
მასავით საროზექზე ვიფრინო და დავტკბე მისი ცქერით.

ხოლო ჩემს ანდერძს მე იმ ყმანვილებს ვაბარებ, ჩემთან
ერთად აქ რომ მოსულან, ვეტყვი, ანდერძი შემისრულონ და აქ
მიმაბარონ მინას. ოლონდაც არ ვიცი, ვინ წაიკითხავს ლოცვას
ჩემს ცხედარზე. ღმერთი მათ არ სწამთ და ლოცვები მათ არ
იციან. რამეთუ არავინ უწყის და ვერც ვერვინ შეიტყობს, არის
თუ არა ღმერთი ამ ქვეყანაზე. ერთნი ამბობენ - არისო, მეორენი
- არ არისო. მე მინდა ვინამო, რომ შენ ხარ და ხარ ჩემს ფიქ-
რებში. და როცა ლოცვებით მოგმართავ. სინამდვილეში ჩემს
თავს მივმართავ, შენი მეოხებით ამ წუთს მომალლებული მაქვს

ისე ვიფიქრო, როგორც შენ იფიქრებდი, ჩვენო გამჩენო. ეს არის თავიდათავი ახალგაზრდები კი ამაზე არ ფიქრობენ, ლოცვებს აბუჩად უყურებენ. მაგრამ ნეტავი რას ეტყვიან ან თავის თავს ან სხვებს, როცა სიკვდილის უამი დაუდგებათ? მებრალებიან მე ესენი, როგორ შესძლებენ ჩასწვდნენ თავიანთი ადამიანობის მულამს, თუკი ძალა არ შესწვდებათ ისე ამაღლდნენ ფიქრით, თითქოსდა ყოველი იმათგანი უცბად ღმერთი გახდა? შემინდე ეს მკრეხელობა. ვერც ერთი იმათგანი ღმერთი ვერ გახდება, არადა, მაშინ ხომ ვერც შენ იარსებებ. თუკი ადამიანი ვერ შესძლებს გულში მაინც თავი ღმერთად წარმოიდგინოს, ყველას მფარველად და მწედ, როგორც შენ უნდა იყო უფალო, ადამიანთა მფარველი და მწე, აღარც შენ იქნები მაშინ... მე კი არ ვისურვებდი უკვალოდ გამქრალიყავი... ესაა და ეს ჩემი თავშესაწყენი თხოვნა და დარდი. მაპატიე, თუკი რამე ისე ვერა ვთქვი. მე უბრალო კაცი ვარ და, როგორც მეფიქრება, ისე ვფიქრობ. ახლა ვიტყვი საღვთო წერილის უკანასკნელ სიტყვებს და დაკრძალვას შეეუდგებით. დაგვლოცე და გვაკურთხე ამ საქმეზე უფალო“

- ამინ... - დაასრულა ბურანელმა ედიღეიმ ლოცვა და მცირე ხნით დადუმდა. მერე მწარე ნაღველით ერთხელ კიდევ გახედა ძერას და ნელა მოტრიალდა მის უკან მდგარ ახალგაზრდებისაკენ, რომლებზედაც ეს წუთია თავისი აზრი უთხრა უფალ ღმერთს. მოათავა ედიღეიმ ღმერთთან საუბარი. ახლა ის იმ ხუთი ყმანვილის წინ იდგა, ვისთან ერთად აქ ჩამოვიდა და ვისთან ერთადაც ბოლო-ბოლო მიწას უნდა მიაბაროს ყაზანგაპის ცხედარი.

- ჰოო, - ჩაილაპარაკა მან ფიქრიანად, - ის, რისი თქმაც ლოცვაში იყო საჭირო, თქვენ მაგივრად მე ვთქვი.

ბურანელმა ედილეიმ ორდენებიანი პიჯაკი გაიხადა და ორ-
მოში ჩავიდა აყლაყულა ედილბაის დახმარებით. საბითუნანი (გან-
სვენებულის ვაჟი), განზე იდგა, მწუხარების ნიშნად თავჩაკიდუ-
ლი. სამმა - კალიბეგმა, ქუმაგალიმ და ყაზანგაპის ლოთმა სიძემ
საკაციდან ქეჩაში შეკრული ცხედარი ჩამოიღეს და ედილეის და
აყლაყულა ედილბაის ხელებზე დაუსვენეს.

„დადგა განშორების ჟამიც! - გაიფიქრა ბურანელმა ედილე-
იმ, როცა ყაზანგაპი სამუდამო განსასვენებლად მიწის სიღრმეში
დაასვენა. - მაპატიე, ამდენ ხანს რომ ვერ მიგაბარეთ მიწას. მთე-
ლი დღე აქეთ-იქით გატარეთ. მაგრამ ასე მოხდა კია. ჩვენი ბრა-
ლი არაა, ანა-ბეითზე რომ ვერ დაგმარხეთ. თუმცა არ იფიქრო,
ეს საქმე ასე დავტოვო. სადაც არ იქნება, მივალწვე მაინც. ვინემ
სული მიდგას, არ გავჩუმდები, მე ვიცი, რასაც ვეტყვი მათ! შენ კი
მშვიდად იწევი. დიღია, უზომოდ დიდი ეს მიწა, ათი გოჯი მიწა
კი, ხომ ხელავ, აქ გარგუნა ბედმა. მაგრამ მართო არ დავტოვებ,
მალე მეც მანდ დავბინავდები, ყაზანგაპ. ოლონდ ცოტა ხანს
მოითმინე. ეჭვი არ გქონდეს, თუ რამ უბედურება არ მოხდა, თუ
ჩემი სიკვდილით მოვკვდი, მეც აქ მოვალ და კვლავაც ერთად
ვიქნებით, საროზეჩის მიწად ვიქცევით. ოლონდაც ჩვენ ეს არ
გვეცოდინება. ეს ცოდნა მხოლოდ ცოცხალს ეძლევა. ამიტომაც
ვითომ შენ მოგმართავ, სინამდვილეში კი ჩემს თავს ვეუბნები.
იმიტომ რომ, რაც იყავ, ახლა აღარ ხარ. ასე წავალთ ყველანი
- ყოფნიდან არყოფნაში. საროზეჩში კი კვლავაც ივრიალებენ
მატარებლები და ჩვენ მაგივრად სხვები მოვლენ...“ აქ კი ამო-
იქვითინა მოხუცმა ედილეიმ, თავი ველარ შეიკავა - ის, რაც იყო
და მოხდა ბორანლი-ბურანზე მათი ცხოვრების ხანს, ამ თით-
ქოსდა ვეებერთელა დროის მანძილზე, უბედურება, მწუხარება,
ჭირი თუ ლხინი, რამდენიმე გამოსათხოვარ სიტყვასა და დამარ-

ხვის რამდენიმე წუთში ჩაეტია. რა ბევრი და რა ცოტა აქვს ადამიანს მონიჭებული!

- გესმის, ედილბაი? - უთხრა ედილეიმ ამ ვიწრო ორმოში მის მხარდამხარ მდგარ ედილბაის, - შენ მეც აქ უნდა დამმარხო, რომ მის გვერდით ვიყო. ისე უნდა დამანვინო შენი ხელით და მომანყო, როგორც ახლა ჩვენ გავაკეთეთ, რომ მეც მოხერხებულად ვიწვე. მაძლევ სიტყვას?

- კაი, კაი, ედიქე, მერე ვილაპარაკოთ. ახლა მიდი და იმ დალოცვილ მიწაზე აძვერი. თავად მოვათავებ აქ ყველაფერს. დამშვიდდი, ედიქე, ადი ზემოთ. ნუ ჯავრობ და დარდობ.

ორმოდან ამოდგრა ბურანელი ედილეი, სხვებმა ხელები შეაშველეს. ტიროდა და გულაჩვილებულ სიტყვებს ბურტყუნებდა, ცრემლებით მორწყულ სახეზე თიხას იგლესდა. კალიბეგმა კანისტრით წყალი მოიტანა, მოხუცს სახე მოაბანინა.

მერე თითო-თითო პეშვი მიწა მიაყარეს და საქარე მხრიდან ნიჩბებით დაუწყეს საფლავს ამოვსება. შემდეგ ჟუმაგალი მიუჯდა საჭეს და მიწა ბულდოზერით მიახვეტა. მერე ისევ ნიჩბებით მოალამაზეს და აამალღეს საფლავი.

ბოლოთეთრა ძერა კი ისევ ისე დანავარდობდა ცაში, მტვრის ბულსა და ერთი მუჭა ადამიანების უცნაურ საქმიანობას უთვალთვალეებდა მალაყუმდიჩაფის ხრამზე. როცა ორმოს ადგილზე მიწის ახალი გორა აიმართა, რაღაც მეტისმეტი გამოცოცხლება შეამჩნია ადამიანებს. წითურა ძალლიც ზმორებით წამოდგა ურიკის ქვემოდან და ისიც ადამიანებთან ტრიალებდა ახლა. ნეტა იმას რაღა რჭიდა? მხოლოდ ფუნჯებიანი ყაჭრით მორთული ბებერი აქლემი იცოხნებოდა კვლავაც დინჯად და ყბებს გაუჩერებლივ ამოძრავებდა... თითქოს წასვლას აპირებდა

ეს ხალხი. მაგრამ არა, აგერ ერთმა, აქლემის პატრონმა, გაშლილი ხელისგულები სახესთან მიიტანა, სხვებმაც მას მიბაძეს...

დრო კი უკვე აღარ ითმენდა. ბურანელმა ედიღემ დაკვირვებით მოავლო თვალი ყველას და თქვა:

- ამგვარად მორჩა ყველაფერი. ხომ კარგი კაცი იყო ყაზანგაპი?

- კარგი კაცი იყო, - უპასუხეს სხვებმა.

- ხომ არ დარჩენილა ვისიმე ვალში? აგერ აქა დგას მისი ვაჟი, დაე, მამის ვალი იმან იკისროს.

ხმა არავის გაუღია. მაშინ კალიბეგმა თქვა ყველას მაგივრად:

- არა, არავის ვალი არ დარჩენია ყაზანგაპს.

- შენ რაღას იტყვი, ყაზანგაპის ძევ? – ჰკითხა ედიღემ.

- მადლობელი ვარ ყველასი, - მოკლედ მოჭრა მან.

- რახან ასეა, მაშ დავიძრათ შინისკენ! - თქვა შუმბაგალიმ.

- ახლავე, ერთსაც ვიტყვი კიდევ, - შეაჩერა იგი ბურანელმა ედიღემ, - მე თქვენში ყველაზე მოხუცი ვარ. ჰოდა, ამას გთხოვთ ყველას. თუ რამე მოხდა, აქ უნდა მიმბაროთ მიწას, ყაზანგაპის გვერდით. გესმით? ესაა ჩემი ანდერძი, მაშასადამე, ასეც უნდა გაიგოთ.

- აბა ვინ იცის, ედიქე, როგორ და რა იქნება, წინასწარ რა საჭიროა ფიქრი, - გამოთქვა ვარაუდი კალიბეგმა.

- სულ ერთია, - არ გადათქვა თავისი დიღემ. - ჩემი ვალია გითხრათ, თქვენ - მომისმინოთ, ხოლო თუკი საქმე საქმეზე მიდგა, გაიხსენეთ, რა გიანდერძეთ.

- კიდევ რა ანდერძს გვითხრებ? ბარემ ყველაფერი ერთად გვითხარი, - იხუმრა აყლაყუდა ედიღეამ, რომ უსიამო ლაპარაკი მიეფუჩეჩებინა.

- შენ ნუ იცინი, - ეწყინა ედიღეს, - მე არ ვხუმრობ.

- დავიმახსოვრებთ, ედიქე, - დაამშვიდა აყლაყულა ედილბაიმ, - ასე თუ მოხდა, ეჭვი არ გქონდეს, როგორც შენ გინდა, ისე გავაკეთებთ.

- აი, ეს კი ჭიგიტის სიტყვაა, - კმაყოფილებით ჩაილაპარაკა ედილეიმ.

ტრაქტორები ხრამიდან ჩამოსასვლელად მოემზადნენ. ბურანელმა ედილეიმ ყარანარი სადავით წაიყვანა და საბითუანს გაჰყვა გვერდით. ვინემ ტრაქტორები ძირს ჩავიდოდნენ, მართოდმართო უნდოდა საბითუანთან ლაპარაკი იმ ამბავზე, რაც არ ასვენებდა.

- მისმინე, საბითუან, ახლა ხელები გახსნილი გვაქვს და მინდა რალაც გითხრა. რა ვქნათ, იმ ჩვენს ანა-ბეიითის სასაფლაოს რა ვუყოთ? - ჰკითხა მან.

- რა უნდა ვქნათ? აქ თავსამტვრევი რაა. გეგმა გეგმაა. გააუქმებენ, დაანგრევენ ალბათ გეგმის მიხედვით. მორჩა და გათავდა.

- მე მაგაზე არ ვამბობ. ასე შეიძლება ყველაფერზე ჩაიქნისო ხელი. შენ ხომ აქ დაიბადე და გაიზარდე. მამაშენმა გასწავლა და განათლება მოგცა. ახლა მამაშენი ტრიალ მინდორზე მართოდმართო მივაბარეთ მიწას - ეს ერთი ნუგეშია, რომ მაინც თავის მიწაში წევს. შენ წიგნიერი კაცი ხარ, ოლქში მუშაობ, ღვთის მადლით, ყველასთან მიგესვლება, ყველას შეგიძლია ელაპარაკო...

- მერედა რა? - გაანწყვეტინა საბითუანმა.

- რაღა იქნება დამეხმარო, ერთად მივიდეთ, ვინემ გვიან არაა, არ გადავდოთ და ხვალვე აქაურ უფროს მივადგეთ, ხომ ჰყავთ აქ ყველაზე უფროსი. არ შეიძლება ანა-ბეიითი მიწასთან გაასწორონ. ეს ხომ ისტორიაა.

- გაიგე, ედიქე, ეს ყველაფერი ძველი ზღაპრებია. აქ სამყაროს კოსმიური საკითხები წყდება, ჩვენ კი უნდა ავდგეთ და რაღაც სასაფლაოს თაობაზე მივადგეთ. ვის რაში სჭირდება? აინუნშიაც არ ჩააგდებენ! იქ, სულ ერთია, მაინც არ შეგიშვებენ.

- თუ არ მივედით, არ შეგვიშვებენ. ხოლო თუ მოვიტხოვთ, გაგვატარებენ. არადა, თვითონ უფროსს შეუძლია მანქანით მოვიდეს ჩვენთან. მთა კი არაა, ადგილიდან ვერ დაიძრას.

საბითუანმა გაგულისებული მზერა ესროლა ედიქის.

- მოეშვი, არაფერი გამოგივა, ბებერო. ნურც ჩემი იმედი გექნება. მე ეს სულაც არ მაძლევს ხელს.

- ასეც გეთქვა და მოვრჩეთ ლაპარაკს. ზღაპრებია - რაღას იძახი.

- აბა რა გეგონა? ავდგებოდი და გავიქცეოდი? რისი გულისთვის? ოჯახი მყავს, შვილები, სამსახური მაქვს. ქარის პირუკუ ვის მოუშარდავს? იქიდან რომ დარეკონ და პანლური ამომკრან? უკაცრავად, მადლობელი ვარ!

- მადლობა შენთვის დაიტოვე, - მოუჭრა ბურანელმა ედიქიმ და მერე ბოლმით დაატანა: - პანლური მკრანო? გამოდის, საჯდომისათვის გიცხოვრია და ეგაა.

- აბა რა გეგონა? დიახაც, მაგისტვის. შენ რას ჰკარგავ, რას წარმოადგენ? არაფერს. ჩვენ კი საჯდომისთვის ვცხოვრობთ, პირში რომ გემრიელი ლუკმა მოგვხვდეს.

- მაშ, მაშ! ადრე თავს უფროთხილდებოდა კაცი, ახლა კი, გამოდის, საჯდომს.

- როგორც გინდა, ისე გაიგე. სულელები კი სხვაგან ეძიე.

- გასაგებია. მოვრჩეთ ლაპარაკს! - მოკვეთა ბურანელმა ედიქიმ. - ქელესს მოვათავებთ და მერე ჩვენ და შენ, ღმერთმა ქნას, ნულა შეგვახვედროს ერთმანეთს.

- ეგ არავინ იცის, - გაიღრიალა საბითუანი.

ასე დაშორდნენ ერთმანეთს. ვინემ ბურანელი ედილეი აქლემზე შეჯდებოდა, ტრაქტორისტებმა ძრავები ჩართეს და დაელოდნენ. მაგრამ ედილეიმ მაშინვე უთხრა, მე ნუ დამიცდით, თქვენი გზით წადით, ხალხი ქელებში გელოდებათ, მე კი აქლემით ვარ, რა გზითაც მიხდა, იმ გზით ვივლიო.

ტრაქტორისტები წავიდნენ. ედილეი კი ერთხანს არ დაძრულა, იდგა და ფიქრობდა, შემდეგ რა ექნა და ელონა.

ახლა სულ მარტო იყო შუა სარობეჯაში, თუ ერთგულ ჟოლბარსს არ ჩათვლიდა. ძალლი ჯერ ტრაქტორებს გაეკიდა, მაგრამ რა დაინახა, პატრონი არ მოდისო, უკანვე მოძუნძულდა. ედილეის არ მოუხედავს მისთვის. შინ რომ გაქცეულიყო ძალლი, ვერც ამას შეამჩნევდა. ამისთვის არ ცხელოდა, ისე მოშხამოდა გუნება. ვერა და ვერ მოინელა საბითუანთან ლაპარაკი, გული დამდულრა, სული აუფორიაქა, დაუცარიელა. მოუნელებელი ტკივილის გულისმწივნელ სიცარიელეს იმ ნაპრალივით გაეპო მისი სული, სადაც მხოლოდ სიცივე და სიბნელე მეფობს. ნანობდა, მწარედ ნანობდა ბურანელი ედილეი, რად წამოიწყო ეს ფუჭი ლაპარაკი, ტყუილად რად დახარჯა სიტყვები. განა საბითუანი ის კაცია, ვისაც რჩევასა და შემწეობას თხოვ? ეგონა - წიგნიერი ბიჭია, განათლებული, უფრო იოლად გამონახავს საერთო ენას თავისთანა ხალხთანო. რა მერე, სხვადასხვა კურსებსა და სხვადასხვა ინსტიტუტებში რომ ასწავლეს? იქნებ იმიტომაც ასწავლეს, ასეთი გამოსულიყო. იქნებ ზის სადმე ეშმასავით გამჭრიახი ვილაც, რომელმაც დიდზე დიდი შრომა დახარჯა, რომ საბითუანი საბითუანი გამოსულიყო და არა სხვა ვინმე. აკი თვითონ საბითუანი მოჰყვა, საბითუანმა აღწერა და დააფრქვია ეს სისულელეები, რადომ უნდა განაგოს ხალხიო. დადგება ასეთი დროცო! იქნებ უკვე ახლაც მართავს რადიოთი საბითუანს ის უხილავი და ყოვლისშემძლე ვილაცა...

რაც უფრო მეტს ფიქრობდა ამაზე მოხუცი ედილეი, მით უფრო მეტი წყენა უგუბდებოდა გულში, გამოსავალი ვერ მოენახა...

- მანქურთი ხარ, ნამდვილი მანქურთი! - წაიჩურჩულა მან ბრზით. სძულდა და თან ეცოდებოდა საბითუანი.

მაგრამ მომხდარ ამბავთან შერიგებას სულაც არ აპირებდა ედილეი, გრძნობდა, რაღაც უნდა ელონა, რაღაც გაეკეთებინა, რომ არ გამტყდარიყო, წელში სამად არ მოკაკულიყო. უკან თუ დაიხევდა, საკუთარ თვალში დამარცხდებოდა. გული უთქვამდა, რომ დღევანდელი ამბის დასასრულის მიუხედავად რაღაც უნდა მოემოქმედა, მაგრამ ჯერ არ იცოდა ზუსტად. რას ილონებდა, საიდან და როგორ დაიწყებდა, რათა თავისი ფიქრები და იმედები ანა-ბეიითის თაობაზე იმათ ყურამდე მიეწვდინა, ვისაც მართლა შეეძლო ბრძანების შეცვლა, დიახ, მიეწვდინა და გავლენა მოეხდინა, დაერწმუნებინა ისინი... მაგრამ ვის მიადგეს, რა ენას?

აქეთ-იქით მიმოიხედა მძიმედ ჩაფიქრებულმა, ყარანარზე ამხედრებულმა ედილეიმ. ირგვლივ მდუმარე ტრამალი გაჭიმულიყო. მწუხრის ჩრდილი უკვე შემოჰპარვოდა მალაყუმდიჩალის წითელქვიშოვან ფლატეებს. რა ხანია თვალს მოეფარნენ ტრაქტორები, აღარც მათი ხმა ისმოდა. წაგრილდნენ ახალგაზრდები. უკანასკნელი, ვინც იცოდა და ვისაც ახსოვდა სარობეჟული თქმულება - ახლა ხრამის მიწაში წევს, ახლახან გათხრილ სამარეში, ამ თვალუწვდენელ ტრამალზე. ნელ-ნელა ჩაიწევა, ალბათ საფლავის ბორცვი, ჩაიჭყლიტება, სარობეჟის აბზინდის ფერს შეერევა და მერე ძნელად, ან იქნებ სულაც ვეღარ გაარჩიოს კაცმა ყაზანგაპის საფლავი, ასეც უნდა იყოს - ყველას ინელებს მიწა. ვერავინ ასცდება მიწას..

აივსო, დამძიმდა მზე დღის მიწურულს, თავისივე სიმძიმემ ნელ-ნელა დასწია დასალიერისაკენ. წამისწამ ფერს იცვლიდა ჩამავალი მნათობი. დაისის წიაღში თვალშეუსწრებლად იბადე-

ბოდა ბნელი, მზით გაცისკროვნებულ სივრცეს ნელა ავსებდა ლურჯი ღიმლამი.

ბევრი ფიქრის შემდეგ გადაწყვიტა ბურანელმა ედიღეიმ ისევ ზონაში დაბრუნებულიყო, შლაგბაუმთან. სხვა ვერაფერი მოიფიქრა. ახლა, როცა ყაზანგაპი დაასაფლავა, უკვე აღარაფერი უბორკავდა ხელებს და ამიტომაც შეეძლო იმდენად დაყრდნობოდა თავს, რამდენადაც ბუნების მიერ მის წილად გამომეტებული ძალა და გამოცდილება ეყოფოდა, შეეძლო თავის ნება-სურვილზე ემოქმედა, როგორც საჭიროდ ჩათვლიდა. პირველ ყოვლისა იმისათვის უნდა მიეღნია, რომ საყარაულო რაზმი აეძულებინა თუნდაც ბადრაგის თანხლებით ედიღეი მთლად უფროსთან მიეყვანა, ან თვითონ უფროსი მოსულიყო მანქანით შლაგბაუმთან და ბურანელი ედიღეისთვის მოესმინა. მაშინ ედიღეი პირში ეტყოდა ყველაფერს...

ასე გადაწყვიტა ბურანელმა ედიღეიმ დიდი ფიქრის შემდეგ, გადაწყვიტა დაუყოვნებლივ ემოქმედა, უბრალო საბაბად კი ყაზანგაპის დასაფლავების სავალალო შემთხვევა გამოეყენებინა. მტკიცედ ჰქონდა განზრახული შლაგბაუმთან ან საშვი ანდა უფროსთან შეხვედრა მოეთხოვა ჯიუტად, გუშაგებისთვის ცხადი გაეხადა, რომ მანამდე არ მოეშვებოდა, ვინემ ვილაც თანსიქბაევი კი არა, ყველაზე უფროსი არ მოუსმენდა...

ამ გადაწყვეტილებამ გაამხნევა ედიღეი.

- თაუბაქელ! თუ ძაღლს პატრონი ჰყავს, მგელს ღმერთი შეეწევა! - თქვა მან, ყარანარს ქუსლი ჰკრა და შლაგბაუმისკენ გაემართა.

ამასობაში მზე ჩავიდა, სწრაფად ჩამობნელდა. ზონას რომ მიუახლოვდა, უკვე სავსებით ბნელოდა. შლაგბაუმიდან ნახევარ კილომეტრზე იყო, როცა საგუშაგო ფანრების სინათლე დაინახა. აქ ჩამოქვეითდა ედიღეი, უნაგირიდან ჩამოვიდა. აქლემი

ამისთანა საქმის დროს არაფერი საჭირო იყო. რატომ უნდა დაეზოგა ხელ-ფეხი? ვაცმა არ იცის, უფროსი რა ვაცი იქნება, ხომ შეიძლება არც ალაპარაკოს: „აქე- დან მოწყდი შენი აქლემი- ანად. ვინ ხარ, საიდან მოხვედი! არ მიგიღებ და მორჩა“, - კაბინეტში არც შეუშვას. რა იცი, რით დამთავრდება მისი ეს წამოწყება, დიდხანს მოუხდება თუ არა ცდა. ისე რომ სჯობს ფეხით მივიდეს, ყარანარი კი დაბორკილი დატოვოს ტრამალში, იდგეს და ძოვოს თავისთვის.

- შენ აქ მომიცადე, მე კი წავალ და ვცდი, რა გამოვა, - წაიბუტბუტა ან ყარანარის გასაგონად, თუმცა უფრო თავისი თავის გასამხნეველად. აქლემი კი მაინც დაანვინა მიწაზე, ხურჯინიდან ხომ უნდა ამოელო ფალმანდი და გაემზადებინა. ვინემ ედილეი ამ სიბნელეში ფალმანდის გახსნაზე ცოდვილობდა, ირგვლივ ისეთი სიჩუმე, ისეთი უსაზმნო მდუმარება იდგა, საკუთარი სუნთქვა და რაღაც მწერების წრიბინ-ბზუილი ესმოდა ედილეის. მოკრიალებულ ცაზე უეცრივ და ერთბაშად გამოიშალა ურიცხვი და უთვალავი ვარსკვლავი. მიდამო თითქოს რაღაცის მოლოდინში გაყურსულიყო... სარობეჩის მდუმარებას მიჩვეული ჟოლბარსიც კი რაღაც დაძახული ჩანდა, რატომღაც წკმუტუნებდა. ნეტა რა არ მოეწონა ამ სიჩუმისა?

- შენ აქ ფეხებში ნუ მებლანდები! - უკმაყოფილოდ უთხრა პატრონმა. ძაღლს რა უყოს ახლა? ფალმანდს ატრიალებდა და ფიქრობდა, ძაღლისათვის რა ექნა. ცხადია, ძაღლი არ მოშორდება. გაავდოს - მაინც არ წავა. ძაღლთან ერთად კი სათხოვრით მისვლა ვერაფერი დარბაისლური საქციელია, თუ ხმამალა არ იტყვიან, გულში მაინც გაიციინებენ: ვაცი აგერ სიმართლის დასაცავად მოვიდა და ძაღლის მეტი არაფერ ახლავსო. არა, სჯობს უძაღლოდ მოვიდეს, ძაღლს კი გრძელი ღვედით აქლემის აკაზმულობას მიაბამს. დაე, პატრონის მოსვლამდე

ორივე ერთად იყოს. ამიტომაც დაუძახა ძაღლს: „ჟოლბარს! ქოლბარს! აქ მო!“ და ძაღლისთვის ღვედის ჩამოსაცმელად დაიხარა. იმავე წუთს რაღაც მოხდა ჰაერში, რაღაც დაიძრა სივრცეში, თანდათან მომძლავრებული ვულკანისებური გრგვინვით. სულ ახლოს, საღვალად იქვე. კოსმოდრომის ზონაში. ჰაერში სვეტივით აიჭრა ცეცხლის მრისხანე ალი. ბურანელი ედიღეი შიშით უკან გახტა, აქლემი ბლავილით წამოიჭრა ზეზე... შეშინებული ძაღლი ფეხებში შეუვარდა პატრონს.

ეს იყო ტრანსკოსმიურ გადამლობავ ოპერაცია „სალტეს“ ცად აჭრილი პირველი საბრძოლო რაკეტა-რობოტი. საროზექში ზუსტად საღამოს რვა საათი იყო. პირველ რაკეტას კვალდაკვალ მეორეც მიჰყვა, შემდეგ მესამე, კიდევ და კიდევ... რაკეტები შორეულ კოსმოსში მიფრინავდნენ დედამიწის ირგვლივ მუდმივად მოქმედი კორდონის შესაქმნელად, რათა მიწიურ საქმეებში არა შეცვლილიყო რა, რათა ყველაფერი ისევ ისე დარჩენილიყო.

ცა ინგრეოდა, ცა განეხვნა აბრიალებულ ცეცხლსა და კვამლს... ადამიანი, აქლემი და ძაღლი - ეს მარტივი, შიშით გონდაკარგული არსებანი უკან გაცვივდნენ, თავზარდაცემულნი ერთად გაიქცნენ ცეცხლის ვეება კლით დაუნდობლად განათებულ ტრამალზე, ერთმანეთთან დაშორებისა ეშინოდათ. მაგრამ ეს მაინც ადგილზე სირბილი იყო, ვინაიდან ყოველი ახალი აფეთქება თავფეხიანად ცეცხლის ალსა და გამაყრუებელ გრგვინვაში ახვევდათ...

ისინი კი, ადამიანი, აქლემი და ძაღლი უკან მოუხედავად მირბოდნენ და მირბოდნენ. ანაზდად ისე მოეჩვენა ედიღეის, რომ მის გვერდით, საიდან სადაო, თეთრი ჩიტი მოფრინავს, ის თეთრი ჩიტი, ოდესღაც მანქურთი შვილის მშვილდისრით განგმირული, უნაგირიდან ჩამოსცურებულ ნაიმან-ანას თეთრი მან-

დილი რომ იქცა, მოფრინავს და იმ გრიალსა და წარღვნაში ჩასძახის:

- ვისი ხარ? რა გქვია? გაიხსენე შენი სახელი! მამაშენი დონენბაია, დონენბაი, დონენბაი, დონენბაი, დონენბაი, დონენბაი...

კიდევ დიდხანს, დიდხანს ისმოდა ჩიტის ეს მოძახილი ირგვლივ შემოჭარულ სიბნელეში...

რამდენიმე დღის შემდეგ ყიზილ-ორდიდან ბორანლი-ბურანის ასაქცევზე ედიღეის ორივე ასული ჩამოვიდა ქმარშვილიანად. დეპეშა მიეღოთ სარობეჩის ბერი ყაზანგაპის სიკვდილის გამო და მის მოსახსენიებლად, თავიანთი მწუხარების დასადასტურებლად ჩამოსულიყვნენ. თან ერთ-ორ დღეს მშობლებთანაც დარჩებოდნენ. ზოგი ჭირი მარგებელიაო, ხომ უთქვამს ხალხს.

როცა ჩამოსულები ედიღეის ზღურბლს ჯგროდ მიადგნენ, მამა შინ არ დახვდათ, უქუბალა შემოეგებათ მხოლოდ, ტირილით გადაეხვია შვილებს, ცას დაენია შვილიშვილების ნახვის სიხარულით.

- დიდად მადლობელი ვარ შენი, ღმერთო! რა კარგია, რომ ჩა- მოხვედთ. მამას როგორ გაეხარდება, ყველა რომ ერთად ჩამოდით!

- მამა სადღაა? - ჰკითხა შარათათმა.

- საღამოს დაბრუნდება. დილით გაემგზავრა საფოსტო ყუთში, იქაურ უფროსობასთან. სულ რაღაც საქმეები აქვს იქა! მერე გიამბობთ. კი მაგრამ, რას დგახართ? ეს ხომ თქვენი სახლია.

მატარებლები ამ მხარეში კვლავ დასავლეთიდან აღმოსავლეთით, ხოლო აღმოსავლეთიდან დასავლეთით მიგრაციებს განიცდიან...

რკინიგზის გაღმა-გამოღმა ვეებერთელა უკაცრიელი სივრცე - სარი-ოზეცი გადაჭიმულიყო, ყვითელ ტრამალთა შუაგულ მინები.